

Lipoti a le PULE MA SUE'TUSI SILI i le FONO AOAO FAITULAFONO

**LIPOTI I LUGA O GALUEGA A LE OFISA SUE'TUSI SILI SAMOA
mo le tausaga faaletupe 1 Iulai 2014 – 30 Iuni 2015**

Telefoni: 27751
Fesi: 24167
Imeli: info@audit.gov.ws

**P.O.Box 13
APIA, SAMOA**

*Ia faatuatusi tusitusiga uma i le:
Pule ma Suetusi Sili*



OFISA SUETUSI

22 Tesema 2016

Afioga Toleafoa Fa'afisi,
Afioga i le Fofoga Fetalai,
Fono Aoao Faitulafono,
Malo Tutoatasi o Samoa

Lau Afioga i le Fofoga Fetalai,

Lipoti i le Palemene i luga o Galuega a le Ofisa Suetusi mo Iulai 2014 – Iuni 2015.

I le usitaia ai o le Mataupu 98 o le Faavae o le Malo Tutoatasi o Samoa 1960, ma le Vaega 42 o le Tulafono o le Sueina o Tusi 2013, ua ou tuuina atu nei ma le faaaloalo tele i lau Afioga, mo le faataatiaina i luga o le laulau a fono a le Palemene i lana fonotaga o lumanai nei, la'u Lipoti i luga o Galuega a le Ofisa Suetusi, mo le vaitaimi o Iulai 2014 e oo atu ia Iuni 2015.

Ma le faaaloalo,


Fuimaono Papalii C. G. Afele
PULE MA SUETUSI SILI

Faasologa o Mataupu

UPU TOMUA.....	1
OTOOTOGA A LE PULEGA MA ITU AUPITO TAUUA O LE LIPOTI.....	2
SUIGA I LE OFISA MA AUALA E PULEA AI TAGATA FAIGALUEGA	10
FAAMATALAGA O TUPE FAALETAUSAGA	11
SINI O FAATINOAGA A LE OFISA MA TAUNUUGA.....	12
Sueina o Tusi ma i si Galuega.....	16
1. Faamatalaga o Tupe a le Malo, Kuata, Suega tusi o pili ae lei totogiina, ma Faatau tui	18
1.1 Faamatalaga o Tupe a le Malo 30 Iuni 2014	18
1.2 Ripoti mai suegatusi o siaki ma tupe faaalu, ae lei totogiina i le masina o Iulai – Tesema 2014.....	24
1.3 Ripoti mai suegatusi o siaki ma tupe faaalu, ae lei totogiina i le masina o Ianuari – Iuni 2014.....	25
1.4 Tala o le Tupe faalekuata mo le piliota 1 Iulai 2012 – 31 Mati 2013	27
1.5 Tala o le tupe o le kuata 1 Iulai 2013 – 30 Setema 2013.....	28
1.6 Tala o le tupe o le kuata 1 Oketopa 2013 – 31 Tesema 2013	29
1.7 Tala o le tupe o le kuata 1 Ianuari 2014 – 31 Mati 2014.....	30
1.8. Faatauga o Oloa aso 8 Mati 2014 i Vaimea.....	31
1.9. Faatauga o Taavale a le Malo i Vaimea – 29 Iulai 2014	32
1.10. Faatauga o Oloa mo Taavale ua tusi esea – 18 Setema 2014	33
2. SUEINA O TUSI O MATAGALUEGA	34
2.1 Matagaluega o Fa’atoaga ma Faigafaiva vaitaimi na su’eina 1 Mati 2014-31 Me 2014.....	34
2.2 Matagaluega o Fa’atoaga ma Faigafaiva mo le tausaga fa’aletupe na fa’ai’uina i le aso 30 Iuni 2014	35
2.3 Ofisa o le Loia Sili vaitaimi na su’eina 1 Novema 2013-31 Ianuari 2014.....	37
2.4 Ofisa o le Loia Sili mo le tausaga fa’aletupe na fa’ai’uina i le aso 30 Iuni 2014	38
2.5 Matagaluega o Pisinisi, Alamanuia ma Leipa vaitaimi na su’eina 1 Novema 2013-31 Ianuari 2014	39
2.6 Matagaluega o Pisinisi, Alamanuia ma Leipa mo le tausaga fa’aletupe na fa’ai’uina i le aso 30 Iuni 2014.....	40
2.7 Matagaluega o Feso’otaiga ma Fa’amatalaga Fa’atekonolosi - 1 Ianuari 2014 – 31 Mati 2014.....	41
2.8 Matagaluega o Feso’otaiga ma Fa’amatalaga Fa’atekonolosi mo le tausaga fa’aletupe 30 Iuni 2014.....	42
2.9 Matagaluega o Aoga, Ta’aloga ma Aganuu 1 Novema 2013 – 31 Ianuari 2014	43
2.10 Matagaluega o Aoga, Ta’aloga ma Aganuu mo le tausaga fa’aletupe na fa’ai’uina i le aso 30 Iuni 2014	45
2.11 Ofisa o le Komesina o Faiga Palota 1 Iulai 2013 – 31 Tesema 2013	46
2.12 Ofisa o le Komesina o Faiga Palota mo le tausaga fa’aletupe na fa’ai’uina i le aso 30 Iuni 2014	47
2.13 Matagaluega o Tupe mo le tausaga fa’aletupe na fa’ai’uina i le aso 30 Iuni 2014	48
2.14 Matagaluega o le Va-i-Fafo ma Fefa’atauaiga 1 Novema 2013 – 31 Ianuari 2014	49
2.15 Matagaluega o le Va-i-Fafo ma Fefa’atauaiga mo le tausaga faaletupe faaiiuna 30 Iuni 2014	50
2.16 Matagaluega o Soifua Maloloina mo le vaitaimi 1 Ianuari 2014 - 31 Mati 2014	51

2.17	Matagaluega o Soifua Maloloina mo le tausaga faaletupe faaiuina 30 Iuni 2014	52
2.18	Matagaluega o Fa'amasinoga ma le Fa'afoeina o tulaga tau Fa'amasinoga 1 Tesema 2013 – 28 Febuari 2014 ..	53
2.19	Matagaluega o Fa'amasinoga ma le Fa'afoeina o tulaga tau Fa'amasinoga mo le tausaga 30 Iuni 2014	55
2.20	Ofisa o le Fono Aoao Faitulafono mo le vaitaimi 1 Novema 2013 – 31 Ianuari 2014	58
2.21	Ofisa o le Fono Aoao Faitulafono mo le tausaga faaletupe faaiuina 30 Iuni 2014.....	59
2.22	Matagaluega o Punaoa Fa'ale natura ma le Siosiomaga mo le vaitaimi 1 Febuari – 30 Aperila 2014.....	60
2.23	Matagaluega o Punaoa Fa'ale natura ma le Siosiomaga mo le tausaga faaletupe faaiuina 30 Iuni 2014	62
2.24	Komesina o Sulufaiga mo le vaitaimi 1 Tesema 2013 – 28 Febuari 2014	65
2.25	Komesina o Sulufaiga mo le tausaga faaletupe na faaiuina 30 Iuni 2014	66
2.26	Matagaluega o Leoleo 1 Tesema 2013 – 28 Febuari 2014.....	67
2.27	Matagaluega o Leoleo—mo le tausaga faaletupe na faaiuina 30 Iuni 2014	68
2.28	Matagaluega o le Palemia ma le Kapeneta mo le tausaga faaletupe na faaiuina 30 Iuni 2014.....	70
2.29	Komisi e Pulea Tagata Faigaluega a le Malo 1 Mati 2014 – 31 Me 2014	71
2.30	Komisi e Pulea Tagata Faigaluega a le Malo mo le tausaga faaletupe na faaiuina 30 Iuni 2014	72
2.31	Matagaluega o Tupe Maua 1 Novema 2013 – 31 Mati 2014.....	73
2.32	Matagaluega o Tupe Maua 26 Iuni 2014	75
2.33	Matagaluega o Tupe mo le tausaga faaletupe na faaiuina 30 Iuni 2014	76
2.34	Ofisa o Fuainumera Faamauina 1 Tesema 2013 – 28 Febuari 2014	78
2.35	Ofisa o Fuainumera Faamauina mo le tausaga faaletupe na faaiuina 30 Iuni 2014	79
2.36	Komisi mo le Toe Iloiloina o Tulafono a Samoa 1 Tesema 2013 – 28 Febuari 2014	80
2.37	Komisi mo le Toe Iloiloina o Tulafono a Samoa mo tausaga faaletupe 30 Iuni 2012 ma 30 Iuni 2013.....	81
2.38	Komisi mo le Toe Iloiloina o Tulafono a Samoa mo le tausaga faaletupe na faaiuina 30 Iuni 2014	83
2.39	Matagaluega o Tina ma Tamaitai, Atinae o Nu'u, Afioaga ma Aga Fesootai 1 Febuari – 30 Aperila 2014	84
2.40	Matagaluega o Tina ma Tamaitai, Atinae o Nu'u, Afioaga ma Aga Fesootai mo le tausaga 30 Iuni 2014.....	85
2.41	Matagaluega o Galuega, Felauaiga ma Atinae Eseese 1 Febuari 2014 – 30 Aperila 2014.....	86
2.42	Matagaluega o Galuega, Felauaiga ma Atinae Eseese mo le tausaga faaletupe na faaiuina 30 Iuni 2014.....	87
3.	SUEGA O TUSI I OFISA O LE MALO I ATUNUU I FAFO	88
3.1	Ofisa Konesula i Amerika Samoa.....	88
4.	SUESUEGA MO FAALAPOTOPOTOGA TUMAOTI A LE MALO	89
4.1	Sailiga le fa'ailoaina i Faalapotopotoga Tuma'oti a le malo, Ianuari 2014.....	89
4.2	Faalapotopotoga o Taui mo Faalavelave Faafuase'i a Samoa, Suesuega Faafuase'i: 31 Mati 2015	90
4.3	Faalapotopotoga o Taui mo Faalavelave Faafuase'i a Samoa mo le tausaga faaletupe 30 Iuni 2013	94
4.4	Faalapotopotoga o Taui mo Faalavelave Faafuase'i a Samoa mo le tausaga faaletupe 30 Iuni 2014	95
4.5	Faleoloa o Faatoaga mo le tausaga faaletupe na faaiuina 30 Iuni 2012	97
4.6	Faleoloa o Faatoaga mo le tausaga faaletupe na faaiuina 30 Iuni 2013	98
4.7	Faleoloa o Faatoaga mo le tausaga faaletupe na faaiuina 30 Iuni 2014.....	99

4.8	Faletupe Tutotonu o Samoa mo le tausaga faaletupe na faaiuina 30 Iuni 2014	100
4.9	Faletupe o Atinae o Samoa, tausaga fa'aleupe na faaiuina 30 Iuni 2013	101
4.10	Faletupe o Atinae o Samoa, i le tausaga fa'aleupe na faaiuina 30 Iuni 2014	103
4.11	Faalapotopotoga Malosi Faaeletise Suesuega Faavaitaimi mo le piriota 1 Iulai 2014 – 28 Febuari 2015.....	105
4.12	Faalapotopotoga Malosi Faaeletise, mo le tausaga faaletupe na faaiuina 30 Iuni 2014	108
4.13	Pulega o Fela'uiga i le Laueleele Lipoti faaletausaga faaiuina 30 Iuni 2014.....	112
4.14	Faalapotopotoga Faavae tau Fatuga'o, Suesuega Faavaitaimi mo le piriota 1 Iulai 2013 – 31 Ianuari 2014	114
4.15	Faalapotopotoga Faavae tau Fatuga'o, mo le tausaga faaletupe na faaiuina 30 Iuni 2014	115
4.16	Le Iunivesite Aoao o Samoa, mo le tausaga na faaiuina 30 Iuni 2014	117
4.17	Iunivesite Faafomai a le Oceania Suesuega Faavaitaimi mo le piriota 1 Iulai 2013 – 31 Ianuari 2014.....	118
4.18	Ofisa o le Pule Faatonu, mo le tausaga na faaiuina 30 Iuni 2013	119
4.19	Polenisia – Asiasiga mo le faitauga o tupe na faatino 21 Ianuari 2014.....	120
4.20	Ofisa Tausi Mavaega, Suesuega Faavaitaimi mo le piriota 1 Iulai 2013 – 31 Tesema 2013.....	121
4.21	Ofisa Tausi Mavaega mo le tausaga faaletupe na faaiuina 30 Iuni 2013	122
4.22	Ofisa Tausi Mavaega mo le tausaga faaletupe na faaiuina 30 Iuni 2014	123
4.23	Pulega o Malae Vaalele a Samoa mo le tausaga faaletupe na faaiuina 30 Iuni 2013	124
4.24	Pulega o Malae Vaalele a Samoa mo le tausaga faaletupe na faaiuina 30 Iuni 2014	126
4.25	Pulega o Malae Vaalele a Samoa Suesuega Faavaitaimi mo le piriota 1 Iulai 2014 – 31 Ianuari 2015.....	129
4.26	Pulega o Tinei Mu ma Faalavelave Faafuase'i mo le tausaga faaletupe na faai'uina 30 Iuni 2013.	132
4.27	Pulega o Tinei Mu ma Faalavelave Faafuase'i Sueusega Faafuasei mo le piriota 1 Iulai 2013 – 31 Ianuari 2014	134
4.28	Pulega o Tinei Mū ma Faalavelave Faafuase'i mo le tausaga faaletupe na faaiuina i le 30 Iuni 2014.....	136
4.29	Faalapotopotoga o Fale a Samoa mo le tausaga faaletupe na faaiuina i le Aso 30 Iuni 2014	137
4.30	Pulega o Tupe Faa-va-o-malo a Samoa mo le tausaga faaletupe na faaiuina 30 Iuni 2014.....	138
4.31	Faalapotopotoga o Eleele a Samoa mo le tausaga faaletupe na faaiuina 30 Iuni 2013.....	140
4.32	Faalapotopotoga o Eleele a Samoa mo le tausaga faaletupe na faaiuina i le 30 Iuni 2014.	142
4.33	Faalapotopotoga Inisiua Tau Soifua a Samoa mo le tausaga faaletupe na faai'uina 30 Iuni 2013	144
4.34	Faalapotopotoga o Inisiua Tau Soifua a Samoa mo le tausaga faaletupe na faai'uina 30 Iuni 2014	145
4.35	Fa'aputugatupe mo le Lumana'i Manuia o Samoa mo le tausaga faaletupe na faaiuina 30 Iuni 2013	147
4.36	Fa'aputugatupe mo le Lumana'i Manuia o Samoa mo le tausaga faaletupe na faaiuina 30 Iuni 2014	148
4.37	Tupe Faaalu mo le Faagaoioiga o le Fale o Faaputugatupe mo le Lumanai Manuia o Tagata 30 Iuni 2013.....	149
4.38	Tupe Faaalu mo le Faagaoioiga o le Fale o Faaputugatupe mo le Lumanai Manuia o Tagata 30 Iuni 2014.....	150
4.39	Fa'aputugatupe mo Faamanuiaga Tagatanu'u Matutua o Samoa mo le tausaga 30 Iuni 2013	151
4.40	Fa'aputugatupe mo Faamanuiaga Tagatanu'u Matutua o Samoa mo le tausaga 30 Iuni 2014.....	152
4.41	Penisione mo Sui o le Palemene mo le tausaga faaletupe na faaiuina 30 Iuni 2013.....	153
4.42	Penisione mo Sui o le Palemene mo le tausaga faaletupe na faaiuina 30 Iuni 2014.....	154
4.43	Pulega o Taulaga o Samoa mo le tausaga faaletupe na fa'aiuina 30 Iuni 2014.	155

4.44	Falemeli a Samoa mo le tausaga faaletupe na fa'aiuina 30 Iuni 2012	158
4.45	Falemeli a Samoa mo le tausaga faaletupe na fa'aiuina 30 Iuni 2013	160
4.46	Falemeli a Samoa mo le tausaga faaletupe na faaiuina 30 Iuni 2014.	162
4.47	Falemeli a Samoa Suesuega Fa'afuasei mo le piriota 1 Iulai 2014-28 Fepuari 2015.....	164
4.48	Pulega o Fa'aailoga ma Tusipasi Taualoa a Samoa Suesuega Faafuasei - 1 Iulai 2012 – 31 Mati 2013	168
4.49	Fa'alapotopotoga o Vaa a Samoa mo le tausaga fa'aleupe na fa'aiuina 30 Iuni 2013	169
4.50	Fa'alapotopotoga o Vaa a Samoa mo le tausaga fa'aleupe na fa'aiuina 30 Iuni 2014.	175
4.51	Fa'alapotopotoga Vaa a Samoa Suesuega Faafuasei mo le piriota 1 Iulai 2014 –31 Ianuari 2015	177
4.52	Auaunaga o Vaa a Samoa mo le tausaga fa'aleupe na fa'aiuina 30 Iuni 2012.....	182
4.53	Pulega o Fale ma Malae Taalo a Samoa mo le tausaga faaletupe na faaiuina 30 Iuni 2013.....	183
4.54	Pulega o Fale ma Malae Taalo a Samoa mo le tausaga faaletupe na faaiuina 30 Iuni 2014.....	184
4.55	O Lala o Taaloga tau Petipetiga (Sportslotto) Suesuega Fa'afuasei sa faatinoina Me - Iuni 2013.....	185
4.56	O Lala o Taaloga tau Petipetiga (Sportslotto) Suesuega mo le tausaga faaletupe na faaiuina 30 Iuni 2014.....	187
4.57	Pulega o Tagata Tafafao Maimoa mai Fafo mo le tausaga faaletupe na fa'aiuina 30 Iuni 2013	191
4.58	Pulega o Tagata Tafafao Maimoa mai Fafo Suesuega Faavaitaimi mo le piriota 1 Iulai 2013 – 31 Mati 2014....	192
4.59	Pulega o Tagata Tafafao Maimoa mai Fafo mo le tausaga faaletupe na faaiuina 30 Iuni 2014	194
4.60	Fa'alapotopotoga o Esetete Tausi a Samoa mo le tausaga fa'aleupe na fa'aiuina 30 Iuni 2012.....	195
4.61	Faalapotopotoga o Esetete Tausi a Samoa - Suesuega Faafuasei - 23 Aperila 2013	196
4.62	Fa'alapotopotoga o Esetete Tausi a Samoa mo le tausaga faaletupe na faaiuina 30 Iuni 2013	197
4.63	Fa'alapotopotoga o Esetete Tausi a Samoa mo le tausaga faaletupe na fa'aiuina 30 Iuni 2014.....	199
4.64	Pulega o Suavai a Samoa mo le tausaga fa'aleupe na faaiuina 30 Iuni 2013	200
4.65	Pulega o le Suavai a Samoa mo le tausaga fa'aleupe na fa'aiuina 30 Iuni 2014.....	202
4.66	Faalapotopotoga o Suesuega Faasaienisi a Samoa mo le vaitaimi 1 Iulai 2014 – 28 Fepuari 2015.....	203
4.67	Pulega o Petipetiga mo le tausaga fa'aleupe na fa'aiuina 30 Iuni 2013	205
4.68	Pulega o Petipetiga mo le tausaga fa'aleupe na fa'aiuina 30 Iuni 2014	206
4.69	Faaputugatupe Teufaafaigaluega o Mavaega Tausi a Samoa mo le vaitaimi o Iulai 2013 – 28 Fepuari 2014.....	207
4.70	Faaputugatupe Teufaafaigaluega o Mavaega Tausi a Samoa mo le tausaga 30 Iuni 2014.....	208
5.	Sueina o tusi o Poloketi	210
5.1	Vaega 2 o le Polokalame tau Aoaoga (ESP1) vaitaimi na sueina: 01 Iulai 2012 – 30 Iuni 2013	210
5.2	Vaega 2 o le Poloketi o Polokalame tau Aoaoga (ESP2) mo le tausaga faaletupe faaiuina 30 Iuni 2014.....	213
5.3	Faalapotopotoga o Malosi Faaletise:Poloketi o le Faalauteleina o Malosiaga Faaletise(PSEP)-30 Iuni 2013..	214
5.4	Poloketi o le faaleleia Atili o Ata Faataitai Tuufaatasia.....	216
5.5	Poloketi o le Tuufaatasia o le Faatumauiina ma le Mataituina o Vaomatua faapea le Tali atu I lamatiaga o le Fesuiaga o le Tau (ICRRFMP).....	217
5.6	Poloketi mo le faaititia o le lē tagolima.....	220
5.7	Poloketi a le Faalapotopotoga o Tagata Ofisa o le Tulafono a atu moto o le Pasefika (PILON).....	221

5.8	Faaleleia o Nofoaga ma Mea e Faaogā a Vaega o le Malo.....	223
5.9	Faaleleia o Nofoaga ma Mea e Faaogā a Vaega o le Malo (PSIF).....	224
5.10	Poloketi mo le Gaosia o le Malosiaga tau Eletise e oo atu le 400 kilo-uati(KwP) e maua mai le Lā	225
5.11	Poloketi mo le Faaleleia Atili o le Tamaoaiga o le Vaega tau Faatoaga	226
5.12	Poloketi o le Faatumauiina o Vaega tau Faatoaga ma Faigafaiva o Samoa e tali atu i Tau Afa (SAFCRP).	227
5.13	Poloketi mo le faatumauiina o le Vaomatua ma Laau toetotoina o Samoa (SATFP)	228
5.14	Poloketi mo Faigapaaga a le Soifua Maloloina i Samoa mo le vaitaimi 1 Setema 2010 i le 31 Tesema 2014	229
5.15	Polokalame mo Aoaoga i totonu o Samoa (SICTP) mo le tausaga faaletupe 30 Iuni 2014.	231
5.16	Pulea o Meatotino mo Atinae o Samoa – Vaega 2 mo le Tausaga faaletupe 30 Iuni 2014	233
5.17	Poloketi mo le Lala o Tulafono ma Amoitonu o Samoa mo le tausaga faaletupe faaiiina 30 Iuni 2014.....	234
5.18	Poloketi mo le fesoasoani i sui o le palemene o Samoa mo le tausaga na faaiiina 31 Tesema 2013.....	235
5.19	Polokalame mo le faatautaiga o le mafai ona faatumauiina o mea mai suiga o le tau- 31 Ianuari 2014	236
5.20	Poloketi mo le toe faaleleia o Samoa i le maea ai o le Tsunami mo le tausaga faaletupe - 30 Iuni 2014	237
5.21	Polokalame Fesoasoani mo Atina’e Turisi i Samoa mo le tausaga faaletupe na faaiiina 30 Iuni 2013.....	238
5.22	Poloketi o Polokalame Faatekonolosi mo Aoaoga lautele i nuu ma afioaga - 30 Iuni 2013	240
5.23	Polokalame mo Fuafuaga i vaega eseese mo le tausaga faaletupe na faaiiina 30 Iuni 2014	241
5.24	Poloketi mo le Fonotaga o Atu Motu Laiti Tauatie mo le piriota 1 Aperila 2013 – 31 Tesema 2014	242
5.25	Poloketi i le Fesoasoani tuuina atu mo le Tusigaigoa a le atunuu aoao 2011 – 31 Tesema 2014	244
5.26	A’oa’oga mo tomai faapitoa faapea matata eseese mo le tausaga faaletupe na faaiiina 30 Iuni 2014	245
6.	SUEINA FAASUETUSI O FAATINOAGA O GALUEGA.....	246
6.1	Sueina faasuetusi o faatinoga o galuega, tausisia ma siosiomaga tau le galuega.....	246
6.2	Sueina Faasuetusi o Faatinoga –Galuega Faatino mo le Aoina ma le Tausiga o Otaota Lafoai 2014	249
6.3	Sueina Faasuetusi o Faatinoga – Tulaga Lelei o le Fa’afoeina o Teuga Tupe Fa’apitoa 2015	256
6.4	Sueina Faasuetusi o Faatinoga – Faafoeina o Aitalafu a le Malo 2014 Matagaluega o Tupe	260
6.5	Sueina Faasuetusi o Faatinoga – Tagata Faigaluega Mai Atunuu I Fafo	268
7.	SUEGATUSI FAAPITOA.....	276
7.1	Ripoti Suetusi Faapitoa:–Toe iloilogia o le faatinoga o fautuaga sa tuuina atu i le vaega o loo gafa ma le faiga o totogi i luga o le polokalame mo le faamauiina o galuega faaletupe a le Malo(Finance One System).2014	276
7.2	SUEGA FAAPITOA - TUPE FAAALU A LE MALO I LE FAAAOGAINA O LE INITANETI: IUNI 2013 – IULAI 2013	286
7.3	Ripoti o le Matagaluega o Tupe Maua(RMS)	290
7.4	Ripoti Suetusi Faapitoa: Faaaogaina o auala faaeletoni e tuuina atu ai lisi o totogi a tagata faigaluega a le Malo i latou fale tupe. (2014).....	300
7.5.	Lipoti Suetusi Faapitoa – Toe tagai totoa i le faaogaina o le polokalame faakomipiuta o le ASYCUDA).	302
7.6.	Suega Faapitoa – SamoaTel Limited (Tagi a le Bluesky Samoa Ltd Mati 2014).....	311
7.7.	Fesoasoani faapitoa e auala mai i ea malulu e faaititia ai le afiaga o suiga o le tau. Aperila 2015.....	312
8.	AOAOGA MA FONOTAGA FAAVA O MALO SA MAFAI ONA AUAI ATU AI LE OFISA.....	318

9. **FILIFILIINA O TAGATA FAIGALUEGA..... 318**

UPU TOMUA

O lau lipoti lona sefulu lenei talu mai le amataga ona uluai tofiaina o au i le faaiuga o Setema 2010. O lenei lipoti i luga o galuega faatino a le Ofisa Suetusi ma o taunuuga o le sueina o tusi ma isi galuega faatino sa faamaea mai ia Iulai 2014 ma Iuni 2015 e aofia ai lipoti o seuga o faamatalaga o tupe a le Malo 2014. O lo o iai foi isi galuega faatino sa faamaea i totonu o le piriota o le lipoti ae e le i lipotiina i le taimi ua te'a i lipoti talafeagai i le Palemene. E ese se lipoti o loo auiliili atu ai tulaga faaletonu sa iai, po o lipoti o faaletonu na faailoa ma tuuina mai i le Ofisa Suetusi i le piriota(2014/2015) o lenei lipoti.

O le tausaga lenei ua faamauina ai le tele o galuega faasuetusi na faatinoina faapea ai ma isi galuega ma suiga mo le faaleleia o galuega faatino na faatautaia ai. O suiga mo le faaleleia o le auaunaga ma isi galuega sa faatautaia ua taua e aofia ai:

1. Talimalo ma le avea o le Pule ma Suetusi ma le Taitaifono mo le Fonotaga lona 11 a le Komiti Faatonu a le Faalapotopotoga a Ofisa Suetusi a le Pasefika sa faia ia Aukuso 2014
2. Talimalo ma le avea ai o le Pule ma Suetusi ma le Taitaifono mo le Fonotaga lona 17 a le Faalapotopotoga a Ofisa Suetusi a le Pasefika sa faia ia Aukuso 2014
3. Auai atu o le sili atu ma le 90% o le aufaigaluega a le Ofisa Suetusi e lagolagoina ma fesoasoani i le Fonotaga lona 3 mo Atu Motu Laiti
4. Taitaia o le aumalaga mai Ofisa Suetusi a le Pasefika e talia aloaia se valaaulia mai le Ofisa Suetusi a le Malo o Saina ma feutagai ai se fesoasoani mo se polokalame e auai atu ai sui o Ofisa Suetusi a le Pasefika mo aoaoga maua luga i le Iunivesite mo le Sueina o tusi i Saina
5. Toe fetuunaiga o avanoa faigaluega a le Ofisa Suetusi
6. Iloiloga ma le faatautaia o Fuafuaga Alualu Mamao a le Ofisa Suetusi Iulai 2014 – Iuni 2024
7. Aloaia o fuafuaga e mata'itu ai galuega faatino a le aufaigaluega mo le piriota Ianuari 2015 – Iuni 2016 (18 masina) e ese mai i fuafuaga masani a le Ofisa o le Komisi mo le aufaigaluega a le Malo
8. Lagolagosua i le Taitaifono o le Faalapotopotoga a Ofisa Suetusi a le Pasefika mo le tofiaina o se Pule Sili ma le aufaigaluega mo le ofisa autu o le Faalapotopotoga
9. Fa'aaauina o aoaoga mo le aufaigaluega e 17 e aofia ai ma le Pule ma Suetusi Sili, ua faamaonia i tomai tau suesuega mo faiga faagaoi ma auala pi'opi'o
10. Faataunuuna o le uluai fuafuaga mo galuega faatino mo le 6 masina na faaiuina 30 Iuni 2015 mo le piriota atoa e 18 masina


Fuimaono Papalii C. G. Afele
PULE MA SUETUSI SILI

OTOOTOGA A LE PULEGA MA ITU AUPITO TAU A O LE LIPOTI

O le tele o galuega sa faatino i le vaitaimi o lenei lipoti e faasino i taumafaiga a le Ofisa Suetusi e fa'amae'a galuega, suega ma lipoti tuua. I le faaiuga o le tausaga faaletupe 30 Iuni 2015, e onosefulu ma le ono (166) galuega sa maea ona faatino ma ua lipotiina pea faatusatusa i le ono sefulu (60) galuega i tausaga faaletupe na faaiuina i le 30 Iuni 2009 ma le 30 Iuni 2010 mai le amataga o le tuulataina mai o galuega tuua, ma o se faasiliga maoae lea ua faamauina.

Talimalo ma le avea o le Pule ma Suetusi ma le Taitaifono mo le Fonotaga Iona 11 a le Komiti Faatonu a le Faalapotopotoga a Ofisa Suetusi a le Pasefika sa faia ia Aukuso 2014

Na talimalo le Pule ma Suetusi Sili ma le Ofisa Suetusi i le Fonotaga Iona 11 a le Komiti Faatonu a le Faalapotopotoga a Ofisa Suetusi a le Pasefika ma le Fonotaga Iona 17 a le Faalapotopotoga a Ofisa Suetusi a le Pasefika. Sa tofia le Pule ma Suetusi Sili e avea ma Taitaifono o le Komiti Faatonu seia oo i le isi fonotaga e usuia i Vanuatu i le tausaga 2015, e tusa ma Faiga Faavae ma Taiala a le Faalapotopotoga a Ofisa Suetusi a le Pasefika. Na suia e le Pule ma Suetusi Sili le tofi o le Taitaifono mai le Suetusi Sili a le Malo o Guam lea sa umia lea tofi mai i le 2013.

O itu taua na talanoaina i le Fonotaga Iona 11 a le Komiti Faatonu a le Faalapotopotoga a Ofisa Suetusi a le Pasefika ma le Fonotaga Iona 17 a le Faalapotopotoga a Ofisa Suetusi a le Pasefika e aofia ai:

1. Le faatinoina o iloiloga mo le Ofisa Autu o le Faalapotopotoga
2. Faatinoina o galuega faasuetusi felagolagoai ma polokalame faaleaoaoga mo le siitia o le tomai i totonu o Ofisa Suetusi o le Pasefika
3. Auiliiliga o lipoti a le Komiti o le Faalapotopotoga o Ofisa Suetusi a le Lalolagi
4. Resitala o tulaga lamatia mo le Faalapotopotoga a Ofisa Suetusi o le Pasefika
5. Taiala mo Fuafuaga Alualu Mamao mo le vaitaimi 2014 – 2024 a le Faalapotopotoga a Ofisa Suetusi o le Pasefika
6. Fuafuaga tauave mo le atinaeina o Ofisa Suetusi a le Pasefika ma ona taunuuga
7. Polokalame Faa-va-o-Malo mo le taasisia o taiala mo le suega o tusi

Auai atu o le sili atu ma le 90% o le aufaigaluega a le Ofisa Suetusi e lagolagoina ma fesoasoani i le Fonotaga Iona 3 mo Atu Motu Laiti

Na auai atu le Ofisa Suetusi faatasi ai ma isi aufaigaluega a le Malo i le taligamalo sa feagai ma le Malo ma le atunuu o Samoa mo le Fonotaga Iona 3 mo Atu Motu Laiti. O le 90% o le aufaigaluega sa fesoasoani ma lagolago i lea tulaga.

Sa faamauina foi le maua mai o ni faafetai faapitoa mo se tautua maoae ma mataalia a nisi o le aufaigaluega a le Ofisa Suetusi na tuuina mai i nisi o malo sa latou tautua iai.

Taitaia o le aumalaga mai Ofisa Suetusi a le Pasefika e talia aloaia se valaaulia mai le Ofisa Suetusi a le Malo o Saina ma feutagai ai se fesoasoani mo se polokalame e auai atu ai sui o Ofisa Suetusi a le Pasefika mo aoaoga mauiluga i le Iunivesite mo le Sueina o tusi i Saina

Na amata ia Aukuso 2014 i le maea ai o le fonotaga na talimalo ai le Pule ma Suetusi Sili ma le Ofisa Suetusi feutanaiga ma faatalatalanoaga ma le Ofisa Suetusi a le Malo o Saina mo se valaaulia mo Ofisa Suetusi o le Pasefika i se Semina e faia i Saina.

Sa taitaia e le Pule ma Suetusi Sili ma o ia foi o le Taitaifono mo le Komiti Faatonu o le Faalapotopotoga a Ofisa Suetusi o le Pasefika i lea taimi, le aumalaga na malaga atu i le Malo o Saina e talia aloaia le valaaulia mai le Suetusi Sili ma le Ofisa Suetusi a le Malo o Saina mo se semina na latou faatautaia. O lenei aumalaga na auai ai sui mai Ofisa Suetusi mai Samoa, Papua Niu Kini, Fiti, Kiripati, Atu Kuki, Atu Malasala, Solomona, Toga ma Vanuatu.

O lenei semina sa tulituliloa ai ni avanoa e faalautele ai le malamalama o sui sinia o Ofisa Suetusi o le Atu Pasefika. Sa faasoa manatu o e na auai i lea semina i luga o nisi o galeuga faasuetusi atoa ai ma nisi o luitau o feagai ai ma Ofisa Suetusi atoa ai ma auala e foia ai nei luitau ma faafitauli aua le alualu i luma ma siitia le tulaga o Ofisa Suetusi taitasi. "O le Faatinoga o le Suega o Tusi ina ia siitia ai pulega lelei a Malo" o le sini autu lea mo lea semina. O nisi mataupu na talanoaina e aofia ai faagasologa o galuega faasuetusi a le Malo o Saina ma sa maua foi le avanoa e auai ma mata'itu le faatinoga o suega a nisi o Ofisa Suetusi i totonu o le Malo o Saina.

I lenei foi malaga, sa faatalosagaina ai e le Pule ma Suetusi Sili ma o ia foi lea sa avea ma Taitaifono mo le Faalapotopotoga a Ofisa Suetusi o le Pasefika i lea taimi, se fesoasoani a le Ofisa Suetusi ma le Malo o Saina i se polokalame mo ni aoaoga maua luga mo sui o Ofisa Suetusi o le Pasefika. Sa toe tulituliloaina lenei talosaga i le tausaga 2015 ma sa tali mai le Ofisa Suetusi o le Malo o Saina ia Aukuso 2016 ina ua talia le talosaga na tuuina atu ma amata ai loa lenei polokalame faaleaoaoga mo le 2016/2017. Na tuuina atu se tusi ofo mo se sui o le Ofisa Suetusi i le Ofisa o le Amapasa o le Malo o Saina ia Aukuso 2016 ma sa faamanuiaina ia Setema 2016 lea sui e ala i le taliaina o lana tusi ofo e le Ofisa Suetusi a le Malo o Saina ma o ia lea o le uluai sui mai le Ofisa Suetusi e auai i lea polokalame i le Iunivesite Faasuetusi i Nan Jing i Saina.

O le Iunivesite lenei na faatuina i le tausaga 1983 ma sa fesoasoani malosi le Ofisa Suetusi a le Malo o Saina i le faavaeina o lenei aoga. O lenei polokalame mo aoaoga maua luga e faamoemoe e faaauau mo se taimi umi ma mautinoa ai le faatumauiina o faiga paaga lelei a le INTOSAI ma le PASAI ina ia maua ai pea le siitia o le auaunaga a le Ofisa Suetusi a Samoa i le taimi nei ma le lumanai.

Ua iai fuafuaga faataatia a le Ofisa Suetusi mo ana sui o le a auai atu mo lea faamoemoe aua le faaauau ai pea o le faalauteleina o le malamalama o ana tagata faigaluega i le lumanai.

Toe fetuunaiga o avanoa faigaluega a le Ofisa Suetusi

O loo auiliili atu lea mataupu i lalo o Fuafuaga Alualu Mamao a le Ofisa Suetusi. O le ata o le fetuunaiga ma le faatulagaina o le afaigaluega o loo atagia i le Vaega o lenei Lipoti ua faaulutalaina o "Suiga i le Ofisa ma Auala e Pulea ai Tagata Faigaluega"

Iloiloga ma le faatautaia o le Taiala ma Fuafuaga Alualu Mamao a le Ofisa Suetusi Iulai 2014 – Iuni 2024

O lenei Fuafuaga/Taiala o loo atagia ai le taulaiga e pei ona iai i le Taiala Iulai 2009 – Iuni 2012 faatasi ai ma nisi o fuafuaga ma faamoemoega i le lumanai ma auala e limataitaia ai le Ofisa i le faataunuuga o nei faamoemoega. O le vaaiga taula'i o loo tauave pea e le Ofisa Suetusi "o le avea lea ma Ofisa e taimua i galuega faasuetusi ina ia faamalosia ai pea pulega tataui i totonu o faiga Malo."

O le Taiala mo le Atinae o Samoa 2012 – 2016 o loo aumai ai le fuafuaga mamao ina ia siitia le Soifua Manuia o Tagata uma.

O le matafaioi a le Ofisa Suetusi o le sueina lea o tusi a Matagaluega ma Faalapotopotoga uma a le Malo ma fesoasoani ai i le ausia ai o fuafuaga faataatitia a le Malo e ala i le uunaia ma le faamalosia o pulega lelei ma le

mafai ona tali atu e aofia ai le sao ma iai vaiga tonu i luga o lipoti faaletupe, iai o pulega lelei ma le tatau atoa ai ma puipuiga i mataupu tau le siosiomaga.

Sa fausiaina le Taiala ma Fuafuaga Alualu Mamao a le Ofisa Suetusi ma iloilo totoa ai auala e faamausali ai se sao a le Ofisa i le isi 10 tausaga lumanai i le ausia ai o fuafuaga alu mamao a Samoa. I le faataunuuga ai o lea faamoemoe, e moomia le faaauau ai pea o auaunaga pito sili ona lelei ma faamautinoa o nei auaunaga e fesoasoani i le faaleleia o galuega faatino a Faalapotopotoga ma Matagaluega a le Malo.

O lenei foi Taiala o loo aumaia ai ni fuafuaga mo le faaleleia o le faatinoga o galuega ma avanoa e faaauau ai le siitia pea o le auaunaga, o nei fuafuaga o le a auilili i Fuafuaga ma galuega faatino mo tausaga taitasi.

O otootoga o le Taiala ma Fuafuaga Alualu Mamao e aofia ai:

1. Tuufaatasia o suiga mai le Polokalame Toe Faaleleia, PFMR1 ma le PFMR2

- Faia o suega e faavae i tulaga lamatia ma mataupu ogaoga mo Matagaluega mai ia Ianuari ia Iuni i tausaga taitasi
- Faia o suega e faavae i tulaga lamatia ma mataupu ogaoga mo Faalapotopotoga Tumaoti mai ia Ianuari ia Iuni i tausaga taitasi
- 100% sugatusi mo Matagaluega uma e faapau mai ia Oketopa 31 mo tausaga taitasi
- 100% sugatusi mo Faalapotopotoga Tumaoti uma e faapau mai ia Oketopa 31 mo tausaga taitasi
- 100% sugatusi mo Poloketi uma e faapau mai ia Tesema 31 i tausaga taitasi
- 100% suega mo Tala o le Tupe a le Malo e faapau mai ia Tesema 31 i tausaga taitasi
- 100% suega mo Tala o le Tupe a le Malo i kuata taitasi e faapau mai ia Aperila 30 i tausaga taitasi
- 12 suega o le faatinoga o galuega ma suesuega faalesiosiomaga i le tausaga mo le aufaigaluega taitoatasi mai lea vaega
- 12 suega faapitoa i le tausaga mo le aufaigaluega taitoatasi mai lea vaega
- 12 suega faatekonolosi i le tausaga mo le aufaigaluega taitoatasi mai lea vaega
- Lipoti faaletausaga i le Palemene ia Ianuari 31 o tausaga taitasi
- Lipoti tai 6 masina i le Palemene – mai ia Ianuari ia Iulai i tausaga taitasi
- Lipoti tai kuata i le Palemene – Oketopa, Ianuari, Aperila, ma Iulai i tausaga taitasi
- Ootooga o le Tausaga i le Palemene – Aukuso i tausaga taitasi
- Suiga mai le Polokalame toe faaleleia
- Suiga mai i Polokalame faigaluega faaleaoaoga i Niu Sila
- Suiga mai aoaoga ma Taiala a le Faalapotopotoga a Ofisa Suetusi o le Pasefika
- Suiga mai le IDI
- Suiga mai le INTOSAI
- Suiga mai le ISSAI
- Faalapotopotoga o Suetusi o Malo o le Taupulega
- Suiga mai le FEMM
- Suiga mai le PEFA
- Suiga mai le PFM
- Faamatu atu i tua o le suega o tusi

2. Fetuunaiga o galuega ma le aufaigaluega 3

- Tuufaatasia o le 3 avanoa Pule ma Suetusi Lagolago ina ia tasi le na te tauaveina nei tiute ma ia gatusa ma faiga a isi Ofisa Suetusi o le lalolagi i le totogi o le Sui Pule

- Toe suia o igoa o Vaega taitasi e 3
 - o Vaaiga Taulai ma Auaunaga Faapalemene
 - i. Vaega o Auaunaga Lautele ma Fuafuaga Taulai
 - ii. Vaega o Fesootaiga ma le Va i fafo
 - iii. Vaega o le Tulafono
 - iv. Vaega o Faamaumaga ma Fesootaiga faatekonolosi
 - o Suega o Tusi ma Auaunaga Faamolimau i le Matagaluega o Tupe ma Matagaluega uma a le Malo, Ofisa Faalefaavae, ma Faalapotopotoga Faaletulafono a le Malo
 - i. Vaega o Matagaluega, Poloketi ma le Public Accounts
 - ii. Vaega o Faalapotopotoga Tumaoti
 - o Auaunaga Faasuetusi agai i Faamatalaga Faatekonolosi; ma le faia o Suesuega Faapitoa
 - i. Vaega o Suesuega o Galuega Faatino ma le Siosiomaga
 - ii. Vaega o Suesuega o Faamatalaga Faatekonolosi
 - iii. Vaega o Suesuega Faapitoa
- Faatuina o le Vaega mo Tulafono e taitaia e se Faatonu
- Faatuina o le Vaega mo Suesuega Faapitoa e taitaia e se Faatonu

3. Poloketi 1 – Puleaina o Tagata Faigaluega – tuufaatasia o se taiala mo le puleaina o tagata faigaluega
4. Poloketi 2 – Puelaina o Tupe ma faagasologa Faatausi Tusi – tuufaatasia o se taiala ma se polokalame mo lipoti faaletupe atoa ai ma ni aoaoga i luga o nei polokalame faatausi tusi
5. Poloketi 3 – polokalame mo le galueaina o totogi o le afaigaluega
6. Poloketi 4 – polokalame mo le suega o tusi – Team Mate
7. Poloketi 5 – Puleaina o tupe, Tausiga o Tusi ma le faia o taiala mo le Sueina o tusi o le Ofisa Suetusi
8. Poloketi 6 – le faia o gaioiga mo le tutoatasi o le Ofisa Suetusi mai le Ofisa o Tupe
9. Poloketi 7 – le faia o totogi talafeagai mo le suega o tusi a Matagaluega a le Malo
10. Poloketi 8 – le faia o se teugatupe mo le faagaioiga o galuega faatino a le Ofisa Suetusi
11. Poloketi 9 – tausiga o tusi ma lipoti faaletupe – le faia i aoaoga tatau mo le tausiga o tusi
12. Poloketi 10 – suega o tusi a le Ofisa Suetusi
13. Poloketi 11 – fausia o se ofisa atoa ai ma le lagolagosua a le PASAI
14. Fetuunaiga o galuega ma le afaigaluega 4 – tuumavaevaeina o le Ofisa Suetusi:
 - Ofisa o le Pule ma Suetusi Sili – mo faiga faavae, ma le iloiloaina o faatinoga o galuega
 - Lala mo le suega o tusi – fai faapaaga faapisinisi
 - Suesuega Faapitoa

O le Taiala mo Fuafuaga Alualu Mamao o le a fesoasoani i le faatinoina o galuega a le Ofisa mo le 10 tausaga oi luma atoa ai ma le o gatasi ai ma le Taiala mo Fuafuaga a le PASAI Iulai 2014 – 2024. I le lata ai ona tuu lata mai ai o Lipoti a le Ofisa Suetusi, o le manatu taulai o le Taiala mo Fuafuaga Alualu Mamao a le Ofisa o:

1. Faamausali le iai o tupe e faatino ai galuega a le Ofisa e ala i totogi o ana auaunaga ofoina atu e aunoa ma le faalagolago i tala o le tupe a le Malo
2. Faamaea le faamatuu atu i tua o suega o tusi
3. Faatinoina o suega o galuega faatino ma faasauni le afaigaluega mo nisi fetuunaiga ma faatulagaga o galuega ma le afaigaluega:

- i. Ofisa o le Pule ma Suetusi Sili – 11 le aufaigaluega e faatupeina o latou totogi faatasi ma le Pule ma Suetusi Sili mai Totogi Faatulafonoina
- ii. Lala mo le Suega o Tusi – fai faapaaga faapisinisi
- iii. Vaega a Suesuega Faapitoa o loo iai nei e faatuina se Ofisa tutoatasi mo suesuega faapitoa pe a finagalo ma malie iai le Malo

4. Faamatuu auauai o suega tusi o galuega faatino i suetusi galulue faapisinisi

5. Faia o gaioiga ina ia faanumeraina talafeagai le aufaigaluega o le Ofisa o le Pule ma Suetusi Sili

Aloaia o fuafuaga e mata'itu ai galuega faatino a le aufaigaluega mo le piriota Ianuari 2015 – Iuni 2016 (18 masina) e ese mai i fuafuaga masani a le Ofisa o le Komisi mo le aufaigaluega a le Malo

O le uluai taimi lenei ua faatautaia ai e le Ofisa Suetusi fuafuaga aloaia e mata'itu ai galuega faatino. O fua faatatau sa faaagaina mo lea tulaga e aofia ai:

1. Aofaiga o galuega na faamaea e faatusa i taiala ma faiga faavae a le Ofisa = 10%
2. Aofaiga o galuega na faamaea e faatusa i Fuafuaga o le Tausaga ma maliega na sainia = 10%
3. Lelei faatulagaina mo galuega faatino = 40%
4. Faamaeaina o galuega i taimi faatulagaina = 30%
5. Aso faigaluega = 5%
6. Tausisia o itula faigaluega = 5%

E 70% le togi e pe sili atu ina ia ausia ai le pasi i lea fuataga. E na o le lua lava vaega ua vaevaeina ai lea fuataga. O le A ma ua faatulagaina i le A+, A ma le A- ma le F mo le le pasi. O togi uma e oo i le 70% agai i lalo e faatulagaina o le le pasi.

O e uma e ausia le F e tatau ona siitia le auunaga i le A- i totonu o le 3 masina, A i totonu o le 6 masina ma le A+ i totonu o le 12 masina. O le le tausisia ai o ia faiga o le a oo atu iai i nisi faasalaga e tusa ai ma aiaiga o konekarate faigaluega ma maliega ua maea sainia.

I. Iloiloga o Galuega Faatino mo le piriota faaiaina 30 Iuni 2016

1. Aofaiga o galuega na faamaea e faatusa i taiala ma faiga faavae a le Ofisa = 2.5%
2. Aofaiga o galuega na faamaea e faatusa i Fuafuaga o le Tausaga ma maliega na sainia = 40%
3. Lelei faatulagaina mo galuega faatino = 25%
4. Faamaeaina o galuega i taimi faatulagaina = 30%
5. Aso faigaluega = 1.25%
6. Tausisia o itula faigaluega = 1.25%

II. Maliega mo Galuega Fuafuaina mo le piriota Iulai 2016 – Iuni 2017

1. Aofaiga o galuega na faamaea e faatusa i taiala ma faiga faavae a le Ofisa = 50%
2. Aofaiga o galuega na faamaea e faatusa i Fuafuaga o le Tausaga ma maliega na sainia = 20%
3. Faamaeaina o galuega i taimi faatulagaina = 30%

Lagolagosua i le Taitaifono o le Faalapotopotoga a Ofisa Suetusi a le Pasefika mo le tofiaina o se Pule Sili ma le aufaigaluega mo le ofisa autu o le Faalapotopotoga

I le piriota o le lipoti a le Pule ma Suetusi Sili sa tofia ai e le Komiti Faatonu a le PASAI le Pule ma Suetusi Sili ina ia avea ma sui o le laulau e faatautaia le faafaigaluegaina ma le tofia o le aufaigaluega mo le ofisa autu a le PASAI.

Fa'aaauaina o aoaoga mo le aufaigaluega e 17 e aofia ai ma le Pule ma Suetusi Sili, ua faamaonia i tomai tau suesuega mo faiga faagaoi ma auala pi'opi'o

E sefulu fitu (17) ofisa sinia o le Ofisa Suetusi e aofia ai ma le Pule ma Suetusi Sili sa sueina ma pasi ai i le suega o le CFE i le tausaga faaletupe 2015. Sa faia nei suega i le masina o Tesema 2014 ma Ianuari 2015 i le maea ai o le aoaoina o mataupu e 46 i luga o aoaoga faaoga ai le initaneti i le tausaga 2014. O nei aoaoga na faatinoina i itula malolo ma le maea ai o taimi faatulagaina mo galuega. O vaega e fa sa vaevaeina ai mataupu o le suega e aofia ai:

1. Vaega 1 – Feuiaiga o tupe faapisinisi ma faiga faagaoi
2. Vaega 2 – Tulafono
3. Vaega 3 – Suesuega
4. Vaega 4 – Auala e taofiofia ai faiga faagaoi

O le suesuega faapitoa i le suega a le CFE e aofia ai:

1. Faaoga faaletatau o aseta:
 - i. Tinoitupe
 - Gaoi
 - Gaoi e le o mafai ona maua i faamaumauga
 - Tupe totogi i faiga faagaoi
 - ii. Oloa ma isi aseta
 - Faaogaina sese
 - Gaoi
2. Faiga faagaoi i luga o faamatalaga tau tupe
 - i. Faamatalaga tau tupe
 - ii. Mataupu e le patino tonu i faamatalaga tau tupe
3. Faiga Pi'opi'o
 - i. Faatosina
 - ii. Tau faameaalofa
 - iii. Aia feteenai

O mataupu na aoaoina ma aafia i le suega CFE e aofia ai:

1. Mataupu faatausi tusi
2. Faamatalaga tau tupe ua faia faagaoi
3. Le faaogaina faaletatau o aseta – tupe maua
4. Le faaogaina faaletatau o aseta - tupe totogi

5. Le faaaogaina faaletatau o aseta – oloa faatau atu ma isi
6. Faatosina ma Faiga Pi'opi'o
7. Gaoi o aia tatau faapisinisi
8. Gaoi i faletupe
9. Gaoi i luga o siaki tupe ma pepa o tupe e tala faaaitalafu mai i faletupe (credit card)
10. Gaoi i inisiua
11. Gaoi i faamanuiaga tau soifua maloloina
12. Gaoi mo tagata e faatau
13. Gaoi i luga o le komipiuta ma le initaneti
14. Gaoi i galuega a le Malo
15. Aotelega o le faagaioiga tau tulafono
16. Tulafono e fesootai i gaoi
17. Gaoi i pisinisi gau
18. Gaoi i luga o tulaga o sea
19. Tupe faaofi mai faasolitulafono
20. Aia tatau a tagata taitoatasi
21. Faagaioiga o tulafono
22. Faagaioiga o tulafono matuia
23. Faamatalaga molimau
24. Molimau
25. Iloiloga o faamaumauga
26. Faatalatalanoaga ma fesiligia
27. Isi iloiloga ma suesuega
28. Auala na maua mai ai faamaumauga
29. Avanoa e maua ai faamatalaga mai le initaneti
30. Metotia e iloilo ai faamatalaga ma le faia o lipoti
31. Suesuega e faaoga ai metotia faatekonolosi
32. Iloiloga o ni faiga faapisinisi le moni
33. Taiala mo lipoti
34. Malamalamaaga i amioga a tagata
35. Suesuega i mafuaaga o faafitauli
36. Gaoi a tagata maualuluga i falefaigaluega
37. Gaoi i faalapotopotoga ma Kamupani
38. Gaoi i auaunaga faigaluega
39. Auala e faaititia ai ma puipuia faiga faagaoi
40. Iloiloina o tulaga lamatia ona o gaoi
41. Mataituina o tulaga lamatia ona o gaoi
42. Matafaioi a le Pulega ma Suetusi
43. Gaoi i faiga faapulega
44. Taiala mo CFE
45. Auala taupulea faavao o malo
46. Tulafono mo le malu puipuia o faatinoina o galuega

Ua iai nei se Vaega mo Suesuega Faapitoa ua faatuina i totonu o le Ofisa Suetusi. O loo iai le naunautaiga ina ia faafaigaluegaina se tagata e iai se tomai Loia ma le faaleoleo i lenei Vaega. O le a faaaogaina foi e lenei Vaega aiaiga o le Tulafono o Suega Tusi i luga o suesuega faapitoa.

O le taiala mo le faatautaia o suesuega faapitoa e aofia ai:

1. Iloiloga o tulaga lamatia
2. Polokalame faalauiloa
3. Polokalame faaaoaoga
4. Polokalame e taofiofi ai ma tuuitiitia faiga faagaoi
5. Polokalame e vave iloa ai faiga faagaoi
6. Suesuega
7. Fesoasoani i le faiga o faaiuga ma faamasinoga o e ua solitulafono

E talitonu le Ofisa Suetusi o le fesoasoani ma le lagolago tuuina mai e Matagaluega, Faalapotopotoga Tumaoti, Ofisa Faalefaavae ma Ofisa Faalepalemene na mafai ai ona tuu lata mai ai tulaga o suega o tusi o faamatalaga tau tupe a faalapotopotoga tumaoti ma suega o tusi mo Matagaluega ma le tuuina atu o Lipoti a le Suetusi i le Palemene ma e manaomia foi le galulue faatasi ai ma le lagolagosua o nei Ofisa uma i le taumafai ai o le Ofisa Suetusi i ana suesuega faapitoa.


Faataunuaina o le uluai fuafuaga mo galuega faatino mo le 6 masina na faaiaina 30 Iuni 2015 mo le piriota atoa e 18 masina

O le tausaga faaletupe lenei na faatino ai le uluai fuafuaga mo galuega faatino talu ona tutoatasi le Ofisa Suetusi mai le pulega o le Ofisa o le Komisi mo le Afaigaluega a le Malo. Sa faatautaia lenei iloiloga mo le 6 masina muamua o le 18 masina ua atofaina mo lenei Fuataga muamua.

SUIGA I LE OFISA MA AUALA E PULEA AI TAGATA FAIGALUEGA

O le tausaga faaletupe lenei na faamamaluina ai le faatulagaga fou o galuega ma le aufaigaluega e tusa i ma le Taiala mo Fuafuaga Alualu Mamao a le Ofisa mo le 10 tausaga mai ia Iulai 2014 – Iuni 2024. O faatulagaga o le aufaigaluega ma galuega faatino o loo tuuina atu i lalo ma o suiga atu o loo auiliili atu i le otootoga o lenei lipoti.

OFISA O LE SUETUSI SILI



FAAMATALAGA O TUPE FAALETAUSAGA

Ofisa Suetusi

Galuega Faatino	Vaega Tupe Moni	Tupe Fuafuaina Atoa (aofia ai le toe iloilogia)	Tupe Fuafuaina Totoe	Pasene o le Faaogaina %	2014
Taiala alu Mamao ma Auaunaga Faa-Palemene.	892,583	914,518	21,935	98%	936,181
Suega ma Auaunaga Tau Faamaoniga i le Matagaluega o Tupe, Matagaluega uma a le Malo ma Ofisa Faale-Faavae.	1,093,169	1,111,188	18,019	98%	1,073,842
Auaunaga Faasuetusi i Faalapotopotoga Tumaoti a le Malo	867,022	897,105	30,083	97%	887,351
AOFAIGA	2,852,774	2,922,812	70,037	98%	2,897,374

Feuiaiga Tau Tupe e fai ma Sui o le Malo

Galuega Faatino	Vaega Tupe Moni	Tupe Fuafuaina Atoa (aofia ai le toe iloilogia)	Tupe Fuafuaina Totoe	Pasene o le Faaogaina %	2014
Faalapotopotoga Ofisa Suetusi a le Lalolagi	0	5,000	5,000	0%	0
Faalapotopotoga Maua luga a Suetusi o le Pasefika	108,943	150,300	41,357	72%	266
Faalapotopotoga Faava o Malo a le Inisetiute Sili Tau Suetusi	0	1,584	1,584	0%	1,446
Asosi o Suetusi Aloaia o Atumotu a le Pasefika ma malo e i lalo o Pulega a Amerika	923	1,200	277	77%	0
Totogi o Lisi	154,308	179,575	25,267	86%	164,466
Lafoga Totogi VAGST	68,538	81,298	12,760	84%	78,511
AOFA'IGA O TUPE ALU	332,712	418,957	86,245	79%	244,689

Tupe Maua/Toe Faaola Mai

Galuega Faatino	Vaega Tupe Moni	Tupe Fuafuaina Atoa (aofia ai le toe iloiloga)	Tupe Maua Fuafuaina Faasili	Pasene Ausia %	2014
Suega ma Auaunaga Tau Faamaoniga i le Matagaluega o Tupe, Matagaluega uma a le Malo ma Ofisa Faale-Faavae.	340,321	331,647	8,674	103%	560,935
AOFAIGA	340,321	331,647	8,674	103%	560,935

SINI O FAATINOGA A LE OFISA MA TAUNUUGA

Ua aofia i pepa o le tala faatatau o tupe faaletausaga se aofaiga o faiga tau faatinoga mo galuega faatino a le Ofisa. O nei faiga tau faatinoga ma faatinoga moni mo le 2014/15 ua auiliili atu i lalo e faapea:

Galuega Faatino 1: TAIALA ALU MAMAO MA AUAUNAGA FAA-PALEMENE

Tulaga lautele o le Faatatauina:

O lenei tulaga faatatauina e mo le faaooina atu o auaunaga e faapea:

- Tuuina atu lipoti faaletausaga i le Palemene;
- Auai i Fonotaga a le Palemene ma Fonotaga a Komiti Faa-Palemene
- Asiasia o Poloketi mo Atinae a le Malo
- Faatino Suega o Faamatalaga Faatekonolosi
- Faatino Suega o Faatinoga o Galuega
- Faatino Suega / Suesuega Faapitoa.

Faiga tau Faatinoga

Galuega:	Aofaiga:	Taunuuga:
1. Numera o lipoti faaletausaga a le Ofisa Suetusi e tuuina atu i le Palemene i le aso 30 Iuni 2014.	Tasi le Lipoti	Sa faataatia i luma o le laulauafono a le Palemene le lipoti e tasi a le OCAG/SAO e le i tuuina atu se lipoti i le vaitaimi o Iulai 2014 - Iuni 2015. O lea lipoti e aofia ai galuega na faamaea mai ia Iulai 2011 – Iuni 2012.
2. Pasene o le auai i Fonotaga a le Palemene ma Fonotaga a Komiti Faa-Palemene.	O Fonotaga uma a le Palemene 100%, 100% o fonotagata uma a le Komiti o Faamatalaga Tau Tupe a le Malo, ma isi Fonotaga a Komiti Faa-Palemene pe afai e manaomia.	100% le auai ai i fonotaga ma felafolafoaiga o le Ofisa o le OCAG/SAO, ao faagasolo le vaitaimi o le lipoti.
3. Faatino suega o faamatalaga faatekonolosi i tulaga lautele tau faafoega faapitoa ma le faaaogaina o puipuiga tau suega faasuetusi.	E lua suega o faamatalaga faatekonolosi.	E lima suega o faamatalaga faatekonolosi sa faia e le Vaega sa nafa ma lea matafaioi ma o loo auiliili atu i lenei lipoti.

4. Faia suega tau faatinoga ma suega po o suesuega faapitoa	Lua suega tau faatinoga ma suega faapitoa e lua po o suesuega faapitoa.	E fitu suega tau faatinoga ma suesuega faapitoa sa faia e Vaega sa nafa ma nei matafaioi ma o loo auiliili atu i lenei lipoti.
---	---	--

Galuega Faatino2: SUEGA MA AUAUNAGA TAU FAAMAONIGA I LE MATAGALUEGA O TUPE, MATAGALUEGA UMA A LE MALO MA OFISA FAALE-FAAVAE

Tulaga lautele o le Faatatauina:

O lenei tulaga faatatauina e mo le faaooina atu o auaunaga e faapea:

- Suega o faamatalaga o tupe maua ma tupe alu faale-kuata.
- Seuga o faamatalaga o tupe faaletausaga a le Malo.
- Seuga ma le pasiaina o siaki i aso taitasi
- Suega o faamatalaga o tupe o polokalame ma poloketi faatupe mai meaalofo mo nonoga tupe mai fafo
- Suega o Matagaluega, Vaega ma Ofisa o le Pulega Malo
- Suega o Ofisa o le Malo i Atunuu i Fafo
- Faamaoniga o pepa mo le saina a Le Ao o le Malo e faamatu ai vaega tupe
- Siaki faavaitaimi ma siaki faapitoa / suega o Matagaluega.
- Faatau tu'i ma isi tulaga faaogaina

Faiga tau Faatinoga

Galuega:	Aofaiga:	Taunuuga:
1. Numera o suega o faamatalaga o Tupe Maua ma Tupe Alu faale-kuata a le Ofisa o Tupe e faatino i tausaga taitasi	Tolu faamatalaga o Tupe Maua ma Tupe Alu faalekuata a le Ofisa o Tupe e ao ona sueina	E lei faia ni suega o faamatalaga o tupe faale-kuata na faatinoina i le tausaga faaletupe lenei
2. Suega o faamatalaga o tupe faaletausaga a le Malo	Tasi le Seti o Faamatalaga o Tupe Faaletausaga a le Malo e fai fuafua i le tuuina atu o le ata tusia e le Matagaluega o Tupe.	Sa faamaeaina e le OCAG/SAO le suega o Faamatalaga o Tupe faaletausaga a le Malo mo le tausaga faaletupe na faaiaina i le 30 Iuni 2014. Vaega o aofia ai i nei suega o lo o i totonu o le lipoti
3. Suega ma le pasiaina o siaki i aso taitasi a le Ofisa o Tupe ma faamaeaina i totonu o le 3 aso faigaluega	100% o siaki i aso taitasi ua maua mo suega o lo o lelei.	Sa ausia faatinoga fuafuaina po o sini tulimataia e 100% siaki e sueina ma pasia i aso taitasi. O lipoti mo le faatinoga o nei galuega mo le piriota Ianuari – Tesema 2014 ma o loo auiliili atu i lenei lipoti.
4. Suega o Matagaluega a le Malo.	Fuafuaina le 70% o Matagaluega e 20 e ao ona sueina ao faagasolo le tausaga 2014/15 ina ia ogatasi ai ma le numera o le aufaigaluega	Sa faamaeaina e le OCAG/SAO le suega o Matagaluega e 23 e aofia ai le tuulataina maia o galuega tuua o lo o aofia i lenei ripoti.
5. Suega o Ofisa o le Malo i Atunuu i Fafo faaletausaga	Fuafuaina le 70% o Ofisa e 7 e ao ona sueina ao faagasolo	E tasi le suega o ofisa o le malo i atunuu i fafo sa faia e le OCAG/SAO

	le tausaga 2014/15 ina ia o atasi ai ma le numera o le aufaigaluega	pe 14% ma e le i ausia le sini e 70%. O le mafuaaga o le naunautaiga e faamaea galuega tuua mo matagaluega, faalapopotoga tumaoti, lipoti faa-lekuata ma lipoti a le malo faaletausaga sa faaaogaina uma ai le aufaigaluega e aofia ai ma le Suetusi SII ma le au pulega.
6. Suega o Polokalame ma Poloketi faatupe mai meaalofo ma nonoga tupe mai fafo faaletausaga	Fuafuaina le 80% o Poloketi e ao ona sueina ao faagasolo le tausaga 2014/15 ina ia o gatasi ai ma le numera o le aufaigaluega O se aofaiga lelei lenei e tusa ai o le eseese o manaoga tau Poloketi i tausaga taitasi uma.	Sa faamaeaina e le OCAG/SAO suega e 26 o Poloketi ao faagasolo le tausaga 2014/15. Vaega o aofia ai i nei suega o lo o i totonu o le lipoti I le 2008/209 e na o le 10 suega sa faamaeaina I le 2009/2010 e na o le 9 seuga sa faamaeaina I le 2010/2011 e na o le 8 suega sa faamaeaina I le 2011/2012 e 20 suega sa faamaeaina I le 2012/2013 e 15 suega sa faamaeaina I le 2013/2014 e 12 suega sa faamaeaina.
7. Siaki faavaitaimi ma siaki faapitoa o Matagaluega	Fuafuaina le 50% Matagaluega e 20 e ao ona siakiina faavaitaimi / siaki faapitoa po o le sueina ao faagasolo le tausaga 2014/15 ina ia o gatasi ai ma le numera o le aufaigaluega.	Sa faamaeaina e le OCAG/SAO suega e 20 ao faagasolo le tausaga 2014/15. Vaega o aofia ai i nei suega o lo o i totonu o le lipoti
8. Faatautui ma isi tulaga faaaogaina	Fuafuaina le 50% o talosaga po o tulaga manaomia i luga o tulaga o faatautui ma isi tulaga faaaogaina	Sa tali atu le OCAG/SAO i talosaga uma po o tulaga manaomia - 100%

Galuega Faatino 3:AUAUNAGA FAASUETUSI I FAALAPOTOPOTOGA TUMAOTI A LE MALO

Faiga tau Faatinoga:

Tulaga lautele o le Faatatauina:

O lenei tulaga faatatauina e mo le faaooina atu o auaunaga e faapea:

- Suega o faamatalaga tau tupe faaletausaga a faalapotopotoga tumaoti a le Malo, e faatino po o le faia i totonu lava o le faalapotopotoga e le Ofisa Suetusi
- Suega o faamatalaga tau tupe faaletausaga a faalapotopotoga tumaoti a le Malo, e faatino po o le faakonekarate e Suetusi Tumaoti
- Siaki / suega faavaitaimi ma faapitoa o Faalapotopotoga Tumaoti a le Malo.

Faiga tau Faatinoga

Galuega:	Aofaiga:	Taunuuga:
1. Suega o Faalapotopotoga Tumaoti (tau faamanuiaga ma fefaatauaiga) - Faatino e le Ofisa Suetusi	Fuafuaina le 80% o Faalapotopotoga Tumaoti e ao ona sueina, mai le 37 Faalapotopotoga i le faagasolo le tausaga 2014/15 ina ia o gatasi ai ma le fuainumera o le aufaigaluega o le auaunaga faasuetusi i faalapotopotoga tumaoti a le Ofisa Suetusi.	E 53 suega sa faamaeaina i totonu o le tausaga faaletupe 2014/15 e aofia ai galuega tuua. O lo o aofia nei suega i totonu o le lipoti
2. Suega o Faalapotopotoga Tumaoti (tau faamanuiaga ma fefaatauaiga) – Galuega faamatuu i tua		
3. Pasene o Suega faateitei po o le faavaitaimi e taulai lava i luga o le puipuiga ma tulaga le manaomia o ni faaletonu ma le leiloloa o punaoa a le Malo.	Fuafuaina le 50% o ona sueina faavaitaimi/ faapitoa mo le 37 Faalapotopotoga Tumaoti ao faagasolo le tausaga 2014/15 ina ia ogatasi ai ma le fuainumera o le aufaigaluega o le auaunaga faasuetusi i faalapotopotoga tumaoti a le Ofisa Suetusi.	E 21 suega faateitei po o le faavaitaimi sa faamaeaina i totonu o le tausaga faaletupe 2014/15 e tusa lea ma le 56%. O lo o aofia nei suega i totonu o le lipoti
4. Pasene mo faatautui ma isi tulaga faaaogaina	Fuafuaina le 50% o talosaga po o tulaga manaomia i luga o tulaga o faatautui ma isi tulaga faaaogaina	Sa tali atu le OCAG/SAO i talosaga uma po o tulaga manaomia - 100%

O mafuaaga mo eseese i le va o faatinoga moni ma sini na faamoemoe i ai e aofia ai le:

- Tuai ona saunia o faamatalaga tau tupe e faalapotopotoga e patino tonu ma lea tulaga faaletulafono o le saunia ma le tuuina mai o ia faamatalaga tau tupe.
- O le lē atoatoa ma le lē saosao o ata o faamatalaga tau tupe na tuuina mai mo le sueina.
- O nisi poloketi faatoa manaomia lava e sue pe a sili atu ni tupe faaalu mai se tapulaa na faatulagaina.
- Tuulata mai po o le faamaeaina o galuega tuua e agai atu i tua i le 2008

I le avea ai o se vaega o suiga ua faia nei i le Ofisa, ua fuafuaina ai ina ia faaulufale mai ni faiga tau faatinoga faaopoopo e fesoasoani ai i le puleaina ma le mata'ituina o galuega a le Ofisa. Ua i ai le faamoemoe e faapea o nei faiga tau o faatinoga o le a aafia i Lipoti i le Palemene e saunia e le Ofisa i le lumanai.

Sueina o Tusi ma i si Galuega

I lalo o Tulafono e patino ai, o loo aiaia ai le Pule ma Suetusi Sili ina ia sueina tusi o:

- Faamatalaga o Tupe a le Malo
- Faamatalaga faalekuata o Tupe Maua ma Tupe Alu
- Matagaluega
- Faalapotopotoga Tumaoti
- Ofisa o le Malo i Atunuu Mamao
- Galuega tetele faatupeina e Nonogatupe/Foai mai Fafo

O le autu o nei suesuega faasuetusi o le faamautinoa lea o le lelei o le pulega o tupe a nei faalapotopotoga ma, afai e talafeagai ai, tuuina atu se manatu ofaasuetusi pe o atagia e faamatalaga o tupe le atoatoa ma le sa'o o galuega ma le faagaioiga o se faalapotopotoga.

O nei suesuega e tataua ona lipotia ile Palemene i tausaga taitasi.

E mafai foi ile Ofisa ona faatino ni suesuega faapitoa i se mataupu e tuuina mai ai le faamaoniga a le Pule ma Suetusi Sili. E mafai ona ala mai lea i ni talosaga mai Minisita o le Kapeneta, Sui Faipule o le Palemene, pulega o Matagaluega ma Faalapotopotoga Tumaoti ma nisi o paaga a le Ofisa.

O loo faailoa atu i lalo ituaiga ma le aofaiga o suesuega sa faia ile tausaga faaletupe 2015.

Tusi na maea ona sueina ile 2014-2015

Ituaiga	Aofaiga o Suega o Tusi ua maea
Faamatalaga o Tupe a le Malo	1
Sueina o tusi o Matagaluega	23
Sueina o tusi o Faalapotopotoga Tumaoti	53
Sueina o tusi faavitaimi o Matagaluega	20
Sueina o tusi faavitaimi o Faalapotopotoga Tumaoti	21
Ofisa o le Malo i Atunuu Mamao	1
Galuega tetele faatupeina e Nonogatupe/Foai mai Fafo	26
Suesuega Faapitoa	12
Faatau Tu'i	3
Suega e faia muamua	2
Tala tupe faalekuata o le tausaga	4
AOFAIGA	166

Faamatalaga o Tupe a le Malo

O le Tulafono o le Pulega o Tupe a le Malo 2001 o loo aiaia ai le tatau ile Matagaluega o Tupe ona tuuina mai se lipoti i tausaga taitasi o tupe ma galuega a le Malo o Samoa. O lenei lipoti e tuu faatasia uma ai galuega a Matagaluega.

I lalo o le Tulafono, e tatau ona tuuina atu se lipoti muamua o faamatalaga ile Pule ma Suetusi Sili i totonu o le fa masina pe a maea le tausaga faaletupe. E tatau ai loa ile Pule ma Suetusi Sili ona tuuina mai sona manatu aloa'ia i luga o nei faamatalaga i totonu o le ono masina pe a maea le tausaga faaletupe.

Sa faatinoina suega o tusi faapea ma le tuuina atu o manatu faasuetusi i luga o nei Faamatalaga o Tupe mo tausaga faaletupe na faaiuna 30 Iuni 2012 ma 30 Iuni 2013.

Sa atagia i nisi manatu faasuetusi sa tuuina atu le le ausia e le Matagaluega o Tupe le tuu faatasia o nisi vaega o Faamatalaga o Tupe lea o loo aiaia i lalo o le Tulafono, faapea ai ma nisi puipuiga faa lotoifale ma vaivaiga sa faamauina ma tuuina atu ile Matagaluega o Tupe mo le latou silafia.

E taua tele le tuu faatasia ma le sueina o le Faamatalaga o Tupe a le Malo i taimi faatapulaa ina ia mafai ona ia faamatalaga atoatoa ma mafai ona tali atu ai le Malo i le faagaioiga o ana Matagaluega uma.

O loo faaalua atu ile ata o i lalo le taimi o le tapenaga ma le sueina o tusi o Faamatalaga o Tupe a le Malo ua maea ile taimi o le tuuina atu ai o lenei lipoti:

Tausaga Faaletupe	Aso na tuuina atu ai le kopi muamua o le lipoti ile suetusi		Aso na tuuina atu ai le manatu faasuetusi	
	Legislative requirement	Actual	Legislative requirement	Actual
2005/06	1 Novema 2006	10 Oketopa 2007	1 Ianuari 2007	25 Setema 2008
2006/07	1 Novema 2007	11 Setema 2008	1 Ianuari 2008	16 Novema 2009
2007/08	1 Novema 2008	24 Setema 2009	1 Ianuari 2009	24 Iuni 2010
2008/09	1 Novema 2009	19 Tesema 2009	1 Ianuari 2010	4 Me 2012
2009/10	1 Novema 2010	29 Oketopa 2010	1 Ianuari 2011	4 Me 2012
2010/11	1 Novema 2011	26 Oketopa 2011	1 Ianuari 2012	20 Iuni 2013
2011/12	1 Novema 2012	31 Oketopa 2012	1 Ianuari 2013	24 Ianuari 2014
2012/13	1 Novema 2013	31 Oketopa 2013	1 Ianuari 2014	7 Mati 2014
2013/14	1 Novema 2014	31 Oketopa 2014	1 Ianuari 2015	30 Ianuari 2015

O lenei faatuai o le tuu faatasia o Faamatalaga o Tupe a le Malo o se mataupu ua au tausaga. O loo faaalua mai luga e ui ina saunia ma tuuina mai Faamatalaga i taimi faatapulaa e pei ona iai le 2006, 2007, 2008, 2010, 2011, 2012, 2013 ma le 2014, o le le atoatoa o faamaumauga e tuuina mai ai le kopi muamua o le lipoti, e faaopopo ai galuega a le suetusi ile toe fa'asa'o o faamatalaga ua tuuina mai.

1. Faamatalaga o Tupe a le Malo, Kuata, Suega tusi o pili ae lei totogiina, ma Faatau tui

1.1 Faamatalaga o Tupe a le Malo 30 Iuni 2014

Schedule 2: Faamatalaga o Tupe Alu o Matagaluega

Sa leai ni faamatalaga i eseese o tupe faatatau ma tupe na mafai ona maua, mai le Matagaluega o Faatoaga, Matagaluega o Fesootaiga ma Faamaumauga Faatekonolosi, Ofisa o le Fono Aoao Faitulafono ma le Matagaluega a le Palemia.

Schedule 3.2: Totogi Faa-le-tulafono

Sa leai ni faamatalaga i eseese o tupe faaalu i lalo o le vaega tupe o tupe faaalu faaletulafono. O le tali a le Matagaluega o Tupe, o nisi o mafuaaga ua tuuina mai e Matagaluega e faapea ona o le le atoa o le afaigaluega poo fesuaiga foi i tagata faigaluega faatasi ma o latou totogi ua mafua ai ona le ausia. O nisi foi ua mafua ona sili atu le latou tupe faaalu ona o le tolu pasene o alauni maua e ofisa faapalemene – o se suiga fou i le aofaiga o totogi o le sui o le palemene.

Schedule 3.3: Isi Tupe Alu Faa-le-Tulafono

Eseese o tupe faaalu ma tupe sa fuafuaina e faaalu i le tausaga faaletupe 2014

Sa tali mai a le Matagaluega o Tupe e faapea o mafuaaga ua alai ona le ausia ia tupe faaalu ona o galuega sa mafai ona faatino i lea tausaga. Ao tupe ua sili atu lona faaoga e mafua mai lea i galuega faaletulafono e pei ona lima taitaiina ai le Malo in ia totogi tupe ua tataua ona totogi e pei o lafoga faafoi i tagata nuu o Samoa, ma e faigata ona iloa tonu pe fia se tupe o le a faaalu.

Schedule 5: Fa'amatalaga o Paleni o Tinoitupe

1. O tupe pau e mafua mai i le le atoatoa ona sa'o le faaliliuina o le Tala Samoa agai le Tupe Niu Sila. Sa matauina le moomia o le toe tagai i le faatinoga o galuega a le Matagaluega o Tupe i le mataituina o suiga e tataua ona faaliliu ai le tupe Samoa agai i le tupe Niu Sila. O le le mautinoa ma le le sa'o o suiga sa fai i luga o le Finance One ua mafua ai ona sili atu le tupe sa toe totogi mulimuli ane e le Malo i atunuu i fafo. Sa fautua foi i le Matagaluega o Tupe ina ia taumafai e toe siaki ma Iloilo galuega a le afaigaluega e patino iai lenei galuega. Ona e foliga mai e fai toatasi lava lenei galuega, e aunoa ma se siakiina poo sao pe leai ae poo le a foi le aafiaga i le tuufaatasiga o tusi ma tala o tupe a le Malo. O loo faapea mai le Matagaluega o Tupe, e le o latou e mafua ai le sese – ae o le Matagaluega o le Va i Fafo sa latou faatino lenei galuega. Peitai o loo manino lava o le Matagaluega o tupe latou te toe siakiina poo sao suiga i luga o le Finance One.
2. E vaivai le siakiina ma le faatinoga o suiga e tataua ona fai i le Finance One aua le tausiga o tusi a le Malo. O loo matauina pea le iai o vaega e tataua ona toe faaleleia atili ai le faamaoni o faamaumauga ma le tausiga lelei o tusi a le Matagaluega o tupe. E pei ona iai faamaumauga o le tusi tupe No. 105405 i totonu o le Finance One:
 - Sese o aso o loo faamauina ai suiga o le tala o le tupe
 - O le leai o ni faamaumauga auiliili e faamausali ai le fuainumera o loo faamauinaO le tali mai o le Matagaluega o tupe e faapea - O lenei tusi tupe faapitoa o loo iai faamaumauga i totonu o komepiuta a le Matagaluega o Tupe e mafai ona silasila iai le Ofisa Suetusi i le auiliiliga o le

faagaioiga o tupe maua ma tupe faaalu a le tusi tupe.

3. O suiga i tusi ona o feeseesega i lafoga o tupe maua e toe totogi atu e le malo. O loo iai ni suiga sa faataunuu e le Matagaluega o Tupe i le tala o tupe o lafoga maua e le malo e aunoa ma le logoina o le matagaluega o tupe maua. Ae o le mafuaaga o nei suiga fai mai le matagaluega o tupe ona o feeseesega mai tausaga ua mavae. E 6,035.90 le tino i tupe sa eseese ai le tala o le tusi tupe i le faletupe ma le tala o le tupe faamaumau e le matagaluega o tupe maua. O loo feutagai nei le Matagaluega o Tupe ma le Matagaluega o Tupe Maua i se fofo o lenei faafitauli mo le agai i luma.
4. O eseeseega i le tala o le tupe mai le tusi tupe lautele mo tupe faaalu a le Malo. O nei eseeseega e mafua mai i le tele o siaki ua le tapā e tagata poo le tala mai foi i tua le faletupe. O lona uiga o loo nofo aitalafu pea le Malo i le aofaiga e 14,663,096 Tala.

O loo matauina pea le soona faaoga e le Matagaluega o Tupe o lenei tusi tupe ua sili atu i lo le tupe o loo i totonu o le tusi tupe, ma o le tapulaa ua malilie iai ma le faletupe e 12 miliona (over draft) O le tali mai o le matagaluega o tupe, e faapea o lenei faafitauli o le talaina o siaki a tagata, ua tele tausaga o feagai ai ma le Matagaluega. O lea foi o loo faagasolo ni fuafuaga sa autasi iai le pulega ina ia foia lenei faafitauli. O lea foi ua amatalia le faaogaina o le faiga faaeletoroni nai lo le tusiina o se siaki e totogi ai pili ma aitalafu a le malo. O le faaogaina o le tusi tupe ma ua sili atu nai lo tupe o loo i totonu o le tusi tupe pe tusa lea ma le 12 miliona. O lenei tulaga e mafua mai i le fuafua lelei o Matagaluega a le Malo i le taimi e faaoga ai a latou seleni poo tupe ua mafai ona faaoga faaletulafono. O le mea ua tupu, ua faaoga uma i le faaiuga o le tausaga faaletupe a latou seleni, a tonu ai ua silasila atu Pulega o matagaluega taitasi o loo totoe pea tupe fuafuaina e faaalu i le tausaga, a le toe faaogaina ua toe faafoi. O le ala lea ua faanatinati ai ona faaoga ae sosoo ai loa ma le sili atu o tupe tala mai tua nai lo tupe o loo teu i le fale tupe. Ae o loo fai pea le galuega a le Matagaluega o Tupe o le toe faamanatu i masina taitasi i pulega o Matagaluega le taua o le fuafua lelei o le faaogaina o tupe faaalu i lea masina ma lea masina.

Schedule 6: Faamatalaga o Tupe e Maua Mai

1. E tele Matagaluega Tumaoti a le Malo e le lavea i le tufatufaga ua tataua ona totogi. O loo galulue pea le Matagaluega o tupe e toe Faamanatu i Pulega o Matagaluega tumaoti le taua o le usitaia o Faaiuga Kapeneta e tusa ma le mataupu ua lagaina e le Ofisa Suetusi.
2. O le gafatia ona toe faaola mai o tufatufaga e tataua ona maua a le Malo mai Matagaluega tumaoti. O loo matauina pea i tausaga uma o le alualu i luma ma le faaopopo o le tufatufaga a Matagaluega tumaoti ua tataua ona totogi i le Malo. O le fesili faalemafaufau ua tulai mai, poo gafatia e nei Matagaluega ona totogi mai nei tufatufaga, e pei ona faamauina i le tala o le tupe. O loo faatino pea le galuega taugologolo a le Matagaluega o Tupe, i Pulega o nei Faalapotopotoga tumaoti a le Malo. O loo ave foi se tuualalo i le Kapeneta mo galuega talafeagai ina ia toe faaolatia mai nei tufatufaga.
3. O le fesiligia o le sa'o o paleni i le tala o le tupe i aitalafu totogi mai. O le matauina o le sa'o o paleni o le tala o le tupe i lalo o vaega o aitalafu e moomia le totogi mai i totonu o Matagaluega. O loo iai se faamaumauga o aitalafu i le Matagaluega o Tupe Maua mai le latou polokalame faakomepiuta o le ASYCUDA e \$12,824,046 Tala e le mafai ona maua poo faamauina i le Tala o le Tupe o lenei Tausaga. E lei mafai foi ona maua i luga o le Finance lenei aitalafu. O le tali a le Matagaluega o Tupe, ua savalia nei le lua tausaga talu ona taumafai pea le Matagaluega o Tupe e faamaopopo le tala o aitalafu atoa a le Malo. Ma o

le malamalamaga o loo iai nei o loo nafa Matagaluega taitasi i le mataituina o latou aitalafu ina ia sa'o ma atoatoa. O loo galulue pea le Matagaluega o Tupe ma Pulega o isi matagaluega ina maua le tonu ma le sa'o o le fuanumera o aitalafu.

4. Auililiga o suiga i paleni o aitalafu lautele mai le tausaga ua mavae. O loo iai nai aitalafu e moomia le toe silasila i le mafai ona toe totogiina mai ona o le leai o se suiga mai le tausaga ua mavae poo le alualu foi i luga. O loo galulue nei le Matagaluega o Tupe ina ia mafai ona ave esea nei aitalafu mai le tala o le tupe.

Schedule 7: Faamatalaga o Tupe Teu Fa'afaigaluega

E lei mafai ona maua se faamatalaga e faamautu ai teuga tupe a le Malo i faletupe ma faalapotopotoga. O le a taumafai le Matagaluega o Tupe e aumai tala o tupe e mafai ai ona faamautu teugatupe a le Malo i faalapotopotoga o loo aumai i le lisi.

Schedule 8: Faamatalaga o Tupe Faavae ma Noataga

1. O le tuai ona fesiitai suiga i matafaioi e tusa ai ma le malilie ma le IMF/IBRD. E tusa ai ma faatalatalanoaga ma faalapotopotoga o le IMF ma le IBRD, o le iai matafaioi o loo tauave pea e le Matagaluega o Tupe ua tataua ona siitia i le Fale Tupe tutotonu o Samoa. O loo faagasolo nei fuafuaga e tusa ma le malilie sa sainia i le masina o Aokuso 2014.
2. O le le mafai ona faamautu ia tupe o loo totogi e lagolago i faalaopotopotoga o loo fai paaga ma Samoa. E lei mafai ona maua ni tala e faamutu ai paleni o tupe o loo totogi e le Malo o Samoa i nisi faalapotopotoga. Sa taumafai lava le Matagaluega o Tupe e maua mai ni faamatalaga tusitusia mai faalapotopotoga o loo lisi mai, peitai e oo lava ile taimi e tuufatasi ai le tala o le tupe a le Malo e lei tali mai lava.

Schedule 9: Fa'amatalaga o Meatotino Tumau

1. O le leai o se suiga i le tau o loo faamau ai le fanua a le Malo i Apia talu mai le 2007. O loo matauina i totonu o le tala o tupe i Aseta a le Malo, le moomia ona toe Iloilo le tau o le fanua e talafeagai mo lenei tausaga faaletupe. Ona e gata mai le tau o le fanua i le tausaga e 2007. O lona uiga o loo maualalo le tau o le fanua, ona o fanua i le taulaga e siisii pea i luga o latou tau i tausaga taitasi. O lenei faatinoga e o gatasi foi ma tulaga faatausitusi faavaomalo (IPSAS 17). Sa faapea le Matagaluega o le fanua o loo tagofia i le lipoti a le Suetusi, o se fanua na maua mai e le Malo e ala i se fetuunaiga o se aitalafu ma se tasi o Matagaluega Tumaoti. Matou te lagolago i le mataupu peitai e ao foi ona silafia o lenei galuega o le iloilo o le tau sa'o e faamau ai le fanua e le o se galuega taugofie, ae ui i lea o le a sei toe silasila ai le Pulega i ni auala e faamalieina ai le mataupu.
2. E le o mafai ona taofa'i uma Aseta a le Malo i lalo o le tala o le tupe No. 9. E le o mafai ona maua se atoaga o le tala i Aseta uma a le Malo. I se faatalatalanoaga ma le Ofisa Sinia e vaaia Aseta a le Malo, e faapea o loo iai se polokalame faapitoa e faaoga ai le komepiuta e tapueina Aseta uma o le Malo. Ma o le faamoemoe o le a mafai ai loa ona maua se tala faamoemoeina o Aseta uma a le Malo. O loo galulue pea le Matagaluega o Tupe e taufagu ma Faamanatu i Matagaluega taitasi ina latou mataala i le faamaumauina o Aseta a le Malo. E ala lea i le faaleleia atili o Resitala o Aseta i totonu o Matagaluega, ma le faaogaina o le Polokalame faakomepiuta e faafaigofie ai ona iloa le atoaga o Aseta.

3. Leai ni faiga faavae e faatonutonu ai le faamauina o Aseta i luga o faamatalaga o tupe. E pei ona matauina i tausaga ua mavae, e le o iai ni faiga faavae tusitusia ma le aloaia, e faaoga e faatonutonu ai le Matagaluega o Tupe i le faamauina, ma le tapenaina o faamatalaga o tupe i lea tausaga ma lea tausaga. E pei ona talanoaina, o nei faiga faavae o le a fesoasoani tele i itu nei:
 - Aloaia ona faamauina o Aseta i luga o le tau na faatau ma ai, poo se tau na maua mai se auiliiliga a latou e iai le tomai faapitoa e faamautu ma fetuunai ai se tau faaletupe e faamau ai asetaa le Malo;
 - Faaogaina o Inisiua ma isi tulaga e aafia le tau o le aseta aemaise o le tausileleia o Aseta mo tausaga e tele.

O loo galulue le vaega o Aseta e taumafai e tuufatasia uma tulaga e pei ona laga e le Ofisa Suetusi. E le o au ese se manatu a le Matagaluega o Tupe i le taua ona sao ma atoatoa lelei o faamaumauga e agai i Aseta a le Malo

Schedule 11: Fa'amatalaga o Foa'i Fa'ameaalofa mo Polokalame Fa'atino

1. O le gafatia ona toe maua mai o le paleni ua sili atu i lo le faaogaina o tupe sa fuafuaina mo poloketi faapea tupe nono ma tupe foa'i mai atunuu i fafo mo le atinaeina o Samoa. I le vaega o tupe foa'i mai atunuu i fafo, sa matauina le faaogaina o nei tupe i luga atu le fuainumera sa faamauina i tusi a le Matagaluega o Tupe. O le iai o Paleni ua sili atu i lo le tupe faatatau i totonu o tusi ma faamaumauga a le Matagaluega o Tupe, o loo atagia mai ai le tuai ma le telegese ona faatino o faatusatusaga o tala o le tupe ina mafai ai ona fai faaiuga i le faaogaina le tatau o tupe e lei fuafuaina. Aemaise o le taasisia o aiaiga faaletulafono ma atunuu ma faalapopototoga o loo auala mai ai nei fesoasoani faaletupe. O lea ua fautuaina le matagaluega o tupe, ina ia sailiili poo iai ni mafuaaga tatau ua alai ona sili atu le faaogaina o tupe sa faatatau mo nei poloketi. Talu ai ona o tupe a le Malo o Samoa lea ua toe faalu i lalo o nei poloketi, ma e tatau ona toe sialsila iai pe mafai ona toe faaolatia mai nei tupe i luga o aiaiga faa-va-o-malo. Ma e toe faamanatu foi le taua ona faataunuu o faatusatusaga o tala o tupe i ona tulaga faanatinati.
 - O nisi o poloketi o loo lisi atu i lalo, e le na o le toatasi se atunuu poo se faalapopototoga o loo faatupeina. O nisi foi o poloketi ua maea galuega faasolo ma ua uma ona aveese mai tusi ma tala o le tupe i tausaga ua mavae pe a tagai i le lisi o loo tuufaatasia atu i lalo.
 - E toatele se fuainumera o poloketi o loo faatalitali le taunuu mai o tupe saa faoga i lenei tausaga faaletupe. E 4 poloketi mai le 26 ua tatau ona aveese ma tusi ma tala o le tupe ona ua maea galuega faasolo.
 - O loo faatino pea galuega faatausi tusi i le faatusatusaga o tala o le tupe maua ma tupe faaalu i poloketi taitasi – i le tai ono masina poo le tai tolu foi e pei ona masani ai i aiaiga o nei poloketi. Ma o nei foi poloketi o loo sueina e le Ofisa o Suetusi a latou tusi i tausaga taitasi. Ua faamauina e le Matagaluega o Tupe le taua ona lava o le seleni e faatupe ai galuega o poloketi taitasi i soo se taimi, ma o le ala lea o le galulue faatasi ma atunuu/faalapopototoga o loo faatupea nei poloketi ina ia fetuunai aua le faaauau pea o galuega patino i poloketi.
2. E le o iai ni faatusatuaga i faamaumauga o tala o le tupe mai le vaega o loo vaaia Poloketi ma le vaega o loo tuufaatasia le tala o le tupe a le Malo. E lei mafai ona maua ni faatusatusaga e faamautu ai le sao ma le atoatoa o faamaumauga i totonu o faamatalaga o tupe i le vaega o loo nafa ma le tuufaatasia o tala o le tupe. O le ala lea e faigata ai ona maua se mautinoa le tala o tupe i vaega o tupe alu ma faoga i poloketi – o loo faatupea e atunuu, faalapopototoga o loo foai mai aemaise o tupe nono mai faavaaitaimi. O loo nafa le vaega o le Matagaluega o loo vaaia Poloketi a le malo ma faatusatusaga o tala o tupe i poloketi taitasi. O loo iai foi faamaumauga taitasi o tupe faaalu o o poloketi taitasi. Ma o nei poloketi o loo faia foi a latou suega tusi i tausaga taitasi. O loo faapipii atu faatusatusaga o poloketi taitasi o le lisi na tuuina mai. O loo

faamauina foi le taua ona sa'o o numera o atunuu/faalapopotoga o loo foai ma faatupea poloketi taitasi.

3. E le o sa'o le lisiina o poloketi i totonu o faamaumauga a le Finance One. Sa matauina tala o le tupe mo le poloketi numera 2007-02-120, o le le sa'o ona faaalu i lalo o le Malo o Ausetalia ma le UNDP, peitai o lenei poloketi sa faatupe e le faletupe o atinae o Asia. O lona uiga, o tupe na maua mai i le ADB, ua faalu i lalo o tupe na aumai mai le Malo Ausetalia ma UNDP. O le paleni faaiu i lalo o nei atunuu o loo faatupea poloketi e le o sa'o ma atoatoa ona o mafuaaga o loo tuuina atu i luga. Sa faatalatalanoa le vaega o loo vaaia Poloketi ma o loo fai mai e le mafai ona faasao vagana ua iai se suiga i le faatonutonuga o le komepiuta faatausitusi (Finance One). Sa faatalanoa foi le vaega e vaaia komepiuta (Information technology) ma faamautu ai, e le mafai ona faasao nei paleni vagana ua toe suia polokalame o loo faatonutonu ai le komepiuta faatausi tusi. Ua maea ona toe faasao ia le tala o le tupe ma ua talia foi fautuaga na tuuina mai aua le toe faalelei atili o le auaunaga.

Schedule 12: Faamatalaga o Aitalafu e totogi

1. O le alualu pea i luga o le vaeaga o le tala o tupe i isi aitalafu e fia totogi atu i lalo o lenei faamatalaga o tupe o loo matauina pea le alualu i luga o nisi aitalafu e fia totogi atu a le Malo. I se faatalatalanoaga ma le Matagaluega o Tupe o nei faamatalaga o tupe i totonu o tusi a le Malo, e tatau ona maea le tausaga ua leai se paleni o totoe. Peitai e le o le tulaga lena. O nei faamatalaga o tupe e tatau ona vaavaaia faalelei i masina taitasi, ma e tatau foi ona leai se paleni e totoe i le faaiuga o le tausaga faaletupe. O le faamatalaga nei o tala o tupe e pei ona laga e le suetusi:
 - Unclaimed Monies: O lenei vaega o le tala o le tupe o loo faamatala ai le paleni o siaki e lei talaina mai le faletupe e pei ona faamatala atu i le mataupu e 4 o le vaega o le Schedule 5. Sa faia se galuega faatusatusa i tupe o loo iai i le faletupe ma faamaumauga a le Matagaluega, ma o lea la ua tulai mai ai le lisi o i latou e lei pikiina a latou siaki p eave foi i le fale tupe e tala mai tua. Ma o lenei lisi o le a galue ai nisi o le Matagaluega aua le toe faalauiloaina o le lisi mo tagata uma e tatau ona tala i tua a latou siaki.
 - Fund Account – Sundry Clearing: O lenei vaega o le tala o le tupe e mafua ma ii tupe sa lafo mai e atunuu ma faalapopotoga i fafo e faatupe ai poloketi ma isi atinae, peitai e lei mafai ona maua mai faamaumauga poo fea e agai ai. Sa faatoa toe maua mai faamaumauga i le tausaga faaletupe o le 2015, ma o lea la ua toe faasao ma ua faaitiitia ai le paleni.

Schedule 13: Fa'amatalaga o tupe totogi e ono Tula'i Mai

1. O le le atoa o faamatalaga o tupe ina ua le ripotia paleni o isi tupe mai faletupe. Sa matauina le le ripotia o paleni o loo lisi atu i lalo mai le Matagaluega o le UTOS. E lei mafai na tuuina mai se tali auiliili a le Matagaluega o Tupe e uiga i lenei mataupu. Peitai o loo iai fetusiaiga a le Matagaluega o Tupe ma le Pule Sili o le Matagaluega o UTOS.
2. E lei mafai ona maua mai se faamaumauga mai le faletupe o le Westpac i ni nonogatupe o loo faamaonia e le Malo mo matagaluega tumaoti.

I le taimi sa faatino ai le suega, e lei mafai ona maua atoatoa mai i le faamaoniga na aumai e le faletupe o le Westpac ia le lisi o nonogatupe a Matagaluega tumaoti a le Malo o loo latou faamaoniaina. O se faamataaga mai le Matagaluega o tupe o loo ave nei se latou tusi i le faletupe o le Westpac ina ia maua mai se isi talaaga e faamaonia ai paleni e pei ona moomia e le suetusi.

Schedule 14: Fa'aputuga Tupe Faapitoa

E le o iai ni faiga faavae aloaia lelei e limataitaiina ai le faagasologa o galuega a le afaigaluega e nafa ma le tusi esea o aseta a le malo. Sa faatalatalanoa foi le ofisa sinia o loo nafa ma lena galuega, o loo faatino lava i luga o le vaaiga o le poto masani pe fia le tau o le aseta poo se fuafuaga o le tau e faatau ai luga o le maketi i le aso e tusi esea ai. O le a galulue le Matagaluega i le tuufatasia o faiga faavae talafeagai.

Schedule 15: Tupe Fa'aalu i Fa'amanuiaga mo Tagata Maliliu

Totogiina o faamanuiaga e maua e le afaigaluega maliliu. Sa matauina faamaumauga o faamanuiaga o maliu e ala mai aso ma'i e lei avea faapea ma aso malolo e lei faaogaina, ae ua tuu uma i lalo o le vaega tupe o faamanuiaga pe a maliu se tagata o le afaigaluega a le malo. Ua maea ona toe faasao e le Matagaluega o tupe lea tulaga.

Schedule 16: Fa'aputuga Tupe Fa'agaga mo Fa'augegatupe

1. I le matou suega o tusi patino tonu i le teuga tupe faapitoa, o loo matauina ai le tele o siaki e lei talaina mai tua, faapea ma teuga tupe e lei teuina i le faletupe. O loo galulue nei le Matagaluega o Tupe ma isi Matagaluega e pei o le Matagaluega o Faamasinoga ina ia foia le faafitauli. Ma o le a iai le suiga i le tausaga 2015. O loo iai foi le talosaga nisi o Matagaluega ina ia tusi esea nei siaki ma tupe e lei talaina, faapea ma tupe e lei teuina.
2. O le feeseesega i le tala o le tusi tupe faapitoa mo le Talomua. Sa matauina le iai pea o se paleni i luga o lea faamatalaga o tupe, peitai o lea tusi tupe sa tapunia i le tausaga e 2012 ua leai se paleni o totoe. Sa fesiligia le Matagaulega o tupe, ma o le tali mai faapea o se sese e mafua mai ina ua faalua ona tusi i le tala o tupe se faamaumauga o faatau. Ua maea ona toe faasao.

Schedule 18: Faamatalaga o le Faaputuga Tupe o le Inisiua

1. O le eseesega o tala o le tupe mo tusi tupe faapitoa mo le Inisiua
2. Sese se faamatalaga o se tasi o le pa'u mai tupe faaliliu e \$115,340.
Sa faamatala e le Matagaluega o le mafuaaga ona sa iai nisi aoga sa aveesea ma ile inisiua. Ua maea ona fa'asa'o lea tulaga.

1.2 Ripoti mai suegatusi o siaki ma tupe faaalu, ae lei totogiina I le masina o Iulai – Tesema 2014

1. Sa matauina le tele o siaki ma tupe faaalu sa tatau ona totogi i le tausaga faaletupe ua mavae atu peitai o lea faatoa totogi nei i le tausaga faaletupe 2014/15.
2. Tele faamaumauga tusitusia e sese ona faaopopo/toese mo le lagolagoina o le tuufaatasia o siaki aua tupe totogi.
3. Sese vaega tupe sa tatau ona faaoga e talafeagai ma le tupe faaalu
4. I luga o sailiiliga faasuetusi, o loo iai ni tupe totogi e faaetetegata ona e peiseai ua totogi faalua, peitai ona o le tutusa o faleoloa e alu ai le tupe, o le aso o le pepa o pili, aofaiga o le tinoitupe o le pili, mai le matagaluega lava e tasi ae e eseese numera o le pili.
5. O loo matauina le iai o tala o pili e foliga mai e muamua tuu i totonu o le polokalame faatausitusi (Finance One) ae lei taunuu mai le pili o oloa. Ae sa tatau na muamua ona ona taunuu mai le pili o oloa ae lei tusia i totonu o le Finance One
6. O loo maua pea le le atoa o faamaumauga tusitusia e lagolagoina ai siaki totogi a le malo.
7. O loo moomia le toe faaleleia ma le tausisia pea o faiga faavae i le totogiina o pili, i le atoaga o faamaumauga tusitusi, resitala o aseta tusi esea, tusi tauofoga e tolu i se oloa/aunaunaga e sili atu i le 5,000 tala, ma le faamuamua o tusi oka aloaia a le Malo ae lei momoliina mai le oloa i le matagaluega.
8. E moomia le toe silasila i vaivaiga e mafua mai i le le tausisia o tulafono e agai tonu i le faatapulaaina o le afaigaluega ua iai tofiga latou te silasila i le aloaiaina ma le faamaoniaina o pepa mo le faagaioiga o tupe faaalu ma totogi i le au faioloa. Sa matauina foi le tuputupu pea o le faatinoina lea o tiute e tatau ona vaevae i isi tagata faigaluega ona e ono tulai mai ai ni faafitauli ma ni sese o faamaumauga
9. O loo matauina le faatamala o nisi o Matagaluega i le faafouina o latou laisene o loo feoai ai taavale, o le ala lea o le faasalaina e le Pulega o Auala ma Taavale, ma o se tupe ua alu maimau i luga o le faatamala.
10. E tuai ona faagasolo totogi a le au fai faleoloa ma tagata lautele ona o le sese ma le le atoatoa o pepa e faamaonia ai tupe faaalu mai tua i Matagaluega. O nisi o faafitauli na matauina e aofia ai le le sa'o ona aveese o le lafoga i luga o le polokalame komipiuta faatausitusi , sese o numera o pili totogi, sese o faamatalaga ma faamaumauga.
11. E tele ni faaletonu sa maitaina e aofia ai:
 - Leai ni faamaoniga
 - Le atoatoa faamaumauga lagolago
 - Feseai faamatalaga
 - Le sa'o faamaumauga
 - Faamaumauga ua fa'asa'o ae ua tuanai taimi faatapula
 - Le usitaia o taiala
 - Faamaumauga leiloloa

1.3 Ripoti mai suegatusi o siaki ma tupe faaalu, ae lei totogiina i le masina o Ianuari – Iuni 2014

O le tasi nei o auaunaga a le Ofisa Suetusi e faatino ina ia fesoasoani i le faamautinoaina o le sa'o o tupe faaalu a le Malo i aso tai tasi. O lenei galuega e aofia ai le siakiina poo usitaia tulafono ma faiga faave o le Malo o Samoa ae lei totogiina pili ma isi auaunaga.

I le masina o Ianuari sei a oo i le masina o Iuni 2014, e atoa le 14,354 o pepa o faamatalaga e lagolagoina le 8,878 siaki sa totogi ai tagata lautele e aofia ai faleoloa, kamupani ma isi tulaga faapena. Ae le aofia ai le siakiina ma le suega o tusi o totogi o tagata faigaluega i vaiaso taitasi. Ma o le masina o Ianuari se ia oo i le masina o Iulai e maua le 65,477,398 Tala na faaalu i totogi o tagata faigaluega e 5,500 a le Malo (e le aofia ai Matagaluega tumaoti)

Auiliiliga Faasuetusi:

I totonu o le masina o Ianuari, e 128 le aofai o mataupu na lagaina e le Ofisa Suetusi e faasaga i Matagaluega o le Malo e uiga i latou tapenapenaga o faamaumaga ma pepa tusitusia e lagolagoina ai le faamaoni ma le atoatoa o faamatalaga ae le'i totogiina pili ma auaunaga lautele. O nei mataupu o loo tuu faatasia i lalo:

1. Sa faaoga polokalame faapitoa e sue ai poo iai ni pili totogi ua faalua ona totogi. I lenei suega sa mataituina ai itu nei – Poo tutusa o faleoloa e alu ai le tupe, o le aso o le pepa o pili, aofaiga o le tinoitupe o le pili, mai le matagaluega lava e tasi ae e eseese numera o le pili. Sa su'eina e lenei polokalame faapitoa pili uma i le lua tausaga talu ai, ma sa maua ai le aofaiga e 2,200 pili o loo lavea i lalo o lea tuutuuga e pei ona mataituina. O lea lisi ua maea ona momoli i le Matagaluega o Tupe.
Sa matauina foi, e ono iai nisi pili ua totogi na o se vaega ina ia maualalo le aofaiga e totogi. O lea tulaga e atagia mai ai le taumafai e faaoga le tulaga ua gata ai le malosiaga ina ia alofia le faamaoniaga o se pili totogi.

O pili totogi uma a Matagaluega o loo faaoga ai le polokalame komepiuta faatausitusi o le Finance One e faasolo ai le faamaoniga o faamumaga tusitusia e lagolagoina le aofaiga e totogi. O loo iai foi aiaiga ua maea ona faapolokalame i totonu o lea sofuea ina ia puipuia ai le sa'o ma le faamaoni o faamatalaga o loo tuu ai i totonu. Peitai e matauina pea, le mafai e Matagaluega ona latou faatogafiti ona faataunuu le tuuina i totonu o latou faamatalaga. O le faafitauli o la e tulai mai, o le a faigata ona iloa poo ua iai ni pili ua totogi faalua pe sili atu foi.

E fautuaina le matagaluega o tupe ina ia silasila i faiga faavae e talafeagai ma le faaogaina o le Finance One aua le malupuipua o faamatalaga ma le faafaigofie ona maua ni faamatalaga e le tatau ona tuu i totonu, aua le faamausaliina atili o le sao ma le atoatoaga o le tala o tupe, aemaise o le taofitaofiga o tupe faaalu le tatau.

2. Sa matauina le iai o tala o pili e foliga mai e muamua tuu i totonu o le polokalame faatausitusi (Finance One) ae lei taunuu mai le pili o oloa. Ae sa tatau na muamua ona ona taunuu mai le pili o oloa ae lei tusia i totonu o le Finance One

I le masina o Fepuari, e 212 mataupu na lagaina e le Ofisa Suetusi, ma o le tele o nei mataupu o loo lisiina atu i lalo:

- O pili ua totogi faalua
- O pili ua tusi mai se aso o loo i luma, ae faatoa maua mai nei le pili;
- O pili ua totogi e le tatau ona totogi e le o faamalieina faiga faavae;
- O le le sa'o ona fai o totogi a le aufaigaluega i le siitaga o le 3% e pei ona faatulafonoina;

- O pili ua totogi faaafa ae le totogi atoa i le taimi e tasi, ina ia faatogafiti ona faamisi faiga faavae;

I le masina o Mati, e 253 mataupu na lagaina e le Ofisa Suetusi mai le 2,627 o pepa na faagasolo mai e totogi ai pili. Ma o mataupu nei sa matauina:

- O le faataunuuina lea o se galuega e aunoa ma se pepa e fai ai oka o oloa, e aloaia ai le feagaiga o faatauaina;
- O le sese o le faamatalaga o tupe ua tuuina i totonu o le polokalame faakomepiuta
- O le lava o faamaumauga aloaia e lagolagoina ai le aofaiga o le pili e tatau ona totogi;
- O le le talafeagai o le afaigaluega ua latou faamaoniaina le pili e totogi, ona o le aofaiga e luga atu i lo le tapulaa ua faatulafonoina;
- O pili o ua tusia mai aso o loo i le lumanai, peitai faatoa maua ma ii le aso le pili;
- Ua totogi nisi o pili ae lei faatinoa pe momoli mai foi le oloa.

Aperila 2014:

I le masina o Aperila, e 123 mataupu na lagaina e le Ofisa Suetusi mai le 2,405 pepa sa tuu faasolo mai e totogi ai pili. Ma o mataupu nei ua taofai atu i lallo:

- O le le tausisia o faiga faavae e ao ona uia ae lei totogiina se pili;
- O le le tausisia o aiaiga ma faiga faave sa faatonu mai ai le komiti o tauofoga e tatau ona faatino ae lei totogiina le pili;
- O le le tausisia o le feagaiga e pei ona malilie a ii aiaiga o le konekarate;
- O le le tausisia o Faaiuga aloaia a le Kapeneta;
- O le sese o faamatalaga o tupe e tatau ona tuu iai i lalo o tusi o le Matagaluega o Tupe.

Me 2014

Mo le masina o Me, sa lipotia ai fautuaga ma apoapoaga e tusa ma le 207 mai pemei e 2,960 sa tuuina mai mo le siakina e tusa ai ma auala faasuetusi. O le tele o fautuaga mo Matagaluega o loo tuuina atu i lalo.

Iuni 2014:

I le masina o Iuni, e 312 mataupu faasuetusi na lagaina mai le 4,702 o pepa na faasolo mai e totogi ai pili a Matagaluega. O mataupu nei sa lagaina:

- Ua le faamalieina faamaumauga tusitusi e lagolagoina ai pili e totogi;
- le sese o faamatalaga o tupe e tatau ona tuu iai i lalo o tusi o le Matagaluega o Tupe.
- le le tausisia o le feagaiga e pei ona malilie a ii aiaiga o le konekarate;
- le le tausisia o aiaiga ma faiga faave sa faatonu mai ai le komiti o tauofoga e tatau ona faatino ae lei totogiina le pili;
- Totogi faalua le pili;
- le faataunuuina lea o se galuega e aunoa ma se pepa e fai ai oka o oloa, e aloaia ai le feagaiga o faatauaina;
- le sese o le faamatalaga o tupe ua tuuina i totonu o le polokalame faakomepiuta

1.4 Tala o le Tupe faalekuata mo le piliota 1 Iulai 2012 – 31 Mati 2013

1. O loo matauina pea le iai o eseesea o faamaumauga faa tausitusi. O lenei mataupu sa laga i lipoti faa le kuata ua maea, ona e atagia ai le tuai o faamaumauga poo faamaumauga ua toe sui aso. Sa tali le Matagaluega o Tupe o loo taumafai pea e toe faalelei a latou galuega aemaise le toe iloiloaina o eseesea mai luga o polokalame faakomipiuta a le Malo.
2. Sa matauina le le atoa o le Tala o le Tupe Faaopopo 2012/13 ona e le i atagia ai le \$9.8 miliona i totonu ole Tala o le Tupe faalekuata ona sa le i tuulata mai nei faamatalaga i luga o le polokalame faakomipiuta a le Malo. Sa i ai foi se eseesea i nisi faamaumauga. E leai foi ni faapaleniga e faia i masina taitasi ma ni faamaumauga e lagolagoina ai. Sa tali le Matagaluega ua maea nei ona faasao ma atagia le \$9.8 miliona i totonu o faamaumauga.

1.5 Tala o le tupe o le kuata 1 Iulai 2013 – 30 Setema 2013

1. Sa matauina e lei paleni le aofaiga o loo i totonu o tusi a le Matagaluega ma le aofaiga o loo i totonu o le ripoti i lalo o le vaega o tupe ua faatulafonoina ona faaoga. O lenei eseese e 7,892, ma ua uma ona toe faaso e le Matagaluega o Tupe.
2. O le tala o le tupe faatusatusa i le Vaega 1 o le faamatalaga o tupe e le o sa'o ona e le o le numera lea o loo tusia i tusi ua uma ona aloaia i le tausaga 2012.
3. Sa iai se eseese o fuainumera i totonu o tusi a le matagaluega o tupe ma le aofaiga sa tatau ona iai i luga o le tulafono. Ma ua uma foi ona toe faasao e le Matagaluega o Tupe.
4. O loo lisi atu i lalo le aofaiga o siaki e lei talaina mai tua o le faletupe:
 - 2010/11 – \$67,300
 - 2011/12: \$850,631.87
 - 2012/13: \$897,606.79O loo galulue nei le Matagaluega o tupe i se faiga e foia ai lenei faafitauli.
5. E lei tutusa le aofaiga o tupe faaalu faaletulafono ma le aofaiga o loo faamaumau e le Matagaluega o tupe.

1.6 Tala o le tupe o le kuata 1 Oketopa 2013 – 31 Tesema 2013

1. E lei paleni le aofaiga o faatusatusaga i le tala o le tupe mo le vaega o tupe maua a Matagaluega, ma ua uma ona toe faaso e le matagaluega o tupe.
2. E lei tuuina i totonu o faamatalaga o tupe ia tupe faatatau mo le matagaluega o tupe, ma ua uma foi ona toe faasao.
3. O loo alualu pea i luga le aofaiga o siaki e lei talaina mai tua o le faletupe. O loo lisi atu i lalo:

1.7 Tala o le tupe o le kuata 1 Ianuari 2014 – 31 Mati 2014

1. E lei tutusa le aofaiga o isi tupe maua, i lalo o le vaega muamua o le tala o le tupe ma le aofaiga o loo faamaumau e le matagaluega o tupe i le latou tusi. E 39,516 le eseese, ma o lea ua maea ona toe faasao.
2. O loo matauina le le tutusa o tupe maua mai Matagaluega i le lisi muamua o le ripoti ma le aofaiga i totonu o tusi a le matagaluega. O le tali mai a le matagaluega e faapea ona o le tele o faamatalaga o tupe ua toe foi i tua ona tuuina i totonu. Ma ua uma ona toe faasao.
3. O loo lisi atu i lalo ia siaki e lei talaina mai le faletupe:
4. E lei iai nit ala faatusatusa i le tala o le tupe i lenei kuata i le taimi na aumai e faatino le galuega a le Ofisa Suetusi. Ma ua uma ona toe faasao e le Matagaluega o Tupe.

1.8. Faatauga o Oloa aso 8 Mati 2014 i Vaimea

1. E le o iai ni faiga faavae e limataitaiina ai le tusi esea o aseta ua leaga a le malo. E taua lea tulaga ona e faigofie ai ona iloa pe fia le tau o le aseta e tatau ona faatau ai le lautele o le atunuu.

1.9. Faatauga o Taavale a le Malo i Vaimea – 29 Iulai 2014

1. Sa faatalanoa ma le Matagaluega o Tupe le taua ona toe faaleleia o aiaiga o loo iai nei e ala i le auai o le Ofisa Suetusi i le faamaoniaina o le ua manumalo.

1.10. Faatauga o Oloa mo Taavale ua tusi esea – 18 Setema 2014

1. E taua le toe silasila o le Matagaluega o Tupe i le lisi o tagata o loo faatagaina ona latou tauofo i le faatauga o aseta a le malo.

2. SUEINA O TUSI O MATAGALUEGA

2.1 Matagaluega o Fa'atoaga ma Faigafaiva vaitaimi na su'eina 1 Mati 2014-31 Me 2014

1. E le'i mafai ona fa'atinoina la matou faitauga o le fa'aputugatupe mo mea laiti ile Vaega o Faigafaiva ona sa lokaina le ki o le apa tupe, fa'atoa fa'aoo mai le ki i le aso na soso'o ai. Sa tali le Matagaluega e le mafai ona fa'aogaina se tupe e aunoa ma le fa'amaoniaga a le Sui Pule. Ua maea nei ona fa'atinoina fuafuaga talafeagai i le na aafia i le mataupu, ma ua teuina nei le ki i le Ofisa i taimi uma.
2. O tusi risiti ua maea lona fa'aogaina e le toe tu'uina atu i le Ofisa Autu mo lona teuina. O tusi risiti e 50 ua maea ona totogiina e le Matagaluega e tusa ai ma fa'amaumauga, ae na'o le 7 tusi sa fa'aooina atu. O tusi risiti e pulea e le Matagaluega o Tupe, o lona fa'asoaina e fuafua i le aofaiga o tusi avanoa i taimi e talosaga atu ai.
3. O aso o nisi risiti sa suia e le aufaigaluega a le Vaega o La'au Toto ina ia gagaina ai le tuai o le teuina o tupe. Sa lokaina tupe i le Ofisa i le fa'aiuga o le vaiaso ma fa'atoa teuina i le aso na soso'o ai. O lo'o taumafai le Matagaluega ina ia mautinoa le tu'uina atu o risiti i le Ofisa Autu i aso taitaso ae lei o'o i le 2.30pm. O itula mo fa'atauga i le Ofisa i Nu'u e fa'aauau pea se'i maea itula faigaluega i aso taitasi o le mafuaaga lea o fa'afitauli i le teuina o tupe. O fa'atauga i le maea ai ona fa'aooina atu o risiti i le Ofisa Autu e teuina i le aso e soso'o ai. I le aga'i ai luma, ua toe fa'amanatuina i le Vaega o La'au Toto i Nu'u le taua tele o le tausisia o taiala i le fa'atinoina o galuega ina ia aua ai nei toe tulai mai nei fa'afitauli.
4. O nisi o aseta fou sa fa'atauina e le'i fa'ailogaina, o le resitala foi o aseta sa le'i oo i se tulaga lata mai e iloa ai aseta uma. E tatau ona fa'amauina uma aseta i le resitala ae le'i tufatufaina i vaega taitasi. Ua iai nei le tagata faigaluega e va'aia aseta ma o le a gafa ia ma le fa'aleleia o nei mataupu.
5. Sa sainia e le Sui Ofisa Sili a le Vaega o Puipuiga, Asiasia ma Fa'atonutonuina o Fela'uaiga o fua o Fa'atoaga le totogiina o ona Alauni mo le tauaveinae o tiute a le Ofisa Sili. Sa misi i faila ia pepa (TY15s) mo totogi o nisi o le aufaigaluega. E tatau i le Matagaluega ona teu lelei fa'amaumauga o totogi ma fa'atino le iloiloina lelei o faila fa'apitoa mo tagata faigaluega ina ia mautinoa o lo'o i se tulaga lata mai fa'amaumauga.
6. O fa'amatalaga atoatoa o Tusi o fa'amaumauga eseese sa le'i fa'amauina. O le resitala o api penisini sa fa'amauina na'o tusi na tu'uina atu ae lei se fa'amaumauga o tusi na toe fa'afoiina i le Ofisa i le maea ai o le fa'aogaina. Sa tali le Matagaluega ua fa'amauina le fautuaga, o le a teuina le resitala tusi lima ma o le a fa'amautinoina foi le sainia e tagata ofisa o le resitala pe a tufaina ma toe fa'afo'iina mai nei tusi.
7. Sa fa'aogaina e le aufaigaluega laiti upega tafa'ilagi le talafeuga ma galuega fa'atino. E atagia mai ai le lelei o le fa'aogaina o punaoa ma meatotino a le Malo, ma e ono fa'atuputupulaia ai tupe alu i le initaneti. E tatau ona mataituina lelei e le Vaega mo Auaunaga Fa'atekonolosi le fa'aogaina o upega tafailagi e le talafeuga ma galuega fa'atino a le Matagaluega. O lo'o malamalama lelei le Matagaluega i le taua o upega tafailagi o le mafua'aga tonu lea o le tatalaina o le avanoa i le aufaigaluega mo lona fa'aogaina pe a talosaga mai ma fa'amaonia e le Pule Sili. O le manatu foi o le Matagaluega, e lei se aafiaga o lena faiga i luga o pili totogi o le initaneti ona o lo'o fa'atulagaina fuafuaga o le fa'aogaina o le initaneti. O le fa'aogaina foi o le intaneti o loo mataituina lelei. O lo'o iai foi le itulau a le Matagaluega i luga o Upega tafa'ilagi o lo'o fa'alauiloa ai galuega fa'atino, atinae ma auaunaga fa'afautua fa'apea poloketi uma o loo aafia ai le Matagaluega.

2.2 Matagaluega o Fa'atoaga ma Faigafaiva mo le tausaga fa'aletupe na fa'ai'uina i le aso 30 Iuni 2014

1. O le maoa'e tele o tupe vāea mai isi vaega i isi vaega e atagia mai ai le lēlei o fuafuaga o galuega fa'amuamua a vaega taitasi. O lā matou atugaluga o le lē mafai lea ona iloa sa'o o galuega fa'atino a le Mātagaluega sa mu'ai tu'uina ile Palemene e ala atu i le Tala Fa'atatau o Tupe. Sa tali le Mātagaluega, o tupe le fuafuaina na fa'asaoina mai i totogi o le aufaigaluega sa fa'aogaina, o le tele o nei tupe vāea sa totogi ai alauni mo le tauaveina o Tiute.
2. O le resitala o aseta e mo'omia le fa'aleleia. O le tele o aseta sa lei fa'amaumauina, o isi sa resitalaina i numera ua maea ona resitala ai isi aseta. E tāua le fa'amaumauina lelei o aseta ae lei tufatufaina atu i vaega taitasi. Sa tali le Matagaluega ua maea ona fa'aleleia le resitala ma ua iai nei i se tulaga lata mai.
3. E iai aitalafu ua sili atu ma le 180 aso e lei totogiina mai lava i totonu o le tausaga fa'aletupe o lo'o fa'atinoina ai le suesuega. O nisi o nei aitalafu o lo'o fa'atuputupulaia le agai i luga i le Tausaga Fa'aletupe 2013/14. O aitalafu a le aufaigaluega i Nu'u, na amata ona to'esea mai i o latou totogi i le amataga o le tausaga ua mavae, ae peitai o lo'o fa'atuputupulaia pea. Sa tali le Matagaluega ua fa'amauiina le fautuaga mo le agai atu i le lumanai.
4. Le'i iai ni fa'amaumauga e iloilo ai le fa'atinoga o galuega a le Mātagaluega pe na ausia fua fa'atatau o galuega fa'atino ile Tausaga Fa'aletupe o lo'o fa'atinoina ai le suesuega. E tāua le ave o le fa'amuamua i le iloiloaina o le fa'atinoina o galuega a le Mātagaluega ia mautinoa ai le sa'o atoatoa o fua fa'atatau o tupe a vaega taitasi. E le'o iai se Fuafuaga Autasi lata mai a le Matagaluega i le taimi nei. Sa tali le Matagaluega, o fuafuaga o galuega fa'atino o lo'o lipotiina i le Tala Fa'atatau o Tupe mo le Tausaga Fa'aletupe 2013/14. O lo'o iai foi le naunautaiga a le Matagaluega i le tu'ufaatasia o se Fuafuaga Autasi lata mai ile lumanai.
5. Na ova atu ma le tapula'a e \$5,000 i le tausaga, tupe na fa'aaluina i ta'avale a le Mātagaluega. O nisi pepa o tau o penisini e le'i maea ona totogiina ma e leai foi ni fa'amaumauga o femalagaiga a ta'avale. O nei aitalafu e fa'asino i ta'avale a poloketi sa totogiina mai i tupe o le poloketi a le SACEP. Sa tali le Mātagaluega, o lo'o fa'aogaina i le taimi nei pepa o fa'amaumauga o femalagaiga a ta'avale, o lo'o fai ma fa'amanatu i aveta'avale le taua'a'oina mai o ia fa'amaumauga.
6. E leai ni fa'amaumauga e lagolagoina ai Lipoti o Tulaga Fa'aletonu a le Mātagaluega, o nisi lipoti e lei tu'uina atu i totonu o le taimi fa'atulagaina. E leai se gaioiga sa fa'atinoina mo masini komipiuta na toesea, e tusa lona tau ma le \$15,450 i le masini.
7. Sā le'i atoatoa fa'amatalaga na tataua ona tu'uina atu i le Mātagaluega o Tupe mo a latou su'esu'ega. E le'i fa'aailoaina i le Mātagaluega o Tupe nisi o fa'alavelave ma e le'i fa'atinoina ni Lipoti o Tulaga Fa'aletonu. Sa tali le Matagaluega, o Lipoti o fa'alavelave tau ta'avale ua maea ona tu'uina atu ile Matagaluega o Tupe. O le toe fa'aolaina o masini komipiuta ua ta'atia nei se'i tālia se fa'amatalaga mai le Matagaluega o Tupe ona o le tagata faigaluega sa a'afia e le'o toe faigaluega i le Matagaluega.
8. O le tele o faifa'atoaga o le Polokalame o le Toe fa'aolaina o Niu, Koko ma le Kofe e le'i usitaia pe le'i silafia lelei le fa'atinoina o lenei polokalame. O le fa'afitauli sa tele na mātauina i poloka o le leai lea o ni la'au ua totoina ai ma se fa'amaoniaga o ni galuega sa fa'atinoina i ia poloka. E le'i lelei le feso'otaiga a le Matagaluega ma le aufaifa'atoaga, leai foi se gaioiga a le Mātagaluega i la'au e le'i maea ona tufatufaina i le amataga. E mo'omia le fa'atinoina pea o ni fonotaga masani ae le na'o asiasiga i taimi o le a totogiina ai seleni. Sa tali le Mātagaluega ua fa'amauiina le fautuaga, o le a fa'ao'o foi i le Komiti nei mataupu āua le fa'aleleia o lenei polokalame.
9. E le'i maua ni fa'amaumauga i vaa fagota ua maea ona laiseneina, o le resitala a le Mātagaluega e le'i fetau ma vaa fagota na asiasia. E le'i tausisia le iai o meatotino fa'aola mo'omia i luga o va'a. E tāua le galulue

fa'atasi ma le Matagaluega o Galuega, Felauaiga ma Galuega Tetele ina ia mautinoa le iai o meatotino mo'omia mo va'a. Sa tali le Matagaluega, o talosaga uma e tatau ona tu'uina mai tusi aloaia o le saogalemu mai le Matagaluega o Galuega, Felauaiga ma Galuega Tetele ae le'i resitalaina. O lo'o galulue fa'atasi le Matagaluega ma le Matagaluega o Galuega, Felauaiga ma Galuega Tetele, Pulega o Taulaga a Samoa ma le Matagaluega o Leoleo i le fa'amalosia o nei tulaga mo'omia i taimi uma.

10. O nisi o mataupu na mātauina i le sueina o risiti e aofia ai lē leai o ni risiti na tu'uina mai i Faletupe mo tupe teu, leai ni kopi o risiti mo iloiloga, sa iai fete'enaiga i aso sa teuina ai tupe ma risiti e le'i manino kopi. O Fa'atonuga a le Ofisa o Tupe o lo'o fa'apea mai, e tatau ona atoatoa lelei ia tusi o fa'amatalaga o tupe e tu'uina atu i le Matagaluega o Tupe.
11. O tusi mo fa'amaumauga eseese ma lona resitala e mo'omia le fa'aleleia ona sa lipotiaina foi nei mataupu muamua. E iai tusi risiti ma pepa totogi mo fa'aputuga tupe mo mea laiti e lei fa'amaonia. O le a tu'uina atu e le Matagaluega kopi o nei risiti ma o le a tapenaina foi se lipoti o fa'aletonu mo tusi risiti leiloloa. Sa iai le resitala fa'akomipiuta na fa'amauina ai tusi ae ua toe foi nei i le fa'aogaina o le api resitala tusi lima ina ia mautinoa ai le fa'amauina uma o fa'amatalaga taua.
12. E \$65,141.68 ua ova atu ai le fa'aogaina o le initaneti, e māfua mai i suiga i fua fa'atatau o le initaneti i masina taitasi āua le fa'aleleia o auunaga a le Matagaluega. E le'i gafatia le fua fa'atatau sa iai muamua. O lo'o matauina foi e le Mātagaluega le leai o se suiga i pili o initaneti o loo tumau pea.
13. O le tele o mataupu na lipotiaina muamua i suesuega ua mavae, o lo'o tula'i mai pea

2.3 Ofisa o le Loia Sili vaitaimi na su'eina 1 Novema 2013-31 Ianuari 2014

1. E 29,103.05 le paleni o aitalafu ua ova ma le 90 aso e lei totogiina. O le fa'atinoina o le aoina o aitalafu a Matagaluega o lo'o manino lea i totonu o Fa'atonuga a le Matagaluega o Tupe, e manaomia le tuuina atu e Matagaluega o tusi e fa'ailoa ai aitalafu. A fai e le tali mai i totonu o le sefulu fa aso o le tusi muamua, e tatou ona toe ave ai tusi fa'amanatu, a le fa'amalieina lava le tali i le maea ai ole sefulu fa aso mai le aso o le tusi lona lua, ua tatau lona ona agai atu le mataupu i le Tulafono. O lenei mataupu sa lipotiaina muamua foi ae o lo'o tulai mai pea. I le taimi nei ua tausisia e le Ofisa le Vaega C.12 o Fa'atonuga a le Ofisa Tupe. O lo'o fa'aauau pea le mātaituina ma le fa'aleleia o auala ina ia mautinoa le tausisia pea.
2. E iai le aufaigaluega e lei saina i api saina ma e aunoa foi ma se fa'amauiina po'o faigaluega. E le'i mafai ona mauaina pepa fa'amaonia o aso malolo a le aufaigaluega sa aveiina i le taimi na fa'atinoina ai la matou suesuega. O api saina ma pepa o aso malolo ua iai nei i se tulaga lata mai ma ua fa'atinoina puipuiga e pei ona tu'uina mai i le lipoti. O lo'o fai ma fa'atinoina ia siaki o paleni o aso malolo, tusilima ma fa'akomipiuta ina ia mautinoa le sa'o atoatoa o fa'amaumauga.
3. E iai oloa vave lona fa'aogaina e le'i resitalaina i le api resitala. Ua iai nei le resitala a le Ofisa mo ia oloa. A maea ona siakiina ona tufatufaina lea i vaega taitasi, o le tagata ofisa e taliaina nei oloa o le a saina i le api resitala.

2.4 Ofisa o le Loia Sili mo le tausaga fa'aletupe na fa'ai'uina i le aso 30 Iuni 2014

1. O le tele o aitalafu ua silia ma le 90 aso e le'i totogiina lava. Sa lipotiaina muamua foi nei mataupu i lipoti ua tuanai. O le a siitia ai le le mautinoa o le toe totogiina o ia aitalafu. E tatau ona fa'aleleia gaioiga i le tuliloaina o aitalafu aemaise ai aitalafu ua silia ma le 90 aso e lei totogiina. O le taimi nei ua taasisia e le Ofisa le Vaega C.12 o Fa'atonuga a le Ofisa Tupe ma o lo'o faatinoina le tu'uina atu o pili ma tusi fa'amanatu e pei ona manaomia. O le tele o aitalafu ua maea ona totogiina vagana ai isi aitalafu ua toe tu'uina atu i le Fa'amasinoga. O lo'o iai pea fa'afitauli i Fa'amasinoga o tagi a le Malo i tupe totogi mai, i le fa'amautinoaina o le mauaina o pili e i latou o lo'o fa'asaga ai tagi. O le taimi nei e tusa ai ma fa'afitauli fa'aletulafono, e le mafai ona feso'otai sa'o atu i le ua fa'asaga ai le tagi ae tatau ona auala atu i lana loia. A fai ua iai se suiga i loia sa iai muamua, o le a tuuina sa'o atu loa e le Ofisa ia pili i e ua fa'asaga ai tagi.
2. E leai se resitala o fa'amaumauga mo fa'aputuga tupe mo mea laiti ma sa iai fete'enaiga i le fa'agasologa o pepa totogi mo ia fa'aputuga tupe. O le tele foi o pepa totogi e le'i fa'amaonia. Ua fa'aleleia nei ia Fa'aputuga tupe mo mea laiti. O lo'o teuina le resitala ma ua fa'anumeraina foi pepa totogi. O talosaga mo le fa'aogaina o nei tupe e tatau ona fa'amaonia muamua e Ulu o vaega taitasi ae lei tuuina atu i le Vaega o Tupe mo le totogiina.

2.5 Matagaluega o Pisinisi, Alamanuia ma Leipa vaitaimi na su'eina 1 Novema 2013-31 Ianuari 2014

1. O le resitala eleteroni o lo'o fa'aogaina mo le resitalaina o kamupani i lalo o le va'avaaiga a le Matagaluega. O lenei polokalame e le'o lelei atoatoa ona e le mafai ona fausiaina lipoti e pei o resitala o kamupani, lipoti o pili fa'aletausaga e le'i totogiina ma lipoti o fa'amaumauga o Tupe Maua fa'aletausaga. Sa tali le Matagaluega, o lo'o galulue fa'atasi ma Atinae o Pisinisi Tumaoti i lalo o le Faletupe o Atinae a Asia i le iloiloa o le Tulafono a Kamupani 2001 aua le fa'aleleia o mataupu ua lipotiaina e le Ofisa Suetusi. O nei fesuiaiga o le a aveesea le tumau ai kamupani mai le Resitala o Kamupani a Samoa pe a le tu'uina mai a latou fa'amaumauga o Tupe Maua fa'aletausaga. O leisi atinae e ono fa'aleleia ai lenei fa'aletonu o le fa'atinoina lea o totogi e fa'aogaina ai pepa tala tupe fa'aaitalafu ma auunaga e fai ai totogi i luga o komipiuta.
2. O le lipoti mo le tausaga faaletupe 2012/13 sa lipotiaina ai mataupu i aitalafu e le'o mafai ona tu'uina i totonu o fa'amatalaga o Tupe Maua a le Matagaluega. Sa matauina foi lona toe tula'i mai i lenei suesuega. O se fa'amatalaga taua e tatau ona fa'ailoa, o lipoti o Tupe Maua fa'aletausaga o fa'amatalaga ia o Tupe Maua, fa'amaoniaga o fonotaga fa'aletausaga a kamupani ma a latou fa'aiuga fai ma mea fa'apena a, o le taimi nei, o fa'amatalaga o Tupe Maua fa'aletausaga ua na'o fa'amaumauga o kamupani, latou nofoaga, o le au fai sea ma komiti fa'atonu.
3. O lipoti i masina taitasi a le Vaega e Vaaia Tagata faigaluega na matauina ai o lo'o iai lava latou sa toe fa'amanatuina ai le fa'atumuina o pepa mo le fa'aogaina o aso malolo. O le faiga masani lenei a le tele o le aufaigaluega, e atagia mai ai le lelei o puipuiga fa'alotoifale i le mataituina o aso malolo. E tatau ona fa'amalosia le taasisia o Tulaga Tau i Fa'amaumauga Fa'ataoto e tatau ona mulimulita'ia e Tagata Faigaluega a le Malo. O lo'o iai auala mo fetu'unaiga i le aveina o aso malolo a le aufaigaluega pe a mana'omia. E siakiina e le Vaega e Vaaia Tagata faigaluega ia api saina i fa'aiuga o vaiaso taitasi ina ia mautinoa ai o i latou uma e leai ni pepa o aso malolo o le a maua se totogi. I fa'aiuga o masina taitasi, e tu'uina atu ai fa'amaumauga o aso faigaluega ma aso maolo o le aufaigaluega i Ulu o vaega mo le silafia. O lo'o tu'uina atu foi fa'amanatu i le aufaigaluega i le mulimulita'ia o Taiala a le Komisi e Pulea Tagata Faigaluega a le Malo. Ua tu'uina foi nei fa'amaumauga i luga o le initaneti a le Matagaluega ina ia mafai ai e le aufaigaluega ona siaki paleni o latou aso malolo i so'o se taimi, fa'atumu pepa o aso malolo i luga o komipiuta ma tulaga uma fa'apena.

2.6 Matagaluega o Pisinisi, Alamanuia ma Leipa mo le tausaga fa'aletupe na fa'ai'uina i le aso 30 Iuni 2014

1. Sa iai fa'aletonu na matauina i le resitala eleteroni mo fa'amaumauga o kamupani sa lipotiaina muamua foi. E le'o lelei atoatoa lea polokalame ona e le mafai ona fausia le tele o ripoti sa manaomia i le taimi o la matou suesuega e pei o le resitala o kamupani, lipoti o pili fa'aletausaga e lei totogiina ma fa'amaumauga o kamupani ua maea ona resitalaina. Sa tali le Matagaluega, o lo'o galulue fa'atasi ma Atinae o Pisinisi Tumaoti i lalo o le Faletupe o Atinae a Asia i le iloiloaina o le Tulafono a Kamupani 2001 aua le fa'aleleia o mataupu ua lipotiaina e le Ofisa Suetusi. O nei fesuiaga o le a aveesea le tumau ai kamupani mai le Resitala o Kamupani a Samoa pe a le tu'uina mai a latou fa'amaumauga o Tupe Maua fa'aletausaga. O leisi atinae e ono fa'aleleia ai lenei fa'aletonu o le fa'atinoina lea o totogi e fa'aogaina ai pepa tala tupe fa'aaitalafu ma auaunaga e fai ai totogi i luga o komipiuta.
2. E tusa ma le 72% o kamupani e le'i tali mai i le talosaga mo le failaina o Fa'amatalaga o Tupe Maua fa'aletausaga. E tatau ona tuuina mai fa'amatalaga o Tupe Maua fa'aletausaga e tusa ai ma aiaiga o le Tulafono a Kamupani 2001. E le'i fa'atinoina e le Matagaluega se gaioiga aua le fa'aleleia o ia mataupu. O se fa'amatalaga taua e tatau ona fa'ailoa, o lipoti o Tupe Maua fa'aletausaga o fa'amatalaga ia o Tupe Maua, fa'amaoniaga o fonotaga fa'aletausaga a kamupani ma a latou fa'aiuga fai ma mea fa'apena a, o le taimi nei, o fa'amatalaga o Tupe Maua fa'aletausaga ua na'o fa'amaumauga o kamupani, latou nofoaga, o le au fai sea ma komiti fa'atonu.
3. Na ova atu i le \$5,000 o le tapulaa i le tausaga e fa'aaluina i taavale, tupe ua fa'aaluina i taavale a le Matagaluega. E le'i tausia faiga fa'avae tusa ai ma le Fa'aiuga a le Kapeneta FK (08)06. O lo'o fa'aauau pea le fa'aleleia e le Matagaluega o puipuiga fa'alotoifale ina ia mautinoa e le sili atu ma le tapula'a fa'atulagaina. I le tausaga fa'aletupe 2015/2016, e vagana ai ta'avale a le Pule Sili o le MCIL 01 ma le ta'avale MCIL 05, o ta'avale uma a le Matagaluega e le'i ova atu ma le \$5,000 o le tapula'a i le tausaga tupe na fa'aaluina.

2.7 Matagaluega o Feso'otaiga ma Fa'amatalaga Fa'atekonolosī vaitaimi na su'eina 1 Ianuari 2014 – 31 Mati 2014

1. E le'i mulimulita'ia e le Matagaluega ia Fa'atonuga a le Ofisa o Tupe i le teuina o fa'amatalaga atoatoa o tusi o fa'amaumauga eseese. Sa tali le Matagaluega o lo'o teu maluina ma lelei le fa'aogaina o tusi, ma o le a mautinoa le pulea lelei o nei tusi i le lumanai.
2. E leai ni iloilogia sa fa'atinoa e le pulega i pili ma totogi mo fa'asalalauga ma fa'alauiloa talu ona vavae mai le TV 1. O le matafaioi a le Pulega o le mautinoa o lo'o mātaituina lelei le fa'atinoga o galuega. O lo'o fa'aogaina pea e le Matagaluega ia totogi tuai sa fa'avaeina mai le Samoa Quality Broadcast i le 2008. O le taiala fou mo Alauni e aunoa ma ni lafoga totogi o le a mautinoa ai le fa'amaonia e le Komiti Fa'atino o Tupe Maua o totogi o auaunaga a le 2AP mo le Mālo o Samoa.
3. E le'i vaevāea lelei galuega, ona o le talitupe sa gafa foi ma le va'aia o aitalafu a le Matagaluega. O le aofaiga o aitalafu mo le piriota o lo'o fa'atinoina ai le suesuega e \$285,458, e ātagia mai ai le lelei o le tulituliloaina o aitalafu. E leai foi ni lipoti o fa'apaleniga o aitalafu sa fa'atinoina, e iai aitalafu ua maea ona totogiina ae le'i toesea mai paleni o ia aitalafu. O puipuiga fa'alotoifale e manaomia le fa'aleleia, e tatau ona fa'amuumua le tu'uina atu o tusi fa'amanatu mo le tuliloaina o aitalafu. Sa tali le Matagaluega, o le mafuaaga o le le fa'atinoina o ni lipoti mo fa'apaleniga ona o le lelava o le aufaigaluega.
4. O ovataimi a le aufaigaluega sa totogiina i totogi o aso malolo a le Komisi ma aso malolo mo tagata uma. E tatau ona mautinoa le sa'o o le totogiina o ovataimi ia ōgatasi ma Fa'atonuga a le Ofisa o Tupe, Tulaga Tau i Fa'amaumauga Fa'ataoto e tatau ona mulimulita'ia e Tagata Faigaluega a le Malo ma le Tulafono o Aso Malolo mo Tagata uma 2008.
5. E le sainia le api saina e nisi o le aufaigaluega, e le'i lelei foi le fa'amauiina o tagata ofisa le'i faigaluega ma e leai foi ni pepa ma'i mo aso ma'i ua ova atu ma le 3 aso faigaluega.
6. E leai se resitala na teuina mo oloa vave lona fa'aogaina ia mātaituina ma pulea lelei ai le fa'aogaina ma le fegāsoloa'iga o nei oloa.

2.8 Matagaluega o Feso'otaiga ma Fa'amatalaga Fa'atekonolosi mo le tausaga fa'aletupe na fa'ai'uina i le aso 30 Iuni 2014

1. Sa mātauina i le resitala o fa'amaumauga o tusi eseese, api risiti a le Matagaluega na tu'uina atu i le MNRE ma le MPMC. Sa tali le Matagaluega o talosaga mai ia Matagaluega na mafua ai ona tu'uina atu nei api ona sa le'i lava le fa'asoa a le Matagaluega o Tupe i lea taimi.
2. O aso malolo na fa'amaonia e le Pulega e le'i tutusa ma fa'amaumauga o aso malolo a le aufaigaluega ma api saina. E le'i iai foi ni fa'amaumauga o ni suiga i aso malolo na fa'amaonia, e iai foi le aufaigaluega sa fa'atalale i api saina. O lenei faiga e le ōgatasi ma Taiala fa'ata'atitia a le Komisi e Pulea Tagata Faigaluega a le Malo. E tataui i le Pulega ona iloilo lelei totogi o le aufaigaluega ia mautinoa le sa'o atoatoa ae le'i tu'uina atu i le Matagaluega o Tupe mo le totogiina. Ua maea nei ona tu'uina atu e le Matagaluega ia le fa'amanatu i le tagata ofisa e gafa ma lenei tiute. E le'o se alofaga, ae o lenei fa'afitauli e mafua mai i le eseese o nofoaga o lo'o iai ofisa a le Matagaluega, o le TATTE ma le 2AP i Mulinuu. O le a mātaituina e le Matagaluega nei mataupu ina ia fa'aleleia i le lumanai.
3. I la matou suesuega i aitalafu a le Matagaluega, sa mātauina ai se aitalafu e \$34,000 ua tele tausaga e le'i totogiina lava. Sa tali le Matagaluega o le utituti o le au faigaluega o le mafua'aga tonu lea o le tuai o le aoina o aitalafu, o le ala foi lea o le tu'uina atu o le talosaga i le Komisi o Tagata Faigaluega a le Mālo mo le toe iloiloina o le fa'atulagana o le aufaigaluega.
4. E iai mataupu mai lipoti ua tuanai e lei fa'aleleia lava, e aofia ai le leai o se resitala mo oloa vave lona fa'aogaina fa'apea telefoni, ma le lelei o le mātaituina o api saina ma fa'amaumauga o aso malolo.

2.9 Matagaluega o Aoga, Ta'aloga ma Aganuu 1 Novema 2013 – 31 Ianuari 2014

1. Sa iai fa'asiliga o meaaoga na tu'uina atu i aoga talu ai le leai o ni fa'apaleniga ma ni suega oloa a le Matagaluega ma aoga sa fa'atinoina. O oloa na fa'asilia sa toe tuuina atu i le Matagaluega, ae le'i maua ni fa'amaumauga e fa'amaonia ai ua toe tufatufaina nei oloa i isi aoga. Ua tula'i so'o mai lenei mataupu, e taua le ave ole fa'amuamua a le Matagaluega i lenei mataupu ina ia aloese mai ai i faiga pi'opi'o ma le taufa'asese. O fa'amaumauga o oloa ma fa'apaleniga e tatau ona fa'aauau pea. Ua toe mata'ituina e le Pulega ia le faia o suega oloa ina ia fa'amauina ai le fegāsoloa'iga o meaaoga ma le fa'atinoina o asiasiga ae le'i tufatufaina meaaoga.
2. E le'i iai ni fa'amaumauga po'o se resitala e iloa ai le fegāsoloa'iga o meaaoga. E le'i mafai na iloa paleni o oloa i le fa'aiuga o le tausaga. Ua maea nei ona fa'ailoa i Pule Aoga le taasisia lelei o fa'amaumauga mo feme'iaiga ma le fa'aogaina o meaaoga.
3. Mai asiasiga sa fa'atinoina i aoga, sa matauina ai le leai lea o se nofoaga saogalemu mo le teu maluina o meaaoga i isi aoga. Ua maea ona fa'ailoaina lenei fa'afitauli i Pule Aoga, ma sa fautuaina foi ia Komiti mo ni potu saogalemu mo le teuina o meaaoga. O le a fautuaina foi Pule Aoga ina ia pulea lelei meaoga ia aloese mai ai i faiga pi'opi'o ma le taufa'asese fa'apea le fa'aleagaina o nei oloa.
4. E tele Pule Aoga e le'o silafia le taua o le resitalaina o aseta fa'ameaalofa mai pa'aga. O aseta sa mauaina e aoga e lei fa'ailogaina pe resitalaina foi i le resitala o aseta. Talu ai ona o le taimi lea e le'i maea fa'atauga, o aseta uma sa le'i fa'ailogaina ua maea nei ona fa'anumeraina. Ua tofu uma nei aoga ma Resitala o aseta ua maea ona tu'uina i se tulaga lata mai. O lo'o fa'aauau pea e le Vaega Faututua le tulituliloaina o nei mataupu i a latou asiasiga i aoga. O le a fa'atonuina foi aoga i le teuina o resitala o aseta.
5. E iai aseta na fa'amauina i le resitala o aseta, ae le'i fa'ailogaina. E iai foi aseta e le'i fa'anumeraina, ao isi e tutusa numera ma isi aseta. O lo'o fautuaina le fa'atinoina o le faitauga o aseta. Sa tali le Matagaluega o lo'o fa'atinoina faitauga o aseta i kuata taitasi.
6. E 30 seki kesi ma nofoa mo aoga laiti sa fa'atauina mai le poloketi a le SSFGS ae peitai e le'i iai ni pepa mo'omia mo tau o oloa se tolu. O le aofaiga atoa o lenei fa'atauga e \$23,100. E toe fa'amanatu atu i le SSFGS ma le Matagaluega le taasisia o taiala a le Malo i le faiga o fa'atauga, e tatau foi i Pule Aoga ona silafia lelei nei taiala. Ua fa'amauina e le vaega SSFGS le fautuaga mo le fa'aleleia i le lumanai.
7. E iai aso malolo a le aufaigaluega e le'i fa'amauina i fa'amaumauga o aso malolo, ao isi na fa'amauina ae le'i fa'ailogaina i api saina. Ua toe fa'amalosia nei e le Vaega e faia totogi le taasisia o taiala uma. O le a toe taga'i le Matagaluega i le mata'ituina o puipuiga fa'alotoifale e fa'aleleia ai fa'amaumuaga o aso malolo a le aufaigaluega ina ia tula'i mai i se tulaga lata mai.
8. O le va'aiga o api saina ma pepa o aso malolo i le Ofisa Autu ma isi aoga e le'i lelei atoatoa ma e le'i mulimulitaia foi tulaga uma e tatau ona uia. O le Vaega e Vaaia le aufaigaluega e tatau ona fa'amautinoaina le tu'uina o fa'amaumauga o aso malolo i se tulaga lata mai pe a maea le ta'i lua vaiaso. O le Vaega foi e va'aia aoga, e tatau ona mata'ituina le usitaia e aoga o le tu'uina mai o lipoti o aso malolo i le Matagaluega i le maea ai o le ta'i lua vaiaso ina ia tula'i mai i se tulaga lata mai fa'amaumauga a le ofisa.
9. O le api saina a se tasi o kolisi sa leiloa ma sa le'i mafai ai ona siakiina. E tatau i le Matagaluega ona tufatufaina api saina talafeagai i aoga mo le fa'aogaina. Ua fa'amauina e le Matagaluega le fautuaga, ma o le a fa'aauau le matafaio lagolago a Pule Aoga ia mautinoa le lelei atoatoa o fa'amaumauga i le resitala.

10. E le'i tufatufaina api risiti i le fa'asologa o numera e tatau ona iai ma sa faigata ai ona iloa api ma numera o risiti. O fa'amaumauga eseese uma e aofia ai api risiti e tatau ona fa'asolo lelei i le fa'asologa o numera ia faigofie ai ona iloa ia api. Ua fa'amauina e le Matagaluega ia le fautuaga mo le fa'aleleia i le lumanai.

2.10 Matagaluega o Aoga, Ta'aloga ma Aganuu mo le tausaga fa'aletupe na fa'ai'uina i le aso 30 Iuni 2014

1. O aitalafu ua siitia nei i le \$67,784 i le piriota o lo'o fa'atinoina ai la matou suesuega. E le'i iai foi ni iloilogaga ma fa'apaleniga o aitalafu na fa'atinoina e le Matagaluega, vagana ai fa'amaumauga o totogi fa'asili. E tatau ona ave le fa'amuamua i le fa'aleleia o mataupu o lo'o tula'i mai pea i totogi o faiaoga.
2. E iai ni mataupu sa tula'i mai i le faiga o fa'atauga e pei o le filifilia o faleoloa e aunoa ma ni fa'amatalaga i luga o fa'amaumauga ma le sa'o le fa'avasegaina o tupe totogi i luga o polokalame fa'akomipiuta a le Malo. Sa tali le Matagaluega, e le na'o tau o oloa e fai ai le filifiliga ae o le lelei atoatoa ma le avanoa i taimi manaomia. O le a fa'amaumau lelei nei fa'amatalaga i fa'amaumauga.
3. O meaaoga sa tufatufaina i aoga e le'i resitalaina e le Ofisa Autu. Sa fa'apena foi ona le'i resitalaina e aoga a latou oloa na mauaina. E tatau i le Matagaluega ona fa'amautinoa le sa'o ma le atoatoa o resitala ina ia tu'uina mai i se tulaga lata mai fa'amaumauga. O le tali a le Matagaluega, o le si'itia o fa'amaumauga o meaaoga i api resitala o le a tele ai galuega fai a Pule Aoga.
4. O pili o initaneti sa ova atu ma le fua fa'atatau e ui i le finau mai a le Matagaluega o lo'o lelei atoatoa puipuiga fa'aloitoifale o lo'o iai. O le tele o feso'otaiga i totonu o le Matagaluega ma ana pa'aga ua fa'aogaina ai le imeli.
5. Sa matauina i Lipoti o Fa'aletonu le tele o talepe fale i le piriota o lo'o fa'atinoina ai le suesuega. Ua fautuaina le Matagaluega ina ia va'ai totoa i nei mataupu aua le malu puipuia o meatotino ma aseta. Sa tali le Matagaluega ua fa'aititia nei le so'ona uia o fale, ua tu'uina atu foi loka ma ki mo vaega taitasi. O lo'o iai se fuafuaga i le lumanai mo le faia o se polokalame fa'aeletoni mo puipuiga po'o le fa'aogaina o auaunaga fa'asikulati.
6. I le Fa'amatalaga mo le nofo malamalama (MOU) o tupe fa'ameaalofa mai Ausetalia ma Niu Sila (sainia 2010) o lo'o fa'apea mai "E tatau ona fa'atinoina e le Ofisa o le Pule ma Suetusi Sili le iloiloina o nei foa'i. E leai se talosaga mo se iloilogaga o lenei poloketi talu le 4 tausaga ua mavae. O le su'esu'ega muamua mo le tausaga fa'aletupe 2010-2015 sa fa'ataunu'uina ia Ianuari 2016.

2.11 Ofisa o le Komesina o Faiga Palota 1 Iulai 2013 – 31 Tesema 2013

1. Sa matauina i lā matou suesuega;
 - i. E iai pepa mo tupe totogi na tuuina mai ae le'i iai ni pepa mo le talosagaina o oloa na fa'atinoina
 - ii. Sa aloese le Matagaluega mai taiala o le faiga o fa'atauga e ala lea i le fa'aogaina o tupe a le Komesina mo fa'atauga ae toe fa'aolaina mulimuli.

Sa tali le Matagaluega o le tele o tupe alu a le ofisa e le'i fuafuaina ona o nisi o fuafuaga a le Pulega na fa'atoā tulai mai i tapenapenaga mo le palota 2016. O tupe na toe fa'aolaina a le Komesina mo galuega laiti a le ofisa sa fa'afaigaluegaina ai tagata. O lo'o fa'apipii atu pepa na fa'amaonia ai e le Ofisa Suetusi lenei galuega mo le ofisa. O le mafuaaga lea o le leiloa e le ofisa e le'o talafeagai lenei faiga.
2. E leai se resitala mo telefoni a le aufaigaluega i atunuu mamao, leai foi se toe totogiina e le aufaigaluega o a latou pili telefoni. O telefoni a le aufaigaluega i atunuu mamao e tatau ona toe totogiina. Ua tu'uina nei e le Matagaluega le telefoni e tasi i le potu o le failautusi ma o le a fa'amauina uma ai telefoni i le resitala. O le a fa'afaigofie ai ona mātaituina le fa'aogaina o telefoni aemaise le toe totogiina e le aufaigaluega o ā latou pili telefoni.
3. O mataupu i totogi o le aufaigaluega;
 - i. Leai se fa'amaoniaga mai le Komesina o le totogiina o alauni o le aufaigaluega sa malaga atu mo le fa'atinoina o suesuega ma le aoina o fa'amaumauga mo le palota
 - ii. E iai pepa o aso malolo a le aufaigaluega e le'i tulai mai se tulaga lata mai
 - iii. E iai fa'amaumauga a le aufaigaluega e le'i tulai mai se tulaga lata mai ma misi mai i faila fa'apitoa mo tagata faigaluega.
4. O totogi o le aufaigaluega ua fa'amutaina auaunaga sa le'i sa'o lona totogiina. E tatau ona faia ia fa'apaleniga i masina taitasi mo le aufaigaluega ma fa'amaumauga i luga o le polokalame fa'akomipiuta a le Malo ina ia fa'aititia ai totogi fa'asili a le aufaigaluega, o pepa mo fa'amaumauga a le aufaigaluega e tatau ona tu'uina atu i le Matagaluega o Tupe i taimi talafeagai. Sa tali le Matagaluega, o totogi fa'asili uma e le'i fuafuaina, ae o le a toe iloilo puipuga fa'alotoifale ia mautinoa ai le le toe tula'i mai o nei mataupu.

2.12 Ofisa o le Komesina o Faiga Palota mo le tausaga fa'aletupe na fa'ai'uina i le aso 30 Iuni 2014

1. E 7 masini komipiuta sa fa'atauina ia Fepuari 2014 e le'i fa'ailogaina ma resitalaina i le resitala o aseta. O le tasi o nei masini ua leaga ma fa'atoa iloaina e le ofisa i le taimi o le asiasiga, e leai se lipoti o fa'aletonu sa fa'atinoina. O le resitala o aseta, tusilima ma le fa'akomipiuta o lo'o iloiloaina nei ina ia tula'i mai i se tulaga lata mai ae le'i maea le fa'aiuga o Fepuari 2015. O puipuiga fa'alotoifale mo le vaaia lelei o aseta o lo'o atina'eina i le taimi nei ma o le lipoti o fa'aletonu mo le komipiuta ua maea ona tu'uina atu i le Matagaluega o Tupe. Ua fa'amauina le fautuaga mo le fa'aleleia o le va'aiga ma le mata'ituina o aseta.
2. Sa tuai ona tu'uina atu se lipoti o tupe fa'aleoleo (accountable advance). Sa fa'atoa tu'uina atu le lipoti i le Matagaluega o Tupe i le aso 5 Iuni 2014 ao galuega sa ma'ea i le aso 5 Me 2014. E le'i mulimulita'ia ia Fa'atonuga a le Ofisa o Tupe i le tu'uina atu o lipoti i totonu o le 14 aso. Sa tali le Matagaluega o le mafuaaga o le tuai ona o le fa'aiuga a le Pulega e sui le taimi e fa'atinoina ai galuega a le vaega o resitala na fuafuaina mo Savaii. Sa uma ona logoina le Matagaluega o Tupe i lea tulaga. Ua fa'amauina le fautuaga mo le fa'aleleia o f'amaumauga a le ofisa.
3. Sa iai eseesea i o aso malolo sa aveina e le aufaigaluega. Sa matauina e iai ia aso malolo mo le umi o le auaunaga sa fa'amaonia ma fa'aogaina e se tasi o le aufaigaluega. O lenei tagata faigaluega sa totogina muamua ana penefiti ae le'i avea ma tagata faigaluega fa'akonekarate i lana galuega sa iai muamua. Sa ia aveina ia aso malolo mo le umi o le auaunaga ma le totogi mo le 23 aso ae sa tatau ona malolo e aunoa ma se totogi. O lo'o atagia mai ai le le mulimulita'ia e le Matagaluega o Tulaga Tau i Fa'amaumauga Fa'ataoto e tatau ona mulimulita'ia e Tagata Faigaluega a le Malo. Ua maea nei ona tuuina atu iai e le Matagaluega ia pepa mo le toe totogiina o tupe.
4. O pepa mo tupe totogi sa muamua tu'uina mai i faleoloa ae leai ni pepa mo le talosagaina o nei oloa na fa'atinoina. Sa tali le Matagaluega ua maea ona faia se polokalame fa'alauiloa mo le fa'amanatuina o taiala e tatou ona usitaia fa'apea ma puipuiga fa'alotoifale ina ia fa'aleleia auala mo le fa'atinoina o fa'atauga.
5. Sa maua luga le fa'aogaina o le eletise mai ia Mati e oo ia Me 2014. Sa matauina e le Matagaluega o le mafuaaga o le siitia o le fa'aogaina o le eletise e mafua mai i ea malulu e manaomia le fa'aolaina i le 24 itula mo fa'amaumauga fa'apitoa a le Matagaluega. O le tala fa'atatau o le tupe muamua o le eletise mo le tausaga faaletupe 13/14 sa fua i luga o tupe na alu i le eletise i le tausaga ua mavae, ae peitai o le fuafuaga sa fa'amaonia e lalo atu ole 50%. Ua silasila nei le Matagaluega i nisi auala e fa'aititia ai le fa'aogaina o le eletise. Ua maea ona fa'amaonia e le Pulega le 2 itula e tape ai moli ma ea malulu i aso Faraile taitasi ia mataituina ai le fa'aogaina o le eletise.

2.13 Matagaluega o Tupe mo le tausaga fa'aletupe na fa'aiuina i le aso 30 Iuni 2014

1. Na maitauina e le suetusi:

- i. O le paleni o aitalafu i le aso 30 Iuni 2014 e \$2,387,651.00, o lo'o aofia ai le 57% o aitalafu ua sili atu ma le 90 aso e lei totogiina. Sa lipotiaina muamua foi nei mataupu i lipoti ua mavae, ae peitai e leai se gaioiga na faia ina ia fa'aleleia ai.
- ii. O le tele o aitalafu, o lisi a Matagaluega ma Fa'alapotopotoga o lo'o fa'aogaina fale a le Mālo, o le TATTE ma le FMFMII. E leai ni maliega o lisi sa fa'atinoina ma nisi o le au nofo lisi.

Sa tali le Matagaluega:

- i. O aitalafu i le aso 30 Iuni 2014, ua maea ona tuuina atu e le Matagaluega ia pepa e totogi mai ai lisi. Ua fa'atinoina foi e le Matagaluega auala uma o feso'otaiga mo le fa'amanatuina o le totogiina o nei lisi.
- ii. E tusa pe leai ni fa'amaumauga o ni maliega mo lisi, e tatau lava i le au nofo lisi ona toe totogiina mai a latou lisi. E tusa ai ma gaioiga o lo'o fa'atinoina, e iai lava le au nofo lisi e le'o amanaia feso'otaiga ma fa'amanatu i le totogiina o a latou lisi, o lo'o fa'atinoina pea e le Vaega o le auaunaga lautele le tulituliloaina o nei aitalafu.
- iii. Ua fa'atinoina ia Fa'amatalaga mo le nofo malamalama ma le au nofo lisi a le TATTE mo le ono masina muamua o le 2015. Toe tasi lava e le'i maea. O Fa'amatalaga mo le nofo malamalama mo le FMFM o lo'o tau fa'ama'eaina. O Fa'amatalaga mo le nofo malamalama ua maea mo le TATTE ma le FMFMII o le a fa'amautinoa ai le totogiina i taimi fa'atulagaina ma le totogi i totonu o le tausaga fa'aletupe 2014/2015. O le a fa'aauau pea le galulue fa'atasi ma Matagaluega ma Fa'alapotopotoga āua le fa'amaeaina o nei Fa'amatalaga ae le'i maea le 2014/2015. Ua iai nei le Fa'aiuga a le Kapeneta FK (13)17 o lo'o tu'uina ai le fa'atagana i le Matagaluega o Tupe e toesea mai ai aitalafu o lisi o fale a le Mālo mai Matagaluega ma Fa'alapotopotoga. E aofia ai aitalafu i le tausaga fa'aletupe 2014/2015 pe a fai e le'i totogiina lava. O le a tapenaina e le Matagaluega se Pepa mo le Kapeneta ina ia soloia ai aitalafu i le fa'aiuga o le 30 Iuni 2014.

2.14 Matagaluega o le Va-i-Fafo ma Fefa'atauaiga 1 Novema 2013 – 31 Ianuari 2014

1. E le'i iai ni faamaumauga aloaia o ni minute o fonotaga a le Pulega. Ona o le maaleale ma le agatapuia (confidentiality) o mataupu e tele ona talanoaina, ua talitonu ai le Matagaluega e le tatau ona iai ni faamaumauga ne'i faaaogaina nei faamaumauga taua i ni auala sese. Sa iai foi le talitonuga o le matagaluega e faatoa fono lava le pulega pe a iai ni mataupu taua ma o le tele o fonotaga sa faatautaia e leai ni ona aafiaga tau tupe. Sa faamauina e le matagaluega lenei mataupu mo le talanoaina ma soalaupule e le pulega.
2. Sa iai ni pepa mo totogi o oloa (invoice) sa muamua ona tuuina mai i le Matagaluega e aunoa ma le saunia o se pepa talosaga mo oloa (purchase order) e pei o faiga faavae masani a le Malo. Sa taua e le matagaluega e latou te tausisia uma faiga faavae a le Malo ae e iai nisi o taimi e manaomia ai tuutuuga faapitoa mo nisi o manaoga faavavave ma o le a faauuau pea le iloiloaina e le matagaluega o le faaleleia o le faagasologa o galuega ina ia tausisia ai pea faiga faavae a le Malo.
3. Sa faatauina ava malosi e le ofisa o le Konesula i Sini Ausetalia e aunoa ma se faatagana aloaia na tuuina atu e le Pule Sili o le matagaluega. Ua mae'a ona tuuina atu e le matagaluega i le Konesula ma le Ofisa i Sini Ausetalia faatonuga ma taiala mo le faatauina o ava malosi.
4. O le faanumeraina o aseta a le matagaluega e le'i o gatasi ma numera sa faaaogaina i le polokalame faakomipiuta mo tupe a le Malo (Finance One system). Sa iai aseta sa faatauina e le matagaluega i totonu o le vaitaimi Novema 2013 ia Ianuari 2014 e le'i faanumeraina. Sa iai foi aseta e le'i mafai ona matou iloiloaina ma vaaia i le taimi o le asiasiga o aseta. E tatau i le sui o loo gafa ma le vaaia o aseta a le matagaluega ona faamautinoa le tutusa o faamaumauga o aseta a le matagaluega i lana resitala ma faamaumauga o le polokalame faakomipiuta mo tupe a le Malo (Finance One system). O faamaumauga uma o aseta e tatau ona i se tulaga tuu lata mai. Ua faailoa mai e le matagaluega ua maea faatino le fautuaga e pei ona tuuina atu.

2.15 Matagaluega o le Va-i-Fafo ma Fefa'atauaiga mo le tausaga faaletupe faaiuina 30 Iuni 2014

1. Sa iai taavale e le'i laiseneina ma resitala i lalo o le Malo sa utuina i le pamu penisini a le Malo. Ua maea ona saunia e le Matagaluega le faamaoniga mo le faatagana o taavale uma e mafai ona faaogaina le auaunaga a le pamu penisini a le Malo.
2. O faamaumauga mo le vaega tupe mo mea laiti (petty cash) e le'i lelei ona faatumu ma faamaumau e le Matagaluega. Sa iai foi se tupe pa'ū (shortage) i le vaega tupe i le taimi sa faatino ai le matou suega. E moomia le faatinoina o siaki ma faapaleni lelei le vaega tupe ma faamaumauga uma ina ia fo'ia ai faafitauli e pei ona maitauina. Ua faamauina e le matagaluega le mataupu ma ua iai alafua ma taiala mo le faagaoioiga o lea vaega tupe.
3. E le'i atoatoa faamatalaga ma faamaumauga na tuuina mai mo fua faatatau o galuega faatino ma e le'i mafai ona maua se faamaoniga o le ausiaina o nei fua faatatau mo le tausaga. Ua iai auala a le matagaluega e faamautinoa ai le siakiina o le gasologa o ana galuega fa'atino ma le ausiaina o fua faatatau ua faataatitia mo tausaga taitasi.

2.16 Matagaluega o Soifua Maloloina mo le vaitaimi 1 Ianuari 2014 - 31 Mati 2014

1. Sa le'i mafai ona tuuina mai le resitala mo api penisini a le Matagaluega ma sa faigata ona faamaonia uma api penisini sa faaaogaina e le Matagaluega i le taimi o le suega. Sa faapea mai le Matagaluega ua mafai nei e le vaega o Tagata Faigaluega (HR Unit) atoa ai ma le fesoasoani a le ofisa o loo vaaia taavale (Transport Officer) ona faamaonia le lelei atoatoa o faamaumauga ma le faaaogaina o api penisini a le Matagaluega.
2. E le'i resitalaina e le Matagaluega a latou aseta na faatauina i le vaitaimi na iloiloina i lenei suega. Sa faamalamalama mai e le Matagaluega ua mae'a ona taliaina e le Komisi o Tagata Faigaluega a le Malo le avanoa faigaluega mo se ofisa sinia mo aseta ae peitai sa le'i taliaina e le Matagaluega o Tupe le faatupeina o lenei avanoa ma o loo faaauau ona vaaia aseta a le Matagaluega e le latou vaega o Tupe. Ua aofia foi i le polokalame o galuega mo le tausaga (work plan) a le vaega o Tupe a le Matagaluega lenei matafaioi ina ia mautinoa ai lona faataunuuina.
3. Sa iai ni risiti sa le'i atoatoa i totonu o tusi risiti ma o lea mataupu sa tuuina atu e le Suetusi i le tausaga ua tuanai. Sa faamaonia foi o lea mataupu sa faia iai suesuega a le Matagaluega o Tupe. E tatau i le Matagaluega ona iloilo taiala mo le malu puipuia o risiti ma tupe maua atoa ai ma le fo'ia o lenei faafitauli. Sa talosagaina foi e le Suetusi le Matagaluega ina ia logoina le Ofisa Suetusi i le taunuuga o le suesuega a le Matagaluega o Tupe. Sa tali mai le Matagaluega ua iai puipuiga talafeagai ua latou galueaina ina ia mautinoa ai le lelei ma le sa'o atoatoa o faamaumauga uma a le Matagaluega.

2.17 Matagaluega o Soifua Maloloina mo le tausaga faaletupe faaiuina 30 Iuni 2014

1. Sa maitauina le siitia maoa'e o le totogi mo se tasi o le afaigaluega e pei ona faailoa muamua e le suetusi i le tausaga ua tuanai ma atagia mai ai le lē pulea tatau o ovataimi a le matagaluega. O le popolega i le faaauau ai pea o lenei mataupu, o le tulaga i le soifua maloloina o le sui ofisa ua taua, mai le tele o itula faigaluega e aunoa ma se malologa talafeagai. O lenei fo'i mataupu sa le usitaia ai e le matagaluega taiala e pulea ai tagata faigaluega a le Malo (PSC Working Conditions) mo ovataimi. Ua iai nei le taiala mo faasologa o tiute (Schedule of Port Health duties) mo le matagaluega. Sa faamalamalama mai e le Matagaluega sa le'i taliaina e le Matagaluega o Tupe ni avanoa fou mo i latou e ui ina ua maea ona taliaina e le Komisi o Tagata Faigaluega a le Malo nei avanoa.
2. E \$97,364 le aofaiga o tupe maua a le Matagaluega sa ausia e faatusatusa i le \$33,300 sa atofaina i le tala faatatau o tupe. E ui ina sa ausia se faasiliga o tupe maua a le Matagaluega nai loo ana tupe faatatau, e manaomia le iloiloina ma le fuafua lelei o tupe maua a le Matagaluega ina ia tuuina mai ai se ata moni ma le sa'o. Ua iai auala mo le fuafuaina o tupe maua a le Matagaluega o le a faaoga mo ana tupe maua faatatau e tusa ai ma le mataupu ua taua.
3. E \$38,378.38 le aofaiga o aitalafu a e o loo nonofo aitalafu i le Matagaluega ma e aofia ai paleni ua umi ona tuua ma o le popolega ne'i le totogia nei aitalafu ma avea lea ma tupe gau a le Malo. Sa tali mai le Matagaluega na amata ia Iulai 2016 ona faailoa e le latou vaega o Tupe i le pulega, lipoti i luga o tupe maua ma tupe faaoga a le Matagaluega faatasi ai ma lipoti o e o nonofo aitalafu i le Matagaluega i masina taitasi. O se auala lea e mautinoa ma mata'itu ai tupe faaalu ma tupe maua a le Matagaluega ma le aoina mai o aitalafu ma aitalafu tuua.

2.18 Matagaluega o Fa'amasinoga ma le Fa'afoeina o tulaga tau Fa'amasinoga 1 Tesema 2013 – 28 Fepuari 2014

1. Mataupu i luga o Risiti ma Tupe Maua e aofia ai:
 - Sa iai suiga (alterations) sa faatinoina i luga o kopi o risiti (receipt duplicate copy). E \$5,600 se aofaiga na faarisiti mo se faatau tu'i faalauaitele (public auction) e le'i teuina i le faletupe (not banked).
 - Sa iai risiti e le'i mafai ona faamaonia ona o le leai o ni faamaumauga talafeagai e mautinoa ai o le aofaiga na faarisiti o le aofai lea na tuuina mai mo le auunaga ofoina atu e le Matagaluega. E tatau i le Matagaluega ona tapu le faia o ni suiga i luga o kopi o risiti ma e tatau foi ona teu uma i faletupe tupe maua ma ia mautinoa le iai o faamaumauga uma e faamaonia ma lagolagoina ai aofai o tupe e aoina mai e le talitupe i aso taitasi.
2. Mataupu i luga o Teuga tupe Faamavaega Faapitoa (Special Trust Accounts) e aofia ai:
 - Siaki e le'i tauaaoina i le faletupe (unpresented cheque)
 - Tuai ona faatinoina o teuga tupe i le faletupe
 - O faamaumauga uma e faatinoina e le sui ofisa e tasi e aunoa ma le vaevaeina lelei o tiute tauave e faaitiitia ai faafitauli e ono tutupu ai.

E tatau i le Matagaluega ona tausisi i le faiga faavae masani a le Malo i le teuina lea o tupe maua i le faletupe i aso taitasi. E tatau foi ona faamaumau lelei, siaki ma faapaleni uma faamaumauga a le Matagaluega ma faamaumauga a le faletupe ina ia mautinoa le sa'o atoatoa o faamaumauga uma. E tatau foi ona vaevaeina lelei matafaioi e nafa ma tagata faigaluega eseese ina ia fo'ia ai ni faafitauli e ono tulai mai.

3. E manaomia le faaleleia o faamaumauga o Tusi Saisai a le Matagaluega ma ia mautinoa le atoatoa ma le malu puipua o faamaumauga uma. E fesoasoani foi lea i le poloketi a le Matagaluega i le faaliuliaina o faamaumauga i auala faanei onapo (digitization project). Sa tali mai le Matagaluega e ese faamaumauga e tuuina atu e le Matagaluega o Leoleo mai faamaumauga o loo fautuaina ma o le ala lea e le mafai ai ona faatinoina lenei fautuaga.
4. O le iloiloga o tupe totogi (payments) na maitauina ai mataupu nei:
 - E iai masini ea malulu e lua e le'i faamauina i le resitala o aseta. O aseta uma ma meatotino a le Malo e tatau ona faamau lelei i le resitala.
 - E iai le masini kopi (photocopier) sa faatauina e le Matagaluega i le masina o Tesema ma totogiina ai le aofai e \$22,000. Sa maitauina i le aso o le matou suega e tusa lea ma le lima masina talu ona maea totogi le tupe ae aunoa ma le tuuina atu o lenei masini i le Matagaluega. Sa faapea mai le Matagaluega o le masini kopi sa tuuina atu i le latou ofisa i le masina o Tesema ina ua totogiina le tupe, ae peitai e le'i sa'o le masini na tuuina atu e tusa ai ma le latou talosaga. O lea na toe faafoi ai lea masini i le faleoloa na faatau mai ai e faatalitali ai le masini sa'o mai atunuu mamao.
 - O pepa mo le totogiina o oloa (invoice) sa maitauina le tuuina muamua mai ae le'i saunia pepa e talosaga ai mo oloa (purchase order) e pei o faiga faavae masani a le Malo. Sa tali mai le Matagaluega e iai nisi o taimi e manaomia ai tuutuuga faapitoa ona o tualumaga o faamasinoga

ma nisi o manaoga faavavave ma e tuuina atu lava tusi talosaga mo se faamaoniga ma se faatagana mai le Matagaluega o Tupe (MOF) poo le Ofisa Suetusi (Audit Office).

2.19 Matagaluega o Fa'amasinoga ma le Fa'afoeina o tulaga tau Fa'amasinoga mo le tausaga faaletupe faaiuina 30 Iuni 2014

1. Tupe maua na fuafuaina mo nisi o vaega o galuega faatino (outputs) e le'i ausia e le Matagaluega. E tatau i le pulega ona toe iloilo auala ma metotia o loo fuafua ai tupe maua mo le Matagaluega i totonu o le tala autu o le tupe a le Malo mo le faamaoniga a le Palemene.
2. Sa iai vaega o galuega faatino (outputs) na sili atu le faaaogaina o tupe faaalu nai loo tupe faaalu na fuafuaina. E tatau i le pulega ona iloilo ma mata'itu lelei le faaaogaina o tupe faaalu a le Matagaluega ina ia foia ai lenei faafitauli.
3. nisi o mataupu i luga o Tusi o Faamaumauga Eseeese (Accountable Forms) e aofia ai:
 - Sa iai tusi o faamaumauga eseese e le'i faamauina i le resitala
 - E iai numera sa faaaogaina faalua mo le faanumeraina o Tusi Saofai.
 - E le'i lelei le faanumeraina o tusi mo faamasinoga o tupe totogi mo tinā ma fanau (maintenance books)
 - E leai ni faamaumauga mo tusi ua maea faaaogaina ma toe faafoi mai i le Ofisa.
 - E leai se resitala mo Api e faamau ai Tusi Saisai a alii Malu o le Malo (Warrant Bailiff books).
4. Mataupu i luga o Risiti e aofia ai:
 - Leai ni faamaoniga poo ni faamaumauga mo tupe aoina e lagolagoina ai risiti tusitusia (manual receipts)
 - Leai ni faamaumauga e faamaonia ai aofai o tupe sa faarisiti e le talitupe (cashier).
 - Sa tuai ona faatino teuga tupe i le faletupe mo tupe sa aoina mai mo tusi saisai (warrant)
 - Sa le'i mafai ona maua nisi o risiti i totonu o le Api e faamau ai Tusi Saisai a alii Malu o le Malo (bailiff book)
5. Sa maitauina le eseese o auala sa faatinoina ai le faamauina ma le aoina o tupe maua mo Tusi Saisai i ofisa i Savaii ma Upolu. Sa maitauina foi ni faaletonu i auala sa faaaogaina i le ofisa i Savaii ma sa fautuaina ai le Matagaluega ina ia mautinoa le faaaogaina o se auala e tasi mo ofisa e lua ina ia tutusa ai le faatinoga o ia tiute.
6. Sa iai oloa vave faaaoga (consumable items) e le'i resitalaina. E tatau i le Matagaluega ona resitala uma nei oloa ma ia mautinoa o loo iai pupuiga talafeagai (controls) mo faamaumauga o nei oloa.
7. tupe totogi a le Matagaluega e le'i ogatasi ma faiga faavae mo le faatauga o oloa (procurement process). O lenei mataupu na mua'i lipoti foi i la matou suega ua tuanai. Sa fautuaina le Matagaluega e tatau ona saunia ma faamaonia muamua pepa talosaga mo oloa (purchase order) ae le'i tauaao mai oloa mai faleoloa ina ia tausisia ai auala ma faiga faavae a le Malo.
8. Mataupu i luga o Aseta e aofia ai:

- E lei atoatoa faamaumauga o le resitala mo aseta.
- O aseta faaopoopo na faatauina e le Matagaluega i le vaitaimi o le suega e lei faamauina i le resitala.
- Sa maitauina o le faaaogaina pea o aseta ua maea ona tusi esea (write off) mai faamaumauga a le Matagaluega
- E le'i iai ni numera atofaina (register numbers) mo le faailogaina o aseta
- Sa maitauina le faaaogaina pea o faailoilo tuai (old identification codes) mo le faailogaina o aseta.
- E le'i faamauina i le resitala fesuaiga o nofoaga o aseta sa siitia ese mai i o latou nofoaga na mua'i faamau ai i le resitala.
- Sa iai aseta e le'i mafai ona siakiina ma vaaia i le taimi o le asiasiga.
- Sa iai aseta na faamaumau i lalo o oloa vave faaaoga (consumables).

Sa fautuaina le pulega e tatau ona faamauina lelei aseta uma a le Malo i le latou resitala o aseta. E tatau foi i le Matagaluega ona faamautu uma aseta pe faia ni lipoti o tulaga faaletonu (Irregularity Report) mo ni aseta ua leiloloa. O aseta uma foi sa faatauina e le Matagaluega e tatau ona faamauina i le polokalame faakomipiuta a le Malo (Finance One).

9. Mataupu i luga o totogi o le afaigaluega (payroll) ma Auaunaga Faa-le-Tagata Faigaluega (HR) e aofia ai:
 - Sa iai tupe faasili sa maitauina i ovataimi ona o le eseese o itula sa faamaonia mai itula sa totogiina. O faamaumauga uma i luga o le polokalame faakomipiuta (system postings) e tatau ona mata'itu lelei ma mautinoa e tutusa ma faamaumauga o pepa faamaonia mo ovataimi (approved timesheet).
 - E le'i mafai ona faamaonia pepa ovataimi mo nisi o le afaigaluega totogi aso (casual workers). E manaomia ona teu malu uma faamaumauga mo ovataimi ina ia faamaonia ai ovataimi uma na totogiina mo le afaigaluega.
 - E le'i mafai ona maua faamaumauga o talosaga mo aso malolo (leave) a nisi o le afaigaluega. E tatau i le Matagaluega ona uia ma tausisi i faiga faavae a le Komisi o Tagata Faigaluega a le Malo (PSC Working Conditions) i luga o faamaumauga o aso malolo (leaves).
10. Sa iai taavale a le Matagaluega sa sili atu le faaaogaina o penisini nai loo le \$5,000 atofaina mo le taavale i le tausaga i le vaitaimi 2013-2014 e tusa ai ma faiga faavae a le Malo. Sa maitauina foi paleni tuua (outstanding invoices) mo penisini a le Matagaluega mo masina o Aperila, Me ma Iuni 2014 ona e le'i gafatia i tupe faatatau mo le tausaga faaletupe 2013-2014. Sa fautuaina le Matagaluega ina ia iloilo lelei ma mata'itu le faaaogaina o penisini ma ia tausisia faiga faavae uma a le Malo.
11. E le'i iai se resitala mo Lipoti o Faaletonu (Irregularity Reports) a le Matagaluega. E tatau ona iai se resitala mo nei faamaumauga ina ia faigofie ai ona iloilo ina nei mataupu ma fai iai fuafuaga tatau a le Matagaluega i le fo'ia ai o nei faaletonu.
12. E le'i lelei ona faamauina tupe maua ma tupe faaalu mo le teuga tupe faamavaega o Tulafono (Law and Trust account receipts) i Savaii. E tatau ona faaleleia auala ma iai ni puipuiga talafeagai (system and controls) mo lenei matafaioi ina ia mautinoa le atoatoa o tupe fetafea'i mo lenei teuga tupe.

13. Sa maitauina e le'i faatinoina fautuaga sa tuuina atu i le Matagaluega e tusa ai ma le mua'i suega ua tuanai.

2.20 Ofisa o le Fono Aoao Faitulafono mo le vaitaimi 1 Novema 2013 – 31 Ianuari 2014

1. E le'i tausisia e le Matagaluega faiga faavae mo faatauga o oloa i luga o le tuuina atu muamua o le pepa talosaga mo oloa (purchase order) i pisinisi ae le'i tuuina mai le pepa e totogi ai oloa (invoice). E iai ni faafitauli e ono tutupu i le le tausisia o nei faiga faavae e aofia ai le faatauina mai o oloa e lei faamaonia poo ni faatauga le talafeagai ma faateleina ai tupe totogi a le Matagaluega.
2. O pepa totogi mo le vaega tupe mo mea laiti (petty cash voucher) e le'i faanumeraina ma o nisi o pepa totogi e le'i atoatoa o latou faamaumauga e lagolagoina ai tupe totogi. O le vaega tupe foi e le'i teu maluina i se nofoaga malu i le taimi o le suega. E le'i lelei foi ona siakiina lenei vaega tupe e pei o faiga masani ua iai.
3. I le tuliloaina o mataupu sa faailoa i suega ua mavae, na maitauina ai o loo iai pea i se ata faataitai (draft form) le tulaga o lipoti faale-tausaga a le Matagaluega ma e manaomia le faamaeaina o lea tulaga. Sa tali mai le Matagaluega o le latou lipoti faale-tausaga muamua lea o loo tau tuufaatasia.

2.21 Ofisa o le Fono Aoao Faitulafono mo le tausaga faaletupe faaiuina 30 Iuni 2014

1. E le'i atoatoa itulau o tusi mo faamaumauga o penisini o taavale (TY 76) ma sa maitauina foi e le'i lelei ona faatumu faamaumauga uma mo le faamaoniga.
2. Mataupu i luga o Risiti ma tupe maua e aofia ai:
 - O le tele o faamaumauga i luga o le polokalame faakomipiuta a le Malo (Finance One) e le'i faanumeraina pe faatulagaina mo le faafaigofie o le iloiloaina.
 - E leai se faamaoniga sa faatautaia se siaki a ofisa sinia i luga o otootoga o risiti (receipts summary) ae lei tuuina atu mo le teuina i le faletupe.
 - Sa le'i atagia mai le vaitaimi faatapulaa o risiti i luga o le polokalame faakomipiuta.
3. Sa maitauina le sili atu ma le 90 aso paleni tuua a tagata nonofo aitalafu (debtors) i le Matagaluega.
4. E iai faamaumauga o aso malolo (leaves) o le aufaigaluega e le'i mafai ona maua i le taimi o la matou suega. E tatau ona lelei le teuina o faamaumauga o aso malolo a le Matagaluega ma siaki lelei i api saini ina ia mautinoa le sa'o atoatoa o paleni o aso malolo ma faamanuiaga uma mo le aufaigaluega.
5. Sa le'i faatautaia ni siaki a le Matagaluega i luga o Tusi Tulafono ma isi faamaumauga o iai i le ofisa. Sa maitauina foi e le'i teuina nei faamaumauga ma Tusi Tulafono i se nofoaga se tasi ma sa faatauina foi nei tusi ma faamaumauga i ni tau sese.
6. Sa iai faamaumauga mo le faaaogaina o tupe (accountable advance acquittals) sa faamatuu atu i le Matagaluega e le'i tuuina atu i le Matagaluega o Tupe e tusa ai ma faiga faavae masani a le Malo. Sa faapea mai le Matagaluega o le tuai tuuina atu o nei faamaumauga ona e latou te faatalitali sei maea sainia uma alauni o sui mamalu o le Palemene.
7. Sa le'i iai ni faamaumauga mo le faaaogaina o taavale (running sheets) a le Matagaluega ma e le'i mafai ai ona faamaonia sa faaaogaina taavale mo na'o galuega a le Malo, atoa ai ma le faamaoniga o suaau na totogiina ma faaaogaina mo nei taavale.
8. E le'i atoatoa faamaumauga o le resitala mo aseta. E tatau i le Matagaluega ona faatau le tuu lata mai o faamaumauga o aseta i le resitala.
9. E le'i iai se faamaoniga o le faatinoina e le Matagaluega o fautuaga sa tuuina atu iai i le mua'i suega ua tuana'i e aofia ai: le le ausia o tupe maua faatatau, sili atu o tupe faaaoga nai loo tupe totogi faatatau, le le faatinoina o aso malolo le totogiina, le lelei ona faamauina oloa faatau atu i le resitala o oloa faatau, le leai o ni siaki i luga o oloa sa faatautaia, le le atoatoa o le resitala o aseta, ma le sili atu o le faaaogaina o penisini o taavale nai loo le aofaiga ua atofaina.

2.22 Matagaluega o Punaoa Fa'ale natura ma le Siosiomaga mo le vaitaimi 1 Fepuari – 30 Aperila 2014

1. O nisi nei o mataupu i luga o le nofoaga e lafoai ai otaota i Tafaigata
 - a. Sa iai risiti e le'i mafai ona maua. Sa faatautaia se suesuega a le vaega o le Matagaluega o Tupe i luga o nei risiti i le taimi o le matou suega. Sa faapea mai le Matagaluega sa tuuina atu se lapataiga i le talitupe sa iai i lea taimi.
 - b. O le aotelega o tupe maua ma faamaumauga sa maitauina ai e iai nisi o auunaga na ofoina atu e le vaega i Tafaigata faaaitalafu (credit basis) i tagata lautele. Sa tali mai le Matagaluega ua tuuina mai lipoti mo tupe maua uma mai Tafaigata ma ua mata'itu e le vaega o tupe nei lipoti ma faatino siaki i aso uma ina ia mautinoa le sa'o atoatoa o tupe aoina ma faamaumauga. Sa faatautaia foi se suesuega a le Matagaluega i lea mataupu i le taimi o le matou suega ma sa faapea mai o le a toe logoina mai le Ofisa Suetusi ma le Matagaluega o Tupe i le faaiuga o lenei suesuega.
2. O risiti lagolago (sub receipts) uma e tatau ona faarisiti autu (master receipt) i aso uma e tusa ai ma faiga faavae a le Malo ae sa maitauina i le tele o taimi e le'i tausisia e le Matagaluega lea tulaga. Ua iai nei auala ua faia e le Pulega ina ia fo'ia ai lea faaletonu e ala lea i le faafaigaluegaina o se talitupe i Tafaigata i le tausaga 2014 mo le vaaia lelei o mataupu uma tau tupe.
3. Sa maitauina e iai avanoa e mafai ai ona faia ni faiga pi'opi'o ma ni suiga i lipoti ma faamaumauga e tuuina mai i luga o le polokalame faakomipiuta mo le fuaina o otaota. Sa faamautinoa mai e le Matagaluega e leai ni avanoa mo nei faaletonu. Sa faatautaia foi se suesuega a le Matagaluega o Tupe i lea tulaga i le taimi o le matou suega. Sa fautuaina le Matagaluega ina ia iloilo lelei ma mata'itu le o'oo'oga o le faafitauli e ono tutupu mai lea mataupu ma ia mautinoa o loo lelei ma sa'o ona faamaumau uma tupe maua a le Matagaluega. Sa tali le Matagaluega ua faamauina lenei mataupu ma fautuaga na tuuina atu.
4. Sa maitauina mai iloilogia o fanua faalisi, ma totogi o otaota i Tafaigata le manaomia o le toe faamalosia ma unaia le Matagaluega e ala i le aoina mai o aitalafu tuua mai tagata o loo nonofo aitalafu i le Matagaluega. Sa faapea mai le Matagaluega o loo faaauau pea ona latou tulituliloaina tagata nonofo aitalafu. Ua faamautinoa mai foi e le Matagaluega ua le toe taliaina ni aitalafu mo auunaga i Tafaigata atoa ai ma le fuaina o fanua talu mai le tausaga 2015.
5. Sa iai pepa totogi mo vaega tupe mo mea laiti e le'i faanumeraina ma e le'i faamaonia e le ofisa sinia (ACEO CSD). E le'i iai se resitala mo le vaega tupe i le taimi o le suega ina ia atagia mai ai tupe faaaluina mai lea vaega tupe atoa ai ma faamaumauga. E tatau i le Matagaluega ona faanumera uma pepa totogi mo le vaega tupe ma ia mautinoa e faamaonia uma nei pepa totogi ae le'i faamatuuina atu ni seleni mai lea vaega tupe mo e o talosagaina nei seleni. Ia tuliloaina foi faamaumauga uma ma faamaoniga pei o risiti mo seleni faaaluina ina ia faamautinoa ai le faaoga tatau o nei seleni mo galuega a le Matagaluega. Sa faapea mai le Matagaluega ua iai a latou puipuiga talafeagai e faamalosia ai le tuuina mai o risiti ma faamaumauga uma mo tupe faaalu mai nei vaega tupe atoa ai ma le faamaonia muamua o pepa totogi ae le'i faamatuu atu ni seleni mo le afaigaluega e talosagaina nei seleni.
6. Sa iai aseta na faatauina e le Matagaluega i le vaitaimi ao faagasolo la matou suega na maitauina e le'i faamauina i le resitala o aseta. Sa molimauina e se ofisa sinia (Principal HR) sa iai ni oloa sa mua'i totogi e aunoa ma le taulimaina e le Matagaluega o nei oloa. O lea tulaga ua atagia mai ai le leai o ni puipuiga talafeagai (control) i luga o aseta ma o le mafuaaga foi lea e le atoatoa ai faamaumauga ma le talafetaui ai resitala o oloa ma aseta o loo faamauina e vaega taitasi. O le resitala o aseta e tatau ona atoatoa ma iai i se tulaga tuu lata mai ma e le tatau foi i le Matagaluega ona faagaoioi le tologiina o nei aseta seiloga ua taulimaina e le Matagaluega. Sa tali le Matagaluega ma ioeina lea mataupu ona o le lape foi o le latou itu,

ma sa faamautinoa mai ua latou taulimaina oloa sa faailoa atu ma ua maea foi ona faamauina i le resitala o aseta.

7. Sa maitauina le le atoatoa o resitala o oloa vave faaaoga (consumables) a vaega taitasi ma sa maitau atu foi e le'i iai se resitala autu (Main register) a le vaega o tupe (Finance division) mo le mata'ituina ma fuafua lelei ai oloa e faatau ma faamatuu atu i vaega taitasi. E tatau i le Matagaluega ona faatautaia ni siaki ma ni faitauga o nei oloa i le tele o taimi ina ia mautinoa o loo atoa ma faaaoga tatau nei oloa e tusa ai ma faiga faavae faalotoifale (Internal Procurement and Payment Policy). Sa tali mai le Matagaluega o le utiuti o le afaigaluega e le'i faatino ai le tulaga e pei ona faailoa atu, ae ua faia le resitala e pei ona fautuaina atu.
8. E le'i atoatoa ona faamaumau faamatalaga ma paleni o aso malolo o le afaigaluega. O lenei lape e taula'i ai faafitauli e ono tutupu i le le sa'o o totogi ma isi faamanuiaga e agavaa iai le afaigaluega. Sa fautuaina le Matagaluega ina ia faatino siaki i luga o pepa o faamaumauga o aso malolo ma api saina ina ia mautinoa o sa'o paleni o aso malolo a le afaigaluega.
9. E iai nisi o le afaigaluega e le'i saina i le api saina ma o nisi o api saina e le'i atoatoa le faamauina o faamatalaga moomia mo le faamaoniga o galuega ma itula faigaluega mo tagata uma. E tatau ona faamalosia e le Matagaluega le faaleleia o lea tulaga ma ia usitaia faiga faavae uma mo tagata faigaluega a le Malo.

2.23 Matagaluega o Punaoa Fa'ale natura ma le Siosiomaga mo le tausaga faaletupe faaiuina 30 Iuni 2014

1. Sa maitauina ma le toto'a ni faaletonu mo tupe maua i le nofoaga e lafoai ai otaota i Tafaigata e aofia ai le tuai ona teuina o tupe maua, ma le faaleaogaina o risiti (cancelled sub receipts) atoa ai ma risiti e leai ni faamatalaga poo ni faamaumauga e faamaonia ai o tupe na faarisitiina o tupe sa'o ia na aoina. E pei ona mua'i lipoti ai lenei mataupu i suega ua mavae, sa toe faamanatu ai i le Matagaluega ina ia ave le latou faamuamua i lenei mataupu mo le vave fo'ia ai o nei faafitauli. Sa faapea mai le Matagaluega ua maea ona faaleleia le tulaga e pei ona faailoa i le polokalame faakomipiuta. Ua mae'a foi ona tuuina atu se talosaga i le Komisi o Tagata Faigaluega a le Malo mo se faamaoniga o se avanoa fa'aopoopo e faafaigaluegaina ai se talitupe (cashier) e nafa ma le faatinoina uma o matafaioi tau tupe. O lea ua toe gafataulimaina e le vaega o tupe a le Matagaluega le aoina o tupe ma mataupu tau tupe uma mo Tafaigata ina ia mautinoa ai le atoatoa o faamaumauga mo tupe maua i aso taitasi.
2. E leai ni faamatalaga faatuatuaina na mafai ona maua mai i le polokalame faakomipiuta (weight system) o lo'o faaogaina e le Matagaluega mo le fuaina o otaota i le vaitaimi o le suega, ma o le vaitaimi foi lea sa faataitai (trial version) ai lenei polokalame. O le mafuaaga foi lea o se suesuega sa faatautaia e le Matagaluega ona o ni risiti leiloloa (missing receipts). Na tali mai le Matagaluega sa mafai ona toe maua risiti sa leiloloa ma ua faamalositia e le Matagaluega puipuiga talafeagai (controls) i luga o tupe maua ma aoina i Tafaigata.
3. Sa maitauina i le taimi o le matou suega, o tupe maua sa aoina na teuina i totonu o se teutusi e aunoa ma se teu maluina i se nofoaga malu ma puipua lelei. Ua tali mai le Matagaluega ua iai nei a latou pusa tupe e mafai ona loka ma e teu malu ma lokaina i totonu o le potu o le ofisa sinia (ACEO CSD).
4. O paleni a tagata nonofo aitalafu i le Matagaluega e le'i iai i se tulaga tuu lata mai ma e le'i siakiina ma faapaleni lelei i faamaumauga i luga o le polokalame faakomipiuta a le Malo (Finance One). E \$1,522,883.19 le aofai o nei paleni tuua e sili atu ma le 90 aso lona umi. Na faamauiina e le Matagaluega lenei mataupu ma ua faamalositia foi taiala ma puipuiga talafeagai ina ia mautinoa ai le faatinoina lelei o siaki ma le tulituliloaina o nei aitalafu.
5. Sa sili atu tupe totogi mo le eletise ma le initaneti e tusa ai ma tupe fuafuaina ma faatatau mo ia faamoemoe. Sa faailoa mai e le Matagaluega e iai a latou vaega e galulue faasolo atoa i le ao ma le po ma o nisi ia o mafuaaga e tele ai le faaogaina o ia vaega tupe.
6. E iai api saina sa le'i mafai ona iloiloaina e le suetusi i le taimi o le suega ona e le'i mafai ona maua e le Matagaluega i lea vaitaimi. E tatau i le Matagaluega ona tuuina mai faamaumauga uma mo se suega aua le iloiloaina o nei faamaumauga. O tagata faigaluega uma foi sei vagana ai le faauluuluga o le Matagaluega e tatau ona saina i le api saina i aso faigaluega taitasi mo le faamauiina o itula faigaluega uma ma o ofisa uma e le saina i se aso e aunoa ma se mafuaaga talafeagai e tatau ona faamauiina le aso malolo e leai se totogi (LWOP). Ua iai nei le fa'aopoopoga i le aufaigaluega o loo nafa ma le matafaioi o le siakiina o nei faamaumauga ma fesoasoani i vaega e 15 a le Matagaluega ina ia mautinoa le atoatoa ma lelei o lea itu. Ua maea tuuina atu foi ni faamanatu i faauluuluga o vaega taitasi ina ia tausia ma mata'itu lenei mataupu.
7. Mataupu i luga o faamaumauga o aso malolo (leave records) e aofia ai:
 - E le'i iai i se tulaga tuu lata mai pepa o faamaumauga o aso malolo.
 - E le'i faatinoina le aveesea mai totogi o nisi o le aufaigaluega aso malolo e leai se totogi
 - E leai ni pepa talosaga mo aso malolo (leave form) ma ni pepa ma'i mo nisi o aso malolo sa ave e nisi o le aufaigaluega.
 - O paleni o aso malolo e le'i sa'o ona tauaveina mai.

E tatau ona saunia uma faamaumauga talafeagai mo aso malolo o le afaigaluega ma faamautinoa o nei faamaumauga ua iai i se tulaga tuu lata mai (updated). E tatau i le pulega ona faamalosia le faatinoina o le aveeseina mai i totogi o e ua sili atu le numera o a latou aso malolo e leai ni totogi ma le numera faatapulaa. E tatau foi ona faamalosia le afaigaluega uma ina ia tausisia faiga faavae mo tagata faigaluega a le Malo (Treasury Instructions).

Sa tali mai le Matagaluega ma faapea mai:

- O pepa o faamaumauga o aso malolo ua iai i se tulaga tuu lata mai (updated) ma o loo fa'aaauu pea ona mata'itu e le vaega o auaunaga lea matafaioi.
- Ua maea faatino uma le toesea o totogi mo e sa ave aso malolo leai ni totogi ma ua maea foi ona ave ni faamanatu mo le afaigaluega e ala i le tausisia lea o faiga faavae mo tagata faigaluega.
- Ua tuuina uma mai pepa ma'i i le taimi e toe a'e mai ai le sa ave le aso malolo ma'i e tausisia ai faiga faavae ma e ono avea se aso malolo ma'i ma aso malolo e leai se totogi pe a aunoa ma se pepa ma'i e tuuina atu.
- O le sese o paleni tauave o aso malolo na mafua mai i le tuai ona faamauina aso malolo i luga o pepa mo faamaumauga o aso malolo ma ua taumafai nei le Matagaluega ina ia mautinoa le sa'o ma atoatoa o nei faamaumauga.
- Ua faamalosia nei foi e le Matagaluega le faatumuina uma ma faamaonia pepa talosaga mo aso malolo uma ae le'i aveina. A leai se pepa talosaga ona avea loa lea o nei aso malolo ma aso malolo e leai ni totogi.

8. Sa faalagolago le Matagaluega i faamaumauga ma le resitala o aseta i luga o le polokalame faakomipiuta a le Malo (Finance One) ae peitai e le'i atoatoa nei faamaumauga. Sa iai nisi o mataupu sa maitauina ai le eseese o auala na faaaogaina e faailoga ai aseta ma le laugatasia ai lea itu. E le'i faamauina foi nofoaga mo nisi o aseta. Na faapea mai le Matagaluega ua taumafai nei e fa'aleleia nei tulaga uma ina ia fo'ia ai nei faafitauli.
9. E valu taavale a le Matagaluega sa maitauina le sili atu o le faaaogaina o a latou penisini nai loo le aofaiga ua atofaina mo le tausaga. Sa tali mai le Matagaluega o nei faasiliga na mafua mai ona o le faaaogaina o taavale mo le Fonotaga a Atunuu Laiti Tau Atiae (SIDS) ma o penisini mo taavale uma o loo mata'itu pea e le Matagaluega ina ia tausisia ai faiga faavae ua iai.
10. O lipoti i tulaga o faaletonu (Irregularity Reports) e le'i tuuina atu i le Matagaluega o Tupe (MOF) i le taimi faatulagaina. E le'i usitaia foi e le Matagaluega taiala ua iai mo taavale ua faaletonu. Sa faamaonia mai e le Matagaluega o le a faaauauina ona taumafai le Matagaluega e faaleleia nei tulaga ma faamautinoa le usitaia e le Matagaluega o faiga faavae a le Malo.
11. O le tele o vaega (divisions) e le'i folasia fua faatatau mo a latou galuega faatino ma a latou galuega ausia mo le tausaga i totonu o le Lipoti Faaletausaga a le Matagaluega. Sa faamanatu i le Matagaluega e iai ona tiute e tatau ona faatinoina e ala i le usitaia o fua faatatau o galuega faatino ua maea faamaonia e le Palemene. Sa faapea mai le Matagaluega e le'i maea a latou lipoti faaletausaga i le vaitaimi o le suega ae peitai, o lea ua maea faamaonia e le Kapeneta ia Novema 2014 le lipoti faaletausaga mo le tausaga 2013/2014 ma o loo folasia uma ai faamaumauga e pei ona faailoa atu.
12. E le'i iai se faamaoniga o le faaleleia e le Matagaluega o mataupu sa tuuina atu iai e le suetusi i le suega ua tuana'i e aofia ai Tupe maua ma risiti i Tafaigata, polokalame faakomipiuta mo le fuaina o otaota (weigh in system), tuai o le teuina o tupe i le faletupe, tele o paleni tuua a tagata nonofo aitalafu i le Matagaluega,

leai o ni siaki ma le faapaleniga o nei aitalafu tuua, o resitala o aseta ma galuega faatino e le'i iai i se tulaga tuu lata mai. Na faapea mai le Matagaluega ua tele suiga lelei ua iai nei i mataupu e pei ona faailoa atu.

2.24 Komesina o Sulufaiga mo le vaitaimi 1 Tesema 2013 – 28 Fepuari 2014

1. E le'i totogiina le vaegatupe mo le 3% o siitaga lautele mo totogi o le aufaigaluega a le Malo mo se tasi o sui o le ofisa. Sa fautuaina le Matagaluega ina ia feutagai ma le Ofisa o Tupe i le Vaega o Totogi mo le soalaupuleina o lenei mataupu.

2.25 Komesina o Sulufaiga mo le tausaga faaletupe na faaiuina 30 Iuni 2014

1. Sa maitauina le faaaogaina o se laisene taavale mo tagata taitoatasi mo le taavale fou a le Matagaluega ae le o se laisene a le Malo e pei o faiga masani. Sa tali mai le Matagaluega sa tuuina atu le latou talosaga mo se laisene taavale a le Malo i le Pulega o Felauaiga i le Laueleele (LTA) ma o loo faatalitali pea se tali atu.
2. E leai se konekarate faigaluega mo le Ofisa Sinia (Manager of Human Rights and Good Governance). E tatau ona iai se konekarate faigaluega mo avanoa faigaluega faakonekarate uma. Sa faapea mai le Matagaluega e le'i faatumuina lenei avanoa faigaluega i le taimi o le suega ma e latou te le o mautinoa pe talefeagai lenei mataupu.
3. E le'i ausia e le Matagaluega fua faatatau o a latou galuega faatino mo le tausaga faale-tupe 2013/2014. Sa fautuaina le Matagaluega e tatau ona toe iloiloina ni fua faatatau talafeagai e mafai ona ausia ma tuuina atu mo le faamaoniga a le Palemene. Sa tali mai le Matagaluega ma faapea mai o le faaitiitia o le numera o fa'asea fa'ao'o atu i le Matagaluega e atagia ai le siitia lea o le auaunaga ma le faalauiloa i luga o pulega lelei a le Malo. Ae peitai, o loo vave le siitia o numera o fa'asea e fa'ao'o atu i luga o telefoni (through phone) faapea ma fa'asea e o'o atu ma tagata taitoatasi (in person) ae le o faamauina i le Resitala o Fa'asea. O le tele o nei fa'asea e fo'ia lava i luga o fa'atalatalanoaga ma i latou e tuu'ina atu nei fa'asea. E manaomia e le tele o tagata fa'asea le fo'ia lava o a latou fa'asea i se taimi vave ma le moomia ai ni faamaumauga tusitusia ina ia laitiiti ai le taimi mo nei mataupu.

2.26 Matagaluega o Leoleo 1 Tesema 2013 – 28 Fepuari 2014

1. E ui ina tele talosaga mai le suetusi mo le tuuina mai o minute o fonotaga a le pulega mo le faia iai o iloiloga, sa matua'i teena mai ona sa faapea o faamaumauga tapuia.
2. E le'o aofia tupe sa maua mai i le fa'ili a leoleo ma poloketi i Tafaigata i totonu o faamaumauga o tupe maua a le matagaluega, ma e le'o teuina foi i totonu o Faaputugatupe a le Matagaluega o Tupe. O lenei mataupu sa lāgā foi i le suega o tusi i le tausaga na tuanai atu. O le faamatalaga na tuuina mai e le matagaluega, o nei tupe maua o loo faagaoioi tutoatasi lava, ma o loo i lalo o le vaavaaiga a le Komesina ma lē o loo vaaia nei tupe.
3. Mataupu patino i tagata nonofo aitalafu i le Matagaluega:
 - o le resitala ma faamaumauga e le'o tulai mai i se tulaga tuu lata mai
 - e le'o atoatoa le faapaleniga o aitalafu, ma e le'o faatautaia i se auala talafeagai
 - o nisi o aitalafu e le'i totogiina mai e ui ina ua tuuina atu pepa mo le totogiina o auaunaga (invoice)
 - o loo iai se eseese o faamaumauga a le matagaluega ma faamatalaga o loo i luga o le polokalame faakomipiuta a le Malo (Finance One)
 - e iai aitalafu a le aufaigaluega e le'i uma ona totogiina mai ona ua faamuta a latou auaunaga i totonu o le matagaluega

Na tali le matagaluega ua iai se tasi o le aufaigaluega ua nafa nei ma aitalafu. E leai foi se faamoemoe e tusi 'esea nei aitalafu ona e le'o atoatoa faamaumauga e lagolago ai. E le'i mafai ona aoina uma mai aitalafu a le aufaigaluega ua faamuta auaunaga i le ofisa ona sa teena e i latou le sainia o pepa faamaonia (consent) e aveese mai ai aitalafu mai o latou totogi.
4. Na maitauina le muamua ona maua le pepa mo le totogiina o oloa ae le'i tuuina atu pepa e talosagaina ai oloa (purchase order). E fautuaina le matagaluega ina ia usitaia auala masani e pei ona faataatitia mo tupe totogi atu.
5. Mataupu e patino i le aufaigaluega, totogi ma aso malolo:
 - Faasiliga o totogi i le aufaigaluega ona o le tuai ona faagaoioi pepa e taofi ai totogi
 - O nisi o faamaumauga a le aufaigaluega ua leiloloa
 - E le'i faamauina aso malolo ua faaagaina e le aufaigaluega i totonu o le api saini ma pepa o faamaumauga o aso malolo (leave cards)
 - Leai se faapaleniga o le api saini ma pepa o faamaumauga o aso malolo a le aufaigaluega
6. E tele ni tupe totogi atu mo fefaatauiga e patino i le tausaga faaletupe ua tuanai sa faatoa totogiina i le tausaga faaletupe lenei o suesueina. O le taiala o tupe totogi atu ia aua nei sili atu ma le 15 aso faigaluega. Na tali le matagaluega o le tuai ona faagaoioi o tupe totogi atu ona o le le lava o tupe faatatau sa iai, faapea ai ma tupe vāea sa faapea ona faatali.
7. E le'i usitaia e le matagaluega taiala ma faiga faavae i le faatauina mai o aseta. O nisi aseta sa faatauina mai ae leai se faamaoniga o tupe vāea na tuuina mai e le Matagaluega o Tupe. Sa faapea mai le matagaluega o nei tulaga e le o ni mea e masani ona tutupu.
8. E le'o tulai mai le resitala o aseta i sona tulaga tuu lata mai. E iai aseta e le'i resitalaina, ma nisi aseta ua resitala faa lua.

2.27 Matagaluega o Leoleo–mo le tausaga faaletupe na faaiuina 30 Iuni 2014

1. E le'i tula'i mai le resitala o la'au malosi ise tulaga tu'u lata mai. O le tele o la'au malosi na aoina mai e leoleo mai tagata lautele e le'i aofia i lea faitauga. O lo'o maitauina fo'i le fa'aaogaina o la'au malosi ua faaletonu e fai ma totoga faaleoleo (spare parts) mo nisi o aupega malosi. Sa fautuaina le Matagaluega ina ia fai se faatatau i le resitala o nei laau malosi ina ia iai i se tulaga tuu lata mai ma ia mata'itu lelei le fegasoloaiga o nei aupega aua le saogalemu lautele.
2. O faamaumauga mo tagata nonofo aitalafu i le Matagaluega e le'i lelei ona faamauina ma tuufaatasia e le Matagaluega. O faamaumauga na tuuina mai mo le matou suega e faagata mai i le tausaga faaletupe 2011/2012. Sa maitauina le siitia pea o le aofaiga o nei aitalafu ma e iai nisi o nei paleni ua silia ma le tausaga o avea ma aitalafu tuua. O lea e atagia mai ai e le'i lelei le tulituliloaina e le Matagaluega o le totogiina mai o nei aitalafu e tagata aafia. E tatau i le Matagaluega ona mata'itu nei aitalafu faapea ai ma le siakiina ma faapaleni lelei nei faamaumauga i le polokalame komipiuta a le Malo.
3. E le'i ausia e le Matagaluega Tupe Maua sa faaagaaga mo le tausaga 2013/14, ma o lenei tulaga sa atagia mai lava i tausaga faaletupe e tolu ua ma'ea. E tatau ona toe iloiloaina le fuafuaina o tupe maua ina ia mautinoa le talafetaui ma ia mafai ona ausia. Sa tali mai le Matagaluega ua iloiloaina totogi mo latou auaunaga eseese i lalo o le polokalame a le Malo o loo iloiloaina uma ai totogi mo auaunaga eseese a Matagaluega taitasi (Non Taxation Revenue).
4. E \$682,437 se aofaiga na vaea mai vaega tupe o totogi o le aufaigaluega mo le faatupeina o nisi o galuega faatino (operating expense) ma oloa tetele (capital items) a le Matagaluega. E tatau ona iloilo lelei e le Matagaluega ana tupe totogi mai vaega tupe (output) e masani ona sili atu o latou faaaogaina nai loo tupe fuafuaina. Sa faamauina e le Matagaluega le mataupu ae peitai sa faapea mai sa faatino lea tulaga ona sa maua le tupe faasao i lea taimi e mafai ona faatupeina ai nisi o galuega faatino moomia a le Matagaluega.
5. Sa maitauina le siitia maua o tupe faaalu mo le eletise, vai, telefoni ma isi auaunaga pe a faatusatusa i le tausaga ua tuanai. Sa mafua lea tulaga ona o le tauaveina mai o paleni tuua mai le tausaga ua tuanai mo nei auaunaga i totonu o le tausaga faaletupe o loo faatautaia ai le suega ona e le'i gafatia i tupe faatatau mo le tausaga faaletupe ua tuanai. Sa tuuina atu e le Suetusi lenei mataupu i le tausaga ua tuanai ae o loo faaauau pea ona tulai mai lenei mataupu ma tele ai aafiaga o tupe faatatau. E tatau ona sutesue e le Matagaluega mafuaaga o le le totogiina o nei paleni tuua ma e tatau ona totogi auaunaga i totonu o le tausaga faaletupe na faataunuuina ai. Sa faamauina e le Matagaluega lenei mataupu ma faapea mai o le a latou utagia le fautuaga.
6. Sa maitauina faatoa saunia pepa talosaga mo oloa (purchase order) a le Matagaluega ina ua taulimaina pepa totogi o oloa (invoice). O ia gaoioiga e taula'i ai faafitauli i le faatauina o oloa e aunoa ma se faatagana poo ni oloa e le talafeagai mo galuega faatino a le Matagaluega. Sa fautuaina le Matagaluega e tatau ona faatumuina ma faamaonia muamua pepa talosaga mo oloa (purchase order) ae le'i tauaao mai oloa mai faleoloa ina ia tausisia ai auala ma faiga faavae a le Malo. Sa faamauina e le pulega lenei mataupu.
7. IMataupu i luga o faamaumauga o aso malolo e aofia ai:
 - E le'i sainia le api saina e nisi o le aufaigaluega
 - E le'i sainia e faauluuluga o vaega taitasi le api saina
 - E le'i atoatoa faamatalaga ile api saina

Sa fautuaina e tatau i faauluuluga o vaega taitasi ona faamautu le siaki ma le vaaia lelei o api saina ina ia mautinoa le atoatoa uma o faamaumauga.

8. E le'i iai se faatulagana o avanoa faigaluega (organisational structure) a le Matagaluega, ae peitai sa maitauina pea le faafaigaluegaina o tagata fou. O lea tulaga e tula'i ai faafitauli i luga o le faafaigaluegaina o ni tagata e aunoa ma se faatagana pe faamaonia mai e le Komesina. O nei foi gaoioiga e le o gatasi ma le Tulafono o lima taitaia ai galuega a leoleo. E tatau ona iloilo lelei lenei mataupu ina ia fo'ia ai faafitauli e pei ona faailoa atu. Sa tali le Matagaluega sa latou galulue i le toe fetuunaiga o matafaioi ma galuega ina ia tuuina atu mo se faamaoniga a le Kapeneta i le tausaga 2015.
9. O le resitala o taavale e le'i mautu uma fa'amatalaga moomia. E \$95,183 le tupe sa faaaluina mo taavale totogi ma o le tele o Lipoti i tulaga faaletonu (Irregularity report) e aafia ai taavale ma avea lea ma mafuaaga na siitia ai le tupe faaalu mo le toe faaleleia ma le faatotogaina o taavale i le aofai e \$66,000. Sa fautuaina le Matagaluega ina ia faia ni puipuiga talafeagai ina ia faamalositia ai le faaoga tatau o taavale ma le faateetega o ave taavale ina ia faaitiitia ai tupe faaalu a le Matagaluega.
10. E le'i lelei le potu sa teuina ai oloa ona sa maitauina le laitiiti o le avanoa ma leai ni totoga e teu malu ai togiga. E manaomia foi le faaatoatoa o faamaumauga i le resitala o nei oloa ina ia mautinoa o loo lelei le vaaiga ma le mata'ituina o le fegasoloaiga o nei oloa ona sa iai ni eseese sa ali a'e i le taimi o le faitauga o nei oloa. E tatau i le Matagaluega ona faia ni puipuiga talafeagai mo le fo'ia o nei faafitauli.
11. E manaomia le faia o ni puipuiga talafeagai i luga o le teuga tupe o loo faaogaina e teu ai tupe maua mai i galuega faatino a pagota ina ia mautinoa ai le mata'ituina ma le vaaia lelei o nei seleni.

O nisi o vaivaiga sa maitauina e aafia ai:

- leai o ni faamaumauga ma faamatalaga i nei teuga tupe e faamalamalama ai tupe sa teuina ma tupe sa talaina;
 - le faaauau pea ona faataga nisi o leoleo ua faamavae auunaga i le Matagaluega ona saina ma talaina tupe mai le teuga tupe
 - e iai isi teuga tupe faaopopo fou sa faatinoina e aunoa ma se faatagana mai le pulega; ma
 - leai ni faamaumauga o foa'i tupe mai tagata lautele
-
- O se tasi o teuga tupe sa gata lona faagaoioiga ma le faaogaina i le tausaga faaletupe 2011/2012 ma o loo iai pea le paleni \$2,144 o loo iai;
 - E le'i iai ni faamaumauga ma se faamaoniga sa faatino ni siaki ma ni faapaleniga mo nei teuga tupe;
 - o tupe maua mai i galuega a pagota sa faia ai ni teuga tupe eseese e fa, ma e eseese uma foi mafuaaga na faia ai nei teuga tupe;
 - Sa faaogaina nei teuga tupe i ni mafuaaga e ese mai i mafuaaga sa faia ai nei teuga tupe
12. Sa leai ni faamaumauga na tuuina mai mo le iloilo ma le faamaoniga o galuega faatino a le Matagaluega mo le tausaga faaletupe na aafia i le suega. O nei lipoti sa maitauina sa i le tulaga o se ata faataitai i le taimi na faagasolo ai le matou suega. O lenei tulaga e ono avea ma mafuaaga e tuai ai le tuufaatasia o lipoti faaletausaga ma e tatau i le Matagaluega ona faia ni auala ina ia faaitiitia ai pe fo'ia lenei faafitauli.
 13. O le tele o mataupu sa faapea ona tuuina atu e le Suetusi ile tausaga ua tuana'i e le'i faaleleia.

2.28 Matagaluega o le Palemia ma le Kapeneta mo le tausaga faaletupe na faaiuina 30 Iuni 2014

1. E le'i lelei le faamauina o le resitala o tusi faamaumauga eseese (accountable forms)
2. Sa iai risiti ua faaaoga faalua numera mo tusi talosaga mo tusifolau, faapea ai ma tusi talosaga mo pemitā e ui ina o nei polokalame e eseese. E atagia mai ai le leai o se siaki o faia e le aufaigaluega. Na tali le matagaluega e iai se polokalame o loo tau tuufaatasia ai nei systems e lua, ma mafai ai loa ona tasi lava le risiti e mafai ona lolomi mai i fafo. O lenei foi polokalame o loo faamoemoe e sui a'i risiti tusitusia o faia i le taimi nei.
3. Ua siitia le aofaiga o le paleni mo aitalafu mai le \$399,518 i le \$437,15, ma e leai se tulaga lata mai i le faamaumauga ma faapaleniga o nei aitalafu. O le tele o nei aitalafu e patino i le vaega a le Savali mo faalauiloa i luga o le nusipepa.
4. O mataupu i luga o auaunaga faaletagata faigaluega (HR), totogi o le aufaigaluega ma faamaumauga o aso malolo e aofia ai:
 - faaaogaina o aso malolo e aunoa ma ni pepa talosaga na faatumu
 - o pepa o faamaumauga o aso malolo e lei iai i se tulaga tuu lata mai
 - sese ona faia aso malolo leai se totogi i luga o le polokalame faakomipiuta a le Malo
 - leai ni pepa ma'i
5. E le'i tuuina atu i le Matagaluega o Tupe ni Lipoti o Tulaga Faaletonu e patino i taavale lavevea e lua a le ofisa.
6. E le'i teuina ma faamauina lelei Lipoti o Tulaga Faaletonu, ma leai foi ni auala ua faaataata mai mo le fo'ia poo le tali atu i faaletonu.

2.29 Komisi e Pulea Tagata Faigaluega a le Malo 1 Mati 2014 – 31 Me 2014

1. E le'o atoatoa faamatalaga ma le lelei ona teuina tusi faamaumauga eseese (accountable forms)
2. Sa iai se faasiliga na totogi atu i se tasi o le afaigaluega e mafua mai i le fesuiaiga o totogi. Ua talia e le Komisi o le tuai o le latou faapaleniga na mafua ai lenei lape, ma o le a soalaupule ma le Matagaluega o Tupe lenei tulaga mo le toe faaola mai o nei tupe.
3. E le'i atoatoa faamaumauga mo pepa totogi oloa (payment vouchers)
4. E leai ni faamaumauga o tupe fa'aalu i totonu o le resitala.
5. O loo faamauina pea le tuai o le afaigaluega i aso taitasi, ma le leai o ni aso malolo o faamauina i luga o pepa o faamaumauga o aso malolo. E leai foi se faatagana o atagia i luga o isi pepa o faamaumauga o aso malolo, ma leai ni pepa ma'i e lagolago ai le faaaogaina o aso malolo ma'i. Ua faapea mai le Komisi ua iai latou metotia ina ia faaleleia ai lenei tulaga.
6. Mata'upu tula'i mai i aseta:
 - Leai ni faailoga i luga o aseta
 - E le'o tutusa aseta o faamauina i luga o le resitala a le matagaluega ma le polokalame faakomipiuta a le Malo (Finance One)
 - E le'o resitalaina oloa vave faaaoga (consumables) a le matagaluega

Na tali mai le PSC ua faamauina fautuaga ma ua nofo mataala iai i nei tulaga. Ua maea foi ona resitalaina latou aseta.
7. O mataupu sa laga i le suega o le 2012/13 o loo tumau pea. E aofia ai le leai o se faapaleniga o aitalafu, leai o se toe tulituliloaina o aitalafu, ma le leai o ni faailoga i luga o aseta (e aofia ai aseta ua faatamaia).

2.30 Komisi e Pulea Tagata Faigaluega a le Malo mo le tausaga faaletupe na faaiuina 30 Iuni 2014

1. Sa le'i mafai ona tuuina mai tusi o faamaumauga eseese ona sa leiloloa nisi o faamaumauga, ona o le siitiaga i nisi nofoaga. E ui ina sa faamauina e se tasi o le aufaigaluega i luga o masini komipiuta, ae sa le mafai ona tuu mai nei faamatalaga i le taimi o le suega o tusi, ma sa le mafai foi ona sainia i luga o masini nei faamatalaga. Ua faamauina e le Komisi lea tulaga i le taua o resitala o tusi o faamaumauga eseese, ma o le a galulue ia mautu uma faamaumauga mo le tuuina mai i le suetusi. O le resitala sa faapea ona le mafai ona maua mai i le suega o tusi ua toe maua nei ma mafai ona tuuina mai mo iloiloga a le suetusi.
2. Na atagia mai i le siitia maoae o aitalafu mai le 2009 i le 2014 le leai o se galuega tulituliloaina o faatino i luga o aitalafu tuua i le i le . E iai foi faailoilo (debtor codes) o aitalafu ua fa'aaoga fa'alua, ma igoa o nisi o tagata nonofo aitalafu ua fa'aaogaina mo nisi fa'amaumauga. Na tali le PSC o loo faamauina lelei a latou aitalafu i lona fa'avasegaina tataui ai i luga o le polokalame faakomipiuta a le Malo. O le a feutana'i foi ma le Matagaluega o Tupe ina ia tusi esea nisi o aitalafu ua umi ona tuua ma ua mautinoa le le mafai ona toe totogiina atu.
3. E eseese aso o risiti sa faamauina; sa faarisiti i le 2013 ae faatoa faamauina i le risiti autu (master receipted) i le 2014, ma atagia ai le le atoatoa o le siakiina ma le vaaia o tulaga tau risiti.
4. Mataupu patino i tagata faigaluega:
 - E le'o faamauina nofoaga o loo faigaluega ai le aufaigaluega i luga o api saina
 - E le'o faamauina itula faigaluega i aso taitasi i luga o api saina
 - O loo alu i luga le toatele o le aufaigaluega o loo tuai mai i le galuega
 - Sili atu i le lima aso o loo faia ma aso malolo (time off)
 - E le'o tutusa faamaumauga o loo i pepa o faamaumauga o aso malolo ma le api saina
5. Mataupu patino i taavale a le ofisa:
 - E leai ni faamaumauga o le faaaogaina o taavale, ma avea ai ma tulaga e le'i mafai ai ona faamaonia penisini ua faaaogaina. Sa sili atu foi tupe faaalu i penisini nai lo tupe faatatau.
 - E le'i sa'o le faavasegaina o penisini i lalo o tupe faaalu
 - Sa iai se faaletonu i le faitotoa i tua o le taavale PSC 01, ma se tasi i luma o le talipupuni. E leai se lipoti o tulaga faaletonu (irregularity report) na tuuina atu mo lenei mataupu.
 - O loo faatioata pogisa le taavale PSC04
6. Mataupu i luga o aseta e aofia ai:
 - Sa iai aseta ua resitala ae le'i faailogaina
 - Aseta ua resitala ae le'i taulimaina e le matagaluega
 - Aseta ua faamauina i luga o le polokalame faakomipiuta a le Malo ae le'o i totonu o le resitala tusitusia o aseta
 - Aseta ua tusi eseina ae le'o atagia i luga o le resitala
7. E le'i tuuina mai nisi o faamatalaga, lipoti ma faamaumauga lagolago mo nisi o meaalofa ma foai tauaao ifo i le Komisi.
8. E leai se faatatau ua faia i mataupu sa laga i le suega o tusi i tausaga ua tuanai atu. E aofia ai le le atoatoa o le resitala o aseta, le sili atu o le tupe faaalu mo penisini o taavale nai loo tupe atofaina mo le tausaga. Sa faapea mai le matagaluega o lea ua faatinoina fautuaga e pei ona tuuina atu.

2.31 Matagaluega o Tupe Maua 1 Novema 2013 – 31 Mati 2014

1. E leai se faamaumauga tusitusia e aloaia ai le faamatuu atu o oloa e le'i totogiina tiute i Ofisa. E tatau ona totogiina atu tiute ae le'i aveese mai oloa, peitai e iai taimi faapitoa e mafai ai ona faamatuu ese mai nei oloa e aunoa ma se totogi. E patino lenei tulaga mo oloa e vave faaleagaina (olua faafomai, oloa o faletalavai, oloa tuu aisa, ma isi), poo tulaga faapitoa (poloketi a le Malo, faalapopototoga e maua mai ai fesoasoani, fesoasoani i taimi o faalavelave faanatura, ma isi). Sa maitauina e le suetusi le leai o ni faamaumauga o iai le faamaoniga a ofisa o le tiute. Na ioeina e le matagaluega e iai taimi e moomia ai le vave faamatuu o nisi o oloa (olua faafomai, oloa o faletalavai, oloa tuu aisa, ma isi), poo tulaga faapitoa (poloketi a le Malo, faalapopototoga e maua mai ai fesoasoani, fesoasoani i taimi o faalavelave faanatura, ma isi). O le faatagaga e aumai i le Pule Sili o le matagaluega, ma e iai taimi e mafai ona faamaonia mai se tasi o Sui Pule Lagolago. O loo faila uma foi faamaumauga ma faamatalaga, ma a fia moomia ona faafesootai atu lea o le vaega e patino tonu iai nei tulaga.
2. O nisi o oloa sa tatau ona tiute e pei o taavale afi, lavalava ma mea faufale (e le vave lona faatamaia ma leai se mo'omia ona vave faamatuu ese atu) sa aofia uma i totonu o oloa e mafai ona faamatuu i tua ae totogi mulimuli tiute (unpaid declarations). O le mafuaaga lenei sa faigata ai ona faamaonia le aloaia o le faaiuga e faamatuu atu ai i tua nei oloa. Sa tali le Matagaluega o Tupe Maua o nei ituaiga oloa e mafai ona faamatuu ese atu pe a fai e faamaonia le tusi talosaga, lea e mafai na faia i lalo o aiaiga mo poloketi a le Malo. Ona o taimi faatapulaa mo nei galuega, e mafai ona faagaoioi e le Matagaluega o Pisinisi, Alamanuia ma Leipa nei tusi talosaga, ma faapea ona galulue faatasi ai ma le Matagaluega o Tupe Maua e faia le galuega o le iloilo le usitaia o vaega manaomia i le maea ai. O loo faapea ona faaauau pea e le Matagaluega o Tupe Maua le faamalosia o auala ina ia usitaia uma ai tulafono ma taualumaga faataatitia uma.
3. O se aofaiga e \$2,60,382.20 o tiute lei totogiina (unpaid declarations) sa mafua mai ona o Matagaluega ma Faalapopototoga tumaoti, atoa ai foi ma nisi o kamupani. O le atugaluga o le suetusi ona o le faamatuu atu o oloa e le vave lona faatamaia ma leai se mo'omia ona vave faamatuu ese atu, ae leai se totogiina o tiute. Na tali le matagaluega o loo vaavaai toto'a pea lenei tulaga ma faamalosia le tulituliloaina ma toe faaolaina mai o tupe mai aitalafu tuua ma siaki ua le faaleaogaina (dishonoured cheques). O loo faia foi galuega faaauau ina ia tulituliloaina aitalafu e ui ina utiuti le aufaigaluega e faia lenei galuega.
4. Sa laga e le suetusi le mataupu e tatau ona tele le sao o le vaega o le Tiute i le nofoaga o iai oloa. Pei o le mafuaaga lea ua tele ai oloa soona faamatuu atu e aunoa ma se faatagaga tatau ma se faamaoniga ua uma ona siaki. O le atugaluga o le suetusi ona o loo nofo silafia lelei e le matagaluega lea tulaga. Ua tali le matagaluega o loo faia se iloiloga a le pulega i nei oloa sa faamatuu atu i le 2013. Ua saunia foi le poloketi toe faaleleia o galuega (Customs Modernisation) mo le faia o se auivi e limataitaia ma galulue agai iai le aufaigaluega ma paaga uma a le matagaluega. Ua maea foi polokalame faalauiloa mo i latou uma e aafia i lenei galuega.
5. E ui ina iai puipuiga mo le faagasologa o galuega, e leai se faamamaluga o nei tulaga ma siitia ai le aofaiga o tiute lei totogiina (unpaid declarations). E aafia ai le aoina mai o tupe maua, aemaise o isi e le'o mafai ona toe faaolaina, ma le tau faaopopo i le matagaluega. Ua tali le matagaluega o loo faia se poloketi e le Komiti Fauautua mo le toe faaleleia o galuega (Customs Modernisation) ma faia aoga ma faalauiloa, aemaise le iloiloga, e le aufaigaluega o nafa ma lea poloketi.
6. E iai faamaumauga ua leilolua e lagolagoina ai paleni o tiute lei totogiina (unpaid declarations). Mai le 40 na faia iai suesuega, e na o le 18 na faaoo mai i le au suetusi. Sa laga foi lenei mataupu i le tausaga ua tuanai ae leai se fuafuaga ua faia i ai. Sa tali le matagaluega sa le mafai ona tuuina mai nei faamaumauga ona o le pisi i galuega sa faatino i lea taimi, faapea ai ma le utiuti o le aufaigaluega, ae o le a taumafai e faaleleia lea

vaega.

7. O paleni o tiute lei totogiina na iloa ai se aofaiga e \$1.7 miliona. SA iai se feteenaiga ma se tasi o faalapopototoga ua maea ona totogiina a latou tiute, ae peitai o loo faapea mai le vaega a le Tiute latou te le'i taulimaina se tupe. Na faamaonia e le suetusi ua maea ona totogi tiute a lenei faalapopototoga. Na tali le matagaluega ua lelei le faagasologa o galuega tulituli talu le amataga o le 2014 ina ua toe iloilo ma faatulaga fuafuaga mo le toe faaolaina mai o tupe e pei ona atagia mai i le tele o aitalafu tuua ua totogi mai.
8. Mataupu e patino i risiti:
 - E ono api risiti sa leiloloa ma le mafai ona tuuina mai i suetusi. Na faamaonia e le matagaluega o se lape lea i le vaaiga lelei o api risiti, ma e faamoemoe o le a faaitiitia le faaaogaina o nei api ma faamaumauga tusitusia pe a faia faaeleteroni loa risiti i luga o le polokalame faakomipiuta o tiute (ASYCUDA World).
 - Sa tele ina tuai le faamauina o risiti i totonu o le ASYCUDA ma le Finance One ona o le tuai ona faaoo atu o tupe i le talitupe. E tatau ona faaoo uma tupe maua ae le'i maea le aso i le vaega o vaaia tupe. E faatoa mafai ona faarisiti tupe i le ASYCUDA pe a fai ua maea ma atoatoa menifeso. O tupe maua i nofoaga o oloa e teuina ai lava i le sui ofisa seia aulia le aso e sosoo ai. O loo fai mai le matagaluega o loo faia pea iloiloga ma le vaaiga a i latou o nafa ma lea galuega. E iai taimi e le mafai ai ona faaoo mai i le ofisa tutotonu tupe maua ma teu ai loa i sui ofisa seia oo i le aso fou. Ua taumafai ia avea le auivi o fuafuaina mo galuega ina ia faaleleia atili ai galuega ma faapea ona mulimulitaia ai tulafono ma faiga faavae o iai.
 - E le'o tulaga lelei mai le faamauina o tupe maua. Ua faapea mai le matagaluega ua iai tulaga uma i le talitupe, ma nisi vaaiga ua faaleleia ai tulaga tau risiti.
9. Mataupu e patino i aitalafu tuua:
 - E le'i atagia mai luga o faamaumauga tusitusia mai le ASYCUDA nisi o aitalafu ua maea ona totogi.
 - O loo moomia pea le toe tulituli o aitalafu tuua ma le toe tagai i le aofaiga atoa o aitalafu o loo iai nei. Sa tali le matagaluega o loo faigata lava ona tulai mai faamaumauga i se tulaga tuu lata mai ona o le tele naua o faila o loo iai ae toaitiiti le aufaigaluega e nafa ma le vaaia. E ui o loo fatino pea galuega tulituli o aitalafu, o loo tautoai lea galuega ona o nisi mafuaaga, ae o loo taumafai pea e faaleleia auala e toe faaola mai ai tupe ma faaitiitia aitalafu tuua. O loo faia foi le toe iloiloaina atoa o le tuuvaevaeina o matafaioi a le aufaigaluega a le Tiute ma o loo tãlia lona faamaonia. I aitalafu tuua, o nisi o nei aitalafu ua autausagã ae o loo faamauina pea, ma leai se faamoemoe e mafai ona toe faaolaina mai aemaise aitalafu ua silia ma le sefulu tausaga ona e le'o maua foi ni faamaumauga e lagolagoina ai. O loo galulue le aufaigaluega e tuuina atu mo le tusi esea mai faamaumauga. O loo galulue foi le matagaluega e soalaupule ma le tele o matagaluega ma faalapopototoga tumaoti a le Malo leni tulaga mo le totogiina mai o aitalafu. Sa iai foi se faasa'oga tele i faamaumauga i le faaiuga o le tausaga faaletupe mo nisi o lape sa iai, ma faaitiitia ai loa i le \$5 miliona ia aitalafu e le'i totogia.
10. E leai se resitala mo vaega tupe mo mea laiti, poo ni faamaumauga lagolago. O pepa totogi foi e le'o atoatoa lona faagasologa ma lē lelei ona faanumeraina. Ua faamauina e le matagaluega nei tulaga, ma o le a vaavaai toto'a iai.
11. E tele nisi o faamaumauga sa manaomia i le suega o tusi ae peitai na maea le galuega e le'i tuuina mai e le matagaluega. O nei faamaumauga e aofia ai faamatalaga faapitoa mai le ASYCUDA mo galuega a le vaega o Tiute, faapea ai ma faila mai le vaega ale Lafoga. Sa tali le matagaluega o leni tulaga na mafua ona o le taimi tonu na sue ai tusi sa faia ai foi galuega tetele e patino tonu lava i le matagaluega.

2.32 Matagaluega o Tupe Maua 26 Iuni 2014

1. Sa maitauina le tele o le faatuai ona tuuina atu tupe maua e le vaega e le Tiute aga'i atu i le vaega o Tupe a le matagaluega. E atoa le tai fa vaiaso o nisi faatuai. E mafua mai lea i le leai o se faamamafa ma faataua o lenei matafaioi, ona o loo faamuamua nisi galuega faatino.
2. Sa faaaogaina se sefe tupe lē tumau e tuu ai siaki ma tupe maua mo nisi o fefaatauaiga i le vaega e puipuia tuaoi lea e le'i atagia i luga o le ASYCUDA, ae o loo faamauina i faamatalaga tusitusia. O le atugaluga o le suetusi ona o le faatinoga o galuega i le taimi nei e faatupulaia ai le tulaga o le teuina o tupe tetele i totonu ole ofisa mo se taimi umi. O nisi foi o tupe sa maitauina sa aoina i le masina o Me 2014, ma faamauina i le lipoti a le suetusi tutotonu ilea so 30 Ianuari 2014, e iai tupe e oo atu le aofaiga i le \$30,000 o loo teuina pea i le sefe.
3. Sa maitauina le lē gatusa o faamaumauga o tupe faa risiti i totonu o le ASYCUDA, ma le'o mautinoa ai pe ua atagia uma tupe maua sa tataua ona faa risitiina. O le faia o se auala e o gatasi uma ai faamaumauga e faamalosia ai foi le mafai ona toe iloiloaina mulimuli o faamatalaga mai le ASYCUDA ma faamatalaga tusitusia.
4. I le faitauina o tupe, sa maitauina ai faasiliga o tupe . O nei faasiliga uma sa toe faa risiti i totonu o le faatupuga tupe a le Malo.

2.33 Matagaluega o Tupe mo le tausaga faaletupe na faaiuina 30 Iuni 2014

1. Mataupu e patino i faiga o risiti i le vaega o Tiute:

- Sa maitauina le tuai ona faarisiti tupe maua i totonu o le ASYCUDA, lea e faapea ai foi ona tuai ona faamauina i le Finance One, atoa ai ma le tuai ona teuina i faletupe.
- O tupe maua mai le vaa o le Lady Naomi sa taatia lava mo se vaiaso i totonu o le sefe e le'i teuina i le faletupe. O lenei tulaga ona sa gasegase le aufaigaluega sa nafa ma lea vaega.
- E le'i atoatoa faamatalaga i luga o risiti. O nei faamatalaga e fesoasoani i le fuafuaina o tau o tiute/lafoga e tatau ona totogi. O lenei mataupu sa lagā i nisi o suega o tusi ua mae'a atu.

O le tuai o le faarisiti i totonu o le ASYCUDA, e mafua mai lea i le faagasologa o suesuega o nisi o oloa ulufale mai e le vaega e puipuia tuaoi (Tiute). E aofia ai foi nisi o faafitauli faatekonolosi talu ona amatalia le faafouga ole ASYCUDA World, lea na aafia ai le faagasologa o galuega ma tuai ai ona faamauina nisi o risiti i totonu o le ASYCUDA. E ui i lea, ua tele ina fo'ia nei mau faafitauli. Ua uma foi ona logoina le aufaigaluega e puipuia tuaoi i le faafoeina o seleni, ma toe faamanatu iai o latou tiute patino i le aoina mai o tupe maua a le Malo. Ua uma foi ona lapataia nisi o le aufaigaluega o loo faatalalē i o latou tiute. Ua galue malosi foi le matagaluega e faaleleia puipuiga faalotoifale, ma faaitiitia ai tupe o teu i le ofisa e le'i tuuina atu i le faletupe. Ua iai foi suiga i le faiga o risiti i ona vaega faaeletoni lea ua tele ai se faaleleiga o le tulaga tau risiti ma le aoina o tupe maua.

- ### 2. O se aofaiga e \$12,824,046.37 mai aitalafu tuua e le'i faamauina i luga o le Finance One; o le tele o nei aitalafu na amata mai i le 1998 ma atagia ai le vaivai tele o le tulituliloaina o le toe totogiina mai. E le'o tutusa foi faamatalaga i luga o polokalame eseese nei e lua o le ASYCUDA ma le Finance One, ma e iai sona aafiaga i luga o le Faamatalaga o Tupe a le Malo. O loo aafia ai foi tiute e lei totogiina (Unpaid Declarations). O loo faamauina tusitusia nei tupe, ae e tatau ona faamauina i luga o le Finance One ina ia atoatoa ma sa'o faamatalaga o tupe uma a le Malo. Na tali le matagaluega o le tuuina o aitalafu tuua i luga o le Finance One ose galuega tele, faigata ma leai sona moomia ona o le ASYCUDA sa tuufaatasia mo lenei tulaga. Ua faapea mai le matagaluega ua tatau i le Matagaluega o Tupe ona iai se latou auala e faamauina uma ai nei faamatalaga moomia mai matagaluega uma a le Malo nai loo le tau faamauina i luga o le Finance One ona o le faatele galuega ma alu ai taimi a le matagaluega. Ua galue le matagaluega ina ia faamalositia le aoina mai o aitalafu uma, peitai o le utiuti o le aufaigaluega o loo tuta'ia ai, ma faapea ona tuuina atu lenei talosaga mo nisi aufaigaluega faaopopo i le tausaga faaletupe 2015/16.
- ### 3. Na sili atu tupe faaaoga nai loo tupe faatatau mo galuega faatino a le ofisa i se aofaiga e \$1,419,403. E mafuli tele lea tulaga i le faaleleia o aseta (aemaise taavale), nofo mautotogi ma lisi, ma mea taumafa. O nisi o nei tupe faaalu sa le'i fuafuaina. Sa tali mai le matagaluega e faapea:
- E 16 taavale o loo umia e le matagaluega, e 10 taavale mai lenei aofaiga na faatauina i le va o le 1996 ma le 2007. E moomia lava la e nei taavale le faia iai o galuega faalelei ina ia faatumauiina lo latou aoga, lea e faia ta'i kuata pe ta'i lua masina foi. O le talosaga sa tuuina atu i le Tala o Tupe Faatatau sa atagia ai le moomia o nei tulaga uma, ae peitai sa le'i talia lenei tuualalo e le Matagaluega o Tupe.
 - Nofo mautotogi ma lisi: O le lisi i le Faletupe mo le Atinae o Samoa sa aofia i le tausaga faaletupe o loo suesueina nei sa toe fa'asa'oina ma atagia i lalo o le tausaga faaletupe 2014/15.
 - Oloa mo galuega a le aufaigaluega (Stationery) & Lolomiga: E aofia ai tau mo faalauiloa na toe iai ni suiga ina ua maea talosaga na tuuina atu i le Tala Faatatau o Tupe. Sa aofia ai foi oloa mo galuega a le aufaigaluega (stationeries) mo le tausaga faaletupe 2012/13, lea faatoa totogi i le tausaga faaletupe nei.
 - Meataumafa & Faafiatiaga: O le a mata'itu e le matagaluega nei tulaga i le lumanai.
- ### 4. Sa maitauina le moomia tele o nisi o mea faigaluega faaeletoni mo galuega faatekonolosi. Sa faasili foi tupe faaalu mo initaneti i se aofaiga e \$142,931.05 ma o lenei tulaga sa atagia lava i le tolu tausaga ua tuanai i totonu o le matagaluega. Na tali le matagaluega o tupe faatatau mo initaneti sa tuufaatasia ma tupe faatatau mo telefoni ona e tele na aofia mai pili initaneti i totonu o pili o telefoni. Sa maea ona fa'asa'o

lea tulaga i le tausaga faaletupe 2014/15. Sa talosaga e le matagaluega ni masini komipiuta fou mo le aufaigaluega fou, faapea ai ma le toe faasili atu o auaunaga tau faatekonolosi, ae peitai sa teena e le Matagaluega o Tupe lea tulaga. O tupe faaalu i aseta mo le tausaga faaletupe 2012/13 sa faapea ona totogiina mai tala faatatau o le tausaga nei, lea e aofia ai ma masini o lolomiga. E iai se masini sa faatamaia ma sa le fuafuaina i le tala faatatau. Sa moomia ai e le matagaluega nisi masini fou e sui ai masini ua faaleagaina. E fa masini seva (server) moomia, ae ua na'o le lua sa mafai ona faatau mai.

5. Sa le'i mafai ona faia suesuega a le suetusi i le taavale MOR15 lea e resitala i le lisi o taavale. O loo faaogaina e le Minisita lena taavale ma e le'i faafoi ifo mo le faia iai o ni iloiloga. O loo atagia foi i le tala faatatau o tupe le faasili o tupe faaalu i vaega eseese mo taavale ma penisini, ma faailoa mai ai le moomia tele o le vaavaaiga a le pulega i nei tulaga. E leai foi ni faamaumauga o le faaogaina o taavale, ma penisini faaalu i taavale taitasi. O se aofaiga e \$10,610.22 sa faaaluina i taavale totogi. Sa faapea mai le matagaluega o se lape na ala ai ona aveesea le tupe fuafuaina mo taavale totogi mo le tausaga faaletupe 2013/14, lea sa iai lea faamoemoe i tausaga ua te'a mo Savaii. O lena taavale o loo faaogaina mo galuega a le ofisa i Savaii, ma asiasiga uma mai le ofisa tutotonu i Apia. O le taavale totogi foi a le Minisita sa moomia ina ua ave lana taavale tumau mo le faaleleia.
6. O nisi o galuega sa faataatitia a nisi vaega sa le mafai on ausia. Sa tali le matagaluega o nei tulaga e mafua mai i nisi tulaga i tua atu o le latou malosiaga. Sa faaititia foi le fuainumera o vaa omai i totonu o le atunuu mo lea tausaga. O mafuaaga uma ole le ausia o galuega fuafuaina o loo i totonu o le Lipoti o le Tausaga 2013/14 lea ua tuuina atu i le Palemene. Ua toe iloilo uma foi e le matagaluega a latou galuega ma latou alafua mo le Tala Faatatau o Tupe o le 2015/16.
7. O nisi o atugaluga mai le suega o tusi i le tausaga ua tuanai o loo maitauina pea, ma ua tata i le matagaluega ona mata'itu nei tulaga ina ia faaititia ai ni tulaga lamatia e ono tulai mai.
8. E leai se resitala o aseta o iai, ma e le'o o gatasi foi le faailogaina o aseta i Savaii. Sa tali le matagaluega sa faia le latou faitauga aseta i le faaiuga o le 2014 ina ia tuu lata mai ai faamatalaga o aseta, faapea resitala uma mo le matagaluega, e aofia ai ma le ofisa i Savaii.

2.34 Ofisa o Fuainumera Faamauina 1 Tesema 2013 – 28 Fepuari 2014

1. E le'i teuina i se nofoaga mautu tusi fou mo faamaumauga eseese, ma e le'o lelei le vaaiga o le resitala o tusi risiti.
2. E le'i tulituliloaina e le matagaluega le totogiina mai o aitalafu tuua
3. E eseese masini kopi na faatonuina mai le masini na tuuina atu i le matagaluega. Na faatoa iloa lenei lape ina ua atoa le vaiaso talu ona taunuu atu le masini ma toe siaki ai le pepa talosaga mo oloa.
4. O mataupu mai suega o tusi ua tuanai o loo tumau pea:
 - E le'i faamauina aso malolo i totonu o pepa o faamaumauga o aso malolo
 - E le'i faamauina lelei aseta i le resitala
 - O loo iai pea aitalafu e le'i totogiina a le Matagaluega o Punaoa Faanatura ma le Siosiomaga, ma le Auaunaga Tausi Soifua Maloloina
 - E le'i faamauina aso malolo le totogia a le aufaigaluega

2.35 Ofisa o Fuainumera Faamauina mo le tausaga faaletupe na faaiuina 30 Iuni 2014

1. O le tele o taavale ua sili atu tupe faaalu nai loo tupe fuafuaina. Sa leai foi ni faamaumauga mautu mo le faaaogaina o taavale i aso taitasi, faapea ai le faaaogaina o taavale mo mataupu e le'o patino i le ofisa. Sa faapea le SBS ua iai nei taumafaiga ina ia fuafua ai le faaaogaina o taavale mo galuega a le ofisa lava ia, e aofia ai ma faamaumauga o le faaaogaina o taavale i aso taitasi.
2. Sese le faamauina o pili o upega tafailagi i lalo o pili telefoni.
3. Sa faaaogaina aso malolo faaletausaga a se ofisa konekarate i atunuu mamao, e aunoa ma se faatagaga sa aumaia i le Komisi e Pulea Tagata Faigaluega a le Malo e pei o faiga faavae masani.
4. Sa leai sa tupe na mafai ona toe maua mai i meatotino leiloloa/faatamaia e pei ona lipotia i le Matagaluega o Tupe ma le Ofisa o le Loia Sili.
5. E le'i aofia risiti mai pepa fanau mai Hai Komisi ma Ofisa o le Malo i atunuu mamao i totonu o faamaumauga, ma e tatau ona faia faapaleniga o nei faamaumauga ina ia atoatoa le atagia ai o tupe maua.

2.36 Komisi mo le Toe Iloiloina o Tulafono a Samoa 1 Tesema 2013 – 28 Fepuari 2014

1. E le'i mulimulita'ia faiga faavae i le faatauina o i nisi o oloa e pei o le le tuuina atu o pepa e talosaga ai oloa ae le'i maua mai le pepa o tau o oloa. Ua faamauina e le Komisi lenei tulaga.
2. Sa leai se tupe mo le vaega tupe mo mea laiti i le taimi na faia ai le siaki faateitei a le Ofisa o Suetusi ona ua maea ona faaaoga ma sa tuuina atu e toe tului ma i lea taimi. O totogi o taavale la'u pasese o atagia ai le tele o tupe alu ai, e ui o loo iai nisi o le aufaigaluega o loo mafai ona faafoeina taavale a le ofisa, ae o loo faaaoga e le aufaigaluega taavale la'u pasese mo femalagaiga. Ua faamauina e le Komisi le fautuaga na tuuina atu.
3. E le'i atoatoa faamaumauga o le resitala o aseta ma e le'i aofia uma ai nisi o faamatalaga sa tatau ona faailoa mai. O nei faamatalaga e mafai ai ona fuafua iai le tau aofai o aseta ma le taimi e ono tusi 'esea ai. Na tali le matagaluega o faamatalaga e lei faamauina i le resitala e patino lea i aseta tuai sa faapea ona nafa ma se tasi o le aufaigaluega ua faamuta lana auaunaga, ma o le a taumafai e saili nei faamatalaga mo faamaumauga.
4. Mataupu e patino i faamaumauga tau tagata faigaluega ma aso malolo:
 - E leai se faaleoleo o faamaumauga o aso malolo i luga o le polokalame faakomipiuta (Excel)
 - Sa lei faamauina i totonu o le api saina le aufaigaluega sa tuai mai
 - E sili atu aso malolo (leave) na faaaogaina nai loo aso o loo agavaa iai

2.37 Komisi mo le Toe Iloiloina o Tulafono a Samoa mo tausaga faaletupe na faaiuina 30 Iuni 2012 ma 30 Iuni 2013

1. O le aofaiga o tupe vāea mo tausaga faaletupe e lua ua tuanai atu e \$112,134. O le tele o nei tupe sa faaaoga e faatau ai aseta tetele, faapea ai ma nisi gaoioiga a le ofisa. O nei tupe vāea e atagia ai le moomia o tupe e faatupe ai nisi o galuega sa le'i mafai ona faatupe mai i le Tala Faatatau o Tupe. Na faapea mai le Komisi o nisi a latou galuega e toe fetuunai e fua i polokalame a le Matagaluega ale Palemia ma le Kapeneta, le Ofisa o le Loia Sili, faapea ai foi ma nisi o galuega a latou lava ia.
2. E leai se resitala o tusi o faamaumauga eseese.
3. E le'o atagia i tupe faaalu le vaega tonu o faaalu ai tupe. Ua faamauina e le Komisi lenei mataupu ina ia usitaia.
4. Sa leai se resitala e faamauina ai oloa vave faaaoga. Sa faamatala mai e le Komisi ua iai nei le resitala mo lea tulaga.
5. E le'o atoatoa pepa totogi oloa (payment voucher), ma ni faamaumauga e lagolagoina ai.
6. E muamua ona tapa pepa e totogi ai oloa ae le'i tuuina atu pepa e talosagaina ai nei oloa.
7. E le'i toe faaolaina mai tupe sa faaaluina mo le pemitā faigaluega o se tasi o le aufaigaluega sa faamavae ae le'i mae'a le taimi faatulagaina o ana galuega.
8. E iai se faasiliga o totogi mo se tasi o le aufaigaluega i le aofaiga e \$12,579 e ui ina ua maea lana au'aunaga, ae na mafua lea tulaga ona o le tuai ona faagaoioi pepa o totogi. O lenei faasiliga e lima masina na totogi atu ai. Na tali le Komisi ua totoe nei na'o le \$2,213.59 e tatau ona totogiina mai.
9. E le'i faamauina aso malolo o le aufaigaluega i luga o pepa o faamaumauga mo aso malolo mo le tausaga faaletupe 2011/12, ma faigata ai ona faamaonia aso malolo e agavaa i ai. Pau faamaumauga o maua nei mo le toatele o le aufaigaluega o kopi faa eletoroni o aso malolo mo le 2013/14.
10. E iai nisi o aseta sa le'i faamauina i totonu o le resitala i le taimi o le asiasiga. E iai foi nisi aseta e le'i lelei ona faailogaina. O nisi foi o aseta ua faatamaia ma aseta ua tusi 'esea o loo taatitia pea i totonu o le ofisa, ae ua tatau ona faasee atu i le lotoā i Vaimea.
11. O loo aiaia le Komisi i lalo o tulafono ina ia faaoo atu fuafuaga o latou galuega i le Palemia ma le Loia Sili, peitai e le'i mafai ona faamaonia e suetusi lenei tulaga. Na tali le Komisi o le latou fuafuaga Alu i Luma sa tuuina atu i le aso 2 Iulai 2014.
12. Sa leai ni pepa e faamauina ai le faaaogaina o taavale a le ofisa. Sa faamauina e le Komisi lenei mataupu.
13. E le'i ausia nisi o galuega faataatitia mo le tausaga faaletupe 2012/13. E tele mafuaaga na ta'ua e le Komisi e aofia ai le tuai ona faaililiu o lipoti, utiuti o le aufaigaluega ma nisi faafitauli e lē mafai ona latou foia.
14. Mataupu e patino i tupe faaalu mo le initaneti:
 - Sa sili atu tupe faaalu i le initaneti i le tausaga faaletupe 2011/12 nai loo tupe faatatau.
 - Sa mafai foi ona faaaoga e le aufaigaluega nisi o upega tafailagi e le i lalo o galuega masani a le ofisa
 - Sa le mafai ona iloiloaina le konekarate i le va o le Komisi ma le latou kamupani initaneti

- E leai foi se taiala tusitusia mo le faaaogaina o le initaneti

Sa faamatala e le Komisi o loo tau atinae lava se taiala mo le initaneti. O galuega foi a le Komisi e moomia ai le fesootai ma tagata lautele e faaaoga ai soo se metotia, e aofia ai nisi o upega tafailagi o loo faaaoga e le toatele ma maua ai nisi o fautuaga mo le faaleleia o le auaunaga, ma faalauiloa ai galuega a le Komisi.

2.38 Komisi mo le Toe Iloiloina o Tulafono a Samoa mo le tausaga faaletupe na faaiuina 30 Iuni 2014

1. E leai ni faapaleniga o tusi, ma ni faamaumauga e lagolagoina ai tupe maua. Sa tali le Komisi o loo iai faamaumauga ona o nei tupe maua e mafai ona tuuina mai ona o lenei mataupu e patino i le Fonotaga a Komisi mo le Toe Iloiloina o Tulafono lea sa talimalo ai le Komisi ia Me 2014.

2.39 Matagaluega o Tina ma Tamaitai, Atinae o Nuū, Afioaga ma Aga Fesootai 1 Fepuari – 30 Aperila 2014

1. Mataupu e patino i auaunaga o lolomiga:
 - O totogi mo nisi o auaunaga sa faatinoina e le'i atagia ile lisi o tau faatulagaina ua uma ona faamaonia. O le lisi o tau o auaunaga ua fai sina maotua ma lē toe aoga ona faaaogaina. O lenei mataupu na lāgā i le suega o tusi ua mae'a atu, ma e leai lava se leleiga ua tulai mai.
 - E iai se feeseeseaiga i tau aofai o auaunaga i luga o faamaumauga, ma tau aofai na tuuina atu i tagata nofo aitalafu, ma e leai foi se toe iloiloia e le Pule Lagolago o lea vaega o nei tulaga
 - O pepa mo le faatauina o oloa sa le mafai ona faamaonia ona ua leiloloa
 - E leai puipuiga talafeagai e taofiofia ai le lolomiga ma le tufaina atu o tusi mo faamaumauga eseese mo le faaaogaina e le vaega a le Lolomiga
 - E iai nisi galuega lolomiga sa faatinoina e aunoa ma ni pepa mo le totogiina o oloa ua tuuina atu mo e na talosagaina nei lolomiga. E le'i mafai e le suetusi na faamaonia ua toe faaleaogaina nei galuega na faatalosagaina mai.

Na tali le matagaluega o loo iloilo pea le latou talosaga i le tau o auaunaga e le komiti faafoe mo tupe maua (National Revenue Board), ma ona oo atu i le Kapeneta i se taimi lata mai. Mo le taimi nei, o loo faaaogaina pea le Lisi o Tau o Auaunaga o loo iai. O le faagasologa masani, a iai lava ni suiga i galuega faatonu mai, e logo muamua lava le na talosaga mai se galuega ae le'i tuuina atu iai le pepa mo le totogiina o oloa. Ua uma foi ona toe faamanatu i le aufaigaluega tulaga lamatia e ono tulai mai i le le usitaia o nei taiala. Ua mae'a foi ona faalauiloa e le Pule Lagolago o le vaega nei tulaga i le aufaigaluega pe a iai ni suiga, aemaise ai le alofia o le eseese o tau o auaunaga e tuu atu mo se galuega e tasi.
2. E iai ni aitalafu mai tausaga ua tuanai e le'i totogiina mai. Na tali le matagaluega o lenei mataupu o loo tauave pea i tausaga uma ona o le le totogiina mai e matagaluega a le Malo o loo nofo aitalafu e ui ina tulituliloaina. Ua faamaonia e le Kapeneta le talosaga mo le tusi 'esea o nei aitalafu, ma ua nafa foi le Matagaluega o Tupe ina ia tuu lata mai faamatalaga o aitalafu ma atagia i faamaumauga. O le taimi nei mo soo se galuega lolomi, ua moomia le totogi o le 50% muamua o le tau atoa o lolomiga, ae faamaea ai le isi 50% pe a uma le galuega.
3. E tele ina muamua taunuu mai pepa mo letotogiina o oloa ae le'i tuuina atu i tua pepa talosaga mo oloa. E patino le tele o nei fefaatauaiga i polokalame mo tagata lautele ae sa tau faatalitali le faamaoniga o tupe vāea e faagaoioi ai nei polokalame.
4. E leai ni resitala o oloa vave faaaoga sa teuina e vaega eseese o le matagaluega. Sa laga foi lenei mataupu i le suega o tusi ua tuanai atu ae leai lava se fuafuaga o faia i ai.
5. E le'i atoatoa le faailogaina o aseta, ma leai se tulaga maea o le resitala o aseta. Sa fesiligia le tau aofai o nisi o aseta ona e leai ni faamatalaga o tau o nei aseta na faatauina mai ai. E iai aseta tetele i le tau aofai e \$150,000 sa faamauina i le resitala, ae o loo umia pea e le Jotta Graphics. Na tali le matagaluega sa faatoa faaaogaina le vaega o Aseta i le Finance One i totonu o le tausaga o loo sueina nei tusi. O loo iai le fuafuaga o le a tofu uma vaega eseese o le matagaluega ma a latou resitala pe a maea le suega oloa ia Oketopa 2014 ma atagia mai ai se tulaga tuu lata mai o aseta. O le tele o masini lolomi o loo iai nei ua silia ma le 30 tausaga, ma e le'i maua mai se tala mautu o o latou tau sa'o a'o i lalo o le Matagaluega o Tupe ma le Matagaluega o le Palemia ia lolomiga uma a le Malo. Ua soalaupule e le aufaigaluega se auala ina ia mafai ona atagia ai o latou tau sa'o, ma faaauau pea suegaolaoa. O aseta sa tuuina mai i le Jotta Graphics sa tuuina mai i lalo ose lisi faavaitaimi ua toe aveeseina ao faia galuega faaleleia i nisi o masini lolomi ua faatamaia.

2.40 Matagaluega o Tina ma Tamaitai, Atinae o Nuu, Afioaga ma Aga Fesootai mo le tausaga faaletupe na faaiuina 30 Iuni 2014

1. Sa sili atu tupe faaalu i le faagaoiaina o le matagaluega nai lo tupe sa fuafuaina. E mafua mai lea ona o aitalafu e le'i totogiina mai tausaga faaletupe ua tuanai lea faatoa totogiina i le tausaga faaletupe o loo faagasolo nei. Sa tali le matagaluega o lenei tulaga e le mafai ona taofia ona o le tele o lolomiga e fai mo aoaoga, lipoti ma isi galuega moomia ai lolomiga. O loo aofia ai foi i tupe faaalu alauni o malaga mo fonotaga ma aoaoga i atunuu mamao. Ua faamatala mai foi e le matagaluega o isi tupe tele faaalu i le faalauiloa e patino lea i le polokalame o le Toe Sasa'a Le Fafao, lea e taua tele mo le iloa e tagata lautele.
2. E leai ni faamaumauga sa tatau ona iai e lagolagoina ai nisi o oloa faatau mai e le Vaega a le Lolomiga (Printing division). Ua faamauina e le matagaluega lenei mataupu.
3. E le'i atoatoa le resitala o aseta sa tuuina mai i le suega o tusi. Sa gata na tuu lata mai le resitala i le masina o Aperila ma sa faapea ona le'i faamauina ai aseta sa faatau mai talu mai lea piriota. Sa faapea mai le matagaluega o lenei tulaga e mafua mai i suiga o le afaigaluega e vaaia aseta, ae o le Vaega o Faamaumauga o Aseta i luga o le polokalame komipiuta a le Malo (Finance One) lea sa amata lona faaogaina i le amataga o le tausaga. Ua maea ona tuu lata mai e le matagaluega le latou resitala ma faamauina uma ai aseta faatau mai, faapea ai ma aseta ua tusi esea.
4. Sa le'i tuuina ma i suetusi faamaumauga mo le faaogaina o taavale a le matagaluega.
5. Sa maitauina le tele o taimi na tuai ai ona faarisiti tupe maua mai e le Vaega a le Lolomiga (Printing division) i le Matagaluega o Tupe, ma o se faafitauli ua tatau ona vave fo'ia. Na tali le matagaluega o le mafuaaga o le faatuai, ona o nisi o tupe faatoa maua mai ua tapunia le talitupe(cashier).

2.41 Matagaluega o Galuega, Felauaiga ma Atinae Eseese 1 Fepuari 2014 – 30 Aperila 2014

1. E iai aitalafu e le'i totogia talu mai le 2013. O loo faamoemoe le Matagaluega ina ia mafai e fesootaiga i le va o matagaluega a le Malo ona fesoasoani i lenei mataupu.
2. Sa maitauina le maoae o le faaaoga o fuafuaga faataatitia mo le initaneti.
3. E le'i totogiina pisinisi ma faalapotopotoga o loo nofo aitalafu ai le matagaluega talu mai le 2013.
4. O le resitala o aseta e le'o atagia uma ai aseta, faapea ai aseta ua faatamaia ae le'i tusi esea. Ua faamauina e le matagaluega le le atoatoa ma o le a galulue e faafoia le mataupu ua lāgā.
5. E le'i faamauina minute o fonotaga a le pulega.

2.42 Matagaluega o Galuega, Felauaiga ma Atinae Eseese mo le tausaga faaletupe na faaiuina 30 Iuni 2014

1. Sa iai risiti sa tuai ona faamauina i luga o le polokalame faakomipiuta a le Malo ma o le mafuaaga o lea tulaga e mafua mai ona o le le iai o le talitupe (cashier) i le tele o taimi e faarisiti ai tupe.
2. O tupe faaalu sa faamauina i lalo o isi tupe fuafuaina ma aafia ai vaegatupe sa faaagaaga mo nisi faamoemoe.
3. E fā taavale afi a le Matagaluega sa sili atu tupe faaalu i penisini nai loo tupe sa fuafuaina. E leai foi ni faamaumauga mo feoaiga a taavale. Sa tali le matagaluega o loo iai lava a latou auala e tau taofi ai le faaaogaina o taavale, o le tele o latou galuega e moomia ai le faia o asiasiga i Upolu faapea ai foi Savaii ma Manono, lea e faaaoga ai taavale a le matagaluega.
4. E toa lua nisi o le afaigaluega sa maua pea o la totogi e ui ina ua faamaeaina le la tautua. Sa faapea mai le matagaluega o lenei mataupu e ao lava ina tali mai ai le Komisi e Pulea Tagata Faigaluega a le Malo, faapea ai ma le Matagaluega o Tupe lea sa tuuina atu iai pepa e taofia ai totogi.
5. E le'i tulaga mai pepa o faamaumauga o aso malolo i se tulaga tuu lata mai, ma o isi foi pepa o faamaumauga mo aso malolo ua leiloloa. Sa tali le matagaleuga o lenei tulaga ua mafua ona o le le oo mai o le afaigaluega i le ofisa, ae o loo faamauina i luga o le polokalame faakomipiuta a le Malo (Finance One) nei faamaumauga uma o aso malolo.

3. SUEGA O TUSI I OFISA O LE MALO I ATUNUU I FAFO

3.1 Ofisa Konesula i Amerika Samoa

mo tausaga faaletupe fa'aiuina 30 Iuni 2011, 2012, 2013, 2014

1. E le'i fa'anumeraina pei ona tatau ai pemitā e tusa ma faiga faatausitisi lelei. O le faatulaga lelei o fuainumera e faigofie ma fesoasoani ai le faapaleniga o pemitā na maua ma faapea ona tuuina atu e le ofisa, ma faatusatusa ai i tupe maua mo le manino ma tusa ai ma faiga faatausitisi. Na tali le matagaluega ua faia nei lea tulaga ma o le a tulimataia pea lona faagasologa.
2. E leai ni vaega tupe mo mea mea laiti, ma e tele na faaoga tupe a le Konesula ae toe totogi mulimuli e le ofisa. O lenei tulaga ua faaleaogaina ai le mafuaaga na ala ai ona faia lenei vaega tupe mo mea laiti, ma ua fautuaina ai e le suetusi le tatau ona mulimulitaia faiga faavae a le Malo e pei ona masani ai. Sa tali le matagaluega e lei iai se tupe totoo mo le vaega tupe mo mea laiti i le taimi o le suega o tusi. Mo le nofo silafia foi, sa iai tupe na leiloloa i le nofoaga o le ofisa ma manatu ai le pulega e le saogalemu ni tupe e teuina i totonu o le ofisa. O lenei vaega tupe o loo faaagaioi ma pulea lelei e le ofisa e tusa ai ma faiga faavae masani.
3. E leai se sefe e teu lelei ai tupe maua i aso taitasi. E tatau ona puipui malu uma i se nofoaga lelei aemaise o tupe nei a le Malo. Ua faamauina e le matagaluega nei atugaluega ma sa taumafai le ofisa e saili se sefe mautu; peitai o loo faagasolo pea i faiga pei ona masani ai, ma o loo iai lava faamaumauga mautu o faamatalaga o tupe.
4. Mataupu e patino i le aufaigaluega ma aso malolo:
 - E leai se konekarate na sainia mo le Konesula i le 2009-2012. E tatau ona sainia ma atoatoa nei konekarate e maioio lelei uma ai matafaioi, faapea ai ma isi tulaga e agavaa iai. Na faamatala e le matagaluega e tutusa pau uma aufaigaluega a le Malo o i fafo e leai ni konekarate ae na o aiaiga e pei ona masani a'i le aufaigaluega i fafo, e pei lava ole aufaigaluega tumau. O loo mulimulitaia lava foi faatonuga a le Kapeneta e patino i le faafaigaluegaina o le aufaigaluega i fafo, ma a iai lava suiga i aiaiga ua faatino e pei ona talafeagai ai.
 - O aso malolo faaletausaga mo le Konesula sa faaputu ae le'i faaogaina, ma e le'o o gatasi ma le Faaiuga a le Kapeneta FK(08)33 and FK(08)43 sa faalauiloa mai i le 2008 mo tulaga faakonekarate i le Malo. Sa aofia foi i totonu o le konekarate a le Konesula mo le 2012-2015 lenei aiaiga e le tatau ona faaputu aso malolo. Sa fautuaina le Ofisa ina ia usitaia faatonuga ua tuuina mai e le Kapeneta faapea faiga faavae ma taiala faataatitia. Na tali le matagaluega o aufaigaluega i atunuu mamao e le'o ni aufaigaluega faakonekarate pei ona masani ai. Sa faamalosia uma nei faatonuga i aufaigaluega i atunuu mamao ma usitaia, e pei ole aso malolo mo gasegase sa mafai ona faaputu ma tauave i isi tausaga.
 - E leai ni pepa o talosaga mo aso malaolo sa faatumu e le aufaigaluega sa ave o latou aso malolo. E tatau ona mautu ma atoatoa uma nei faamaumauga ma faamaonia e Sinia e pei ona tatau ai. Na tali le matagaluega o loo usitaia uma pea nei tulaga.
 - E le'i totogia ni Supaaneueta (superannuation) mo le ofisa e pei ona iai tulafono mo le aufaigaluega i Amerika Samoa. E tatau i le ofisa ona fesiligia nei tulaga i tulafono ina nei lavelavea i nisi tulaga ona o le le malamalama. Ua faamauina e le matagaluega le atugaluga ma faapea mai o aufaigaluega uma i Amerika Samoa e i lalo o le faamalu a le Malo Aufaatasi i Niu Ioka (New York ma) mo ni popolega ma mataupu e faasino uma i le latou ofisa. Sa faapea mai foi le Ofisa o lenei mataupu ua soalaupule ma ofisa e tatau ai i le tele o taimi ma e leai lava se faaiuga mautu ua maua mai.

4. SUESUEGA MO FAALAPOTOPOTOGA TUMAOTI A LE MALO

4.1 Sailiga le fa'ailoaina i Faalapotopotoga Tuma'oti a le malo, Ianuari 2014

Sa faatino iloiloga e le faailoaina i nisi o Faalapotopotoga tuma'oti o loo taua i lalo:

- Faalapotopotoga o Inisiua Tau Soifua a Samoa - 21 Ianuari 2014
- Ofisa malaga o le Polenisia – 21 Ianuari 2014
- Faletupe o Atina'e o Samoa – 23 Ianuari 2014
- Pulega o Tagata Tafafao maimoa mai fafo – 23 Ianuari 2014
- Pulega o Suavai – 22 Ianuari 2014

O le aotelega o le sailiiliga, e le'i iai ni faafitauli ogaoga sa matauina. O loo tulaga lelei le faatinoina o auaunaga e tusa ai ma auala faalelotoifale mo le pule leleiina o tupe maua.

4.2 Faalapotopotoga o Tau'i mo Faalavelave Faafuase'i a Samoa, Suesuega Faafuase'i: 31 Mati 2015

1. Ua le 'ausia tupe sa fuafua e aoina mai. Ua matauina foi le maualuga o tupe fa'aalu nai lo o tupe sa fuafuaina. Na tali le Faalapotopotoga e ui i eseese o tupe fa'aalu ma tupe maua agai i tupe na fuafuaina, o loo pulea pea tupe fa'aalu mo galuega tetele aemaise le ausia ai o tupe mai auaunaga lautele.
2. Ua le atoatoa fa'amaumauga o tusi risiti ma isi tusi mo le faamaumauina o faamatalaga taua. O loo iai le tulaga lamatia i le faalapotopotoga mo ni gaioiga faagaoi pe a le fa'afoia tusi risiti mo le siakiina ma faamaumauga tatau a se ofisa sinia. Ua faamauina ma faagaioia galuega talafeagai i lea tulaga.
3. Sa matauina se tusi risiti o loo ua misi ni ona laupepa ma le o faasolo i le faasologa sa'o. Na tali le Faalapotopotoga o le tusi lenei o loo faaogaina mo le faarisiti o auaunaga pe a malaga le ofisa i Savaii ma na faaogaina talu mai le 2013. O le mafuaaga ua pā'u ma leiloa ai le laupepa e tasi ona ua tuai le tusi risiti.
4. E le o iai ni faamaumauga e faailoa ai le faatinoina o siaki talafeagai mo le faapaleniina o tupe fa'aalu ma tupe maua ta'i masina. Na tali le Faalapotopotoga ua faatinoina nei siaki talafeagai e pei ona fautuaina.
5. Ua matauina o lo'o iai teugatupe faavaitaimi a le Fa'alapotopotoga e sili atu ma le fitu sefulu miliona i faletupe eseese. Peita'i, e le o iai se ta'iala tusitusia mo le faafaigaluegaina o tupe i tulaga e pei ona taua. Na tali le Faalapotopotoga o fuafuaga mo le faafaigaluegaina o tupe o loo mavaevae i totonu o le Fuafuaga alu mamao, Fuafuaga a le Pulega, Paketi faa le Tausaga, ma tala tau tupe faale tausaga o loo fatino ma iloiloa e le Faalapotopotoga i lea taimi ma lea taimi.
6. E le o mafai ona faamalieina i faamaumauga a le Matagaluega o Tupe Maua le aofaiga tonu o suauu tiso auina mai i totonu aua sa le'i auai se sui o le Faalapotopotoga i le taimi e tuuina mai ai nei suauu i totonu o le atunuu. Na tali le Faalapotopotoga o loo aiaia i lalo o le Tulafono a le Fa'alapotopotoga o Tau'i ma Fa'alavelave Fa'afuase'i 1989 vaega 53 le malosiaga o le ofisa o Tiute i le aoina ma le totogiina o le lafoga o le suauu. O lea e le mafai ai ona auai se tagata faigaluega pe a fua le suauu.
7. E le o iai se faiga masani mo le faamaumauina o fetuugaina moomia o faamaumauga tau tupe. E le i mafai foi ona faamautuina se vaevaega tala feagai o matafaioi patino a le aufaigaluega. E le i mafai foi ona maua ni faamaoniaga talafeagai o nei fetuugaina ma sa le atoatoa foi faamatalaga e lagolagoina ai nei fetuugaina. Ua faamauina le mataupu e ala i le faaogaina o le polokalame mo faamaumauga lautele (MYOB) aua fetuunaiga tatau.
8. Sa maua i le suesuega le faatauina o ava malosi e aunoa ma se faatagaga tatau mai i le Kapeneta mo le fialia fa'aiu a le Komiti Faatonu ma le aufaigaluega faatasi ai ma le faamavaega mo le ofisa sili ua mavae. Na tali le Faalapotopotoga ua na o faamoemoe taua e pei ona ta'ua ua fai ai lenei faiga ae le masani a'i le Faalapotopotoga.
9. Mataupu e uiga i taavale a le Faalapotopotoga:
 - faiga faavae mo le puleaina o taavale e le o aofia uma ai vaega taua sei vagana ai le faaogaina ma le teuina i le lotoa mo taavale.
 - E le i mafai ona maua se resitala o faamaumauga tuulata mai o taavale

- E le i mafai ona maua i suesuega ni pepa o faamaumau ai le faaaogaina o taavale
Ua faamauina e le Faalapotopotoga mataupu ua lagā.

10. E le o iai ni lipoti mo meatotino faaleagaina a le Faalapotopotoga e pei o le tioata tele o le taavale ACC03 sa faaleagaina ma toe faaleleia e aunoa ma se ripoti tusitusia. Na tali le Faalapotopotoga ua na o le pau lea o le faafitauli na moomia vave ai le faaleleia o le tioata pe \$200 lona tau aofai.
11. Sa faamauina tagata o nofo lisi i fale a le Faalapotopotoga e aunoa ma ni maliega tusitusia. Sa faamauina foi tagata nofo lisi e aunoa ma le faafouina o a latou fegaiga. Ua faamauina ma o le a faatinoina galuega talafeagai.
12. E 13miliona tupe o loo teu faafaigaluega a le Faalapotopotoga i faletupe eseese e aunoa ma le faamaumauga mautu e faavae ai lea faiga. Na tali le Faalapotopotoga o faamaumauga mo le faafaigaluegaina o tupe i faletupe eseese o loo teuina i faila.
13. Sa faamauina le le atoatoa o faamaumaga talafeagai mo tupe fa'aalu. E tatau ona atoatoa faamatalaga a'o le'i faamaonia fefaatauaiga e le ofisa sili. Na tali le Faalapotopotoga o loo iai uma faamaumauga mo tupe fa'aalu.
14. Sa faamauina le faaaogaina o tupe a le Faalapotopotoga i maliu o tagata faigaluega. O loo aiaia nei tulaga ma faiga faavae e le Kapeneta i lana FK(13)06 mo tupe faaalu i maliu o tagata faigaluega. Na tali le Faalapotopotoga ua na o le pale ma tau mo le feoaiga a le pulega na auai i le maliu na faia i Savaii o loo totogiina e le ofisa.
15. Sa matauina le faaaogaina o le masini faaleotele leo a se tasi o le au faigaluega i le Maketi i Fuagalei. E le'i maua ni faamaumauga atoatoa e lagolagoina ai tupe ua fa'aalu i lenei faiga ma e ono atagia ai se faiga pa'aga e le'i lelei ona faavae. Na tali le Faalapotopotoga faapea o lona tulaga faanatinati na faaaogaina ai le masini faaleotele leo a se tasi o le afaigaluega i se tau taugofie foi ona ua tuai na taunuu le masini sa faatonuina.
16. Sa faatauina se taavale (Toyota Hilux) i le tau aofai e \$98,000 mo le Minisita Lagolago e aunoa ma le tuuina muamua atu i le Kapeneta mo se faatagaga tatau ae le i faatauina. Na tali le Faalapotopotoga e faapea, o le taavale fou sa faatauina e sui ai le taavale a le Minisita lagolago ua faamatuu atu i le Matagaluega o Tupe. Vagana i eseese le faauigaina o taiala, o le fesuaiga o taavale e le moomia ai se faamaoniaga mai i le Kapeneta ua na o taavale fou e toe faaopoopo i taavale a le ofisa.
17. E le i faamauina se faamaoniaga o le totogi faaiu mo le konekarate a le faauluuluga o le vaega o tupe ma tusi. Na tali le Faalapotopotoga sa faamaonia lea tulaga e le Komiti Faatonu i lana fonotaga 24/2/2015.
18. O le totogiina o tagata faigaluega fai sifi e le'i agatonu ma aiaia le Tulafono o le Sootaga Va lelei o Leipa ma Galuega 2013. E leai foi ni faamaumauga faamaonia mo le vaeveaga o sifi e lagolagoina ai le totogiina o nei tagata faigaluega. Na tali le Faalapotopotoga o loo mafai ona faigaluega sifi tagata mo aso e fitu o le vaiaso. Latou te agavaa foi i le totogiina o taimi silia nai loo taimi faigaluega faatulagaina.

19. Sa faamauina le totogiina o aso e 6 i se tasi o tagata faigaluega sa le tataua ona totogiina ma o lea ua faamaunia ai le totogi fasili mo nei aso. Ua faatino galuega talafeagai mo faamatalaga tuu lata mai o paleni o livi a le au faigaluega.

20. E le i atoatoa faamaumauga e lagolagoina ai tagata sa faigaluega i taimi tua atu o taimi faigaluega faatulagaina e aunoa foi ma se faamaoniaga a le Ofisa sili mo le faamaonia o nei itula faigaluega. Sa maua foi i suesuega le le sa'o o le tapenaina o le aofaiga o le totogi a se tasi o le au faigaluega ia Setema 2014. Na tali le Faalapotopotoga e le tele se eseesega ona na o le pau leni o tulaga ua tulai mai ai leni mataupu ae o loo faatinoina pea siaki ina ia mulimulitaia taiala o loo faagaioi ai le totogiina o tagata faigaluega.

21. E le i iai ni faamaumauga lata mai o faila a tagata faigaluega. Na maua foi tagata faigaluega e le i iai ni faila mo faamaumauga. Ua faamauina e le Faalapotopotoga le mataupu.

22. Sa lei maua i le taimi o le suesuega le konekarate faaopopo mo le tasi tausaga ma le faila mo faamaumuaga a le ofisa sili ua mavae atu. Na tali le Faalapotopotoga o loo i totonu o le faila le konekarate mo le Ofisa sili ua mavae atu.

23. Mataupu tau faamanuiaga mo le Ofisa sili ua ,mavae atu:

- E le i maua se konekarate sainia mo le tasi tausaga faaopopo (2013-2014) e tusa ai ma le FK (14)08. Sa le maua foi ni faamaumauga o aso malolo agavaa ai mo le konekarate tolu tausaga muamua atu. E le i atoatoa faamaumauga e lagolagoina ai le tonu ma le atoatoa o faamanuiaga totogina mo le maea ai o le piriota konekarate.
- Sa matauina le totogiina o aso malolo faaletausaga e le i faaaogaina. O nei faiga e le fa'atagaina i lalo o le FK (13)06, Tulafono mo Tagata faigaluega 1972 ma le 2013. O lo'o manino foi i le konekarate mo le tolu tausaga le faaleaogaina o aso malolo faaletausaga e le i faaaogaina. O le totogiina o nei aso malolo e le'o ta'ua foi i le konekarate mo faamanuiaga totogi atu i le faaiu ai o le konekarate.
- Faasiliga o faamanuiga totogi atu mo le maea o le konekarate ona ua le sa'o le gaioiga faatino e ausia ai le aofaiga tupe mo le faamanuiaga.
- Totogiina o le 6 vaiaso ponesi mo le faamanuiaga o le maea o le konekarate. I le konekarate e le o maua ai leni agavaa a e na o le totogiina o le 24 aso mo tausaga taitasi e tolu o le tausaga faalekonekarate. Ona o leni faiga, ua maua ai le faasiliga o le 42 aso ua totogiina.
- O le totogiina o faamanuiaga mo le iuga o le konekarate sa faamaonia lava e le ofisa sili. O leni tino i tupe sa totogiina i le aso 17 Tesema 2014 a o le i 'ausia le aso e maea ai le konekarate ua faamauina mo le aso 31 Tesema 2014.

Na tali le Faalapotopotoga o loo iai lea konekarate mo le tasi tausaga i faamaumauga. O le totogiina o aso malolo o loo talafeagai ona o le konekarate na sainia i le aso 4 Novema 2010 peitai o suiga ile Sootaga Va lelei o Leipa ma Galuega 2013 na amata i le 2013 faapea ma le FK 13(06). O le eseesega o faamanuiaga totogi atu na mafua mai i le tuu faatasiga o konekarate e lua, konekarate tuai ma le konekarate na toe faaauau ai le faafaigaluegaina o le ofisa sili. Na tali le Faalapotopotoga e faapea na iai le malosiaga a le ofisa sili e faamaonia ai tupe faaalu. I le taimi leni, ua faamalositia le siakiina o tupe faaalu patino i le pulega e le suetusi faalotoifale.

24. Mataupu mo le faamanuiaga mo tagata malolo ritaea totogi atu i le ofisa sili ua mavae:

- Le atoatoa faamaumauga e lagolagoina ai tupe faaalu i faamanuiaga mo tagata malolo ritaea mo le ofisa sili ua mavae atu.

- O lenei faiga sa talosagaina i le Komiti Faatonu i lana fonotaga 19 Tesema 2014. Peitai sa fautuaina i le taimi o suesuega o lenei faiga o loo taua i le taiala mo tagata faigaluega a le Faalapotopotoga ua le toe faaaogaina.

Na tali le Faalapotopotoga o loo i le konekarate faamanuiaga pe a ausia le tausaga faatapulaa mo le faafaigaluegaina o le ofisa sili ua mavae. O loo iai le malosiaga na te faamaonia ai tupe faaalu totogi atu ia te ia.

25. Mataupu i le faamaumauga o aso faigaluega ma aso malolo agavaa ai le au faigaluega

- Matauina le le saini o tagata faigaluega i le api saini
- Matauina le vaivaiga o le faamauina ma le pulea o le faaaogaina o aso malolo agavaa ai le au faigaluega
- Maua le faaaogaina o aso malolo e aunoa ma le faamaoniaga talafeagai
- Maua le faaaogaina o aso malolo ma aso malolo ma'i e le i agavaa ai le aufaigaluega ma o lenei faiga o loo aiaia e tusa ai ma le Sootaga Va lelei o Leipa ma Galuega 2013.
- Ua matauina le toatele o tagata ua totogi faamanuiaga mo tagata malolo ritaea peita'i e le o atoatoa ma iai foi feeseeseaiga o faamaumauga o aso na malolo ai le aufaigaluega ma le api saini.

Na tali le Faalapotopotoga o le'a faatino ma mata'ituina lenei tulaga mo le agai i luma.

4.3 Faalapotopotoga o Tau'i mo Faalavelave Faafuase'i a Samoa mo le tausaga faaletupe na faaiuina 30 Iuni 2013

1. Na faamaonia e le Komiti Faatonu le \$6miliona mo le toe faafouina o le ofisa o le komesina i Canberra. E \$217,383 le tau aofai ua faaaluina ma ua faamauina mo tupe toe totogi mai e le Matagaluega o le Vaifafo ma Fefaatauaiga peitai e le o iai se maliega tusitusia i le va o le Matagaluega ma le Faalapotopotoga. Sa tuuina atu le tusi a le Faalapotopotoga i le Matagaluega mo le toe faaolaina mai o tupe peitai e le o mautinoa le totogiina mai o nei tupe. Sa maua i suesuega le tusi na faailoa ai e le Ofisa Sili ua mavae o le MFAT i le Matagaluega o Tupe le faafaigaluegaina o le \$6miliona ma le naunautaiga e toe faaolaina tupe faaalu a le Faalapotopotoga. O le a galulue le Faalapotopotoga e faamautinoa le toe faaolaina mai o tupe sa faaalu i lenei poloketi.
2. Sa faamauina teugatupe a tagata ua maliliu o loo i le faletupe. E ui ina malamala le tulaga mo lenei faiga o teugatupe faamavaega o loo aiaia i nisi Tulafono o tupe teu faamavaega, ae e le o iai ni aiaiga i lalo ole Tulafono a le faalapotopotoga e aiaia ai lenei tulaga. O lenei mataupu na lipotia i suesuega i le 2012 ma na malilie o lea fa'aalia i faamatalaga ma auililiga o tala o le tupe.
3. Sa le maua nisi o faila mo tagata faigaluega i le taimi o suesuega ma sa faapea mai le ACC ua leiloloa nei faila.
4. Mataupu mo tagata faigaluega ma faamaumauga o aso malolo e agavaa ai:
 - faamaumauga o lo'o i le api saina e le'o o gatusa ma pepa o faamaumauga o aso malolo
 - Leai ni faamaoniaga talafeagai mo le faaagaina o aso malolo agavaa ai le aufaigaluega.

4.4 Faalapotopotoga o Tau'i mo Faalavelave Faafuase'i a Samoa mo le tausaga faaletupe na faaiuina 30 Iuni 2014

1. le galuega konekarate mo le maketi Fugalei sa manumalo ai se tasi o kamupani (konekarate 1). Sa iai foi nisi o konekarate laiti na auai i le fausiaina o le maketi. Ona o lea tulaga, ua le mafai ai ona maua se tau aofai o le poloketi ma o lea e manaomia ai le faamaoniaga i le faaopoopo ai o tupe faaalu mai galuega a konekarate laiti. Fa'ato'a maua se tau aofai pe a mae'a le poloketi. Na tali le Faalapotopotoga e faapea, o le konekarate autu mo le poloketi i le fausiaina o le maketi na faamatu'u atu le kamupani¹ ma na faafaigaluegaina nisi o konekarate laiti e tusa ai ma le suesuega a le faauluuluga o le vaega inisinia mo galuega moomia mo le saofagalemu i lona fausiaina mo tagata nu'u. O lo'o iai faamaumauga mo le faafaigaluegaina o nei konekarate mo nisi suesuega.
2. Sa le mafai ona faataunu'uina se suesuega mo auala o le ausiaina o tupe maua fuafua ma le puleaina o tupe faaalu ona o le le atoatoa o faamaumauga taua ma le moomia. Na tali le Faalapotopotoga o lo'o iai le lipoti mo galuega fuafuaina e faatusatusa iai galuega faatino aua le pulea lelei o tupe faaalu ma le ausia o tupe maua o lo'o fuafuina. O nisi nei o vaega o lo'o tapena i masina uma mo le lipoti i le Komiti Faatonu.
3. E le i maua ni faamaumauga mo tusi o vaevaega mai faletupe e faamaonia ai tupe a le Faalapotopotoga o lo'o latou umia. E tele tino i tupe o lo'o umia ma faafaigaluegaina e fale tupe eseese e aunoa ma ni faamaoniaga. Na tali le Faalapotopotoga o lo'o iai faamaumauga mo tupe faafaigaluegaina o lo'o totogiina atu ai i faletupe. E taua'o foi e faletupe tusi pasi faamaonia ai teugatupe ua faafaigaluegaina.
4. Sa le i faamauina teugatupe mo tagata maliliu i tusi ma lipoti tau tala i le tupe a le Faalapotopotoga. O lenei mataupu na laga i le lipoti ua mavae. Na tali le Faalapotopotoga faapea o nei teugatupe mo tagata maliliu e le o se vaega o matafaioi mo aso uma ma o lo'o pulea ese mai i galuega masani a le ofisa. O lo'o faatino foi suesuega faalotoifale patino tonu i lea vaega.
5. E le o iai ni faamaumauga e faailoa ai le faatinoina o siaki talafeagai mo le faapaleniina o tupe fa'aalu ma tupe maua e faamaonia ai le sa'o o faamatalaga tau tupe lipotia. Ona o le maua o tupe maua ma tupe fa'aalu, e tele le avanoa e tupu ai ni faafitauli tau tupe pe a leai se siaki talafeagai e faapaleni ai tupe fa'aalu ma tupe maua. Na tali le Faalapotopotoga sa faatino e le ofisa sinia le faapaleniina o tupe ma siaki e le o lo'o faauluulu ai le vaega o tupe ma tusi ao le'i tuuina atu mo le fonotaga a le Komiti Faatonu o lo'o faia i masina tai tasi. O lo'o iai faamaumauga ua saunia mo nisi suesuega manaomia.
6. E le o iai se fuafuaga faaleoleo aua faalavelave tupu faafuase'i e ona aafia ai masini o faaaoga ma faamauina ai mataupu taua. Na tali le Faalapotopotoga o le a iloiloina e pei ona fautuaina.
7. E le i iai se faitauga lata mai o aseta ma meatotino mo se resitala tuu lata mai. Na tali le Faalapotopotoga o lo'o faatino le faitauina o meatotino ma aseta e le suetusi faalotoifale a le Faalapotopotoga faapea asiasiaga e le faailoaina i tupe.
8. E leai se faiga masani ma le aloaia mo le tuufaatasiga ma le tapenaina o mataupu ogaoga ile faaiuga o le tausaga faaletupe e tatau ona lipotia ona e ono aafia ai faaiuga fai a le Komiti Faatonu, pulega ma isi. Na tali le Faalapotopotoga o lo'o faatino fonotaga a le pulega ma le komiti faatonu aua mataupu taua e tatau ona faamauina i lipoti faaletausaga.

9. O nisi o paleni taua e lei lipotia taitasi ma sa tuufaatasi ua le mafai ai ona faatino ni faatusatusaga talafeagai. Na tali le Faalapotopotoga o paleni ua tuufaatasi o loo auiliili taitasi i le vaega o loo iai faamatalaga tusitusia o le lipoti.
10. Sa matauina siaki tupe ua faamauina le le tuuina atu e i latou na tuatusi ai i faletupe mo le talaina ma ua silia atu ma le 12 masina. E ui ina laititi lona aafiaga i le tala o le tupe tuufaatasi, e fautuaina le Faalapotopotoga ina ia toe faaolaina mai siaki pei ona taua ina ia mafai ona iloa le aotelega atoatoa o le tala o le tupe.
11. Sa matauina le sese o le faatinoina o le 3% siitaga i totogi o tagata faigaluega. Na tali le Faalapotopotoga o auala na faaaogaina mo le sailiga o tau tala feagai na ala ai ona iai fe'ese'eseaiga i le totogiina o alauni e pei ona faamaonia.
12. Na matauina le le sa'o o itula faigaluega na totogiina mo le leoleo po ma e tatau ona faasa'oina lenei tulaga. Na talia e le Faalapotopotoga le mataupu ma o lea faasa'oina.

4.5 Faleoloa o Faatoaga mo le tausaga faaletupe na faaiuina 30 Iuni 2012

1. Na maua fetuunaiga o faamaumauga e faamauina ai le vaega tupe e \$201,346 na aafia i tulaga na gaoia e se tasi o le aufaigaluega ua faamaloloina. Sa molia lenei mataupu i le faamasinoga ma tuuina atu ai le faasalaga e \$103,486.75 mo lea tagata peitai ua le mafai ai ona toe faaolaina le tupe atoa sa gaoia. Ua faatuaina le pulega ina ia iloilo le aveeseina o le tupe mai le polokalame o faamaumaga ua le mafai ona toe faaolaina mai. Na tali le Faalapotopotoga sa talosaga ina ia vaevaea le aofaiga o le tupe i tausaga e 4 ma o le tupe o loo lipotia i le tausaga faaletupe lenei e \$50,541.50.
2. Sa maua faamaumauga mo tagata nofo aitalafu i le Faalapotopotoga ua le sa'o ona faamauina i le polokalame ma ua ititi ai le paleni ua lipotia mo aitalafu o le tausaga faletupe. Ua fautuaina le Faalapotopotoga e iloilo paleni ua sese ona faamauina ma faatino gaioiga ina ia faasa'o ai lea matupu. Na tali le Faalapotopotoga o tagata nofo aitalafu e le sili atu i le \$100, o tagata faigaluega. O aitalafu a tagata faigaluega o loo toesea mai i a latou totogi ta'i lua vaiaso ae faato'a faamauina i le polokalame pe a maea le masina. O tusi faamaumauga mo le poloketi nisi o paaga mai atunuu i fafo a le faalapotopotoga e muamua ona tuuina mai le tupe ae le i faaagaina e tagata o loo agavaa i lea polokalame o lea e tulai mai ai fetuunaiga i tusi patino tonu i tagata nofo aitalafu i le Faalapotopotoga.
3. Sa faamauina le eseese o faamaumauga o aso faigaluega e agavaa ai le aufaigaluega. Na fautuaina le faatinoina o siaki e faia i masina uma e ofisa sinia aua le pulea ma le faamaoniaina o faamatalaga tau aso malolo a le au faigaluega. O le ua iai le matafai o le faamaumauga o aso malolo ia faamauina le atoatoa o faamaumauga lata mai. Ua faamauina e le Faalapotopotoga le mataupu.
4. Na maua i taimi o suesuega le aofaiga o aitalafu ua silia ma le 90 aso e lei aoina le aofai e \$140,509.92 peitai e na o le \$26,610 le aofai sa fa'aagaga mo le aitalafu e ono le mafai ona toe totogiina mai. O lea sa tuuina atu ai mo le iloilo le faaagaina o le \$113,899 peitai sa le'i taliaina e le pulega. E ui ina tele le aafiaga o le tala o le tupe i le talosaga sa tuuina mo le pulega, e ao ina iloilo le faaagaina o aitalafu ua silia ma le 90 aso e le i aoina mo le aveeseina mai i le paleni tuufatasi mo aitalafu. Na tali le Faalapotopotoga ua latou matauina le faaolaina mai o tupe mai aitalafu e tusa ai ma le galulue punoua'i a le aufaigaluega i le tuliloaina o nei aitalafu. Na faamauina foi le sao tele a le Loia a le Faalapotopotoga i le taumafai ile aoina o aitalafu. O le tele o aitalafu e silia ma le 90 aso o loo faamauina i le tausaga faaletupe 30 Iuni 2012 ma o lea e le moomia ai le faaagaga o nisi tupe mo le aveeseina. Ua talafeagai foi le \$26,610 pei ona faaagaga e le pulega mo le aveeseina.
5. Na maua le paleni o oloa mo fefaatauaiga ua le toe aoga e tusa ma le \$456,254.33 lona aofa'i. O nei oloa e aofia ai vailaau ma meatotino faaleoleo ua leva ona tuua. Sa fautuaina le pulega ina ia iloilo mo le aveeseina le paleni e \$236,254.36. Na tali mai le Faalapotopotoga, o oloa nei ua faavasegaina ua le toe aoga o loo fuafua e faatau atu i ni tau pa'u. E talitonu o loo talafeagai foi le paleni o oloa ua faaagaaga mo le aveeseina e tusa ai ma le aofai o oloa o loo fuafuaina e taulia mai lea faapitoa.

4.6 Faleoloa o Faatoaga mo le tausaga faaletupe na faaiuina 30 Iuni 2013

1. Sa matauina le faatupulaia o aseta faapea le aofai totoe pe a toese tupe aitalafu mai i aseta faamauina mo le tausaga faaletupe.
2. Ua faamauina le faasiliga e ui ina iai se pa'ū o tupe maua mo le tausaga faaletupe.
3. Ua faamauina le maualuga o tupe faaalu na i loo tupe maua ua faamauina foi lea tulaga i le tupe o loo i le faletupe i le faaiuga o le tausaga faaletupe, 30 Iuni 2013.

4.7 Faleoloa o Faatoaga mo le tausaga faaletupe na faaiuina 30 Iuni 2014

1. Sa matauina oloa ua toe faafoiina e aunoa ma pepa e faamauina ai nei faiga e lagolagoina ai oloa ua toe faafoi mai. Sa le mafai foi na faailo oloa fou na ave faaaitalafu ae na o le faamatalaga o oloa fou ua suia ai oloa toe faafoi mai. Na fautuaina le tapenaina o pepa faamaumau ia atoatoa ina ia mafai ona faamautu oloa ua faafoi mai ma faamaumauga tusinga. O aitalafu fou ia tuu faatasi i se faila aua suesuega. E ao ina faamanino le makaina o pepa faamaumau mo oloa fou e toe faatumu ai oloa ua taulia. Na tali le Faalapotopotoga o pepa e faamaumau ai oloa ua toe faafoi mai e tatau lava ona atoatoa ma talafeuga ma faamaoniaga o oloa ave faaaitalafu. E tatau ona mautu faamaumauga e pei o numera o pepa ao lei faamaoniaina e e o nafa ma leni tiute. Ua faamauina e le pulega fautuaga ma o le a faamalositia foi mo oloa toe faafoi mai i le lumana'i.
2. Na maua i suesuega e leai ni faamaumauga talafeagai mo nisi oloa ave faaaitalafu. Ua fautuaina le Faalapotopotoga ina ia atoatoa faamaumauga moomia e lagolagoina ai aitalafu ua faamaonia. Na tali le Faalapotopotoga o loo faatinoina leni tulaga e ala i le faapipiina o pepa talosaga mo oloa faatasi ai ma pili ua faamaoniaina. O le kopi piniki o loo pipii i le tusi mo lea faamoemoe o loo faila i lona faasologa.
3. Ua matauina le le lipotia o tupe faaalu mo totogi o tagata faigaluega o loo lavea ai le amataga o Iulai i le tausaga faaletupe faaiu i le aso mulimuli o Iuni. Ua fautuaina le Faalapotopotoga ina ia mulimulita'ia faiga faavae faatausitusi faavaomalo mo le tapenaina o tala o tupe. Na tali le Faalapotopotoga o le faiga leni na sau a'i ai mai le 5 tausaga ua mavae ona e itiiti le tau aofa'i o totogi o loo tua atu ma le aso 30 Iuni 2016.
4. O le auala mo le vaevaeina o le tau o taavale e le o ogatasi ma ta'iala talafeagai. Ua fautuaina le tausisia o ta'iala ma faiga faavae ua uma ona faataoto mo le vaevaeina o tau o taavale. Olea ua toe fautuaina ai le Faalapotopotoga ina ia faatino le vaevaeina o tau o taavale e fua i luga o le paleni tauave mai lea tausaga ma lea tausaga. Ua faamauina e le Faalapotopotoga le mataupu.

4.8 Faletupe Tutotonu o Samoa mo le tausaga faaletupe na faaiuina 30 Iuni 2014

1. Ole masini feaveai e faaoga mo le teu maluina o faamaumauga ua le'o toe teuina i totonu o le nofoaga faapitoa mo le teuina ma le malu puipuia o meatotino taua. Sa fautuaina le pulega ina ia teuina masini feaveai faaleoleo i totonu ole potu faapitoa mo le teumaluina o meatotino uma a le faletupe. O loo faia feutanaiga ma le Matagaluega o Tupe mo se avanoa e teuina ai nei faamaumauga i le Fale Tatalo a le Malo i le mauga o Vaea.

4.9 Faletupe o Atinae o Samoa, tausaga fa'aletupe na faaiuina 30 Iuni 2013

1. E iai nonogatupe na faamaonia e aunoa ma faamatalaga tau tupe mai faletupe po o ua tuu sese foi ma e le i faapipiina i faila o nonogatupe. O nisi o tagata o lo o faasinomia o le aufai-faatoaga tumau e leai ni a latou teugatupe i faletupe. Na faailoa mai e le Faletupe o Atinae le fetuunaiga o aiaiga mo ia nonogatupe ile faamalieleina o fa'amaumauga o tagata talosaga, le nafatia o tupe maua mai i atinae ona faa-faigaluegaina nonogatupe, po o le toatele foi o i latou o ni tagata o lo o totogiina e tagata faigaluega tumau. O lo o iai fa'amaumauga ua uma ona failaina mo nisi faamatalaga. O lenei mataupu sa faatalanoaina ma le Vaega o Nonogatupe ina ia iloilo ma le totoa talosaga mo nonogatupe. O le faaopopoga o lea mataupu, ua feagai nei le o lo o faauluulu iai lenei vaega ile siakiina ma faamautinoaina le iai uma o faamaumauga moomia mo le iloiloaina o talosaga. Ua galulue nei le vaega o Suetusi Faalotoifale e suesue faavaitiami lona faatinoga ma va'avaai i lona faagasologa mo auala vave e faaleleia ai.
2. I suesuega o nonogatupe ua faamaonia, sa maua ai le faaogaina o nisi ituaiga o tupe maua, e pei o ovataimi ma tupe maua le tumau, e fua iai nonogatupe e agavaa ai tagata o loo talosaga ma ii le Faletupe. Sa tumau le Faletupe ma faapea mai e le o aofia ovataimi ma o isi tupe maua o loo talia pe a atoa faamatalaga e lagolagoina ai. O lona faaopoopoga, o suesuega faafuasei a le Suetusi Faalotoifale o loo mata'ituina lenei tulaga ina ia mautinoa o loo tausisi le aufaigaluega mo nonogatupe i taiala ma tulafono faataatitia.
3. Ua faamauina le tele o nonogatupe ua toe faatulaga aiaiga i luga o le faamaoniga a le Komiti Faatonu e ala i suiga i tului po le aofaiga foi o tupe ua tuai ona totogi. Na tali le faletupe o lenei faatulagaga poo suiga foi i aiaiga o nonogatupe e toe fesoasoani lea i tagata o loo nofo aitalafu ina ia mautinoa le mafai ona toe totogi o tupe sa nono. Ua iloiloaina nei e le Faletupe o Atinae fainafaavae mo nonogatupe e mata'itu ma Faatonu ni tulaga e ono tulai mai ai faaletonu faapea le agai i luma o pulega tatau.
4. Na maua fe'ese'eseaiga i le faafaigaluegaina o le 20% faatapulaa o tupe faavae a le Faletupe e galueaina mo nonogatupe. O se tasi pepa aloaia poo se fainafaavae e taua "O le fainafaavae a le Faletupe o Atinae o Samoa – Mataupu 1 – Faamatalaga o Faiga faavae o Pisinisi Lautele" o lo o faapea mai "O le faatupulaia o tupemaua i le faletupe i so o se taimi e le tatau ona siliatu i le 20% o ana Sea Faavae ma Tupe Faaagaaga." O se tasi o pepa aloaia o lo o taua "Faiga Faavae a le Faletupe o Taiala e Limataitaiina le Vaega e Faagaioia Nonogatupe" o lo o faapea mai "O nonogatupe o tupe teu faafaigaluega e faalagolago i le mafai ma nafatia ona totogiina." O le leogatasia i nei pepa o fainafaavae e lua pe'a fai o le pepa o faiga faavae muamua o lo o faapea mai "o tupefaavae e totogiina ma tupe teu faafaigaluega" ma le isi o lo o faapea mai na o "tupefaavae e totogiina." O le tapulaa a le Faletupe o Atinae i tagata o loo faasinomia e 20% o tupe faavae e totogiina. O loo faaogaina nei e le vaega o Nonogatupe le "Faiga faavae a le Faletupe o Taiala e Limataitaiina le Vaega e Faagaioia Nonogatupe". Sa faailoa mai foi e le Faletupe o Atinae o loo faaogaina pea le fainafaavae ole 20% ole aofai o tupefaavae mai tupemaua e aofia ai sea faavae, tupefaaagaga ma tupe maua.
5. Sa le'i tausisia e le faletupe manaoga o fua faatusatusa po o feagaiga ma le Faletupe o Tupe teu faafaigaluega a Europa (EIB). Na faailoa mai e le Faletupe e faapea, na tuuina atu le maliega a le EIB ina ia fetuunai manaoga e le'i tausisia seia aulia Iuni 2014. O ia fetuunaiga e noatia ile tuuina atu lea o faamaumauga tuulata mai mo le afa tausaga i fua faatusatusa o nonogatupe le totogiina ma fua faatusatusa o aiaiga o tupe gau, ma faamatalaga i luga o atinae ma fuafuaga se'i aulia le aso 30 Iuni 2014. Ua faamalieleina nei e le faletupe o atinae o samoa taunuuga tau tupe po o fua faatusatusa o feagaiga e pei ona lipotia i totonu ole lipoti faaletausaga 2014.
6. Ua matauina le leai o ni faila poo ni faamaumauga tusitusia o pepa mo aitalafu o tuuina atu i tagata nofo aitalafu e le vaega o loo nafa i lea matafaioi. E le'i mafai ona maua mai nei faamaumauga e faamaonia ai tupe totogi mai a tagata nofo aitalafu. Sa faaavanoaina mai kopi faaeletoroni o ia faamaumauga e ui ina

tasi le komipiuta o loo iai faamaumauga e aunoa ma se faaleoleo. O ia pepa e taua ona o loo faamauina i faiga tusitusia faamaumauga tuu lata mai, e aunoa ma se faatinoina o le faiga lelei mo faamaumauga o aitalafu. O loo faamauina aitalafu a tagata mautotogi taitasi i o latou tusi o faamaumauga i luga o le polokalame lautele ae le'i tufaina i tua e faamautinoa ai le faitauina mo masina taitasi.

7. O lo o i ai nisi o manaoga maoti i le Tulafono o le Faletupe o Atinae o Samoa i lalo o le fuaiupu 26 ma le 27, e uiga i tuutuuga o le sainia o faamatalaga tau tupe faaletausaga ua maea ona sueina faasuetusi. E faapitoa lava i le fuaiupu 27 lea e manaomia ai e faapea, e tataua ona sainia e faatonu uma o le Faletupe faamatalaga tau tupe. O lo o tumau pea faaalua e le Faletupe o lo o latou usitaia pea le faiga lea o lo o faatino e le Taitaifono ma se tasi o Faatonu. O lenei mataupu o le a faapea ona fa'aalia ile toe iloiloaina ole tulafono ole faletupe o atinae o Samoa.
8. Sa tuuina atu e le Suetusi se otootoga o faasaoga mo le faagaioiga o tupe i vaega eseese ole tala ole tupe. Na fa'aalia e le Faletupe o Atinae le tuuina o nei faasaoga i totonu o faamatalaga tau tupe ole tausaga faaiuina i le aso 30 Iuni 2013.

4.10 Faletupe o Atinae o Samoa, i le tausaga fa'aletupe na faaiuina 30 Iuni 2014

1. E iai nonogatupe na faamaonia e aunoa ma le faamalieina o fua faatusatusa e pei o le 1:5:1, e mafai ai ona talia nonogatupe. O lenei fua faatusatusa o se fua faatatau e faailo ai le malosiaga o le tagata o loo aitalafu i le faletupe mo le toe totogiina o le nonogatupe. O le le mulimulia o aiaiga ma fainafaavae foi i auaunaga aitalafu e ono tulai ai faafitauli i le tau totogiina o aitalafu. Ua fautuaina le faletupe ina ia mulimulitai i faiga e tatau ai ma le talosaga mo le iloiloaina ma le totoā e aloese ai i ni tulaga lamatia ai le faletupe. Na tali foi le faletupe, o loo latou faatinoina iloiloaga faapitoa i nonogatupe tagata taito'atasi, tusa ai ma le talaaga o le totogiina o aitalafu ma le mafai ona toe totogi atu o tupe. O loo galulu foi e faamautinoa le pulea lelei nei tulaga.
2. Sa iai se ponesi totogiina atu i se tasi ole aufaigaluega i Savaii e \$6,500 ia Tesema 2013 e aunoa ma se faamaoniga talafeagai mai le Komiti Faatonu e pei ona 'aiaia i lalo ole Tulafono ole Faletupe o Atinae o Samoa 2010. O faamanuiaga ma ponesi uma a le aufaigaluega e noatia ile faamaoniga mai a le Komiti Faatonu ae le'i faasoaina atu. Na tali mai le Faletupe o ponesi totogi ile lumanai a le aufaigaluega o le a faapea ona auina atu muamua ile Komiti Faatonu mo le faamaoniga.
3. Mataupu faatatau i faila patino ile aufaigaluega e aofia ai:
 - Le leai o ni faamaumauga lata mai o fua faatatau o totogi o tagata faigaluega
 - Leai ni kopi o konekarate mo aufaigaluega faakonekarate
 - Leai ni faamaumauga o iloiloaga tau faatinoga o galuega

O faila uma e patino i tagata faigaeluga e tatau ona iai uma faamaumauga lata mai ma talafeagai i luga o se taimi fuafuaina. Na tali mai le Faletupe ua iai uma nei faamaumauga lata mai i faila e patino ile aufaigaluega.

4. E iai nonogatupe na faamaonia i lalo o le polokalame o le nonogatupe mo le Afa o Eveni, e leo ogatasi ma fainafaavae. O faamaoniaga o pisinisi uma na aafia e pei ona tuuina mai e le Matagaluega o Punaoa faalenatura ma le Siosiomaga e le o aofia ai nisi ua faamaonia a latou nonogatupei i lalo o lea polokalame. Na fautuaina le mulimulitaia o taiala faataatitia ae le i faamaonia nonogatupe i lalo o nei polokalame. Na tali le faletupe, o lenei polokolame e pei ona faamaonia mai e le Kapeneta e aofia ai soo se pinisi na aafia i le afa o Eveni, e aofia ai foi ma fale na faaleagaina i le tafega. O nei taiala e mafai ai ona iai fesuiaga i taimi ma tuutuuga e auala mai ai se fesoasoani vave mo pisinisi ua a'afia. E leo pisinisi uma o lo'o aofia i le lipoti o le Matagaluega o Punaoa faalenatura ma le Siosiomaga, ma tuuina faanatinati ai le faagaioina ma isi fua faatatau i le faamautinoaina ai le talosaga ua agavaa mo le iloiloaina.
5. O taavale ua faaagaina e avea ma faamalumaluga mo se nonogatupe e sili atu nai lo'o le lima tausaga, ma e le o o gatusa ma faiga faavae o le faletupe. Ua fautuaina i tulaga o fetuunaiga e le o o gatasi ma faiga faavae, e ao ona maua mai se faamaoniga talafeagai.
6. O loo iai tagata sa faafaigaluegaina e le faletupe o lo o agavaa pea i famanuiaga o tului mai le faletupe. O faamanuiaga mo tagata faigaluega uma, ua faamalolo mai auaunaga o le faletupe e tatau ona faamutaina. O le fa'amautinoaina o le iloiloaga ma faamoniaga mai le komiti faatonu i le tului o saofaga a le aufaigaluega sa iai muamua i lalo o le fuaiupu 20 o le tulafono o le faletupe o Atina'e, ma o lenei mataupu e talanoaina i leisi iloiloaga o le Tulafono.
7. I le tulaga maoti ma le taulai o le faletupe o atina'e i tu'utu'uga o tului, aua se manuia atoa o le au fai atinae. E talitonu o ia faamanuiaga e mo i latou e nofo aitalafu mo galuega faatino e gauai atu mo le manuia o Samoa ma ona tagata lautele. O le noatia o le faletupe i lafoga i tupe maua, totogi atu i le Matagaluega o tupe maua, e fete'enai lea ma le atina'e o taula'i ai le faletupe aemaise faaopopoga o tului i nonogatupe a tagata. Ona o nei tulaga o loo faaititia faatasi ai le taimi mo le faatinoga o le poloketi, ma e ono avea ai ma auala e faafaigata ai i le faletupe na faapaleni tupe maua mai le galueaina o tupe faanono.

Na fautuaina le faletupe ina ia iloilo ma susesue pe talafeagai ma noatia lafoga i luga o tupe maua mai i auunaga. Na tali le faletupe o lenei mataupu na fa'atuina e le faufautua o le na iloiloga le Faalapotopotoga o le faletupe i lea taimi.

4.11 Faalapotopotoga Malosi Faaeletise Suesuega Faavaitaimi mo le piriota 1 Iulai 2014 – 28 Fepuari 2015

1. Sa faamauina le le maioio o tiute fai a le au faigaluega e ono tulai mai ai ni aafiaga tau tupe.
2. E le lelei ona faamauina le resitalaina o pepa valuvalu mo le faaaogaina ole eletise totogi muamua e faigata ona malamalama ona ole le manino ma le lē mautonu i lona ata faataatia.
3. O fainafaavae i le Motusia ma le toe faaaauina o le eletise e le o gatusa ma galuega faatino a le Faalapotopotoga. E 1.5% le tului e faaopopo i luga o tagata nofo aitalafu o loo faaaogaina le auauanaga ua silia ma le 30 aso. Peitai oloo matauina e 1.15% o loo faaaogaina ile taimi nei, ma o le pasene faavae ole faaaauina ole auauanaga e foliga mai ose lape i le faatinoga ole auauanaga.
4. Sa leai ni faamaumauga talafeagai e faamaonia ai le le taofia o le faamutaina ole Eletise. Na fautuaina le suetusi e faapea o faamaoniaga mai le Pule sili e masani ona faatautaia iluga o i-meli poo o le telefoni, peitai e le'o mafai ona maua ni faamaumauga o ia tulaga.
5. E le i fa'amutaina le eletise i tagata oloo nofo aitalafu ua sili atu i le 30 aso. E le o mafai foi ona maua se lisi manino o i latou ua faamotusia le eletise i aso taitasi. Na tali le Faalapotopotoga ole tusi resitala ua leiloa pe ua le mafai foi ona faamauina.
6. Na matauina le faatuputupulaia o le paleni mo tagata o lo o faaaogaina le auauanaga ua silia ma le 90 aso o nofo aitalafu. O i latou e mafuli i le faaaogaina o lea auauanaga o Matagaluega ma Faalapotopotoga a le Malo; o se mataupu ua uma ona talanoaina ile Matagaluega o Tupe mo se faaiuga e totogi ai nei aitalafu. Na faamalamalama i tagata lautele oloo faaaogaina le auauanaga e iai aiaaiga mo aitalafu, e ui ina leai ni faamaumauga mo faamaoniaga a le suetusi.
7. Sa iai eseese i le resitala o aitalafu tuua ma le polokalame o faamaumauga lautele a le Faalapotopotoga. O lenei mataupu na lipotia i suesuega ua mavae.
8. O faila e patino i tagata faigaluega ua matauina le le'o lelei ona faapepa aloaia atoatoa e lagolagoina ai siitaga o totogi. E le o iai foi se fainafaavae mo le tauaaoina o nei siitaga.
9. Ua faamauina le totogi faasili i le pule sili i le faaiuga o lana konekarate, e mafua mai i le sese o le aofai o le alauni telefoni.
10. E leai ni konekarate tusitusia ma sainia a le pulega. O lo'o galulue le vaega o tulafono a le Faalapotopotoga i le faamautuina o konekarate ma le Ofisa o le Loia Sili.
11. O faila e patino i tagata faigaluega e le'o mafai ona maua, ona ua leiloa poo le lē atoatoa o ni pepa aloaia o faamaumauga ma konekarate.
12. Mataupu e faasino i le api saini ma faamaumauga o aso livi:
 - Ua mata'ituina le lē lelei ona tausia o api saini. O Lenei mataupu na faatuina foi ile lipoti o le suetusi i le tausaga ua tuana'i.
 - Ua faamauina le lē saini o le pulega i le api saini
 - E le'o mafai ona maua ni faamaumauga o pepa livi
 - O livi ua faia ao lumanai ai le faamaoniga
 - E le'o ogatasi api resitala o livi ma le polokalame ole Daffron

13. O le fatinoga o loo faia ai totogi o talosaga mo le faamutaina o se auaunaga o loo faia ai, e pei o le umi o le auaunaga sa faatino mai ai le tausaga 2002. E fua i le umi ole auaunaga atoa ai ma le auaunaga i lalo o le tulafono o tupe maua mai faalavelave e tutupu faafuasei 2013.
- O le faaaogaina o nei fainafaavae e lua e faagaioi ai le faamanuiaga mo tagata faigaluega ua malolo mai galuega a le malo, nai lo'o le e faaaogaina ole faavae e tasi.
 - E iai tagata faigaluega ua totogi faalua ile tausaga tasi o le auauanaga.
14. E le'o iai se faamaumauga e saina lima ma taitaina ai le faaaogaina o aseta a le Faalapotopotoga ina ia faamauina lelei ai aseta. O le pepa o faamaumauga na saina i le tausaga e 1987.
15. E le'o iai se faamaoniaga e faatatau i vaeveaga o aseta. O meatotino aseta e i lalo ifo ma le \$1,500 lona tau ua famauina o tupe faaalu ma e iai lona a'afiaga i le vaega o le Aseta i le tala o le tupe.
16. Matauina le le manino o le vaeveaga o tiute tauave i le vaaiga o aseta.
17. Matauina le le lelei o faamaumauga o le resitala o aseta. E leai se faamaumauga o ni faitauga o aseta mai le tausaga 2009, tele o aseta e le o mafai ona siakiina, ma aseta ua tusi esea e le'o lelei ona faamaumauina. O le leai o ni faamaumauga o aofaiga o aseta, e iai ai popolega i le resitala o aseta e ona tulai mai ai se faafitauli o le paleni o aseta i luga o faamatalaga tau tupe o le Faalapotopotoga.
18. O le faatauina o masini komipiuta a le aufaigaluega na faatauina e fua i le manao o le tagata faigaluega, ae le'i fua i se saililiga a le e iai ona tomai faapitoa i masini faaonaponei.
19. E le o iai se fainafaavae o taavale ua fa'ata'atia e ona puipuia mai ai le faaaogaina o taavale i itula le faigaluega.
20. E leai se fainafaavae mautu e taitaina ai le faaaogaina o le pokalame (GIS System) mo le siaki ai ma sailia taavale a le Faalapotopotoga. E leo mafai ona maua ni faamaumauga tusitusia o faaiuga fai e afua ai le faaaoga tatau ma fuafua iai le faaaoga o lenei pokalame.
21. Mataupu faatatau i penisini o taavale:
- E le o lelei le mata'ituina o le faaaogaina o penisini o taavale.
 - E le o mafai ona maua faamaumauga, o faamaoniaga e faatagaina ai le utuina o ta'avale, o nei faiga ina ia mafai ai ona faamauina ma iloa ai le faagasologa lelei o le faaaogaina o penisini.
 - E le'o mafai ona faaoo atu faamaumauga o famatalaga ole fuaina o suauu i le ofisa autu.
 - E tasi lava le tagata oloo nafa mo le faamauina o suauu mai le kamupani o loo faatau mai ai le suauu i le taimi e auina mai ai lenei auaunaga, faatasi ai ma le fesoasoani o se tasi i le faamauina o fuaina ole suau'u.
- Ua faamauina e le Faalapotopotoga o api resitala mo penisini o loo taatitia mo le mata'ituina. O nei faiga o loo faaaogaina a le aufaigaluega oloo nafa ma lenei tiute mo le faamaumauina o le faaaogaina o le suauu ma tuuina atu ile ofisa vaega o tupe mo a latou galuega faatino. O nei faiga e fai i aso uma ma sa faatautaia mai i le lima tausaga.
22. Faaumauga moomia mo le siakiina sa fesiligia ai peitai sa tuai ona maua mai poo le leai foi o se tali manino.
- lipoti ole polokalame e faaaoga ai taavale (GPS)
 - Lipoti manino o le faaaogaina o penisini
 - Faamaumauga o pepa totogi na faia
 - Tuai ona maua mai tala faatatau o le tupe 2015

- Tuai ona maua faamaumauga o penisini
- Lipoti o minute o fonotaga a le komiti Faatonu ona o le tuai ona saina vagana pepa o minute Iulai
- Tuai ona maua mai le siata o le falapotopotoga na tuufatasia i le taimi na talosagaina ai.
- Faatuai ona maua mai faila e patino i le pulega sa tuliloa i le tele o taimi.
- Tuai ona maua le lipoti o le faufautua o punaoa tau tagata faigaluega mo le faatautaia o le fuafuaga faatatitia 2014 ma auililiga o loo manaomia; lenei e tatau ona mulimulitai ai tagata taitoatasi ao lei toe talia mai le faufautua mo punaoa tau tagata faigaluega ma tuuina mai e faailoa atu.

O le faatuai ona tuuina mai o faamaumauga ma e le'o mafai foi ona maua faamaumauga na talosagaina mo le faatinoina o le galuega o le suetusi e ona iai aafiaga i i galuega tauave ma ua iloa ai le leo lelei ona tausia faamaumauga, leo lelei le tausiga o faamaumauga i se auala e faigofie ma manino ina ia mafai ona faailoa mai faamatalaga mo le sueina o tusi.

4.12 Faalapotopotoga Malosi Faaletise, mo le tausaga faaletupe na faaiuina 30 Iuni 2014

1. Ua faalua ona faia suiga ma toe faaleleia auala o loo faatino ai le faamaumauina ma le faagaioiina o tupe, peitai e le o atagia nei suiga i faiga faavae ma taiala o le tausaga e 1987. Sa faailoa mai e le Faalapotopotoga o le a faatino e le Vaega o Tupe suiga moomia i le Tusi Taiala e ala i le lagolagosua ma le galulue faatasi o le Pulega ma le aufaigaluega.
2. O le faamaoniga o pepa talosaga mo oloa ma auaunaga o loo lisiina atu i lalo e le o usita'ia taiala ma faiga faavae a le Malo mo le faatauina o oloa ma auaunaga.

Numera oka	Aso	Konekarate	Aofai
5006700	20/06/2014	E le o taua[3]	399,842.00

O vaega o loo lisiina atu i lalo e le o gatasi ma taiala ma faiga faavae:

- a. Sa faamaonia e le Faalapotopotoga le 4000 itula mo siaki masani o afi faaleoleo i Fiaga e faatino le Konekarate # 1 ma le Konekarate # 2 ae le aofia ai le Konekarate #3. O le Konekarate #1 o se Kamupani i totonu o Samoa o loo faipaaga ma le Kamupani mai fafo, le Konekarate # 2 i le faapipi'iina o afi faaleoleo i Fiaga. O le Konekarate # 3 o se Kamupani foi i totonu lava o Samoa e umia e se tasi o Faatonu o le Konekarate # 1.
- e. O le faamaoniga a le Komiti Faatonu e le o gatasi ma taiala ma faiga faavae ua fa'ataoto a le Malo. O le tau aofai o ia galuega e moomia le tuuina atu mo le faamaoniga a le Komiti o Tauofoga a le Malo.
- i. E leai se maliega faa konekarate I le va o le Faalapotopotoga ma le Konekarate #3 mo le faaagaina o Inisinia a le Konekarate # 2 e faatino siaki masani mo afi faaleoleo I Fiaga. Sa tataua ona fesootai sa'o le Faalapotopotoga ile Konekarate 2 e aunoa ma le fa'aauuala atu i se tasi Kamupani sooupu o ia galuega.
- o. O le tau mo le 4000 itula mo siaki masani o afi faaleoleo I Fiaga e \$1,345,603.47, e le o i totonu o le Tala o le Tupe faaletausaga a le Faalapotopotoga. Sa faailoa mai e le Vaega o Pulega o Tala o Tupe latou te le i silafia le tau mo le siaki masani o afi faaleoleo talu ai ona o fuafuaga mo le faatinoina o lenei auaunaga sa faatino lava e le Pulega o le Poloketi mo le Faalauteleina o le Vaega o Malosiaga (Power Sector Expansion Project). Sa tuuina atu i le Konekarate # 1 le faamaoniga a le Kapeneta FK (14) 29 o le Aso 6 Aokuso 2014 ma le faamaoniga ale Komiti o Tauofoga o le Aso 14 Aokuso 2014 mo le suiga lona 7 o le konekarate i le tau o le galuega e \$1,590,407.72.
E le i iai se faatagana a le Kapeneta ma le Komiti o Tauofoga mo le Konekarate # 3 e faatino ai le auaunaga.

Sa tali le Faalapotopotoga o le galuega lenei sa tuuina atu ma faamaonia e le Komiti o Tauofoga ina ua maea ona faamaonia e le Komiti Faatonu o le Faalapotopotoga. E tusa ai ma faiga faavae a le Faalapotopotoga, o galuega uma e sili atu ile \$50,000 e tataua ona tuuina atu ile Komiti Faatonu. O galuega e sili atu ile \$200,000 e tuuina atu ile Komiti o Tauofoga ina ua maea ona faamaonia e le Komiti Faatonu o le Faalapotopotoga. Sa faamaonia e le Konekarate # 1 & 2 le tuuina atu ile Konekarate #3 o le galuega mo le siaki masani o afi faaleoleo. E le i i ai se vaega tupe fuafuaina I totonu o le Tala o le Tupe mo ia galuega ona o afi faaleoleo sa tuuina mai ia Iuni 2013 ma faatoa mafai ona tuuina atu le tau atoa o nei galuega ae ua maea ona afamaonia le Tala o le Tupe. Sa tuuina atu le vaega tupe e \$1.8 miliona ile Tala o le Tupe 2015 mo siaki masani o afi faaleoleo I Fiaga, ae peitai o le siaki moomia I le atoa ai o le 4000 itula sa tataua ona fai ia Fepuari / Mati 2014. O le galuega mo le auina mai o totoga mo le 4000, 8000, ma le 12,000 itula sa faasalalauina i ala masani o tauofoga ae na o le Konekarate #1 & #2 sa taufo. E matua moomia tele le faatino o le siaki masani e tusa ma aiaiga o le feagaiga mo le faatauina o ia masini i totonu o le 4 tausaga.

3. Na muamua maua pepa mo le totogi o galuega a'o le'i tuuina atu le pepa oka mo le galuega. Na faailoa e le Faalapotopotoga mafuaaga o ia faiga. O loo faatino e le Faalapotopotoga nisi o galuega ma auaunaga mo le 12 masina e pei o le faaagaina o masini malolosi e i ai loli tetele, masini siligi, lifi, masini e toso uta,

ma isi. E tai tutusa lava lea faiga ma isi foi galuega e pei ona I ai maliega ile va o le Faalapotopotoga ma Kamupani mo le siaki masani o ea malulu, tausia ma le faamamaina o le lotoa mo le 12 masina.

4. O oloa faatau mai i le tau e sili atu ile \$1000 e le o i ai ni tauofo tusitusia e 3 e lagolagoina ai ia faatauga. O le faamatalaga na tuuina mai e le Faalapotopotoga o loo usita'ia lava faiga faavae i le tele o faatauga ae peitai e i ai lava taimi e moomia ai le tuu avanoa ona o mafuaaga talafeagai.
5. O le tapulaa e pei ona faataoto e le Komiti mo Faalapotopotoga o Auaunaga i nuu ma afioaga (CSO) mo tupe toe faaola e 1.2 miliona e itiiti ifo ai i le 100% o le tau e tusa ma faiga faavae o Faalapotopotoga o Auaunaga i nuu ma afioaga. O le 75% na talosagaina e le Faalapotopotoga na maua ai le \$367,000, e maualalo ifo i tupe sa fuafuaina ma faamaonia, ma e aliali mai ai le faaititia o tupe toe faaola mo Faalapotopotoga o Auaunaga i nuu ma afioaga (CSO). E ui foi ina taoto le faiga faavae e le toe mafai ai ona talosagaina tupe faaola mo le tausia ma le toe faaleleia o moli faasino ala, ae o loo atagia lava le tau o tupe toe faaola mo ia galuega i le resitala o Faiga Faavae mo Faalapotopotoga o Auaunaga i nuu ma afioaga (CSO)
Sa faaalua e le Faalapotopotoga o nei suiga sa faia lava e le Komiti o Faalapotopotoga o Auaunaga i nuu ma afioaga (CSO). O le a faatalanoaina lenei mataupu ma le Komiti ina ia toe faaola mai le tau atoa na faatino ai e le Faalapotopotoga nei galuega. Ua mae'a ona tuufaatasia se ata o le Faiga Faave mo laina fou ma o loo atagia I totonu o lea faiga faavae atugaluga o lenei su'esu'ega. Ua tuuina atu nei I le Komiti Faatonu lenei faiga faavae ma o le a toe faatalanoa lenei mataupu ma le Komiti o Faalapotopotoga o Auaunaga i nuu ma afioaga (CSO) mo le toe faaolaina atoa o tupe a Faalapotopotoga o Auaunaga i nuu ma afioaga (CSOs).
6. Ole toe faaolaina o tupe mo Faalapotopotoga o Auaunaga i nuu ma afioaga (CSOs) e aliali mai o loo faatino le tau o galuega a ia Faalapotopotoga i le 100% (aofia ai auaunaga & fela'ua'iga) o le tau mo le faamaoniga a le Komiti mo Faalapotopotoga o Auaunaga i nuu ma afioaga. O le tau faataitai o oloa sa faamaonia e le Komiti mo Faalapotopotoga o Auaunaga i nuu ma afioaga e aofia ai le 15% o le tupe faasili. Sa faaalua e le Faalapotopotoga o lea ua faatalanoa e le Pulega ma le Komiti mo Faalapotopotoga o Auaunaga i nuu ma afioaga ma talosagaina le toe faaola mai o le tau atoa o galuega sa faatino mo Faalapotopotoga o Auaunaga i nuu ma afioaga.
7. O tupe toe faaolaina mai mo Faalapotopotoga o auaunaga i nuu ma afioaga na tuuina atu i le matagaluega o tupe e aunoa ma le siaki a le suetusi a le Faalapotopotoga. Na tali le Faalapotopotoga o le talosaga mo le toe faaolaina mai o nei tupe i kuata ta'itasi o le a tuuina atu mo le siaki a le suetusi.
8. E leai se faila mo le faamauina o tau o oloa poo meatotino mo galuega fai a le Faalapotopotoga. O tupe faaalu o loo faamauina i luga o le polokalame lautele mo le faagaioiga o tupe ma le polokalame patino i nei oloa. Na tali le Faalapotopotoga o tulaga o loo faatinoina mo le faamauina o oloa na suia i le masina o Setema 2013 e tusa ai ma le fautuaga a le ofisa suesue i tulaga faatekonolosi.
9. O le famaumauga faatulagaina mo tupe toe totogi atu e le o tutusa ma famaumauga o loo i maliega tusitusia ma sainia. E tusa ai ma le faamatalaga na tuuina mai e le Faalapotopotoga, o loo nofo uta le matagaluega o tupe i le suiga i maliega tusitusia mo le 5 tausaga e le totogiina ai se tului i le 7 tausga. Peitai e le o iai ni maliega tusitusia e limata'itaina ai lenei suiga i le va o le malo ma le Faalapotopotoga. Na tali le Faalapotopotoga o loo faatalosagaina i le matalagulega o tupe se kopi o le maliega mo suiga i le maliega tusitusia.
10. O le auala mo le su'eina o le tului e le o gatasi ma le auala o loo taua i minute faamaonia faapea le konekarate faamaonia mo le poloketi, PSEP. Na tali le Faalapotopotoga o lea faatalosagaina se maliega tusitusia mai le matagaluega o tupe o loo iai suiga moomia e ala i le auala e su'eina ai le aofai o le tului e tataua ona fa'aogaina.

11. Sa matauina le le faatinoina o siaki faapaleni o nonogatupe i lalo o le poloketi PSEP. O le tului foi na faato'a faamauina i le faaiuga o le tausaga i faamaumauga. O lenei faiga e tele lava lona aafiaga ile tala faaletupe aemaise lava ile masina faaiu o le tausaga faaletupe o loo faamauina ai nei tului. E tusa ma le \$7,078,675.19 le tului o loo faamauina i lalo o le tala o tupe maua ma tupe faaalu ma le \$4,679,812.83 i le tala o tupe mo aseta ma aitalafu. Na tali le Faalapotopotoga o le a faatino siaki ta'i masina aua le alualu i luma o lipoti tau tala i le tupe i le pulega ma le komiti Faatonu.
12. O le polokalame faamauina ai galuega faatino e le o fesootai tonu ma le polokalame lautele mo le faagaioiga o tupe. Sa le i faatinoina foi siaki ta'i masina ma na faamauina ai galuega ua maea ua tataua ona ave ese mai i lea polokalame. Na tali le Faalapotopotoga o loo galulue pea le vaega o loo vaia tupe ma tusi i luga o lenei polokalame ina ia faamautinoaina galuega ua maea ina ia ave ese ma lenei polokalame. Ua faatinoina nei siaki ta'i masina mo faamatalaga tuu lata mai i faamaumauga mo galuega faatino a le Faalapotopotoga.
13. O le polokalame e faamauina ai talosaga mo oloa e le o fesootai tonu ma le polokalame lautele mo le faagaioiga o tupe. E le i faatinoina foi siaki ta'i masina mo se faamatalaga tuu lata mai o lea na maua ai ni talosaga ua faaleaogaina ae o loo i totonu pea i faamaumauga o talosaga e le'i totogiina. Na tali le fa'alapotopotoga o le a faatino siaki talafeagai i le polokalame faamauina o talosaga mo oloa ma o le a galulue foi le au faigaluega e nafa ma lea vaega e faatino siaki ta'i masina mo galuega e le'i totogiina.
14. Mataupu e faatatau i livi o le afaigaluega
- E lei mafai faamauina i luga o faila faaeletoni ia livi o le afaigaluega
 - E le'o lelei le faamauina o livi i luga o polokalame komipiuta o loo faaogaina mo le faamauina o nei faamatalaga
 - E lei mafai ona tuuina uma mai faamatalaga e faatatau i livi sa moomia mo le sueina o tusi a le Faalapotopotoga. Talu ai ona o lea tulaga e lei mafai ona faamautuina se aofaiga atoa o le tau o livi a le Faalapotopotoga. Ua toe faaogaina nei ia pepa livi mo le faamauina o livi a tagata faigaluega faapea foi ona faamauina i le ma le polokalame komipiuta.
15. Sa faamauina le le sainia ma siakiina o api saina mo tagata faigaluega. Na tali le Faalapotopotoga o le faafitauli lenei e aofia uma ai vaega ma o le vaega mo auaunaga lautele ua faatuina o le a mata'ituina le faamalosi o puipuiga faalotoifale ma ta'iala patino tonu i tagata faigaluega.
16. Na faamauina mai suesuega na faatino i faila mo tagata faigaluega fou:
- Konekarate e le i sainia
 - Lei o ni tusi talosaga mo avanoa faigaluega
- Na tali le Faalapotopotoga o tusi talosaga ma konekarate patino i tagata fou e toalua e le o i totonu o la faila ae o loo i faamaumauga a le o loo nafa ma polokalame faaleaoga mo le atinaeina o tagata faigaluega.
17. Na faamauina tagata faigaluega ua le toe faaigaluegaina i luga o le resitala o tagata faigaluega. Na tali le Faalapotopotoga o loo galulue faatasi le vaega o auaunaga lautele ma le vaega o auaunaga faatekonolosi mo le faamaumauga tuu lata mai mo tagata faigaluega ina ia atoatoa faamatalaga o loo faamauina i le polokalame mo le faagaioiga o tupe. Na tali le Faalapotopotoga e na o le faaululuga o le vaega o tagata faigaluega e mafai ona faaopopo pe aveeseina foi tagata faigaluega, faatasi ai ma ni suiga moomia i totogi, i luga o lenei polokalame.
18. E 24 tagata faigaluega na faamalolo i totonu o le tausaga faaletupe e aunoa ma se faamaoniaga ma le Kapeneta.

Aso	Aofaiga o le aufaigaluega	Totogi faaletausaga
31/10/2013	7	\$52,209.00
1/11/2013	10	\$100,935.00
9/5/2014	7	\$63,546.00
Total	24	\$216,690.00

19. Sa le i mulimulitaia taiala mo le faitauina o meatotino laiti a le Faalapotopotoga. Ona o lea, sa faamauina le le faitauina o meatotino laiti taugata lea na mauaina i le faitauga lona tolu. Ua faamauina e le Faalapotopotoga ma o le faamalositia puipuga faalotoifale ina ia aua nei toe tulai mai le faafitauli i le lumana'i.
20. Sa leai se fua suauu e fua ai le suauu mo afi eletise o loo i Savaii. Na tali le Faalapotopotoga o le fua suauu na i Tanugamanono i le taimi na faatino ai le faitauga o meatotino ma o loo talia mo le tuuina atu i Savaii.
21. Sa le faatumauiina le 15% lafoga mai i totogi ma alauni a le Komiti Faatonu. O nei lafoga e tataua lava ona totogi e tusa ai ma Fa'aiuga a le Kapeneta ma le Matagaluega o Tupe. Na tali le Faalapotopotoga o fe'ese'esea'iga i le malamalamaaga i faaiuga a le Kapeneta na ala ai ona le faatumauiina nei lafoga. Ua faatinoina nei e le faalopotopotoga lena tulaga.
22. Na tuai ona tauaaoina mai minute mo fonotaga a le Komiti Faatonu ma e le i atoatoa foi.

4.13 Pulega o Fela'uaiga i le Laueleele Lipoti faaletausaga faaiuina 30 Iuni 2014

1. O le resitala mo le faamaumauina o tusi risiti e le o maea ma atoatoa. Sa fautuaina le faamaea lelei o le famauina uma o faamatalaga moomia ma ia iai se tagata e nafa ma lea galuega. Na tali le Faalapotopotoga o loo uannafa nei le tagata faigaluega o loo vaaia aseta ma le resitalanaina o tusi risiti.
2. E leai se tusi taiala e faatonutonu ai le faiga o galuega a le vaega o loo nafa ma le vaaiga o taavale. E taua le iai o se tusi taiala mo le lagutasia uma o faaiuga fai. Na tali le LTA o le tusi taiala mo le vaega o loo nafa ma le vaaiga o taavale na faamaonia i le 2015.
3. E leai se taiala mo le siakiina ma le vaaiga o taavaale ae lei pasiaina. Faamauina foi e iai taavale e lei mafai ona aumai i le LTA mo le siakiina. Atonu o le mafuaga foi lea o le vaaia pea o nisi o taavale faaletonu i luga o auala ma e fesilinia ai foi taiala mo le vaaiga o taavale. Na tali le LTA o loo latou faaogaina le Motor Vehicle Fitness Guide 2002 e lima taitaina ai le siakiina ai le saogalemu o taavale.
4. Mo le agai i luma, fautuaina le tapue o ata o galuega ma fai asiasiga i galuega uma ae lei totogiina atu galuega faakonekarate. Na tali le LTA o loo faatino galuega ma asiasiaga o galuega ua uma ona faatino ae le i faamaonia le totogiina atu.
5. O le faiga o le auala galue i Aufaga sa maea i le aso 20 Ianuari ae lei mafai ona tuuina atu se tusi faamaonia poo se lipoti maeaea o lenei galuega e pei ona faamauina i lalo o le feagaiga sa sainia. O le tusi faamaonia sa tuuina i le aso 31 Oketopa 2013 ao le tupe sa taofi sei maea le galuega na ave ae lei oo i le taimi e ave ai. E taua foi le faamau uma o ni suiga fou e faia i le galuega. Na tali le LTA o galuega uma tau i auala, e tataua lava ona faamaonia suiga i le konekarate ae le i faatino tupe faaalu.
6. E tusa ma le 61% o tagata nofo aitalafu i le LTA ua ova atu ma le 90 aso e lei totogi mai a latou aitalafu. Ua fautuaina le Faalapotopotoga ina ia faamallosia le aoina mai o aitalafu. Na tali le Faalapotopotoga o loo faatino lenei tulaga i masina ta'itasi mo aitalafu ua sili atu ma le 90 aso e le i totogi mai.
7. O le aofaiga atoa o le fesoasoani faaletupe a le Malo mo le toe faaleleia o mea sa faaleagaina e le afā o Eveni e lei mafai ona faamautuina lona aofaiga atoa i le taimi o le suega o tusi a le ofisa. E moomia le faamaonia o lenei tulaga ae lei faamauina lona aofaiga i totonu o le tala o le tupe. Na tali le LTA o tupe sa fa'aaluina mo le afa o Eveni na fuafua e toe totogi atu e le Matagaluega o Tupe.
8. I le faaiuga o le tausaga sa iai le paleni e \$1,522,077 mo lafoga. I le galuega sa faatinoina, o loo faaali mai ai le pa'u o lenei paleni ma i le aofaiga sa iai e \$2,138,058. E matau atu ai foi o loo tele lava lafoga taofiofi e tataua ona totogiina i le Matagaluega o Tupe Maua(IRD). Na tali le Faalapotopotoga o lafoga e fuafua lona totogiina atu i le tala o le tupe o loo iai a le Faalapotopotoga.
9. Sa le i mulimulitaia e le pulega taiala faavae mo le faamauina o taimi faigaluega. O lenei mataupu sa faalia i leisi galuega suetusi ua mavae atu. Na tali le Faalapotopotoga o loo mulimulitaia e le pulega taiala tataua.
10. O le lafoga mo le penisini o se tasi lea o vaega o loo faaoga e fuafua mai ai le aofaiga o le fesoasoani a le Malo. Peitai e leai se alafua mo le galueaina o le mauaina o lenei numera. O le a avea foi lea tulaga ma faafitauli mo le fuafuaina o le aofaiga sao o lenei lafoga. Na tali le Faalapotopotoga e le o iai se auala faataatia e saili ai le aofai ma o loo fua i luga o se aofai lata mai.
11. O faasalaga e lei totogiina mai e le'o mafai ona faamauina i le tala faaletupe a le ofisa. E nao sala ua uma ona totogiina o loo faamauina i le tala faaletupe o le tausaga. E moomia le toe tagai i sala e lei totogiina ina ia mautinoa o sao faaiuga ma faasalaga mo tagata o loo afaina i lenei tulaga. Na tali le ofisa ua faailoa sala i le tala o tupe.

12. Na maua e le i faila lafoga mo oloa ma auaunaga(VAGST) i le Matagaluega o Tupe Maua. Na tali le Faalapotopotoga ua faatinoina nei lenei vaega.
13. E tusa ma le \$2,247,184 le aofaiga o le VAGST e lei totogiina ae o lea numera e lei mafai ona faamautu mai e le Matagaluega o Tupe Maua lona sao atoatoa. Na tali le Faalapotopotoga ua faatinoina nei lea vaega.
14. E leai se maliega tusitusia i le lisi ma the Faalapotopotoga o Eleele Tumaoti a Samoa i le faaaogaina o le fanua o loo i Vaitele. Na tali le Faalapotopotoga ua iai le maliega i le va o le Faalapotopotoga ma le SLC faaiuina i le 30 Iuni 2016.

4.14 Faalapotopotoga Faavae tau Fatuga’o, Suesuega Faavaitaimi mo le piriota 1 Iulai 2013 – 31 Ianuari 2014

1. Faamauina e le’o faaaogaina le tusi mo le faamaumauina o vaega o tupe mo faatau laiti. O le afaina o lea tulaga ole le mafai ai ona faatinoina ia faiga faavae aua le malu puipuia o le faaaogaina o nei tupe. Na tali le ofisa o loo iai latou faamaumauga uma mo faatau laiti ma faamatalaga e faamausaili atili nei le faaaogaina o nei tupe.
2. E le’o iai se faiga faavae e lima taitaiina ma malu puipuia ai le faaaogaina o vaega o tupe mo le faatauga o mea laiti. E taua le iai o taiala mo le vaaiga o nei tupe e aofia ai tulaga nei; Ia iai se aofaiga faatulagaina o se tupe e totoe i le pusa tupe ae lei toe faatumu. Ia iai foi se tapula’a o le telē o le aofaiga tupe e mafai ona faaaogaina e fai ai se faatau, ma iloilo lelei ituaiga o faatau e mafai ona fai mai i nei tupe ma isi aiaiga taua e malu puipuia ai le faaaogaina o lenei tupe.
E fai si maualuga tele o le aofaiga o taimi sa toe faatumu ai vaega o tupe mo le faatauga o mea laiti i masina ua tauā i lalo

Masina	Aofaiga ole tupe	Aofaiga o le taimi sa toe faatumu ai tupe mo faatau laiti
Iulai 13	4,000.00	4
Aukuso 13	5,000.00	5
Setema 13	5,000.00	5
Oketopa 13	6,000.00	6
Novema 13	7,000.00	7
Tesema 13	5,000.00	5
Ianuari 13	7,000.00	7
Aofaiga	\$ 39,000.00	39

4.15 Faalapotopotoga Faavae tau Fatuga'o, mo le tausaga faaletupe na faaiuina 30 Iuni 2014

1. Sa le i toesea mai lafoga 15% mai alauni a le Komiti Faatonu. O nei lafoga na totogi e le Faalapotopotoga. Sa fautuaina le aveesea mai o lafoga tuuese mai i alauni o loo totogiina atu i le Komiti Faatonu. Ua faamauina ma faagaioia e le ofisa fautuaga i luga o lafoga toesea mai alauni o le Komiti Faatonu.
2. Na maua tulaga o tupe faaalu e aunoa ma le sueina o tau o oloa se tolu mai kamupani eseese e tusa ai ma ta'iala a le ofisa. Sa fautuaina le vaega o nafa ma le vaaiga o tupe ina ia mata'ituina lea tulaga mo le sueina o tau mai ni kamupani se tolu ina ia mautinoa o sao ma lelei le faiga o faaiuga i oloa o loo faatauina mai. O isi aseta e moomia ai le auaunaga faavaitaimi aua le faaleleia o le faiga o galuega e tatau ona fai lelei se maliega ma se kamupani o le a nafa ma lea tulaga ina ia malu puipuia le Faalapotopotoga mai ni feeseeseaiga pea tutupu mai. Na tali le ofisa ua faamauina le mataupu ma ua faamalosia le taulimaina muamua o tau faataitai se tolu mai i kamupani eseese ma ia mulimulitaia ai faiga faavae a le ofisa.
3. Sa le mafai ona faatino le faatusatusaina o le lipoti o faamaumaga a le fale tupe ma le lipoti a le faalapotopotoga e faaoga ai le polokalame mo faamatalaga lautele (MYOB) a le ofisa. Sa fautuaina le faaoga o lenei polokalame e faafaigofie ai ona iloa mafuaga o le eseese o nei lipoti. O le lē faaogaina o le MYOB e faatinoina ai lenei galuega e ono fesiligia ai foi le sao atoatoa o faamatalaga o lipoti a le faletupe o faamauina i totonu o lenei polokalame. Na tali le ofisa ua faatinoina lipoti faatusatusa mo tala o le tupe agai i faamaumaga o loo i le faletupe i luga o le polokalame lautele, MYOB.
4. Faamauina o loo iai aitalafu a tagata faigaluega o loo faia i le NPF faapea ma teugatupe lautele (social fund) a le Faalapotopotoga ae o loo maua i luga o le vaega o loo faia ai totogi a tagata faigaluega. O lenei faiga e le'o o gatusa ma faiga faavae o loo i lalo o le tulafono o le Sootaga Va lelei o Leipa ma Galuega 2013. O lenei tulafono o loo faapea mai ua nao vaega tupe faatulafonoina e mafai ona toesea mai i totogi o tagata faigaluega e tatau ona faamauina i latou totogi. O se faataitaiga e pei o le ACC 1% ma le NPF 5%. Na tali le Faalapotopotoga, o loo iai le faamaoniaga mo le toesea o nonogatupe i le NPF mai i le pule sili o le MCIL i le tausaga 2015.
5. E leai ni feagaiga poo ni konekarate faigaluega sainia a le Pule sili, pule o le vaega o loo nafa ma le vaaiga o tupe ma se tasi o fomaina o loo faafaigaluegaina faavaitaimi. E tatau ono iai uma ni feagaiga tusitusia mo tagata sinia uma o le Faalapotopotoga. O le taua o lenei tulaga ina ia mafai ona nofo malamalama ma manino uma ai itu e lua i aiaiga ua uma ona malilie iai. E aoga foi e faafoia ai ni feeseesega e ono tulai mulimuli mai. E tatau foi ona teu uma ia nei feagaiga sainia i totonu o faila a tagata faigaluega. Na tali le Faalapotopotoga o loo aiaia lenei tulaga i lalo o le suiga o le tulafono ma o loo galulue faatasi ma le Ofisa o Loia e faamaea konekarate e pei ona ta'ua.
6. Na maua igoa o tagata sa faafagigaluegaina e le Faalapotopotoga o loo i le lisi o tagata faigaluega. E ono iai le avanoa e totogi seseina ai nei tagata. Sa fautuaina le vaega o loo nafa ma le tapenaina o totogi o le aufaigaluega ina ia aveesea igoa o tagata ua faamavae ma le toe faafaigaluegaina e le ofisa. Na tali le Faalapotopotoga ua le toe vaaia igoa o tagata ua le toe faafaigaluegaina ae e le mafai ona aveese tumau ma i le polokalame. O loo maioio foi ma faamalosia tiute e faamautinoa tupe uma o loo totogi atu i le au faigaluega.
7. Na maua alauni totogi atu i le aufaigaluega, e pei o alauni mo sifi taimi ma alauni mo galuega faateete gata, peitai e le o iai se faiga faavae tusitusia e limataitaina ai nei faiga. Na tali le faaululuga o le vaega o tupe ma tusi, o nei faiga o loo faavae i luga o tulafono mo le pulega o tagata faigaluega a le Malo ma sa faamalosia foi e le PSC le mulimulitai i nei faiga. O le taliaina o lenei ituaiga faiga faavae e le o o gatusa ma tulafono a le NKFS 2005 parakalafa 8(2), o loo faapea o tagata faigaluega mo le NKF e le tatau ona ta'ua latou o ni tagata faigaluega a le Malo. Talu ai ona o lea tulaga, e moomia lava le o gatusa o faiga faavae o

le totogina o faamanuiaga o tagata faigaluega ma le tulafono o le Sootaga Va lelei o Leipa ma Galuega 2013. O nei penefiti o loo tuuina atu i le aufaigaluega e tatau ona toe iloilo ma siakiina e le pulega ae lei pasia. Ua faamuina e le ofisa le mataupu.

8. Sa faamauina nisi o aseta a le Faalapotopotoga e lei maua i le taimi o suesuega. Sa fautuaina le vaega o loo nafa ma tupe ina ia vaaia lelei aseta mo le faaitiitia o le gaoia ma le leiloloa. Ua faamauina e le ofisa le mataupu.
9. O le taavale a le Pule Sili o loo faalaiseneina i laisene o taavale a tagata umia sa'oloto a e tatau ona suia i laisene mo taavale a le Malo. O lenei faiga e laugatasia uma ai taavale a le ofisa. Na tali le Faalapotopotoga ua faalaiseneina nei le taavale a le ofisa sili ile NKF01 talu mai le 2015.
10. O faamaumauga sa faaaoga mo le vaaiga ma le siakiina o oloa a le faalapotopotoga e le o sao ma atoatoa. E tele ni oloa e ese mai latou aofaiga o loo i luga o fata ma paleni o loo faamauina i totonu o le resitala. E le'o mafai foi ona teu tasi uma oloa i se vaega se tasi ma o le tele foi o oloa e lei mafai ona faamautu a latou nofoaga. Sa faatino le faitauga o oloa uma ina ia mafai ona maua se tuufaatasiga sao ma se tau aofai i le 30 o Iuni 2014. Na fautuaina le vaega o loo nafa ma lenei tulaga ina ia mata'ituina le vaaiga ma le faamau lelei o oloa a le Faalapotopotoga ina ia tutusa le resitala ma le aofaiga o oloa o loo iai. Ua faamauina e le ofisa le mataupu.
11. E tele ni oloa ua le toe mafai ona faaaogaina. O se vaaiga nei e mafai ona iloa ai e le'o lelei le fuafuaga o le faatauina mai o nei oloa ma o ni tupe alu maimau foi. Fautuaina le vaega o loo nafa ma tupe ina ia fuafuaina lelei le faatauina mai o nei oloa, E tele foi se fesoasoani o lea itu i faatinoga tau tupe a le Faalapotopotoga. Ua faamauina e le ofisa le mataupu.
12. O oloa mo galuega faafomai sa faamauina i tupe faaalu a le Faalapotopotoga. Peitai o nisi o nei oloa o loo totoe i le faaiuga o le tausaga ma o lona uiga e tatau ona iai se tau aofai o oloa nei i totonu o le tala faaletupe o aseta ma aitalafu a le Faalapotopotoga. Fautuaina le faatino o lea tulaga. Ua faatinoina e le ofisa lenei tulaga ma o loo fa'aalia i le tala faaletupe tausaga 2016.
13. Na maua i suesuega le agavaa ai o le sui o le Komiti Faatonu o loo faafaigaluegaina i se tasi o Faalapotopotoga a le Malo i alauni mo Komiti Faatonu. E fautuaina le Faalapotopotoga ina ia mulimulitaia faiga faavae a le Malo i le totogiina o nei alauni. Na tali le ofisa, sa maua le fautuaga mai le ofisa o Loia e le aofia tagata o loo faafaigaluegaina e le Iunivesite Aoao o Samoa i le aufaigaluega a le Malo, e tusa ai ma le tulafono a le Komisi o le aufaigaluega a le Malo. O lea e le o faailo ai le sui o le Komiti Faatonu faafaigaluegaina e le Iunivesite o se tagata faigaluega a le Malo ma o loo totogiina atu ai ia alauni.

4.16 Le Iunivesite Aoao o Samoa, mo le tausaga na faaiuina 30 Iuni 2014

1. Sa faamauina tupe maua mai i le faiga o kopi i le faletusi, Mountainside, le faarisiti faatasi i le faaiuga o aso ta'itasi. Na fautuaina le Iunivesite ina ia faia se faatusatusaga o le tau o tusi risiti ma tupe maua mai i lea auauunaga.
2. Matauina le le faatinoa o siaki o faamaumauga o tupe fa'aalu ma tupe maua agai i faamaumauga a le faletupe. Na fautuaina le Iunivesite mo siaki faifaiepa mo faamatalaga tuu lata mai faapea le iloa vave o ni faafitauli e ono tulai mai i luga o tupe.
3. Na matauina faamaumauga mo tagata faigaluega e le o iai ni saina siaki i le maea ai o tapenaga poo ni suiga foi na faatinoina. Na fautuaina le Iunivesite mo le saina ma siakiina o nei faamaumauga nei iai ni faafitauli ae o loo manino tagata faigaluega na nafa ma lea vaega.
4. Na faamauina mai suesuega le totogi ova taimi mo se tasi tagata faigaluega e le i sa'o ona faatino ma o lea na laititi ai le totogi na ia maua. Ua fautuaina le Iunivesite ina ia faia siaki talafeagai ae le i faamaonia totogi mo le aufaigaluega.
5. Sa matauina le le mulimulitaia o taiala faataatitia mo le vaevaega o tiute fai i totonu o le vaega mo tupe ma tusi. E to'atasi le tagata faigaluega na faamauina pepa talosaga mo oloa/pepa mo tau o oloa ma le faagaioiga o siaki tupe mo le totogiina o oloa i luga o le polokalame o faamaumauga. O nei faiga e faaitiitia ai le taua o tiute patino i aufaigaluega taitasi ona o le tele o isi matafaioi o loo latou faatinoina. E ono tuai ai foi le faatinoina o tiute. Na fautuaina le Iunivesite ina ia vaavaai ma iloiloa le talafeagai o ni ofisa lagolago mo le faatinoina o tiute fai.
6. E lua nisi teugatupe o loo i se faletupe e le i faailoaina i luga o faamatalaga tau tupe. E tataui i le Iunivesite ona faamauina tusi uma mo teugatupe i le tala o le tupe mo le manino. A fai e leai, e tataui ona tapena se lipoti mo nei teugatupe mo le suetusi aua suesuega talafeagai.
7. Mataupu tau aseta:
 - Matauina le tele o galuega faatinoina i luga o le resitala o aseta ona o le lavelave o auala e galueaina ai tau toesea mai aseta mo le latou faaogaina. O lenei mataupu na lipotia foi i le lipoti ua mavae.
 - Na faafaigata ona faatino galuega i luga o aseta ona o le auala na faamauina ai aseta i luga o le resitala ma le polokalame o faamaumauga lautele.
 - Na maua aseta e le i resitalaina
 - Na matauina eseese o le aofai o aseta na faitauina agai i aseta o loo i le resitala
 - Na matauina le le faamauina o le fale na faaogaina e le vaega o tupe ma tusi i le resitala o aseta. E ui ina masalo le leai o se tau o le fale, e le i maua ni faamaumauga mo aseta soloia e ono faailo ai foi le tulaga o le fale.

Na fautuaina le Iunivesite ina ia toe iloiloa faamaumauga mo aseta uma ina ia atoatoa. E tataui foi ona resitala aseta i se tulaga tuu lata mai ma le faifaiepa ina ia tinei ai faafitauli e ono tulai mai, e pei o le leiloloa poo le gaioia foi o aseta.
8. Faamauina i taimi o suesuega oloa laiti o loo tuai le faatauina atu ma nisi ua faaleagaina i totonu o le faletusi ma na fautuaina ai le soloia o nei oloa. O oloa nei sa faamauina foi i le lipoti ua mavae. Na fautuaina le Iunivesite ina ia iloiloa nei oloa mo le aveeseina mai le faletusi faapea faamaumauga talafeagai.

4.17 Iunivesite Faafomai a le Oceania Suesuega Faavaitaimi mo le piriota 1 Iulai 2013 – 31 Ianuari 2014

1. Faamauina le toesea mai o lafoga tuueseaa mai i tupe na totogi atu i fomai o loo tuuina atu le latou auaunaga i falemai a le Malo. E leai ni faamaumauga e faamaonia ai ua totogiina atu nei lafoga i le Matagaluega o Tupe Maua. E tataua ona faatinoina lea tulaga e tusa ai ma tulafono ma faiga faavae.
2. E leai se maliega sainia i le va o le OUM ma se tasi o kamupani lau lapisi mo nei auaunaga faifai pea.
3. Faamauina feagaiga e le i sainia mo tagata faaigaaluegaina e le Iunivesite. Sa faamaonia e le Komiti Faavae ia Fepuari 2014 se taimi e tapena ai konekarate a tagata faigaaluega mo faasainia ia Iulai 2014.
4. E leai se resitala mo tusi o faamaumauga o tusi ma api eseese o loo faaogaina e le Iunivesite.
5. E le o faafuainumeraina i se faasologa sa'o le faaogaina o tusi o faamaumauga eseese e pei ona ta'ua.
6. E leai se tusi mo le talosagaina o oloa o loo faaoga mo le faiga o faatau.
7. Sa faamauina le tuai ona teuina i le faletupe o tupe maua mai i lomiga i le faletusi ma tupe maua mai i le faatinoina o tagamea i aso taitasi.
8. E leai faailogaina i le resitala o aseta nisi o aseta o loo i totonu o le faletusi.
9. E leai faatumuina le tusi e faamaumau ai faatau laiti i nisi o faatau sa faia.
10. Na maua faamaumauga mo faatau laiti e le i sainia e le afaigaaluega o nafa ma lea tulaga.
11. Talu ona faavae mai le OUM i le tausaga e 2002 e leai faatino se galuega faasuetusi i le latou tala faaletupe. Sa tuuina mai se faamatalaga sa faigata ona faatino lea tulaga ona o tausaga ua mavae sa i le vaavaaiga a le eMed le OUM ma ana galuega faatino.
12. E leai se taiala mo le faamaumauga o galuega tausitusi faapea ma le puleaina o tagata faigaaluega.
13. E leai se faatusatusaga o faamaumauga o aitalafu, ma e le'o faamauina pepa mo le totogina o oloa (invoice) i luga o le polokame o loo faaogaina mo le faamaumauga o tupe.
14. E le'o mafai ona iai se lipoti tuu lata mai mo le faamaumauga o aso malolo e agavaa ai tagata faigaaluega.
15. Na maua le le pulea leleiina o le faaogaina o le api saina e i latou o loo nafa ma lea tiute.

4.18 Ofisa o le Pule Faatonu, mo le tausaga na faaiuina 30 Iuni 2013

1. Na faamauina le le lipotia o tupe maua mai laisene i le tala o tupe maua mai ma tupe fa'aalu a le ofisa. O lenei mataupu na laga foi i suesuega ua mavae. Na auai le ofisa i le mataupu i le tatau ai ona faalia o laisene i le tala o le tupe. I fonotaga ma faatalatalanoaga ma le Matagaluega o Tupe, na laugatasia ai le faailoa o tupe maua mai laisene i le paketi faaletausaga a le malo. O le auala foi e faamaumau ai tupe maua o loo ua faatinoina ma vaaia i le tala o le tupe, 30 Iuni 2015.
2. Matauina le tuai o le totogiina mai o laisene e tusa ai ma le taimi faatapulaa o loo i le Tulafono o Fesootaiga 2007. O nei laisene e fua i luga o tupe maua a kamupani telefoni, e ala i faamaumauga tuuina mai i le ofisa ina ia mulimulita'ia tulafono fa'ata'atitia e pei o le Tulafono o Fesootaiga 2007. Na tali le ofisa o loo faatino pea le latou galuega ina ia tau'aao mai e kamupani telefoni faamatalaga e fua iai laisene totogiina mai. O le'a faia foi lenei galuega faifaiepa ma taimi talafeagai mo le aga'i i luma.
3. O le sala e 10% i luga o laisene ua silia atu ma le taimi faatapulaa ae le i totogiina e le i galueaina e le ofisa e tusa ai ma aiaiga o le Tulafono o Fesootaiga 2007. O le le totogiina o nei sala faatasi ai ma laisene e ono iai aafiaga i laisene faigaluega o loo galueaina ai nei kamupani. Na tali le ofisa ua tutu'a'ai nei ile aoina o tupe maua e ala i laisene ma o le a faamalositia foi sala mo laisene ua tuai ona totogiina atu.
4. Sa le i mafai ona tauaao e le ofisa tupe maua sa'o a kamupani fai telefoni e fua iai le laisene totogi mai. O lea sa le i faamautuina ai le aofaiga tonu o tupe e tatau ona totogi mai e nei kamupani. Na tali le ofisa ua latou faatino siaki o tala o le tupe a kamupani telefoni e faamautinoa ai le sa'o ma le atoatoa o faamatalaga tuuina atu ma o loo fua agai iai laisene e totogi atu i le ofisa.
5. Sa le i mafai ona faamautuina tusi mo aitalafu totogi mai. Na tali le ofisa o nei faamaumauga sa iai ma faaogaina i le taimi o suesuega mo le tausaga 2011.
6. Sa matauina le le resitalaina o le ofisa i aiaiga o lafoga mo oloa ma galuega ma o lea e lei mafai ai ona faamalositia lafoga i tupe maua mai laisene. O lea foi e le mafai ai ona maua mai lafoga o loo maua mai i tupe fa'aalu. Na tali le Faalapotopotoga na resitala le ofisa ile ofisa o lafoga ia Oketopa 2013.

4.19 Polenisia – Asiasiga mo le faitauga o tupe na faatino 21 Ianuari 2014

1. Na matauina le faaaogaina o tupe mo mea laiti e aunoa ma faamaoniaga tatau. O pepa mo le totogiina o faatau, numera 12764 ma le 12766, e lei faamaonia ona o nei pepa sa totogi atu i le faauluuluga o le vaega mo tupe ma tusi, o le o loo nafa ma le umia o tupe mo mea laiti. Na fautuaina e le suetusi le faamaoniaga o le faaaogaina o tupe ma le faamallosia o nei tulaga. Na fautuaina foi le vaeveaga talafeagai o tiute agai i le au faigaluega.
2. O tupe Amerika na aoina mai i auaunaga masani na tului ai le teugatupe mo faatauga laiti o loo faaaogaina ai tupe amerika e aunoa ma le teuina i le faletupe mo tupe maua mai auaunaga. E tusa ai ma faamatalaga tuuina mai, o lenei faiga o loo sefe ai le kamupani mai eseese ona o fesuaiga o tupe. Na fautuaina le kamupani ina ia faamauina i ta'iala ma aiaiga nei tulaga ma ia faamaonia mai e le Komiti Faatonu aua le faatinoina o galuega fai.

4.20 Ofisa Tausi Mavaega, Suesuega Faavaitaimi mo le piriota 1 Iulai 2013 – 31 Tesema 2013

1. Sa matauina le fa'aaogāina o seleni mai le paketi a le Ofisa mo se fiafia atoa ai ma meaalofo ma malo fa'aaloalogia i le fa'aiuga ole tausaga. O lenei tulaga ua le o gatasi ma faiga faavae mo le faaaogaina o seleni a le Ofisa. Sa faapea mai le Ofisa, o le polokalame mo fiafia a le Ofisa i faaiuga o tausaga, e faamaonia mai lava e le Komiti Faatonu, atoa ai ma tupe ua faaagaagaina mo le faamoemoe. O nei foi seleni ua ma'ea lipotia ile tala o le tupe a le Ofisa mo le tausaga faaletupe e patino tonu ai.
2. Sa toe faamauina foi le faatino ai pea e le Administration Officer o le tele o galuega ma matafaioi i le tausiga ma le faamauina o tusi a le Ofisa e pei ona laga i isi asiasiaga a le su'etusi muamua. O loo faatumauina pea foi le talitonuga a le Ofisa o loo sologa lelei pea galuega e ui o lea tulaga, ona o lo'o mata'ituina malosi pea e le Sui Tausi Mavaega galuega ma matafaioi a le vaega o tausitusi ma faamaumauga a le Ofisa.
3. Sa maua e le'o iai se resitala o aseta tuu lata mai aua na o le resitala i le tausaga faaletupe faai'uina ile 30 Iuni 2013 sa tuuina ane i su'etusi. Sa maua foi nisi o aseta e le'i faanumeraina aua le faamaumauga i le resitala. Sa tali mai le Ofisa e faapea ua mae'a faatulaga le resitala o aseta i se tulaga lata mai ma ua mae'a foi ona faanumeraina uma aseta.

4.21 Ofisa Tausi Mavaega mo le tausaga faaletupe na faaiuina 30 Iuni 2013

1. Sa matauina le faatinoina e le Administration Officer o le tele o galuega ma matafaioi patino tonu i le vaega o tausiga o tusi ma faamaumauga a le Ofisa. O nei matafaioi e le tatau ona faatinoina e se tagata e toatasi. O loo talitonu pea le Ofisa o lo'o lelei lava le tulaga o lo'o faatino ai galuega. O se tasi lea o faiga o lo'o faasao ai le seleni aemaise o lo'o tele lava ona galue ai le Sui Tausi Mavaega i lea Vaega o Tausiga o Tusi ma Faamaumauga a le Ofisa, atoa ai ma le siakiina lelei o a latou galuega faatino.
2. E le'o iai ni faamaumauga tuu lata mai o ni konekarate po'o se faafouina o konekarate mo avanoa faigaluega faa-le-pulega o le Ofisa. Ona ole maualuga o le faatuatū'aga o nei avanoa, e taua ai le tapenaina o faamaumauga faakonekarate, ua fa'amatāmagaina lelei ai tiute ma matafaioi atoa ai ma faamanuiaga, ma ia mae'a sainia lelei e le tagata faigaluega. Na o le kopi ole konekarate tuai mo le Tausi Mavaega na sainia i le Aso 31 Me 2013 ma o lo'o talia pea se tali mai i le Ofia o le Loia Sili a le Malo i le faafouina o konekarate.
3. E leai se siaki sa faatinoina i le faamaumauga o faapaleniga o teugatupe i faletupe ta'itasi ina ia mautinoa ua lelei atoatoa. Sa tali mai le Ofisa e faapea, o ana teugatupe autu ua ta'i vaiaso ma faatinoina se'i vagana ai isi teugatupe e ta'i masina ma faatino. Sa faapea mai fo'i, o nei faamaumauga i le faapaleniga o teugatupe e tapenaina e le Accounts Officer ma siaki ele Principal and Investment Office ma faamaonia e le Sui Tausi Mavaega ae le'i tu'uina atu mo le silafia e le Tausi Mavaega.

4.22 Ofisa Tausi Mavaega mo le tausaga faaletupe na faaiuina 30 Iuni 2014

1. Sa maitaulia le faatinoina ele tagata e toatasi o le tele o galuega ma matafaioi patino tonu i le vaega o tausiga o tusi ma faamaumauga a le Ofisa. O nei matafaioi e le tatau ona faatinoina e se tagata e toatasi. O loo talitonu pea le Ofisa o lo'o lelei lava le tulaga o lo'o faatino ai galuega. O se tasi lea o faiga o lo'o faasao ai le seleni aemaise o lo'o tele lava ona ai galue ai le Sui Tausi Mavaega i lea Vaega o Tausiga o Tusi ma Faamaumauga a le Ofisa, atoa ai ma le siakiina lelei o a latou galuega faatino.
2. E leai ni faamaumauga ole Sailiga o fua faatatau ole tau ole fanua i se tasi o faila ma ua le mafai ai ona faamausali le agavaa o lea fanua mo le faamaoniga o se nonoga tupe.
3. E leai ni lipoti ua faatumuina ma tuuina atu ile Matagaluega o Tupe Maua mo lafoga o le VAGST.
4. Sa matauina se aitalafu tuua i lona aofai e \$22,535.98, ua tolu nei tausaga e leai ma se suiga ma e leai foi ni faamatalaga manino o faamauina mo lea mataupu.
5. Sa matauina le tele atu ole tupe ua faaagagaina mo le lisi mautotogi a le Ofisa i le Matagaluega o Tupe, e tusa ma le \$13,939, ma e le'o mafai ona faamautinoa lea mataupu i le Maleiga na sainia ma le Matagaluega o Tupe. E fautuaina lava le faasa'oina o lea aofai i tusi a le ofisa.
6. O le aitalafu tuua mo letelefoni sa matauina le oo atu lona aofai ile \$8,689.18 e faatusatusa atu ile pili telefoni sa tuuina atu.
7. Sa maua aitalafu e lei totogiina e oo atu lona aofai ile \$278,875.05 ma e leai ma ni faamaumauga e faamaonia ai nei tupe faaalu.
8. Sa taumatemate lava e le Ofisa ia fua faatatau o esetete e eui lava ina leai ni faamaumauga toto'a e faamnino ai nei fua faatatau.
9. E le'i sa'o atoatoa le faamauina o tupe faaalu i ona vaega sa'o i luga o pepa totogi.

4.23 Pulega o Malae Vaalele a Samoa mo le tausaga faaletupe na faaiuina 30 Iuni 2013

1. E le'i ma'ua se fa'amaumauga pe na fa'amaonia e le Komiti o Tauofoga le galuega o le toe fa'aleleia o le fale e faatali ai mālō faaaloalogia i lona tau aofa'i \$442,000, e pei ona faamauiina i minute o fonotaga a le Komiti Faatonu i le Aso 9 Aukuso 2013, e tusa ai ma aiaiga ole FK (12)29.
2. Sa iai suiga ile ata fa'ata'atia o fuafuaga mo le toe fa'aleleia ole fale e faatali ai malo fa'aaloalogia na lē faaaogaina ai le konekarate mo lea galuega. Sa mataulia e le'i toe faasalalauina e le Pulega o Malae Vaalele lea galuega mo ni tauofoga fou. Sa faapea ona faaaogaina pea le konekarate muamua, ma ua toe faaopopo lona tau aofa'i e tusa ma le \$1,024,175 ma sa faamaonia lava e le Komiti Faatonu e aunoa ma le toe tuuina atu foi i le Komiti o Tauofoga mo le silafia ma se faamaoniaga. Sa tali mai le Pulega e faapea o lea tulaga na mafua mai ona ua utiuti le taimi mo tapenaga aua faataliga o malo mo fonotaga a le SIDS.
3. Sa matauina le tau aofa'i o galuega faaleleia o le fale autu o le malae vaalele, sa amatalia ile 2012, ua oo atu i le \$415,557 tupe faaalu i le faai'uga o le tausaga faaletupe 30 Iuni 2013 ma ua oo atu ile \$663,661 i le faaiuga o Novema 2013. O le faatinoina o lea galuega, sa lē uia ma faamalieina ai ele Pulega o Malae Vaalele aiaiga ole FK(12)29 mo galuega tetele e ova atu ma le \$200,000 lona tau aofa'i. O nei galuega sa faapea mai na fua lava i talosaga a pisinisi o lo'o lisi ai ile Malae Vaalele, ona o le tulaga faaletonu o le fale sa iai.
4. E le'i maua se faamaumauga o le faamaoniaga e le Komiti mo Tauofoga mo le galuega o le pa faata'amilo (coastal fence project) i lona tau aofa'i e tusa ma le \$279,630 i le 2013. O le faatinoina o lea galuega, sa lē uia ma faamalieina ai e le Pulega o Malae Vaalele aiaiga ole FK(12)29 mo galuega tetele e ova atu ma le \$200,000 lona tau aofa'i. Sa tali mai le Pulega e faapea o le galuega sa amatalia i le 2012 ae mulimuli ane sui aiaiga e pei ona taua.
5. Sa maua i le suega o tusi a le Pulega, o le masini mo le faarisitiina o pākaga o taavale (ticketing machine), na faatauina mai i se kamupani, e le'o iai se konekarate na sainia aua faamaumauga o tuutuuga ma aiaiga mo le masini. O le tauaofa'i mo le galuega lea e tusa ma le \$642,348 ma sa faamaonia mai ele Komiti mo Tauofoga i le tausaga faaletupe faai'uina 30 Iuni 2013. O lo'o iai faamaumauga o lo'o nofo aitalafu pea le Pulega i le kamupani i le 40% o tau aofa'i ole galuega ae ua mae'a ona totogi le aofa'iga e \$640,217 ia Oketopa 2013. Ua faapea mai le SAA o lea masini ua maea faataitai ma ua faaaogaina nei e pei ona atofaina.
6. Sa maua fo'i i le suega o tusi a le Pulega, e le'o atoatoa faamaumauga e tataua ona iai e lagolago ai le pepa totogi (insufficient supporting documents to process payment) mo le kamupani na nafa ma le faia o masini mo paka o taavale. Ua faamauiina e le Pulega lea tualaga mo le aga'i i luma o galuega.
7. Sa lē ma'ua foi le tele o pepa o tauofoga (quotes) mo faatauga fai a le Pulega, e foilga mai e le'i sailia pe teuina malu lelei aua faamaumauga a le Pulega. Ua faamauiina e le Pulega lea mataupu mo le faaleleia i le lumanai.
8. O lo'o faamauiina le nofo aitalafu ai o le Pulega ile Matagaluega o Tupe, i le aofa'i e tusa ma le \$743,235 ma o lo'o talia pea se faamaoniaga o lea tulaga. Sa māua foi ile suega o tusi a le Pulega, sa aoina e le Matagaluega o Tupe seleni mai aitalafu (debtors) a le Pulega ma totogi atu i le Matagaluega o Tupe Maua, e faaititia ai le aitalafu ole GST (GST liability) e tusa ma le suega o lafoga (MfR audit) sa faatinoina ia Aperila 2009. E tataua lava i le Pulega ona sailia lelei faamaumauga nei tau i aitalafu tuua 'ina ne'i sili atu le tupe ua totogi nai lo'o le aitalafu tuua. Ua faamauiina foi e le Pulega le mataupu lea.

9. O le tele o faamaumauga o faai'uga o fonotaga a le Komiti Faatonu (Board Meetings minutes) e le'i māua. E taua tele nei faamaumauga aua e faamaonia ai galuega faatino aemaise ai ma oloa faatau mai mo galuega a le Pulega. O faamaumauga sa tuuina ane i le au Su'etusi e le'i sainia. Sa faapea ane le Pulega ua maua uma nei faamaumauga ae le'o iai se faamaoniaga ua atoatoa lelei nei minute poo faamaumauga. Sa faapea mai foi le SAA ua iai nei se sui o le ofisa ua atofaina mo le lagolagosua i le faamaumauga o minute a le Komiti Faatonu ma isi tiute moomia mo le tautuaina o lea komiti.
10. Sa mātauina ua faaititia le vaega tupe maua mai le vateatea mo feamalaga'iga i le ea (airspace) mai i le \$248,348 i le na'o le \$241,391. O lea vaega tupe maua e totogi mai e Kamupani Vaalele mo le faaogaina o le vateatea mo femalagaiga e tusai ai le maliega i le sefulu (10) tausaga talu ai. O lenei vaega tupe e aoina e le Matagaluega o Tupe ma totogi atu i le aitalafu tuua a le Pulega i le Faaputugatupe mo le lumana'i manuia o Samoa (SNPF). E le'o iai ni faamaumauga mausali e faamatalaina ai le aofaiga tonu o le seleni sa tatau ona maua ma aoina, ona sa faaogaina e le Pulega faamumauga o le aitalafu (loan statement) mai le SNPF. E le'o iai foi se faamaumauga o se maliega o le aoina e le Matagaluega o Tupe o lea tupe maua a le Pulega. Ua faamauina e le Pulega lea vaega mo le toe iloiloaina.
11. Sa toe laga le mataupu i lafoga taofiofi (withholding tax) ona o loo faamauina le aofa'i e \$81,800 i tusi a le Pulega e tatau ona toe totogi mai ele Matagaluega o Tupe Maua. Ua faamauina le mataupu e le Pulega ma o le a toe faafeso'ota'i atu ile Matagaluega o Tupe Maua mo lea tulaga.
12. Sa matauina o loo toesea lafoga taofiofi mai teugatupe faavaitaimi a le Pulega i se faletupe. Ua faamauina e Pulega lea mataupu mo le soalaupuleina ma le faletupe.
13. Sa matauina e le'i faamauina lelei aso malolo mo auaunaga ua umi e ui lava o lo'o failaina faatasi ma pepa totogi o nei faamanuiaga i faila a tagata faigaluega ta'itasi. Ua faamauina e le Pulega lea mataupu mo le toe silasila lelei iai ole Vaega e patino tonu ma le auaunaga o tagata faigaluega.
14. Sa matauina o lo'o lē mautonu le Pulega i le faaogaina o le Tulafono o Sootaga Valelei o Leipa ma Galuega faatusatusa i a latou faiga faavae mo se ta'iala i aso malolo faaletausaga a ona tagata faigaluega. O loo faapea mai le taiala a le Pulega e faaleaogaina aso malolo faa-le-tausaga pe a mae'a le tausaga e le'i faaogaina ae ua faaogaina e le Pulega le Tulafono o Leipa ina ia faaleaogaina ai le latou taiala. Sa fautuaina le SAA o le Tulafono o Sootaga Valelei o Leipa ma Galuega e faaogaina e kamupani ma Faalapotopotoga Tumaoti e le o iai ni a latou Tulafono mautu ma faalapotopotoga e le o i lalo o le pulega a le Komisi o Galuega a le Malo (PSC).
15. Sa māua le sēsē ona galuea'ina o faamaumauga o aso malolo faa-le-tausaga mo le aufaigaluega ma ua malie mai le Pulega o le a taumafai e soalaupule ma faasa'o atoatoa le galuea'ina ma famumau o nei faamanuiaga mo lana aufaigaluega.
16. Sa matauina le faaletonu i faamaumauga o le resitala o aseta ma ua le ō gatasi ai ma faiga faavae a Pulega e ala i ana meatotino. Ua faamauina le mataupu e le Pulega ma o le a galulue i le faaleleia o le resitala o aseta i lona tulaga tuu lata mai.
17. Sa matauina le faaogaina pea o le laisene tumaoti, numera 16061 mo le Toyota Hiace Van pa'epa'e e ui ina resitala i le Pulega o Feamalagaiga i le Auala i le laisene a le Pulega numera AA13. O lenei taavale sa faatauina mai e le Pulega i le Aso 29 Iuni 2012. Sa faapea mai le Pulega o le mafua'aga o lea tulaga ona sa utiuti laisene taavale a le Pulega o Feamalagaiga i le Auala ma o lea ua faaogaina ai le laisene o le isi taavale tuai a le Pulega ua faatau ese.

4.24 Pulega o Malae Vaalele a Samoa mo le tausaga faaletupe na faaiuina 30 Iuni 2014

1. Sa maūa pepa totogi e aunoa ma ni pepa mo tau o oloa e tolu e lagolago ai filifiliga ua fai faapea le saina a le Alii Pulega mo le faamaoniga o lea faatau. E fautuaina le tausisia o faiga aloia mo le faasologa o pepa totogi aua le sa'o atoatoa ma le faamaoni o ia tulaga. Sa tali ma le Pulega e faapea, ole taimi tonu lea ua faanatinati ai le tau faamae'aina o galuega faaleleia a le malae vaalele ina ia fetui ma le taimi ole fonotaga ole SIDS, aemaise ole tele o oloa sa mana'omia, ua na'o kaumapani mai fafo e maua ai oloa sa mana'omia. Ua faamauina foi e le Pulega le matupu.
2. Sa maua foi galuega faa-konekarate sa faatinoina e aunoa ma ni konekarate sa sainia. E tatau lava ona tapenaina ma sainia konekarate ae le'i amatalia ni galuega ina ia maioio lelei aiaiga ma maliega. O nei foi kamupani fai konekarate e tatau ona faamautinoa ua leistolaina ile Ofisa o Lafoga mo le manino ole galueina o lafoga e tatou ona iai. Ua faamauina e le Pulega lea mataupu e ui ole faanatinati lava o galuega mo le SIDS na mafua ai lea tulaga.
3. Mataupu lāgā i Pepa totogi:
 - E leai ni lisiti o faamauina i pepa totogi mo le faamaoniga ua tauaaina e le pisinisi le totogi mo ni oloa poo ni galuega sa faatauina ele Pulega. Sa faapea mai le Pulega, ona ua fai si na mamao ole tulaga ole Ofisa, o lea e tele lava ina sainia e le Sui ole pisinisi sa piki'ina le siaki le pepa totogi e faamaonia ai lea tulaga.
 - O loo iai pepa totogi e aunoa ma se faamaoniga – saina a le Sui ole Pulega, e pei ona ai'aia i taiala mo le faagasologa o pepa totogi. O lea faiga e ono afua mai ai ni faiga pi'opi'o ma e fautuaina lava le usita'ia o ia faiga faavae. Sa tali mai le Pulega e faapea ole a silasila iai le vaega e patino tonu ai le faagasologa o pepea totogi mo lea tulaga.
 - E le'i teuina lelei faila ma faamaumauga o pepa totogi ma sa tele se galuega a Su'etusi ile tau-faavasegaina. E fautuaina le Pulega ina ia failaina lelei nei faamaumauga i se faasologa e faafaigofie ona saili ma manino lelei ma ia aua ne'i toesea ni faamaumauga e aunoa ma se iloa. Ua faamauina e le Pulega lea mataupu mo le silasila mo le teuina malu o nei faamaumauga.
4. Sa maua eseesea o faamaumauga o tupe maua ile tusi lisiti aga'i ile pepa paleni o tupe maua mai lafoga ole malae vaalele. O lea tulaga na maua ai se faiga pi'opi'o sa tula'i mai ile Maota i Savaii, ma sa aafia ai le Sui Sinia, i faamaumauga e tusa ma le \$6,610 sa faamauina i pepa faapaleni ae ua na'o le \$2,060 sa faamauina i tusi lisiti. Sa tali mai le Pulega e faapea o lea mataupu sa lipotiina mai e le talitupe ma sa toe faaola uma ane lea seleni ina ua faamautinoaina ile lipoti o suega faapitoa sa faatinoina. Ua mae'a foi ona fofo le faafitauli ma ua teuina sa'o lava tupe maua mai Savaii i asa taitasi.
5. Mataupu laga mai pepa totogi mo le pakaga o taavale:
 - E leai se faamaumauga o tupe maua mai le pakaga o taavale e faapipii atu ile lisiti autu. Ua faamauina lea tualaga ma e le toe tupu.
 - Sa maua mai le faitauga tupe sa faatinoina ile faaiuga ole tausaga faa-le-tup 30 Iuni 2014 ia tupe pa'u. E sili atu le aofa'i ile faamaumauga a le masini o pakaga na'i lo le tupe sa faitauina, ma o lea stulaga sa tupu uma i masini e tolu sa iai. Sa tali mai le Pulega e faapea, o nei masini faatoa faaogaina ia me 2014 ma e iai lava nai itu e toe fia mataituina mo le faaleleia aemaise le toe polokalameina ole masini ina ia sa'o lelei ana lipoti ona e fai ma faaletonu pea mau ai tupe pepa.
 - Vaivaiga sa matauina i faiga faailoilo tutotonu a le Pulega e tatau ona mataituina:
 - e leai ni faamaumauga o tupe maua mai masini o pakaga o taavale mo aso taitasi;
 - O tupe maua ua masaesae pe ua faaleagaina, ua na'o le Faletupe Tutotonu e mafai ona suia ma faatoa faatino le tulaga ile lua poo le tolu aso talu ona mae'a le aso tonu sa aoina ai le seleni.

Sa faapeamai le Pulega, sa iai le manatu faatoa tatala le masini ta'i vaiaso ae le o aso taitasi, ona ole masini e mafai lava ona aoina ma teuina seleni mo le 3 vaiaso. Sa faapea mai foi, e le mafai ona faalisiti'ina se seleni e le'i mautinoa ona e le paleni ai ma teuga tupe ile faletupe, o le ala lea e faatali ai seiloga ua sui mai ia tupe masaesae. O nei foi tupe faaleagaina, e le'o mautinoa lelei foi pet alia e le Faletupe Tutotonu pe leai.

6. Sa matauina le pau ona teuina tupe maua ile faletupe i taimi faatulagaina, ma e faatupu lava tupe ile Talitupe seiloga e atoa le vaiaso. Sa tali mai le Pulega, o tupe maua ia mai le masini, o lo'o teuina ta'i vaiaso ona e fua lava ile tatalaina ole masini o pakaga, ae o tupe maua masani o lo'o teuina lava i aso ta'i tasi. U na ole Pule Lagolago ole Vaega o Tupe o lo'o iai ki ole masini ma o lo'o teuina malu pea nei seleni.
7. e le'o iai se saini e faamaonia ua mae'a ona siaki lelei faamaumauga o tupe maua i aso taitasi. Sa faapea mai le Pulega masalo ua pau ile vaega o tupe lea tulaga ae o loo faatino lava lea siaki ma sainia nei faamaumauga ina ia fetui ma le teusi lisiti ma le pela faapaleni.
8. e leai se faamaoniga sa faatinoina se siaki i pepa faa-paleni o tupe maua ma tupe faaalu. Sa tali mai le Pulega o le galueina o nei pepa faapaleni e faatinoina i kuata poo le afa tausaga foi, ma ua faamauina le fautuga ma le faafetai.
9. Sa matauina o loo teuina faamaumauga o le galueina o pepa faapaleni o tupe maua ma tupe alu mo le tolu masina ona faaleagaina lea ona o lo'o iai ni faamaumauga ua le ma'ua. Sa faasa'oina e le Pulega le tulaga o faamaumauga ua le ma'ua ae o lo'o malu pea le teuina o faamaumauga.
10. O loo iai siaki tupe ua leva ona tuua ma ua le toe aoga. O nei siaki tupe e tatau lava ona mata'itu lelei. Ua faamauina e le Pulega lea mataupu ma le faafetai.
11. E le'o talafetai faamaumauga o aitalafu e tatau ona aoina ma faamaumauga lautele o tusi a le Pulega, ma e le'o mafai ona faapaleniina. O lea tulaga e atagia ai le leai o se galuega ole faapaleniina o ia faamaumauga i se taimi lata mai ma e tatau lava ona silasila toto'a le Pulega ile eseesega e \$15,652.85 ma ia sa'o atoatoa lea mataupu. Sa faapea mai le Pulega ole mafuaaga o lea tulaga ona loo tuu ese lava faamaumauga lautele e patino tonu mo aitalafu o loo taua.
12. Sa maua o lo'o iai aitalafu aoina mai e le'o fetui paleni, e foliga mai ua tele atu le totogi ua aoina mai. E leai foi se faamaoniga o loo faatino le siaki ma le galueina o nei faamaumauga i se taimi lata mai ia aua nei tula'i mai lea tulaga ole ova totogi mai e tagata poo pisinisi a latou aitalafu aemaise pe a fai o loo totogi sao mai ele faletupe. O lea eseesega na mafua ma ii fesuaiga o tpe mai fafo ma e faaogaina pea e toesea mai nisi aitalafu ile lumana'i.
13. E iai le aitalafu totogi atu sa teena mai ele pisinisi le aofa'i, ma ua le tala fetui ai paleni e tatau ona iai faatusatusa i faamaumauga mai kamaupani sa faatau faaitalafu mai ai oloa poo galuega. O lea tulaga e atagia mai ai le leai ose o se galuega tu lata mai ile faapaleni'ina o faamaumauga o aitalafu totogi atu ina ia sa'o atoatoa. Sa tali mai le Pulega e faapea o faamaumauga a le Ofisa sa fua lava i pepa totogi ma pepa mo tau o oloa/galuega ma o lo'o malamalama foi ile eseesega. E tumau pea le manatu ole Pulega o loo sa'o atoatoa a latou faamaumauga.
14. O lo'o tele pea se aofa'i o aitalafu tuua e le'i aoina mai ma e tatau pea ile Pulega ona galuega mo le aoina o nei aitalafu. Ua faamauina e le Pulega ma le faafetai ia fautuaga.
15. E le'o sa'o atoatoa le galueina ole tului i luga o tupe teu faavaitaimi, o lo'o sili atu le paleni o iai na i lo le paleni e tatau ona iai.

16. O lo'o eseesea sa maua i faamaumauga o aseta ma faamaumauga o tupe faasili ma tupe pau mo aseta ua faaleaogaina faapea ma faaumaumauga faamatala o aseta. Ua mae'a ona faasa'o lea mataupu ma sa toe tuuina atu i suetusi lea faasa'oga.
17. Sa iai ni eseesea o lisi o aseta e faatusatusa ile faamaumauga lautele mo aseta lava. Sa tali mai le Pulega ua mae'a ona faasa'o lea tulaga ma sa toe tuuina tui suetusi le faasaoga. Ua faamauina foi fautuaga i le tulaga.
18. Sa le'i uia faiga faavae ma taiala ile faafaigaluegaina o se tasi ole aufaigaluega. Sa faapea mai le Pulega, o lea tagata sa pikiina lava e le Komiti Faatonu ona o lona tomai faapitoa ile faamaumauga o minute o foinotaga faapea le tuufaatasia o lipoti. E to'atolu lava le vaega ua gafa ma ia matafaoi, e toatasi le failautusi ale Alii Pule, o leisi toatasi mo failautusi ale Komiti faatonu ma leisi mo auaunaga lautele a le Ofisa a le Alii Pule.
19. Sa matauina e iai nisi ole aufaigaluega sa faamalolo ae ua toe faafaigaluegaina. Sa faapea mai le Pulega o lo'o sologa lelei ma mausali a latou faiga faavae ile faafaigaluegaina o ana tagata faigaluega ae ole faamaoniga lava a le Alii Pule e fua iai faaiuga fai. O le tagta faigaluega foi o loo tuuaia, e lei faamaonia lea tulaga ma olea sa toe faafaigaluegaina ai.
20. E fai lava si na tele o faasaoga i faamumauga lautele i tusi a le Pulega, ma na afua ai le tele o ni suiga ile lipoti faa-le-tupe. O nei faasaoga sa tatu lava ona faatino i masina taitasi ina faaititia ai lona aofai ile faaiuga ole tausaga. Sa faapea mai le Pulega ole tele o nei faasa'oga sa fua i luga o ni aofa'i taumatemate ma olea faatoa faasa'o i lona aofai tonu ile faaiuga ole tausaga.
21. E leai se faamaoniga sa maua i luga o faamaumauga o nei faasa'oga lautele i tusi a le Pulega mai se Sui Sinia, ina ia mautinoa o lo'o sa'o matonu nei faasa'oga. Sa faapea mai le Pulega o nei faasaoga sa faatino lava i luga o faatonuga mai le Pule Lagolago a le Vaega o tupe ma ua faamauina le fautuga mo le tusia lelei ma manino le faamataga o nei faasa'oga.
22. E ui ina tapena lava lipoti faa-le-tupe a le Pulega mo kuata taitasi, sa matauina e le'o faatinoina ai le tele o faasa'oga e tatau ona fai. O nei faasaoga sa tatu lava ona faatino i masina taitasi ina faaititia ai lona aofai ile faaiuga ole tausaga. Sa faapea mai le Pulega ole tele o nei faasa'oga sa fua i luga o ni aofa'i taumatemate ma olea faatoa faasa'o i lona aofai tonu ile faaiuga ole tausaga.
23. Sa matauina o lo'o mafuataga va-va-lalata ole aufaigaluega i totonu ole Pulega ma e tatau lava ona silasila totoa iai le Pulega ina ne'i tula'i mai ai ni amioga le fetai. E ui lava ina o loo iai aiaiga i tulafono ma faiga faavae mo faafaigaluegaina faatasi ai ole tama, tina ma lo sa alo, se ulugalii poo se uso foi ma se tuagane ma o lo'o manino foi ile lana taiala mo auaunaga a tagata faigaluega, o tagata o loo fasino ai le mataupu, faatoa nonofo faaulugalii mulimuli ane ina ua leva ona faigaluega faatasi.
24. O tupe maua mai lafoga ole malae vaalele o loo aoina e faletupe taitasi e faapaleni lava ile faaiuga ole aso ma teuina i totonu o faaputuga tupe a le Malae vaalelei i nei faletupe. Sa matauina o loo iai lafoga sa aoina e se tasi o Faletupe e aunoa ma ni faamumauga pe ua teuina i totonu ole faaputuga tupe a le Malae vaalele. Ua faamauina le mataupu ma ua galulue nei le Pulega ma le Faletupe ile soalaupule ina o lea mataupu.
25. Faatoa faatumuina lipoti ole VAGST mo le tausaga 2014 ia Ianuari 2015. Sa pea mai le Pulega o loo iai lava le tupe faasili mai ia lafoga ma sa logoina lava le Matagaluega o Tupe Maua mo le vaega ma sa mafai lava ona fetuutuuna'i mo le tuuina atu o ia faamaumauga i se taimi mulimuli ane.

4.25 Pulega o Malae Vaalele a Samoa Suesuega Faavaitaimi mo le piriota 1 Iulai 2014 – 31 Ianuari 2015

1. O le galuea'ina ma le faarisitina o tupe maua mai vaalele e tu-laeleele i le malae vaalele e tataua ona siakiina lelei ma sainia e le Ta'ita'i (Team Leader) ia mautinoa lona sa'o atoatoa. E leai se faamaoniaga sa ma'ua i faamaumaga ile faatinoina o lea tulaga. Sa faamauina e le Pulega lea mataupu mo le aga'i i luma. Sa faatautaia se aoaoga mo le afaigaluega o loo nafa ma lea tulaga ia Aokuso 2016 ina ia mautinoa ua malamalama atoa i le galueaina o nei seleni mo le atoatoa ma le sao o faamaumaga.
2. O lo'o lisi atu i lalo nisi o tupe maua mai vaalele na tu-laeleele i le malae vaalele na sēsē lona galuea'ina:

Aso	Pepa mo tupe totogi o Auaunaga (invoice) #	Tupe na faarisiti	Aofa'i na galuea'ina e Su'etusi	Eseesega
06/08/2014	18542	\$878.30	\$1,607.13	\$728.83
3 1/0 8/14	18544	\$1,376.00	\$4,398.75	-\$3,022.75

Ua faamauina ele Pulega le mataupu ua lāgā ma ua mae'a faatino foi polokalame faa-le aoaoga ia silafia lelei e le afaigaluega e nafa ma ia matafaioi le galuea'ina o ia tupe maua.

3. E le'o iai ni lipoti mai masini mo pakaga o taavale e faapipi'i atu i le lisi o tupe maua sa faarisitiina i aso ta'itasi. O nei lipoti mai masini mo pakaga o taavale e taua tele ona e faamaonia ai le aofa'iga o tupe maua sa aoina. U faamauina e le Pulega lea mataupu ina ia faatinoina.
4. Na maua ni ese'esega o faamaumaga o tupe maua mai i le masini o pakaga o tavaale ma le Ao risiti i le faitoto'a i luma o le malae vaalele. O lea tulaga sa faapea mai na mafua i se faletonu i le masini o pakaga o taavale ma o lo'o taumafai pea le Pulega e mata'itū le mafuaga tonu o lea faaletonu. Sa auai foi le Vaega Su'etusi-faa-i-lotofale a le Pulega e faamaonia le tatalaina o masini o pakaga o taavale e faamautinoa ai tupe ua faaleagaina (masaesae) pe afai e iai.
5. Sa matauina le faatupeina o le fiafia a le afaigaluega a le Pulega i le faaiuga o le tausaga, e aofia ai ma le faatauina o meaai, ava malosi ma le faili, mai i le paketi a le Pulega. E ui lava sa faamaonia e le Komiti Faatonu nei fuafuaga, o le atugaluga lava ona o nei seleni sa faaagaagaina mo nisi o galuega faataatitia a le Pulega ae o lenei ua faaoga faa-le-tatau i fiafia faa-le-ofisa. O nei faiga ua le o gatasi foi ma faiga faavae a le malo e tusa ma le FK 08 Faapitoa (06), FK (92)50 ma Faalauiloa a le Kapineta i le Aso 27 Novema 2009 o lo'o tapu ai le faatupeina o nei ituaiga polokalame i seleni a le Malo. Sa tali mai le Pulega e faapea na faamaonia e le Komiti Faatonu le faamoemoe ona e malolo litaea ai ma ni sui o le afaigaluega ua autausaga le latou tautua. O le talitonuga o le SAA, o le Komiti Faatonu lava e nafa ma le faiga o faaiuga mo le Pulega.
6. Sa faamauina le foa'i atu e le Pulega le \$1,000 mo se tasi ocle afaigaluega sa faaleagaina lona maota i se malaia. Sa faamauina foi ia foa'i faapea mo le afaigaluega e fesoasoani ai mo a latou aiga ina ua mae'a le Afa o Eveni. O nei faamanuiaga mo le afaigaluega sa faatinoina lava i le pule faitalia a le Alii Pule ma o lea faiga ua le o gatasi ma faifa faavae a le Malo i tulaga faapea. O le agaga lava o le Pulega ma le Komiti Faatonu o le fia fesoasoani atu i mafatiaga a le afaigaluega ma lalagolago atu iai i taimi o puapuagā. Ua faamauina e le Pulega lea mataupu mo le toe iloiloaina o ta'iala ma faiga faavae i le faatinoina o galuega a le ofisa. Ua iai nei i totonu o faiga faavae a le Pulega lea mataupu i le maea ai o lana iloiloaga.
7. Sa ma'ua se meaalofoa i le maliu o se tuaā a se tasi ole Komiti Faatonu ia Tesema 2014. O lenei faamanuiaga ua le o gatasi ma faiga faavae a le Malo o lo'o tapu ai le faatupeina o nei ituaiga polokalame i seleni a le Malo. Ua

faamauina e Pulega le mataupu lea mo le aga'i i luma ma ua iai nei i totonu o faiga faavae a le Pulega lenei mataupu i le maea ai o le iloiloiga.

8. Sa matauina o lo'o faatagaina le tu'uina atu o meaalofo i maliu o le aufaigaluega i Ta'iala ma faiga faavae a le Pulega, ua le o gatasi ai ma faiga faavae a le Malo e tusa ma le FK 13(06). Ua faamauina e le Pulega lea mataupu mo le iloiloiga.
9. Sa matauina o lo'o vave totogi tupe mo le Komiti Faatonu ae le'i o'o i le vaitaimi e tatau ona totogi ai. Ua faamauina e le Pulega lea mataupu.
10. Sa maua pepa totogi (payment vouchers) e aunoa ma se faailoilo (stamp) a le Vaega Su'etusi Faalotoifale, e faamaonia ai ua mae'a ona siaki lelei uma nei faamaumauga. Sa faapea le Vaega Su'etusi Faalotoifale, e iai taimi e faanatinati ai le faagasologa o pepa totogi ua mafua ai ona misi ae o isi taimi, e le maua atu se tasi o le latou vaega i le Ofisa. Ua faamauina e le Pulega lea mataupu mo le aga'i i luma.
11. O le resitala o aseta na gata mai i le 30 IUni 2014 ma e le'i faatulagaina i se tulaga lata mai. O aseta fou ma isi faapoopoga e le'i tu'ufa'atasia i totonu o le resitala o aseta. E le'i faanumeraina foi ia aseta fou ma sa faamaonia e le Tausi-tusi Sinia na asia ma siaki'ina nei aseta. Ua faamauina le mataupu e le Pulega mo le toe faaleleia i le lumana'i.
12. Sa matauina le le saina/faamauina lelei o taimi faigaluega a le aufaigaluega i le api saina i aso ta'itasi. O lea tulaga ua atagia ai le faaletonu o le mata'ituina o taimi faigaluega aemaise e feso'ota'i lava ma faamaumauga o aso malolo faa-le-tausaga faapea ma totogi. Ua silasila nei iai le Vaega o Auaunaga a le Pulega i lea mataupu ina ia tausia ma faiga faavae uma e ala ile faamaumauina o taimi faigaluega a le aufaigaluega.
13. Sa matauina foi se tulaga faaletonu i le mata'ituina o ovataimi a le aufaigaluega, e aofia ai le lea o se faamaoniaga mai le Alii Pule ma ua si'isi'i ane lava i luga le aofa'i o le tupe faaalu i lea tulaga. Ua faamauina e le Pulega lea mataupu ma ua faapea mai ua le toe iai ni ovataimi e totogiina ae ua faaoga itula ovataimi e avea ma time-off.
14. Sa matauina le tu'uina atu o ni aso malolo faapitoa mo se tasi ole aufaigaluega e auai atu ai i le fa'agatama o le volipolo i le lotoifale lava o le atunuu. E ui ina lagolago lava e le Pulega le auai atu o sui o le aufaigaluega i faamalositino faapea, ae o lea faiga ua le o gatasi ma faiga faavae mo aso malolo faapitoa mo le aufaigaluega a le Malo ona e a'afia ai le faatinoga ma le faagalosologa o galuega.
15. Sa maua le faaletonu i le faamaopoopoina o faamaumauga o tagata faigaluega (staff personal files) i le le maua uma o faamaumauga e tatau ona iai, e pei o tusi talosaga mo galuega, tulaga faigaluega ma le totogi faa-le-tausaga ma ni suiga ua iai, i se tulaga lata mai. Ua faamauina e le Pulega lea mataupu.
16. O lo'o iai le alauni e totogi atu i le Talitupe (Cashier – Risk Allowance) e \$500 i le tausaga e faapoopo atu i lona totogi masani ae e le'o atagia mai i faiga faavae mo faamauniaga mo lea avanoa i totonu o le Ta'iala o galuega a le Pulega. Ua faamauina e le Pulega lea mataupu ma ua iai nei lea mataupu i le tusi ta'iala o galuega a le Pulega.
17. E le'i tu'ufa'atasia lava se ta'iala mo le fuafuaina ma le faagasologa o galuega faa-tekonolosi a le Pulega. O lea ta'iala e faamanino mai ai foi manulauti i le faaogaina e le Pulega o tekonolosi fa'aoneionapō auā le faaleleia o lana auaunaga. Ua iai nei le ta'ala i totonu o Fuafuaga Alualu Mamao a le Pulega mo le 2017-2020.
18. Sa matauina na o le to'atasi le tagata faigaluega mo le Vaega o Tekonolosi a le Pulega e faatinoina uma galuega. Sa tali mai le Pulega o lea ua toatolu le aufaigaluega a le Vaega lea.

19. Sa māua e le'i faamaonia e le Alii Pule ma le Pulega ia faiga faavae mo galuega faatekonolosi a le Pulega. Ua faamauina lea mataupu ma o le a tuufatasia i le ta'iala o lo'o tapenaina mo galuega tau tekonolosi.
20. Sa māua e le'o suia upu-faa-lilolilo (passwords) i taimi faatulagaina e le aufaigaluega o loo faaogaina komipiuta. Ua faamauina lea mataupu mo le faaleleia ile lumana'i. O lea ua faaauau o le sui o upu faalilolio ua iai i totonu o taiala a le Pulega.
21. E le'o iai se resitala mo aseta faatekonolosi a le Pulega. E taua tele lea tulaga aua le mata'itūina o masini atoa ai ma o lo'o faaogaina, ma lelei atoatoa i taimi uma. Sa faamauina le matupu mo le faaleleia i le lumana'i.

4.26 Pulega o Tinei Mu ma Faalavelave Faafuase'i mo le tausaga faaletupe na faai'uina 30 Iuni 2013.

1. E le'o iai se faamaumauga e faamautinoa ai sa faatino e se Sui Ofisa Sinia le siakiina o teuga tupe i aso ta'i tasi. Ua nafa nei le Ofisa sinia tausii tusi ma lea matafaioi.
2. Sa maua foi le tuai ona faatino le teuga o tupe maua i le faletupe i aso ta'i tasi. Ua faamauina e le Pulega lea mataupu.
3. Sa matauaina le lē sa'o atoatoa o le galueaina o le 30% o aso ma'i o le aufaigaluega i le faaiuga o le tausaga. Ua faamauina le fautuaga e le Pulega ma o le a silasila toto'a iai mo le lumana'i.
4. O loo atagia mai i faamaumauga o le faapaleni'ina o aitalafu mo tausaga faaletupe 2010/2011, 2011/2012 ma le 2012/2013, e le'o iai se suiga tele i paleni o aitalafu ta'itasi ma ua atagia ai le vaivai ole faamanatu ma le tulituliloaina o le aoina o nei aitalafu tuua. Ua fuafua le Pulega e tuuina atu ni tusi i e o loo nofo aitalafu mo le totogiina mai o nei seleni ma ia soalaupule lea mataupu ae le'i oo i le leisi suega o tusi.
5. O lo'o nofo aitalafu pea le Pulega i nisi o Kamupani ma pisinisi, ma na maua o nei aitalafu sa faamauina mai i le 2009,2010 ma le 2011. Ua galue nei le Pulega i le faamautinoaina o nei aitalafu mo le totogiina.
6. Sa matauina le tapenaina ma siakiina e le Tausi Tusi Autu le galueaina o le totogi a le aufaigaluega faapea le tuu faatasia o pepa totogi ona tuuina atu lea ile Komesina mo le faamaoniaina. O ia tiute sa tatau ona faatino eseese ina ia mautinoa lona sa'o ma le faamaoni atoatoa.
7. E la'ititi se taimi e tāpenaina ai le lisi o totogi e le vaega o lo'o nafa ma le fa'amaumauga o totogi. O isi taimi e tuai ona taunu'u mai api saini mai le Ofisa i Faleata ma fa'amaumauga o taimi faigaluega mai i Ofisa o lo'o i Salelologa ma Asau. O le Tausitusi Autu e masani lava ona ia fa'atinoa ma taumafai ia ausia le taimi fa'atulagaina mo le tu'uina atu o siaki tupe i faletupe i taimi faatulagaina.
8. Mataupu e uiga i Aso malolo faa-le-tausaga mo le aufaigaluega:
 - Sa maua e iai aso malolo sa totogi atu i le aufaigaluega e aunoa ma se faamuamauga i pepa livi. Ua faamauina lea mataupu e le Pulega ma ua galulue nei i le faapaleniina o faamaumauga i vaiaso totogi taitasi;
 - O aso malolo faa-le-tausaga sa faamauina le faamaoniaina ma totogi atu i pepa livi e le'o tutusa ma faamaumauga i pepa totogi. Ua faamauina lea mataupu e le Pulega ma o le a silasila toto'a iai ia aua nei toe tula'i mai;
 - Sa le ma'ua faamaumauga o talosaga mo le faaagaina o aso malolo faa-le-tausaga aua le faamautinoaina ole usitaia o le faagasologa o ia mataupu. Ua galulue nei le vaega patino tonu iai lea matafaioi ina ia aua ne'i toe tulai mai lea mataupu.
9. E le'o lelei le fa'amaopoopoina o faila patino i tagata faigaluega ia aofia ai fa'amatalaga talafeagai e tu'uina mai ai tala'aga 'oto'oto po'o se tala fa'asolopito i luga o tagata faigaluega. Ua mata'ituina ma le toto'a ia faamaumauga mo le mautinoa ai o pepa o fa'amatalaga aloa'ia e fa'asino i le 'au faigaluega, o le a tu'uina i totonu mo le lumana'i.
10. O le fa'amaumauga o totogi i P6 ma P6A e le'i tu'uina atu i le Matagaluega o Tupe Maua. P6 ma P6A e fa'atoa fai e tusa ma tausaga fa'alē kalena. Ona o lea mataupu o lo'o fa'asino i tausaga fa'alē tupe ua tuana'i, e pei ona lipotia i le nei tausaga fa'alē tupe, o le a tu'uina atu P6 ma P6A pe a mae'a le masina o Tesema 2013. O lea tulaga o le a fa'atinoina i tausaga ta'itasi o lo'o mulimuli mai.
11. Sa leai se tu'umavaevaeina o tupe totogi e iloa ai le ese'esega o totogi a le aufaigaluega mai tupe totogi mo alauni mo tiute maualuluga, fa'aiuga o feagaiga fa'a-togipau ma isi. Ua tali le Pulega o le a fa'atinoina lenei fautuaga e pei ona fa'atalosagaina.

12. E le'i inisiuaina nisi o ta'avale e pei ona atagia mai i le resitala o meatotino. Sa faapea mai le Pulega sa fai se fa'atalatalanoaga ma le Pulega o Ta'avale afi ma Felauaiga i le Laueleele i le resitalaina o ta'avale lapopoa e pei ona fesiligaina. O nei ta'avale e lei resitalaina ona o lo'o talia se fa'aiuga o lea fa'atalatalanoaga ma o le tulaga foi lea ua ala ai ona le inisiuaina ai.
13. O le tau aofai mo le toe fa'aleleia o le fale o lo'o i Asau e tusa lea ma le \$73,350 ma sa fa'atupeina e le Poloketi Galuega tau Atinae NAPA 4 ma sa fa'agaioia e le Pulega e aunoa ma le usitaia o faiga fa'atulagaina masani ma faiga mo le fa'agasologa o tauofoga. Matauina e Suetusi o tupe totogi tai tasi sa faia i totonu o le vaega fa'atapula'a e mo'omia ai ona fa'amaonia e le Ofisa Sili o le Pulega. O le a sailia le fa'amaoniga mai pulega talafeagai mo feagaiga ma galuega tau atinae i le lumanai.
14. Sa leai ni lafoga o oloa ma auaunaga na tuuina atu i le Matagaluega o Tupe Maua mo le tausaga fa'ale tupe 2013. O lafoga uma mo oloa ma auaunaga mo le tausaga fa'ale tupe 2013 ua maea ona totogi ina i le Matagaluega o Tupe Maua
15. Sa le usita'ia le vaega 7 o Tulafono La'ititi o Amio Pulea e fa'asino i se 'aiā fete'ena'i. O le a toe talanoaina e le Pulega ma le Komiti Faatonu ina ia faamanino le mea o lo'o faavasegaina e pei o aiā fete'ena'i ma fesoasoani ia aloese mai i lenei ituaiga o tulaga i le lumanai.
16. Sa leai se fa'amaumauga o taiala e lima taitaiina ai le fa'atinoga o galuega fa'atausitusi e fa'amausali ai le iai o faiga fa'avae ma le fa'agasologa o galuega fai fa'alotoifale e mulimulitai iai le fa'atinoga o galuega a le vaega o tupe, ma fesoasoani i suetusi e fa'ailoa vaivaiga o vaega e ao ona mo'omia le fa'aleleia. O lea ua i totonu o galuega fa'agasolo o se tasi o pepa tusitusia ua tataua ona saunia i se taimi vave ina ia fesoasoani ai i le Pulega i le faamauina o tupe mo ana auaunaga.

4.27 Pulega o Tinei Mu ma Faalavelave Faafuase'i Sueusega Faafuasei mo le piriota 1 Iulai 2013 – 31 Ianuari 2014

1. E le'o iai ni faiga fa'avae mo vaega tupe mo mea laiti, e lima ta'ita'ina ai ma puipuia le faaaogaina o lea vaega tupe. Sa tali mai le Pulega e faapea o lea ua tapena lea vaega mo le faamaoniaina.
2. O pepa totogi mo mea laiti na lolomi'ina e aunoa ma ni numera. O le faiga o lo'o iai nei, o lo'o faanumera lava e le Tausitusi Autu le pepa totogi pe a faatino le siaki'ina ma le faapaleni'ina o ia faamaumauga. O lenei faatinoga e atagia ai le vaivai o le mata'ituina o ia vaega tupe aemaise ai le maioio lelei o le faavasegaina o tupe faa-alu. Ua iloiloina lea mataupu i le tapenaina ai o ana faiga faavae.
3. O le aotelega o pepa totogi mo mea laiti sa tu'uina mai, e le'o fa'ailoa mai ai po'o le a le vaega o tupe fa'aalu sa fa'amauiaina iai. Na ta'ua e le Sui Komesina, o lea tulaga e mafua mai i le 'uti'uti o le aufaigaluega ma e tēlē se taimi e alu ai. O le leai o se aotelega e fa'ailoa mai ai le tu'u mavaevaeina o tupe fa'aalu, fa'apea ai ma fa'ailoga aloaia, e ono tula'i mai ai le tuai ona fa'amaumauina, ma o le a faigāta ai ona toe sā'ilia, po'o ia tupe fa'aalu ua fa'amaumauina i totonu o lipoti autu o fa'amatalaga o tupe. Ua faapea mai le SFESA o faiga fa'avae mo pepa totogi mo mea laiti ua tapenaina.
4. O lo'o iai pepa totogi mo mea laiti e lē o iai ni risiti po'o pepa aloaia e fa'amaonia ai tupe sa fa'aaluina. O lea tulaga ua atagia mai ai le vaivai o puipuiga fa'aloto-i-fale e mata'ituina ai, ma faiga fa'avae o lo'o iai. O tupe uma sa fa'aaluina, sa tatau ona lagolagoina e risiti e fa'amaonia uma ai gaioiga fa'apisinisi. O faiga fa'avae mo pepa totogi mo mea laiti ua tapenaina.
5. Tusi e fa'atoai ai tupe teu e le'i resitalaina. E le'o fa'anumeraina tusi risiti e fa'afaigofie ai ona saili le fa'agasologa o risiti o lo'o i totonu o tusi risiti ta'i tasi. Fa'amauiaina e le Pulega le fautuga.
6. Sa maua tulaga o le tuai ona teuina o tupe i faletupe. O le mafua'aga tonu na ala ai ona tuai le teuina o tupe i faletupe i vaitaimi ua te'a, ona o le utituti o le au faigaluega a le Vaega o Tupe, aemaise lava i vaiaso totogi ona e fa'amuumua le siakiina o totogi a le aufaigaluega, ma ia mautinoa le o'o o siaki tupe i faletupe i taimi fa'atulagaina. O le teuina o tupe i faletupe e le'o se tulaga e fa'atino i aso ta'i tasi ona o le utiuti o le Vaega o Tupe, e pei ona fesoasoani iai le Vaega o Punaoa tau i Tagata Faigaluega ona o le taumafaiga lava ina ia fa'atino uma tulaga mo'omia.
7. E le'o tutusa aso o siaki e pei ona fa'amaumauina ma aso o lo'o i luga o tusi siaki. Sa matauina le lē sa'o o aofaiga o lo'o fa'amaumauina ma le fa'apaleni'ina o tupe o lo'o i le fale tupe mo masina o Aukuso 2013 ma Ianuari 2014. O le fa'apaleni'ina o tupe o lo'o i le faletupe pei sa suia ona o suiga sa faia i fa'amaumauga. O so'o se suiga e fa'atino i luga o fa'amaumauga, e otometi lava ona lē toe feso'ota'i ma le fa'apaleniina o tupe sa faia muamua, o lea tulaga o le a alia'e mai ai se 'ese'esega i fa'amatalaga o le fa'apaleniina o tupe o lo'o i le faletupe, pe a toe lolomiina mai i fa'amaumauga.
8. O le lipoti o fa'amatalaga tau i aitalafu tu'ua e le'i totogiina mai e pei ona fa'amaumauina, e lē o mafai ona su'eina i pepa e lagolagoina ia fa'amaumauga. O paleni o lo'o i totonu o fa'amatalaga tau i aitalafu tu'ua, e le'i totogiina mai e fa'asino lea i tausaga ua tuana'i, sa tagofia i le sueina o tusi fa'aletausaga ua tuana'i atu. O le tele o nei aitalafu sa tusi esea i totonu o le lipoti fa'ale tausaga 2014, ma sa fa'avae i luga o fa'amaoniga mai le maliega a le Komiti Fa'atonu. I le taimi nei ua fa'atinoina le tusi fa'atonutonu mo aitalafu tu'ua e le'i totogiina mai, ma o le a fa'apaleniina i fa'aiuga o masina ta'itasi. Pepa o tau o auaunaga sa fa'atinoina atu, o le a tuliloaina fa'avaitaimi ina ia toe maua mai tupe a le Pulega.
9. Sa matou fetaia'i ma mataupu nei i nisi o tupe totogi: Leai ni poloaiga o fa'atauga ma pepa o tau o oloa mo nisi o oloa ma auaunaga na mauaina, leai se pepa talosaga na fa'atumuina ma o nisi e le'o fa'amaoniaina e le Sui Komesina pe a talosagaina oloa ma auaunaga; Leai se risiti mai i ē sa auina mai ai oloa e fa'amaonia

ai tupe sa totogi mo oloa ma auaunaga na mauaina e le Pulega; Ese'esega i le aofaiga o tau o oloa ma le aofaiga o tupe totogi; lē sa'o fa'ailoga aloaia na fa'aaoga mo le fa'amaumuina ona o le 'ese'ese o le natura o tulaga na totogi ma le vaega o fa'amaumauga ua tu'u ina iai, Saini fa'amaoniga e lē masani iai. Ua fa'amaumuina e le Pulega nei mataupu.

10. O le lipoti o fa'amatalaga tau i aitalafu tu'ua e le'i totogiina atu e pei ona fa'amaumuina, e le'o mafai ona toe su'e i pepa e lagolagoina ai ia fa'amaumauga. O paleni o lo'o i totonu o fa'amaumauga tau i aitalafu tu'ua e le'i totogiina atu, ua tusi esea e tusa ai ma fa'amaoniga mai le Komiti Fa'atonu, ma sa fa'avae i luga o fa'amaoniga mai i e o lo'o mauaina mai ai oloa ma auaunaga, e le'o nofo aitalafu le Pulega ia i latou i le aso 30 Iuni 2014. E na'o aitalafu tuai o lo'o tālia tusi o fa'amaoniga mai i e sa auina mai ai oloa ma auaunaga, ae le'i faia nisi gaioiga. O nei aitalafu e tataua ona manino i totonu o lipoti o fa'amatalaga tau tupe fa'aiuina i le aso 30 Iuni 2015.
11. E iai taavale sa utuina a latou penisini/tiso e aunoa ma se tapaina o se faamaoniga. Sa matauina foi e le'o manino le saini a le ave taavale i luga o le pepa aemaise o le lē faatumuina uma o faamaumauga e mana'omia mo lea pepa mo le utuina o se taavale a le Malo. Sa tali mai le Pulega e faapea, e masani lava ona muamua tapena pepa e faaogaina mo le isi aso. Ua faamaumuina le fautuaga mo le agai i luma.
12. Na talosagaina e su'etusi se lisi o meatotino/aseta i le taimi na fa'atinoina ai le latou su'esu'ega, ae e le'i mafai ona tu'uina mai e le Pulega. Sa tali mai le Pulega o loo ua tuu lata mai faamatalaga mo le resitala o aseta ma o loo avanoa mo nisi suesuega.
13. Sa maua le faaletonu i le vaaiga o api saini, talosaga mo aso malolo faapea ma faamaumauga o aso malolo (pepa livi). Sa maua foi nisi o le aufaigaluega e le'i usita'ia le sainia lea o le api saini i aso ta'itasi atoa ai ma le faamaumuina o aso malolo sa faaogaina i lea api. Ua faamaumuina lea mataupu mo le toe silasila iai o le Pulega aemaise le toe faaopoopo o le aufaigaluega e faatinoina ia tiute.
14. I le taimi nei, o lo'o fa'afoe galuega a le Pulega e aunoa ma ni faiga fa'avae e fa'atatau i le vaega o Puna'oa tau i Tagata Faigaluega. Ua fa'amaumuina e le Pulega ma ua galulue iai i le taimi nei mo se tusi ta'iala mo le Vaega o Puna'oa tau i Tagata Faigaluega.

4.28 Pulega o Tinei Mū ma Faalavelave Faafuase'i mo le tausaga faaletupe na faaiuina i le 30 Iuni 2014.

1. Ua faaitiitia le tau aofa'i o taavale a le Pulega i le \$481,626 ae sa matauina o le tau aofa'i o lo'o fua iai le inisiua e \$2,105,000. Ua faamauina e le Pulega lea mataupu mo le toe iloiloina.
2. E le'o inisiuaina meatotino a le Pulega, se'i vagana ai ta'avale afi. Ua fa'amauina e le Pulega le fautuaga.
3. Sa matauina lē leai o ni fa'amaoniga, ma e le'o resitalaina ta'itasi foi fa'amatalaga tau tupe mo le tausaga atoa. Fa'amauina le fautuaga, mo le fa'amaumuina lelei o mea ta'itasi o fa'amatalaga tau tupe. O fa'amaumauga ta'itasi o fa'amatalaga tau tupe, e mo'omia mo le faamaninoina o fa'amatalaga o tupe alu ma le toe faavasegaina ina ia sa'o atoatoa le tausaga o tusi.
4. E tusa ai ma le vaega 33 o le Tulafono a le Ofisa Su'etusi 2013, "O Pulega e tatau ona tu'uina atu, i le Su'etusi Sili le ata o lipoti o tala o tupe autu fa'alē tausaga, mo le na tausaga i totonu o le 60 aso, amata mai le fa'aiuga o tausaga fa'alē tupe ta'itasi. Sa faamauina foi e le Su'etusi Sili i lana tusi o le aso 13 Me 2014, o lo'o fa'ailoa ai "o Fa'alapotopotoga a le Malo, e mo'omia ona tu'uina mai, i le Su'etusi Sili, o lipoti autu o fa'amatalaga o tupe mo su'esu'ega, ae le'i aulia le 31 Aukuso o tausaga faalētupe ta'itasi". Ae peita'i, na tu'uina mai e le Pulega le latou lipoti autu o fa'amatalaga o tupe i le aso 12 Setema 2014, o lea ua sōlia le tulafono a le Ofisa Su'etusi 2013. Na fa'amauina e le Pulega le mataupu ma o le a va'ava'ai fo'i iai mo le fa'aleleia mo le tausaga fa'alētupe 2015 ma isi o tausaga o lo'o mulimuli mai.
5. I lalo o Aiaiga ma Tu'utu'uga o galuega 2012, vaega 3, o Aiaiga o galuega, vaega 2, 13 (b), "afai e toesea se au faigaluega mai le fa'atinoga o galuega e aunoa ma se talosaga po'o se faamaoniga, o le a fa'amatu'ueseina totogi ma alauni mo le piriota o toesea ai, o le a fa'aaogaina". Peita'i, sa matauina e su'etusi le totogiina o alauni mo suiga, ae o lo'o faigaluega e aunoa ma se totogi', ua le tusa ai ma faiga fa'avae e pei ona fa'ailoa ina i lalo o Aiaiga ma Tu'utu'uga o galuega 2012. Sa fa'amauina e le Pulega le mataupu ma ua toesea le pasene o alauni uma, ma sa fuafuaina i luga o aso po'o itula o galuega sa faatino e aunoa ma se totogi.
6. Sa matauina o loo faatinoina e le Pulega le tuuese a totogi mo aitalafu ma isi mataupu faapea mo le aufaigaluega, e ese mai le tuueseina o saofaga o le NPF ma le ACC. O lea faiga ua le ō gatusa ma aiaiga o le tulafono o So'otaga Valelei o Leipa ma Galuega 2013. Sa tali mai le Pulega ua mae'a ona logoina le aufaigaluega mo lea mataupu ma ua faasolosolo atu nei i le faatinoina o galuega ina ia usitaia ai aiaiga ole tulafono ua taua.
7. O aiaiga ma tu'utu'uga a le Pulega 2012 e fete'ena'i ma le tulafono o So'otaga Valelei o Leipa ma Galuega 2013. Ua fa'amauina le mataupu mo le toe iloiloina o aiaiga ma tu'utu'u ua fa'atino ina.

4.29 Faalapotopotoga o Fale a Samoa mo le tausaga faaletupe na faaiuina i le Aso 30 Iuni 2014

1. E iai nonogatupe sa matauina le sili atu o le aofa'iga faamatu'uina i tua e faatusatusa i le aofa'i sa faamaoniaina. E le'i faaopoopoina foi i lea aofa'i le totogi a le Faalapotopotoga mo le faagaioi'ina o le talosaga. Sa fautuaina le Faalapotopotoga e tatau lava ona totogi muamua le seleni mo le talosaga ae le'i faamaonia'ina poo le toesea o lea aofa'i mai le nonogatupe pe a faamatu'u i tua le seleni o le talosaga. Na tali mai le Faalapotopotoga e faapea, o faiga lava lea na iai muamua, o le toesea lea o aofa'i mai le nonogatupe se'i vagana ai talosaga faapitoa mo le polokalame toe faaola mo le Afa o Eveni, lea sa faamatu'atoa ai i tua le seleni ole nonogatupe sa faamaoniaina, ae faaopoopo i le paleni le totogi o le faagaioi'ina o le talosaga.
2. E leai se potu faapitoa e faaogaina mo le teuina o faila ma faamaumauga a le Ofisa ona ole utiuti o le avanoa i totonu o le fale. O lo'o iai lava faila ma faamaumauga i luga o kesi a le aufaigaluega ma o kapeneta e le lokaina pea tapunia le Ofisa.
3. E leai se faamaumauga mo le mata'ituina o nonogatupe mo fanua lea e tatau ona totogi muamua le 30% o lona tau aofa'i.
4. E leai se faila mo faamaumauga o faaiuga fai a le Komiti Faatonu mo aitalafu e tusi esea. O lea faiga e ono aafia ai ma aitalafu ua faamagaloina e aunoa ma se faamaoniga mai le Komiti Faatonu. Fautuaina le faamauina o faaiuga a le Komiti Faatonu i faamatalaga o fetu'unaiga o faamatalaga tau tupe aemaise pe afai o loo aafia ai le tusi esea o aitalafu.
5. E leai se taiala ma ni faiga faavae e lima ta'ita'ia ai galuega mole vaega fale mau totogi a le Faalapotopotoga. Sa tali le Faalapotopotoga o loo ua amata fausia leni taiala ina ia tuuina i totonu o ana Fuafuaga Alualu Mamao mo le tausaga 2015-2017.
6. O le aofa'iga o le tau faatatau o nisi o fale mau totogi a le Faalapotopotoga ua sili atu nai lo'o tau faatatau i le maketi e fua i tulaga o fale o loo iai. E fautuaina le faafesoota'i o se Fua Fanua mo le faasa'oina o ia faamaumauga. E lagolago e le Faalapotopotoga le mataupu ma ua faamauina le fautuaga.
7. E leai ni faamatalaga mo fetuunaiga o faamatalaga tau tupe e faamaonia ai mafuaaga o nei fetuunaiga. E tatau lava ona iai nei faamatalaga ina ia manino le mafuaaga o le fetuunaiga aemaise o le sa faatinoina ma faamaonia nei suiga. E tatau foi ona iai lava le saina a sui ofisa sinia sa siaki'ina lea vaega mo le silafia e le Sui ole Pulega mo le vaega o Tupe.
8. E le'i sao atoatoa le faapaleni'ina o tupe teu i le Faletupe ma e le'i faatinoina lea galuega i taimi faatulagaina. O le le sa'o o faamaumauga ma le le faatinoina i taimi faatulagaina, e ono mafai ona afua mai ai ni faiga pi'opi'o faapea ai foi ona sese faamaumauga e aunoa ma se silafia. E fautuaina pea le faatinoina o le faapaleni'ina o nei faamaumauga ina ia sa'o atoatoa na'i loo le faalagolago tasi i luga o le polokalame tasi tusi ole MYOB mo lea tulaga.
9. Sa matauina le faamauina faalua o isi faamatalaga tau tupe. O pepa totogi e tatau ona faamauina i le taimi e tasi ma e fautuaina le faailoga lelei o nei pepa totogi "posted" ina ia manino lea tulaga.
10. O meaalofo mo le kerisimasi, e \$5,000 mo le Minisita faapea le ta'i \$4,000 mo Faatonu sa matauina ua fai si na tētēlē ma ua lē atagia ai pulega lelei ma le mafai ona tali atu, aemaise le ono aafia o a latou tulaga e ala i faaiuga fai mo le Faalapotopotoga. O nei faamanuiaga sa tatau ona tapa pea se faamaoniaga mai le Kapeneta. Sa tali mai le Faalapotopotoga, o nei faiga meaalofo o se aga ua leva ona faatinoina e le Pulega e momoli ai la latou faafetai mo le vaitaimi o aso fiafia mo le Kerisimasi. Ua faamauina le fautuaga.

4.30 Pulega o Tupe Faa-va-o-malo a Samoa mo le tausaga faaletupe na faaiuina 30 Iuni 2014

1. E leai ni faamatalaga manino o tiute ma matafaioi a le afaigaluega na maua ia latou faamaumauga faa-le galuega. E fautuaina le faamaumauina lelei o ia faamatalaga e fai ma ta'iala e lima taita'ia ai le tagata faigaluega aemaise le malamalama lelei i ona tiute ma matafaioi e tatau ona faatinoina. Ua faatinoina le tuu i totonu o faila patino a le afaigaluega o lisi o a latou tiute ma matafaioi.
2. E le'o faamauina le sa faatinoina le galueaina o le faapaleni'ina o teuga tupe i le faletupe faapea ma aso sa faatino ai lea galuega. E tatau ona faamautinoa lelei e le sa faatinoina le galuega faapea ma le sa siakiina o le galuega, ina ia mautinoa lelei ua iai nei faamaumauga. O loo ua faataitai nei le polokalame faatausi tusi a le Pulega ina ia faaleleia ai ma foia mataupu na laga e le suetusi e uiga i le tausiga o tusi a le Pulega.
3. E leai ni faga faavae a le Pulega e faailoa mai ai taimi e tatau ona faatinoina ai se faiga faaleoleo mo faamaumauga a le Pulega. E tatau ona atagia mai ai le tulaga e tatau ona teu malu ai nei faamaumauga faaleoleo. Sa tali mai le Pulega e faapea ua mae'a faamaonia nei lea mataupu ma o lo'o alu gatasi lava ma faiga faavae faatekonolosi a le Malo o Samoa.
4. Sa faaogaina e le Pulega le polokalame ole "Microsoft excel database" mo le faamaumauina o galuega mo le tala faaletupe ma sa matauina ai nei tulaga:
 - O nei faila excel, e le'o lokaina i ni upu puipuia ma o lo'o mafai lava ona faatino ai ni fesuia'iga e soo se isi o le afaigaluega;
 - E tatau ona faaogaina se polokalame faapitoa mo le tausiga o tusi ina ia malu puipuia ma sa'o nei faamaumauga.O loo ua faataitai nei le polokalame faatausi tusi a le Pulega ina ia faaleleia ai ma foia mataupu na laga e le suetusi e uiga i le tausiga o tusi a le Pulega.
5. Mataupu e faasino i le faatinoga o totogi mo le afaigaluega:
 - O nisi o nei faila excels e le'o lokaina i ni upu puipuia ma e mafai lava ona faatino iai ni suiga;
 - O pepa o faamatalaga o totogi mo le afaigaluega e tatau ona malu puipuia ma ua na o le Pulega ma le Ofisa fai totogi e tatau ona silasila iai.
 - E leai se gata'aga o le silafia a le ofisa faitotogi i faamaumauga o totogi a le afaigaluega. O lea faiga e ono afua mai ai ni faiga pi'opi'o ma e fautuaina le Pulega e vaavaai ane i le faaogaina o se polokalame faapitoa mo le galuea'ina o totogi a le afaigaluega.Sa tali le Pulega o loo ua iai nei se polokalame faakomipiuta faapitoa ua faaogaina mo le faagaioiga o totogi a le afaigaluega.
6. E le'i faamauina le teuga-tupe-faafaigaluega a le Pulega i le UTOS e pei ona aia'ia i le taiala faa-tausitusi ma lipoti faaletupe numera 39. O se taimi muamua lea ua faafaigaluegaina ai le vaega tupe a le Pulega i lea faiga ma o le a silasila iai mo le faatinoina o lea matupu ina ia sa'o atoatoa e pei ona aia'ia i nei taiala faatausitusi faava-o-mālō. Ua faamauina ma faatautaia lena mataupu.
7. O loo iai se faaputuga seleni faaleoleo a le Pulega mo le faamalolo litaea ai o ana Faatonu, ma ua iai nei le faiga-faanofa-aitalafu ua le alu o gatusa ma taiala faatausi tusi faava-o-Malo. E fautuaina lava le Pulega e silasila ane i nei mataupu ina ia alu gatasi ana tausiga o tusi ma taiala faatausi tusi aloaia mo vaega uma. Ua faamauina e le Pulega le fautuaga.
8. O le lisi o faamaumauga o mataupu i le tausiga o tusi sa faanumeraina mai le 1-88 ma ua faafaigata ai ona faaopoopo nisi mataupu fou. Sa fautuaina le Pulega e faaogaina numela ta'i fa e pei o le 1000 i le 2000, e fua lava i luga o mataupu tai tasi ina ia faafaigofie ai ona faaopoopo mataupu fou. O loo ua faataitai nei le

polokalame faatausi tusi a le Pulega ina ia faaleleia ai ma foia mataupu na laga e le suetusi e uiga i le tausiga o tusi a le Pulega.

4.31 Faalapotopotoga o Eleele a Samoa mo le tausaga faaletupe na faaiuina 30 Iuni 2013

1. O galuega tauave lava a le Faalapotopotoga o le galuea'ina lea o fanua a le Malo o Samoa, i ala o le faatau atu ma le lisi'ina o ia fanua. Sa matauina le faatuai o le faagasologa o galuega faasuetusi ona o le taumafai o le Faalapotopotoga e faapaleni faamaumauga i le polokalame o loo faamaumau ai le togitogiina o fanua faatau (LMS) ma le polokalame o faamaumauga faatausi tusi (MYOB) ina ia tutusa ma sa'o atoatoa nei faamaumauga. Ona o lea tulaga, ua lē mautinoa ai le sa'o atoatoa ole tauaveina o mātāfaioi e uiga i le faatauina atu o fanua. Sa tali mai le Faalapotopotoga ua mae'a ona faatino se galuega i le faapaleniga o faamaumauga o nei polokalame ma ua faatulagaina mai i se tulaga lata mai.
2. Ona o tulaga o mataupu e uiga i le faatinoina o galuega a le Faalapotopotoga e pei ona talanoaina i le Palemene, sa fautuina e tāpā se faamāoniga mai i se loia ini tulaga ma ni a'afi'aga e ono tula'i mai ona o ia mātā'upu.
3. Sa matauina le tele o fe'ese'esea'iga i faamaumauga o le resitala o aseta ma aseta sa faitauina e su'etusi.
4. Sa matauina e le'i faailogaina aseta fou ma e le'i faamauina fo'i i le resitala o aseta. Sa matauina foi e tele atu aseta sa faitauina na i loo aseta o loo faamaumauina i le resitala.
5. O tupe faa'alu i le Fale-apitaga i Malifa e le'o faamauina i tusi ma le tala faaletupe a le Faalapotopotoga. E ui ina le'i mae'a atoatoa le galuega, e fautuaina le faapasene ole vaega ua mae'a ma faamanino i faamatalaga o le tala faaletupe ina ia maioio lelei seleni ua faaaluina mo lea galuega i le tausaga faaletupe e patino tonu iai.
6. Sa matauina o lo'o faaaogaina pea le 10% mo le galueaina o le tau faaititia mo fale a le Faalapotopotoga ae o lo'o silafia lava e ono o'o atu lava i le 30 tausaga le malosiaga o nei fausaga. Mo le tausisia lava o faiga faavae ma ta'iala i le tausiga o tusi, e fautuaina le toe iloilo o le pasene e faaogaina mo le tau faaititia o aseta ina ia talafetaui ma le taimi e ono faaaogaina ai i lona tulaga lelei atoatoa. Ua faamauina lea mataupu faapea foi le toe iloilo o faatulagaga o tau faaititia o aseta uma a le Faalapotopotoga.
7. Sa ma'ua e le'o iai ni faamaumauga ma ni ta'iala mo le taulimaina o tagi poo faasēā mai le mamalu o le atunuu e faasino tonu i mataupu o le faatauina o fanua. O lo'o iai ni faasēā sa maua mai pepa faata'amilo ae tatau lava ona faamauina lelei nei mataupu faapea le tali atu a le Faalapotopotoga ina ia manino uma faaiuga fai.
8. E ui ina malamalama le mafua'aga o eseesega o le LMS ma le GL ona o le tapunia aloa'ia ma le faapaleniga o tusi. E talitonu lava le su'etusi, sa le tatau lava ona tula'i mai lea tulaga ona o lo'o faatino pea lipoti mo le Komiti Faatonu i masina ta'itasi e faaaoga ai le MYOB, ona ole ese'esega e tusa lona aofa'i ma le \$3,150,661 ua fai lava si na tēlē tele.
9. Sa matauina o le'o faaaogaina lelei le polokalame tausitusi o le MYOB e faamaumau ai tupe faa'alu ma tupe maua, ina ia vave ma atoatoa le faatinoina o galuega aemeaise le sa'o ma faamoemoeina faamaumauga mo lipoti.
10. Sa ma'ua e le'o iai se faamuumauga mo le resitalaina o Sea (shares) e pei o aiaiga ale MCIL mo kamupani. O lenei faamuumauga e tatau lava ona mausali mai ai suafa ma le aofai o sea ina ia maioio ma manino tulaga o pulega e pei ona aiaia i ta'iala ma tulafono mo ia mataupu.
11. E leai ni lipoti o galuega mo tausaga taitasi a le Faalapotopotoga ua tuuina atu ile MCIL e pei o aiaiga o le tulafono mo Kamupani.

12. O lo'o iai tupe maua sa faarisiti'ina e le'i siaki lelei ina ia taussia ta'iala mo le faatinoina o lea galuega.
13. O lo'o manino lava i ta'iala le faamaumauina o totogi mo aitalafu o fanua ua taulimaina ma e tataua pea ona usita'ia ia taiala ina ia sa'o atoatoa faamaumauga ma paleni mo fanua ma aitalafu tuua.

4.32 Faalapotopotoga o Eleele a Samoa mo le tausaga faaletupe na faaiuina i le 30 Iuni 2014.

1. Sa matauina le leai o ni faamaumauga o tusi talosaga mai e o lo'o lisi'ina fanua a le Faalapotopotoga e tusa ai ma faiga faavae o fanua lisi 3.4.1.1. Sa tali mai le Faalapotopotoga e faapea o lo'o faatino pea siaki ina ia atoatoa uma faamaumauga. O le fanua o lo'o taua e patino tonu i se fanua na faatau i le 2010, o le taimi lea sa leai ni faiga faavae a le Faalapotopotoga mo fanua lisi ua tāua. Ua tausisia nei faiga faavae mo fanua lisi aemaise ile itu tau faamaumauga e pei o tusi talosaga, tupe faavae mo le lisi ma isi. O nei faamaumauga e iloilo lelei muamua e le Faalapotopotoga faatoa tu'uina loa iai se fanua mo lea talosaga.
2. Sa matauina e le'o tutusa le faamauina o tului mo talosaga o fanua lisi, ona o lo'o iai lisi e aunoa ma se tului o faopoopoina e tusa ai ma aiaiga o le maliega o le lisi. Ua galulue nei le vaega o Fanua ma Tausiga-o-tusi a le Faalapotopotoga i le toe iloiloina o lea mataupu mo le mafuaga o le lape ua tula'i mai.
3. Sa matauina o talosaga sa faamanuiaina mo fanua lisi ua lē ō gātusa ma le lisi o talosaga faatalitali sa iai. O nei faaiuga na fua lava e le Pulega i aiaiga e ono maua mai ai faamanuiaga mo le lautele o le atunuu aemaise mo poloketi e galueaina ina ia toe maua mai ai seleni. O lea foi ua mae'a ona tapena faiga faavae mo mataupu o fanua lisi aua le lima ta'ita'ia o iloiloaga mo le faamaoniga e le Komiti Faatonu.
4. Sa maua o lo'o iai fanua lisi ua silia ma le fa (4) tausaga e aunoa ma se totogi. Ua siitia taumafaiga a le vaega e nafa ma mataupu o fanua i le faafaigaluegaina ai ole Loia, atoa ai ma tusi faamanatu malolosi e tulituliloaina ai aitalafu tuua.
5. Sa matauina o lo'o iai lava fanua lisi e aunoa ma ni faamaumauga o ni maliega ma tu'utu'uga o lisi. O lo'o faasolo le toe siaki'ina lelei e le Loia o faamaumauga uma mo fanua lisi, ina ia tausisia uma aiaiga e pei ona iai faiga faavae o mataupu tau fanua lisi a le Faalapotopotoga.
6. Ua faamauina le lisi'ina atu o fanua a le Faalapotopotoga i le Pulega o Taaloga ma Malae Taalo a Samoa ma o lo'o talia nei le faamausali'ina o fanua e faamatu'u atu i le lisi atoa ai ma le faapepaina lelei o nei maliega ma le aofa'i o le a totogiina e fua i le taimi na nofoia ai fanua.
7. Sa tu'uavanoa lava le Faapotopotoga i ē o lo'o nofo aitalafu pe a totogi uma ane aitalafu tuua ua le o gātusa ma faiga faavae o lisi. E ui ina fesoasoani lea tulaga i le aoina mai o aitalafu tuua, o le faatinoina o lea tulaga ua lē tausisia ai faiga faavae aemaise le a'afia ai o alaga tupe maua a le Faalapotopotoga. Ua faamauina lea mataupu mo le faaleleia ma le aga'i i luma.
8. Sa matauina i maliega o fanua lisi, le tulaga o le laiti tele o tupe totogi faatulagaina o lisi mo masina ta'itasi. E lē gafataulimaina le aofaiga atoa e tatau ona totogiina pe a fua i tausaga ole lisi aemaise fanua lisi i Falelauniu ma Toamua, lea e ta'i \$50 tala i le masina. E iai lava sui ua malamalama i lea tulaga ma ua taumafai lava e totogi vave a latou lisi. O le a toe faatino faatalatalanoaga ma le mamalu o le atunuu o loo iai nei lisi aua le soalaupuleina o lea mataupu.
9. Sa matauina le toe fa'afo'i'ina o tupe faavae faapea ma totogi o le lisi pea faalēaogāina le maliega o se lisi e ui ina siitia o tupe faa-alu i le vaiga ma le faagasologa o mataupu ma aitalafu mo fanua. O ia tulaga sa fua lava i aiaiga ma tu'utu'uga o maliega sa sainia. Ua toe galue nei le Loia i le toe iloiloina o ia aiaiga ma tuutuuga mo le sailia o se faiga mautonu i lalo o le tulafono mo lea mataupu.
10. Ua manaomia tele se faaleleia o galuega i le itu o lo'o mata'itūina ma tulituliloaina ai aitalafu mo fanua lisi/faatau. E le'o iai se suiga i ave'a'i malosi mo aso e sefulufa (14) ona e le'o tali lelei mai foi e o nofo aitalafu aemaise mo mataupu ua silia ma le lua (2) tausaga le umi. O lea faiga ua le tausisia ai faiga faavae

mo mataupu o aitalafu. Ua faamauina e le Faalapotopotoga lea tulaga mo le aga'i i luma aemaise i le faaleleia o auala mo le aoina o aitalafu.

11. O lo'o matauina lava le faatuai o le tapenaina o maliega mo nisi o mataupu o fanua ona e iai le fanua sa faamaonia lona faatau atu i le 2012 ae faatoa faatinoina le maliega i le 2014. Ua faamauina lea mataupu mo le aga'i i luma.
12. Sa maua ni ovataimi o tagata faaigaluega ua totogi e aunoa ma se faamaoniga mai le Pule Sili. Ua faamauina e le Faalapotopotoga lea tulaga mo le faaleleia i le lumana'i.
13. E iai teuga tupe pā'ū(short banking) sa tula'i ma sa matauina le faifaiepa o lea tulaga, e atagia mai se tulaga o le faaoga faaletatau o tupe maua i le Pa Pia a le Malae tapolo. Ona ua tula'i so'o mai lea tulaga, sa iai lava lapata'iga o le aufaigaluega ina ia faamaumau lelei ia tulaga ma lipoti ane i le Pulega i le taimi lava e tula'i ane ai. E lua auala sa faaogaina lava: 1) O le tula'i mai o se tupe pā'ū i faatau: o lo'o faamauina lava i faamaumauga o faatau i le po aemaise o ni tupe mo faatau e le'i atoa, e toe faaola mai i le tupe faaagaga mo mea laiti, se'i vaganā e le'i toe faolaina mai lea seleni ona talia lea mo leisi aso. 2) O le tupe pā'ū i le fefaatauaiga o le Pa pia – o lea tualaga e fai lava si ogaoga ma e faamauina i le lipoti o mataupu faaletonu ma e tatau lava ona tuuina atu i le Pulega i totonu o le 24 itula talu ona tupu mai se mataupu faapea. E fua lava i luga o le ogaoga o le mataupu le toe faolaina mai o lea seleni ma e oo lava i tulaga o le faamuta ai o se auaunaga a le aufaigaluega. O lo'o teu malu uma nei faamaumauga.
14. Sa matauina le faamaoniaina e le Pule Sili ma sui o le Pulega o pepa totogi sa tatau ona faamaonia e le Komiti Faatonu ma le Pule Sili, e fua i luga o tapulaa o aofaiga o seleni totogi atu. Sa tali mai le Faalapotopotoga, o le tele o nei pepa mo tupe faaalu e mo le totogiina o nonogatupe mo masina ta'itasi lea sa faamaonia lava e le Komiti Faatonu i le amataga ma ua faaauau lava e le Pule Sili ma le Pulega ina ia aua nei iai se tuai i le faagasologa o totogi. Ua faamauina lea mataupu mo le toe faaleleia o galuega i le aga'i atu i luma.
15. O le tele o pepa totogi e leai ni faamaumauga e lagolago ai le faamaoniaga e pei o pepa mo le poloaiga o oloa, pepa mo tau o oloa. Ua faamauina le mataupu mo le faaleleia o faagaioina o pepa totogi a le Faalapotopotoga.
16. Sa matauina o lo'o faamauina pea aseta tuai ma ua faaleaogaina i le resitala o aseta. Ua faamauina lea mataupu, ma ua mae'a foi ona tuuina atu se lipoti mo aseta ua faaleagaina ma ua le toe aoga mo le faamaoniga a le Komiti Faatonu i lana fonotaga i le Aso 9 Oketopa 2013.
17. Sa matauina e leai ni taiala mo le iloiloaina o se aofai e faaagaga mo aitalafu aoina mai e ono faaletonu, ina ia sa'o atoatoa le aofa'i o aitalafu e faamauina i tusi a le Faalapotopotoga. O aitalafu o fanua lisi ma faatau atu sa fua lava i faamaumauga o paleni i luga o le polokalame komipiuta mo mataupu tau fanua se'i vagana ai aitalafu mo le lisiina o faleoloa ma le maketi o lo'o fua lava i le 12 masina tuua. Ua faamauina lea mataupu mo le faaleleia i le lumana'i.
18. O loo matauina se faaletonu i le tuliloaina o aitaafu tuua mo le lisiina o le maketi. Ua faamauina lea mataupu mo le faaleleia i le lumanai ma o le a tuuina atu se lipoti i le Komiti Faatonu mo le faamaoniga o le faaleaogaina o aitalafu tuua tuai.
19. Mai i le lisi o aseta faaleagaina sa tuuina atu mo le faamaoniga a le Komiti Faatonu, sa maua ai le afa o aseta o loo aoga lava mo galuega. O le tulaga o le lipoti ane o aseta lelei i le lisi o aseta leaga, ua atagia ai le leai o se faamaoni o le Pulega i le tuufaatasiga o lea lisi atoa ai ma le le tausisia o faiga faavae i aiaiga o aseta. Sa tatau lava ona siaki ina ia sa'o lelei ia faamaumauga. Ua faamauina le tulaga lea mo le aga'i i luma ma o le a le toe tulai mai lea mataupu.

4.33 Faalapotopotoga Inisiua Tau Soifua a Samoa mo le tausaga faaletupe na faai'uina 30 Iuni 2013

1. O le tului o lo'o faaaogaina e12.5% e le'o fetaui ma le 11% o lo'o faamauina i faiga faavae mo aitalafu i pepa inisiua. O le aofa'i foi i faamaumauga o Tusi (legder) e le'o tutusa ma le aofa'i o lo'o faamauina i lipoti faa-le -kuata/masina o lo'o tuuina atu ile Komiti Faatonu. Sa faapea mai o le Komiti Faatonu muamua ane sa faamaonia le faaitiitiga ole tului mai le 12.5% i le 11% mo se taimi le tumau. Sa faapea mai le Pulega a le faalapotopotoga, ua toe iloilo nei lea mataupu mo le toe tuuina atu o se fautuga i le Komiti Faatonu ua iai nei mo ni teuteuga.
2. Sa fautuina le Pulega a le Faalapotopotoga e toe silasila i le iloiloaina o faiga faave i sailiga o fua-faatatau o fanua (land Valuation) mo le faamaoniaga o aitalafu. Ua faamauina e le Pulega le fautuga ma o le taimi nei o lo'o faaaogaina pea fua-faatatau o fanua i se tulaga lata mai.

4.34 Faalapotopotoga o Inisiua Tau Soifua a Samoa mo le tausaga faaletupe na faai'uina 30 Iuni 2014

1. O le iloiloga o talosaga mo aitalafu faa-mokesi sa matauina le iloiloina e fua i le totogi maua ae le'i toesea le vaega tupe faaalu mautinoa (gross income). Sa fautuaina le faaaogaina ole totogi pe a mae'a ona toesea tupe faaalu mautinoa (net income) e pei ona atagia mai le pepa o faamaumaga a le Faletupe (bank statement) mo le iloiloga o talosaga o aitalafu faa-mokesi.
2. Sa matauina le faatoa tapenaina o lipoti i le aotelega o aitalafu (loans summary) i le faaiuga o kuata po'o le ta'i fa masina ta'itasi. Sa fautuaina le silasila ane ole Pulega i le faaopoopoina o ni tagata faigaluega mo lea vaega, ona na o le toatasi le Sui faigaluega o lo'o faatinoina uma matafaioi ma tiute. O le faaopoopoina foi o ni tagata faigaluega o le a mafai ai foi ona tapenaina lipoti i le aotelega o aitalafu i se taimi lata mai, pe o le faaiuga o masina ta'itasi, ma o le a faaitiitia ai ni sese ma ni faaletonu e ono tula'i mai, i le maioio ai o tiute ma matafaioi.
3. Sa matauina e le'i faatulagaina i se taulaga lata mai (not updated) le polokalame o loo faaoga mo faamaumaga o aitalafu, e atagia ai le faaletonu i le tuufaatasiga o le aotelega o aitalafu i kuata ta'itasi i se taimi e tasi. Sa fautuaina le taumafai e faamae'a lelei faumauga o le aotelega o aitalafu e aofia ai le totogiina o le aitalafu ma lona tului ae le'i tuuina atu nei faamaumaga i totonu o pepa aitalafu taitasi (loan cards) ina ia maua lelei faamaumaga i se taimi vave ma le lata mai.
4. Mataupu 1: Sa maua le misimisi faalausoso'o o totogi o le aitalafu. E tataua ona nofo uta le Pulega i nei mataupu ma faaolioli ai se vaega tupe mo ni paleni o nei aitalafu e ono faaletonu i le faai'uga o le tausaga faaletupe.
5. Mataupu 1 – sa matauina foi le le atoatoa o faamaumaga mo le iloiloga e pei ona lisi ina atu:
 - E mao'a'e le aofaiga o le aitalafau na talosagaina mo le totogiina o nisi aitalafu (refinancing);
 - O le tuai o le fua-faatatau o le aseta na faaaogaina e lagolago ai le talosaga (asset valuation not recent);
 - E le a'ua'u le totogi mo le aitalafu ona o le tupe maua a le na talosaga ua na'o le \$997 ae o le totogi faatulagaina mo le aitalafu ile lua vaiaso \$1703. O lo'o tulaga faaletonu fo'i le totogiina o le aitalafu (loan in arrears.) Ua fautuina le Pulega e silasila i le tuueseina o se vaega tupe faaolioli mo lea aitalafu ua faaletonu.
6. Mataupu 2 – Sa matauina le faatumauiina o aofaiga laiti ina ia taasisia ma faiga faavae o aitalafu. Sa faaopoopoina isi mafuaaga na talia ai loa le talosaga e ui ina iai lava isi faamaumaga mo'omia e le'i ma'ua.
7. Mataupu 3: Sa matauina e le'i faaaogaina lelei e le Pulega ole Faalapotopotoga ia faamaumaga mai Faletupe mo le iloiloina ma faamaoniaga o tulaga faa-aitalafu o sui na tuuina atu talosaga mo ni aitalafu i le Faalapotopotoga. O ia aitalafu ua iai nei se faaletonu ona ua na le lua totogi na faia talu ona faamatuuina iai le aitalafu. O le faaaogaina lelei o ia faamaoniaga e ono feasoasoani i le iloiloga o talosaga faa-aitalafu ma teena ai ni talosaga e ono faaletonu.
8. Mataupu 4: Sa ma'ua e telē atu se aofa'i mo se aitalafu mo se faatauina o se taavale, sa faamatu'uina atu i se talosaga na i loo le tapula'a maua e faatagaina mo lea ituaiga talosaga. Sa fautuaina ai le taasisia pea o iloiloga ma faiga faavae i tapula'a o aitalafu e faamatu'uina mo talosaga ua talia.
9. Mataupu 5: Sa matauina e le'i aoina ni faamaumaga ole faamaoniaga o tulaga nofo aitalafu ole sui talosaga mai Faletupe i Samoa nei. O lea tulaga ua fesiligia ia le sa'o ma le faamaoni ole iloiloga o talosaga mo aitalafu na tu'uina atu ile Faalapotopotoga.

10. Mataupu 6 – Sa matauina e le'i faasagoloina le toe iloilogia o sui taitasi mo a latou talosaga i se faaopoopoga o aitalafu. E le'i maua i faila na su'eina ni faamaoniaga o nei faamaumauga ma e tatau pea ona tausisia e le Faalapotopotoga faiga faavae e tatau ona uia aua le puipuiga mai i ni aitalafu e ono faaletonu.
11. Mataupu 7: Sa matauina i se aitalafu na faamatu'u atu ia Tesema 2007, ua te'a ma le afa ole taimi sa faatulagaina mo le togitogina mai ae e le'i taitai lava faaititia le paleni ona sa faapea ona faaletonu le totogiina. E ui lava o lo'o togitogi pea lava le aitalafu o lo'o iai lava paleni tuua e ono faaletonu ai le aitalafu. E fautuaina le Pulega e sialsila ane i le faaagaagaina o se tupe tuu esea mo ia aitalafu e ono faaletonu.
12. E le'o iai ni faamaumauga o le siitiaga o totogi i totonu a faila mo tagata faigaluega ta'itasi.
13. Sa matauina le faatinoina e le Ofisa Sinia - faiga o aitalafu, galuega o le iloilogia o talosaga atoa ai ma le faamaonia o nei talosaga mo aitalafu a sui fai inisiua pe afai ua le faigaluega le Ofisa Fai Aitalafu. O lea faiga ua le maoio ai matāfaioi sa tatau ona faatinoina eseeese ma fautuaina le faaopoopoina o le au faigaluega mo lea vaega e fōia ai lea faafitāuli.
14. Sa matauina le le faatumuina lelei o faamaumauga e moomia mo le totogi ma le tului o aitalafu sa talosaga ai sui fai inisiua. O nei faamaumauga sa tatau ona faatumuina e le Sui fai inisiua sa talosaga ma le Ofisa fai aitalafu mo le silafia lelei o tuutuuga ma aiaiga o le aitalafu e pei ona talosagaina.
15. E le'o iai ni faamaumauga mausali i le galuea'ina o aofa'i o inisiua ua toe tala i tua. O lo'o faamoemoe pea i fuainumera e tuuina mai e le polokalame faa-komipiuta ole AS400 e aunoa ma se toe siakiina ini faamaumauga mo le sa'o atoatoa. E fautuaina le siakiina lelei ole galueaina o nei mataupu ina ia sa'o atoatoa le aofa'i mo inisiua ua toe talaina i tua.
16. Sa maua le le faamauina ole numera o le siaki mo talosaga faa-aitalafu ua faamaonia ma totogi atu. O nei faamaumauga e taua tele ma e tatau ona faatumu lelei i pepa o talosaga.
17. Sa matauina e le le faamauina o pepa faamatala mo tupe sa teuina mo nonogatupe a Sui fai inisiua ia latou faila.
18. Sa matauina o lo'o iai inisiua o lo'o tulaga faaletonu le totogiina ae o lo'o mafai lava ona talosagaina ai se aitalafu. O ia tulaga sa tatau ona fua iai talosaga o aitalafu e tauaaoina ma e tatau ona silasila iai le ofisa ae le'i famaonia se talosaga o aitalafu.
19. E fautuaina le siaki lelei o tului mo aitalafu faa-mokesi 'ina ia sa'o atoatoa aofaiga o le a totogi mai e sui fai inisiua o lo'o iai a latou aitalafu faa-mokesi.
20. Sa matauina le si'isi'i pea o le tului o lo'o faaopoopo i luga o aitalafu faa-mokesi na talosagaina e sui fai inisiua. O lea siitaga ua atili faa-faigātā ai ona fa'aititia le paleni e tatau ona totogiina, aemaise le laiti o aofai o le totogi faatulagaina o aitalafu ae ua fai si na maualuga o tului.
21. Sa matauina se fe'ese'eseaiga i tusi faamaumau (general ledger) ma palaeni e tatau ona iai e fua i le lisi o sui inisiua o lo'o iai a latou nonogatupe faa-mokesi. E ui ina faatauva'a ma itiiti le aofa'i sa mauaina, e tatau pea ona silasila lelei i le mafua'aga 'ina ia sao atoatoa faamaumauga ma lipoti o ia mataupu.

4.35 Fa'aputugatupe mo le Lumana'i Manuia o Samoa mo le tausaga faaletupe na faaiuina 30 Iuni 2013

1. E iai ni lape sa maitauina ile faatinoga o nonogatupe faavaitaimi e aofia ai:
 - O faiga faavae o loo aiaia ai le le tatau ona sili atu tupe totogi o nonogatupe ile 30% o le totogi o le o faia le nonoga tupe. Peitai e iai nonogatupe sa le i usitaia lenei aiaiga.
 - Sa leai ni faamaumauga e faamautinoa ai totogi.Sa faamauina le mataupu e le pulega.
2. E iai ni lape sa maitauina ile faatinoga o nonogatupe mo taavale foeuli tamatau e aofia ai:
 - O faamaumauga mai faletupe e tatau ona aumai ai faamatalaga o le ono masina, peitai o isi na o le tai fa masina sa tuuina mai. Sa faamauina ua iai le suiga ia Oketopa 2012 e faaitiita mai ile ono masina ile tasi le masina. E lua ni nonogatupe sa talosaga mai ae le i faia lea suiga)
 - Sa iai se taavale foeuli agavale sa i lalo o nei talosaga, e manino e le o agavaa i lalo o lenei polokalame.Sa faamauina le mataupu e le pulega.
3. E iai talosaga o nonogatupe o afā sa le i sainia. E tatau i le pulega ona faamautinoa ua atoatoa ma usitaia uma aiaiga ua uma ona pasia. Sa faamauina e le pulega le mataupu.
4. E iai ni feeseeseaiga i faapaleniga o faamaumauga. Sa talanoaina lenei mataupu ma le Pule o le Vaega e Vaaia Tupe ma sa fautua mai o loo faia iai suesuega a le Vaega Faatekonolosi ina ia fofa lenei faafitauli. Sa faailoa mai faamaumauga o nei feeseeseaiga o loo tauave mai talu le tausaga 2011. E fautuaina le pulega ina ia mata'itu nei tulaga ma tulituli ina ia faasa'o ina ia leai se faasiliga poo se pa'u foi i aofaiga o nonogatupe i le faaiuga o le tausaga. Ua faamauina e le pulega le mataupu.

4.36 Fa'aputugatupe mo le Lumana'i Manuia o Samoa mo le tausaga faaletupe na faaiuina 30 Iuni 2014

1. Sa iai ni faamanuiaga e \$2,350 mo se fai saofaga sa maliu ia Aukuso 1991, ae faatoa totogi atu ia Me 2014, ua 22 tausaga ua pasi. Peitai sa iai se faamaumauga e faapea sa totogi atu lenei tupe ia Tesema 1981, o se feeseeseaiga ua sese tele. Sa le i mafai e le suetusi ona faamaonia lenei faamanuiaga pe sa totogi faalua ona ua silia ile 30 tausaga o le resitara o maliu ma e le i mafai foi ona maua. O le isi tulaga, e ese le igoa o le aiga o le ua maliu sa faamauina ile faila, ese le igoa sa totogi atu iai le faamanuiaga. E leai foi se faamaoniga mai le aiga o le ua maliu e totogi atu ile tagata sa maua le faamanuiaga. Ua faamauina e le Faalapotopotoga atugaluga o le suetusi, ma o le a tuuina atu ile Komiti Faatonu se toe suia o faiga faavae ina ia faagata le totogiiina atu o faamanuiaga o maliu i totonu o le fitu tausaga.
2. E le i usitaia e nisi o le aufaigaluega le faavae ia aua nei sili atu tupe totogi o nonogatupe ile 30% o le totogi o le o faia le talosaga o nonogatupe. Sa tali le Faalapotopotoga o lenei faavae e oa iai se suiga ile 35%, ae ua faamauina fautuaga mai le suetusi.
3. Ile iloiloga o nonogatupe faavaitaimi, na maitauina ai:
 - Le le usitaia o faiga faavae ina ia tuuina mai faamatalaga i totogi, faamatalaga mai le faletupe mo le lua masina, tusi faamaonia mai le fale faigaluega, faapea ai ma le silia o le 30% o le aofaiga o le totogi o le o loo faia nonogatupe. E tataua ona mataalia le aufaigaluega i nei tulaga a e le i tuuina atu i le Faauluuluga o le Vaega ina ia faamaonia;
 - E iai nonogatupe sa leai ni aofaiga ua totogi mai talu ona tuuina iai le nonogatupe. E le o faailoa mai lea tulaga e le polokalame faakomipiuta ma e ono le o atoatoa ma sa'o nei faamaumauga;
 - E leai se tusi faamaonia mo nisi nonogatupe sa iloiloia e le suetusi, ma o le popolega o le le le fetauai ma aiaiga faataatitia. O iloiloga sa faia ile ofisa i Vaitele sa iloa ai le leai o ni tusi faamaonia o iai. O loo talia pea le suiga o faiga faavae ina ia le toe iai se moomia o faamatalaga o totogi, faamatalaga mai le faletupe ma isi.
4. Sa gata le toe iloiloia o tau o fale ma fanua i le 2005, pe o loo iva tausaga talu ai. Sa faapea le Faalapotopotoga o le faa tuai ona o le tele o se tau e alu ile toe faia o lea tulaga, pe a faaopopo atu iai ma nisi a latou fuafuaga i galuega tetele. O loo faamuamua tupe faafaigaluega (Blackshore), le Ofisa o le Amepasa i Peleseuma ma le toe faaleleia o polokalame faakomipiuta o faaoga nei mo lesi tolu tausaga. Ua faamauina fautuaga, ma o le a taumafai le pulega ina ia tuu iai ma le toe iloiloia o tau o fale ma fanua i totonu o isi ana fuafuaga alualu i luma i le isi tolu tausaga, e fua lava ile tala o le tupe.

**4.37 Tupe Faaalu mo le Faagaoioiga o le Fale o Faaputugatupe mo le Lumanai
Manuia o Tagata mo le tausaga faaletupe na faaiuina 30 Iuni 2013.**

- 1 E iai se tasi o loo umia ni lisi eseese e tolu ua fitu masina o leai se totogiina mai, ma ua oo ai le aitalafu ile \$10,984. E tatau lava ona faatinoina le galuega o le tuliloa ina ia totogi uma mai lisi i taimi faatulagaina ina ia faaitiitia ai aitalafu. Ua faamauina lenei mataupu e le pulega.
- 2 E tele se pa'u o tupe faalu i pili o le vai pe a faatusatusa i tausaga ua tuania, ae ua siitia tupe faaalu i galuega faaleleia o fale. Sa pau maualalo le tau o le vai ona ua aveeseina nisi o totoga mo faletaele o alii uma o loo i totonu o le fale. Sa iai galuega faaleleia sa faatino mo lifi o le fale na mafua ai le siitia o tupe faaalu mo galuega faaleleia o le fale.

4.38 Tupe Faaalu mo le Faagaoioiga o le Fale o Faaputugatupe mo le Lumanai Manuia o Tagata mo le tausaga faaletupe na faaiuina 30 Iuni 2014

- 1 E iai se tasi o loo umia ni lisi eseese e tolu ua lua masina o leai se totogiina mai. O le tagata lava lenei o loo nofo aitalafu mai le tausaga ua tuana'i. E tatau lava ona faatinoina le galuega o le tuliloa ina ia totogi uma mai lisi i taimi faatulagaina. Ua faamauina e le Pulega le mataupu.
- 2 Ua latalata ina faaluaina le tele o tupe faaalu i pili o le vai pe a faatusatusa i tausaga ua tuania, ae o tupe faaalu i galuega faaleleia o fale ua maitauina le faaitiitia. Sa siitia le tau o le vai ona o le totogi mo suavai lafoai e pei ona faamamaluina e le Pulega o le Suavai i lenei tausaga. O le faaitiitia o le tau mo galuega faaleleia ona e le tele ni galuega na faia i lenei tausaga pe a faatusatusa atu i le tausaga ua mavae.

4.39 Fa'aputugatupe mo Faamanuiaga Tagatanu'u Matutua o Samoa mo le tausaga faaletupe na faaiuina 30 Iuni 2013

1. Sa tele se siitaga i tupe faaalu mo auaunaga e le i faatinoa (11,653%) ma tagata nofo aitalafu (2,245%) i lalo o aseta, faapea ai penisione e le i talaina (75%) i lalo o aitalafu pe a faatusatusa ile tausaga ua tuanai. O le siitia mo auaunaga e lei faatinoina na mafua mai i tupe sa vave totogi mo le faaaogaina o le fale e le ofisa mo le masina o Iulai. O le siitia i tagata nofo aitalafu i le Faaputugatupe ona sa tele le au fai penisione na tala faaletatau penisione mo sui ua maliliu ma e ua malaga i fafo. O le siitia i penisione e lei talaina ona sa maua mai i le lisi na tuuina mai e le Ofisa o Faamaumauga le toatele o le au penisione ua maliliu ma isi ua malaga i fafo, lea na faatonuina ai e le Pulega faletupe uma ina ia toe faafoi mai penisione ua le talaina i tua i le Faaputugatupe.

4.40 Fa'aputugatupe mo Faamanuiaga Tagatanu'u Matutua o Samoa mo le tausaga faaletupe na faaiaina 30 Iuni 2014.

- 1 Sa iai se siitaga e 66% i penisione toe faafoi mai. Ona o lea tulaga, sa iai foi se siitaga e sili atu i le 50% o penisione ua toe tuu i totonu, pe a faatusatusa i le tausaga ua tuanai. Sa faatautaia se iloilogia ina ia faamuta ai penisione a sui ua faaleaogaina o latou pepa faailo ma sa maua ai o loo iai pea le au penisione o loo totogiina a latou penisione e ui ua maliliu faatasi ai ma e ua malaga i atunuu i fafo. Ua toe faaolaina uma mai nei seleni ma sa faamauina o penisione ua toe faafoi mai.
- 2 Sa siitia ile 50% tupe alu i femalagaiga i totonu o Samoa lava, ae ua maitauina le alu i lalo o pili o vai, ae faaluaina tupe faaalu i aoaoga pe a faatusatusa i le tausaga ua tuanai. Sa faamauina le siitia o tau o femalagaina a le aufaigaluega mo asiasiga masani ma sa pau maualalo pili o vai na tuuina atu mo le totogiina e le Faaputugatupe. Sa siitia le totogi mo aoaoga ona o se aoaoga taua na auai atu ai le Pule Lagolago a le Faaputugatupe i Lonetona.

4.41 Penisione mo Sui o le Palemene mo le tausaga faaletupe na faaiuina 30 Iuni 2013

- 1 O se iloiloga faapitoa e ta'i tolu tausaga ma fai sa iai se feteenaiga ma le Tulafono o loo aiaia ai penisione faa Palemene lea e faailoa mai e tatau ona faia lenei iloiloga i tausaga taitasi. Sa fautuaina ina ia usitaia taiala ua tuuina mai ile Tulafono ma faamautinoa le usitaia uma o tulafono ma tulafono faatonutonu. Ona o le leai o se tomai mo nei iloiloga faapitoa e mafai ona maua i Samoa, ua aumai ai se faufautua faapitoa mo lea matafaioi i le tai tolu tausaga ma faia ina ia faaitiitia ai tupe faaalu a le Faaputugatupe.
- 2 O le lipoti o le iloiloga faapitoa na faia i luga o faamatalaga o tupe mo le aso 30 Iuni 2011 sa faalauiloa ilea so 23 Fepuari 2013. O le Faamatalaga 17 o nei faamatalaga o tupe na faailoa mai ai o le Penisione faa Palemene o loo mausali lona tulaga i mea tau tupe, ae sa faamauina le laitiiti ile aofaiga e \$336,000 o aseta e pe a faatusatusa i aitalafu tuua. Sa faamauina foi ile lipoti o le sao o le Malo e tatau ona siitia atu lea ile 17%. Peitai ona o le tuai ona faauma o le lipoti, o le fautuaga sa iai e taatia pea le sao o le Malo i le 15.5% lea sa faamauina i le lipoti o le 2008. E tatau i le pulega ona soalaupule le fautuaga sa tuuina mai i le lipoti, ma le aafiaga o le le siitia o le sao o le Malo i luga o Penisione faa-Palemene. E lei iai se siitaga na faatinoina i le sao a le Malo.

4.42 Penisione mo Sui o le Palemene mo le tausaga faaletupe na faaiuina 30 Iuni 2014

1. Na maua i suesuega a le suetusi ni siaki sa faaleaogaina, ma ua le o maua i totonu o le tusi siaki. O le popolega ona o nei siaki e mafai lava ona tala e soo sesi pe afai e le o iai se faailoga e faailoa ai ua faaleaogaina. E tatau ile pulega ona kolosi pe faailoa ua faaleaogaina nei siaki ma toe faapipii ile tusi siaki ia mafai ai ona faamaonia. Na taua e le Faalapotopotoga o nei siaki sa faaleaogaina ma toe faapipii ile tusi siaki ae peitai e masalomia na pa'u ese ile taimi na fe'avea'i ai ile va o vaega eseese o le ofisa mo le faapaleniga. O le a mataala le aufaigaluega i nei tulaga uma.

4.43 Pulega o Taulaga o Samoa mo le tausaga faaletupe na fa'aiuina 30 Iuni 2014.

1. E leai ni tau o galuega (quotes) na sailia mai nisi faleoloa (suppliers) ae na o le tasi lava na totogi iai oloa i le tausaga. E fesiligaina tau o galuega e lagolago ai tupe totogi. E tatau ona lē i lalo ifo ma le tolu ni tau o galuega ao lei faia se totogi mo ni oloa ma auaunaga. Sa laga muamua foi lenei lava mataupu i suegatusi ua mavae. Ua fa'amauiina e le Pulega o Taulaga (SPA) le fautuaga ae na ta'ua e fa'apea o nisi o oloa na mo'omia mo se taimi fa'avavevave, ma o nisi o nei oloa e na o le tasi lava le faleoloa e maua ai, ae o nisi o faleoloa latou te lē taliaina ni pepa o poloaiga mo oloa.
2. O siaki a tagata faigaluega (personal cheques) sa talaina mai tupe maua o le aso ae peitai e lē ō gatasi ma fa'amaumauga o tusi tupe mo teugatupe (deposit book) maua pe a fua i fa'amumauga o tupe maua o le aso. O lenei mataupu sa alia'e muamua foi i suegatusi o le 2012/2013.
3. O tupe toese e lē o fa'atagaina fa'ale tulafono sa toesea mai i totogi o tagata faigaluega. O nei tupe e lē o fa'atagaina ona toesea mai totogi a tagata faigaluega ua fa'ateleina ai galuega a le pulega ma tupe alu. E pau tupe toese fa'atagaina e tatau ona toesea mai totogi e aofia ai saofaga o le NPF, ACC ma PAYE. O isi toesea uma e le o fa'atagaina i lalo o le tulafono e aofia ai tupe toese mo le totogi o ni nonogatupe a le tagata lava ia i faletupe ma totogi o inisiua, e lē tatau ona aofia ai i le fa'avasegaina o totogi sei vagana ai o lo'o ta'ua i lalo o le vaega 27 o le Tulafono o Sootaga Va Lelei o Leipa ma Galuega 2013. Na ta'ua e le Pulega (SPA) o le fa'aiuga ina ia fa'atagaina nei toesea sa faia i luga o talosaga a le tagata faigaluega lava ia, ma sa manatu foi le Pulega ina ia taofia ai le ō ese atu o tagata faigaluega mai le ofisa e totogi a latou nonogatupe. I le taliaina ai o le fautuaga, ua manatu le Pulega e tatau ona aofia ai se fa'aupuga i le Ta'iala o Fuafuaga Tau Tupe (Financial Manual) ina ia fa'atagaina ai toesea o totogi a tagata faigaluega mo na o fa'alapotopotoga a le Malo.
4. Tu'uina atu o avanoa faigaluega e aunoa ma le fa'asalalauina. O lo'o manino mai lalo o Faiga Fa'avae o Galuega a le Pulega le tatau ai ona fa'asalalauina o so'o se avanoa faigaluega o lo'o manaomia i ala o feso'ota'iga mo le silafia e nisi o fia talosaga. E tatau foi ona fa'amaonia se tagata faigaluega fou e le Komiti Fa'atonu ma le Pule Sili. Sa ta'ua e le SPA o le fa'aiuga ina ia fa'afaigaluega nisi o i latou ua taua i le lipoti a le suetusi e aunoa ma le fa'asalalauina ona o tulaga mo'omia vave o i latou o iai tomai fa'apitoa i ia vaega o le auaunaga.
5. E lē o iai ni konekarate o galuega i totonu o faila e patino i tagata faigaluega faa-konekarate. O lenei mataupu na laga foi i le suegatusi o le 2012/2013.
6. Na fa'amauiina e Suetusi lafoga VAGST fa'afoi e lei failaina talu mai Aperila 2011 e pei ona fa'amaonia mai e le Matagaluega mo Tupe Maua. O lafoga VAGST Fa'afoi e tatau ona faila i taimi fa'atulagaina e taofia ai le totogi atu o sala tupe i le tuai ona faila i le Matagaluega mo Tupe Maua. Sa taliaina e le SPA e fa'apea o lenei mataupu sa o latou feutana'i ai ma le MOR, ma ua maea foi ona faila lafoga fa'afoi seia o'o atu i le masina o Tesema 2014.
7. O le tele o feagaiga o lisi (Lease Agreements) o lo'o umia e le SPA ma ana paaga o lo'o faia i luga o nisi o aiaiaaga tuai ma e laititi foi ni tupe e maua mai ai pe a fua i le tau o fefa'atauaiga o lo'o iai nei maketi i Apia. Sa fautuaina le mo'omia ona fa'afou o nei lisi ina ia amanaia ai suiga o lo'o iai nei. Na ta'ua e le SPA o lo'o galulue nei le pulega ina ia fa'afou nei feagaiga ina ia ō gatasi ma fua talafeagai o lo'o iai nei ma fua fa'atautu o maketi (current market value) ma tau o fefa'atauaiga (commercial rates).
8. E iai aitalafu po'o tupe tu'ua (outstanding receivables) ua au tausagā lava ma e lē o iai lava se fa'aiuga ua faia ina ia soloia loa nei tupe pau (write off). Ua fautuaina le iloiloia lelei o nei vaega o aitalafu ma sailia se fa'atagaga mai le Komiti ina ia soloia ai nei tupe pau. O nisi o nei aitalafu o lo'o atagia i le suegatusi ua

mae'a ona tu'uina atu mo le toe totogiina mai fa'aletulafono (legal recoveries) ae o le tasi o aitalafu sa fa'atino iai feutanaiga. Ae o nisi o tupe pau po'o aitalafu o lea ua fuafuaina e soloia loa e pei ona fautuaina.

9. O fefa'atauaiga fa'a-aitalafu ua matauina le si'isi'i pea i luga atu ma le 50% (\$289,010.94 lona fa'atupulaia) mai le aofaiga atoa o fefa'atauaiga o aitalafu pe a fua atu i tausaga ua mavae, ma e iai nisi o aitalafu i totonu o le 12 masina e lei totogiina mai ua silia ma le 90 aso ma ua sili atu lona fa'atupulaia i le 25% (86,411.42 poo le sili atu foi). O le tele o nei fa'afitauli o aitalafu e lei totogiina e aafia ai se tasi o Kamupani o lo'o taulamua le tele o aitalafu e 30% (\$161,547.45/\$434,020.99) ua silia ma le 90 aso ma e 19% tau aofai o aitalafu e lei totogiina mai. Ua atagia manino ai le lē gafatia e le Pulega ona faia ni faiga fa'avae mautu mo fefa'atauaiga fa'aaitalafu i se auala e taofia ai le fa'atupulaia o aitalafu ma o'o atu ai i tulaga e toe alu ai tupe mo le fa'auluina o talosaga ina ia toe totogiina mai aitalafu. Ua fautuaina malosi le Pulega ina ia mata'itū lelei a latou fefa'atauaiga fa'aaitalafu ina ia mata'alia lona fuafuaina lelei. E tatau ona iai i totonu o Taiala po'o Faiga Fa'avae o Tupe a le Pulega ni fa'avae mautu e aiaia ai le faia o aitalafu ma toe mātā'ituina ai le toe totogiina mai o aitalafu, ina ia fa'aleleia ai tupe maua, fa'aitiitia ai lisi o aitalafu tuai, fa'aitiitia ai foi le moomia ona toe soloia o aitalafu ua le gafatia ona totogi. Na tā'ua e le Pulega le mo'omia ona faia o ni ta'iala o faiga fa'avae o aitalafu ina ia fō'ia ai fa'afitauli ua ta'ua. O lo'o ua galulue punoua'i foi le Pulega e toe aoina mai o aitalafu aemaise lava aitalafu ua ova atu ma le 60 i le 90 aso e pei ona poloaina ai e le Komiti o Fa'atonu. E o'o mai le asō, ua toe \$67,247.45 le aitalafu a le Kamupani ua taua e lei mae'a, ma ua iai foi se maliega ma le kamupani ina ia totogiina fa'amaea uma ana aitalafu i le fa'aiuga o le tausaga faaletupe- 30 Iuni 2015.
10. E lē o iai se resitala mo feuaiga fa'apisinisi ma i latou e iai ni o latou so'otaga ma le Pulega (related party transactions). I nisi o suiga fou fa'avaomalo i faiga fa'avae o teugatupe ma taiala aloaia o fa'amaumauga o teugatupe o lo'o mo'omia ai le fa'amaumauina lelei o resitala ma tautinoga i so'otaga vavalalata ma so'otaga i feuaiga fa'apisinisi. E aofia ai feuaiga fa'apisinisi i le va o le kamupani ma ana Fa'atonu, Pulega, tagata faigaluega, tagata fa'atau, faleoloa, pisinisi mo nonogatupe ma faletupe. O lo'o galue nei le Pulega e fausiaina se Resitala mo Tagata e i ai o latou pi'itaga.
11. E lē o i se tulaga tu'u lata mai le Resitala o Aseta. Ta'ua e le Pulega o lo'o ua faigaluega nei se ofisa e Pule i Aseta (Principal Asset Officer) e fa'aleleia vaega e pei ona ta'ua ma fautuaina e le Ofisa Suetusi. O lea ua tagai foi le Pulega i ni a'oa'oga talafeagai mo ana tagata faigaluega.
12. O fa'amatalaga o totogi a tagata faigaluega e lei mae'a ona fa'apaleni ona e na o totogi tai lua vaiaso o lo'o faitauina ae lē o aofia ai ma totogi fa'akonekarate, atoa ai ma agavaa mo aso malolo fa'aletausaga ma aso ma'i. Ma e lē o tausia le taimi e tatau ona failaina ai. Ma e lē o failaina i le taimi e pei ona tau'a i le tulafono o lafoga.
13. E tusa ai ma le Fa'aiuga a le Kapeneta e na o sui auai o le Komiti e maua o latou alauni mo le auai fa'apea ma totogi mo Fa'atonu. Ae peitai ua totogi foi e le Pulega ia sui auai o le Komiti i vaega nei:
 - i. auai atu i aoaoga i le Aoga mo Fa'atonu;
 - ii. auai atu i taumafataga o le afiafi ua maea ona totogiina (sponsored dinners) poo laulau totogi (corporate tables) e fai ma sui o le Pulega;
 - iii. fonotaga i le va o le Taitaifono ma le Pule Sili ao lei faia fonotaga a le Komiti;
 - iv. asiasiga a le Taitaifono, e ese mai asiasiga a le Komiti;
 - v. agavaa mo telefoni feavea'i ma le totogi o pili telefoni e fa'atupeina e le SPA i masina ta'itasi;
 - vi. meaalofa mo ni aso fa'apitoa pei o Alauni o meaai o le Kerisimasi e \$50tala.

O nei mafua'aga ua oo atu ai tupe fa'aalu i le \$110,727, o se aofaiga sa tatau ona matuai fa'aitiitia pe ana tausisia e le SPA Fa'aiuga a le Kapeneta ma tulafono.

I se tusi a le Afioga i le Fa'atonu Sili o le Matagaluega o Tupe i le SPA na tusia i le Aso 19 Setema 2012 na fa'ailoa atu ai o fa'atasiga ua ta'ua e lē o ni fonotaga ia a le Komiti, ma e lē tatau ona iai ni totogi e

fa'amatu'uina atu ese mai alauni o fonotaga ma totogi o Fa'atonu fa'a-le-tausaga. O lenei mataupu sa lāga muamua foi e suetusi i le 2012/2013.

14. E lē i ai ni fa'amatalaga o tauofoga ma ni tau o galuega (quotes) mo le filifilina o se tagata fa'apitoa mo le mātā'ituina o Inisiua (Insurance Broker) a le SPA. O auaunaga fa'ainisiua e tataua lava ona faia tauofoga fa'alauiloa fa'alauaitele ma ia i ai foi fa'amaumauga o tauofoga e fa'amauiina e le SPA. O lenei mataupu sa lāga muamua foi e suetusi i le 2012/13. Na ta'ua e le SPA sa o latou sailia muamua inisiua mo a latou aseta ma latou fa'atalanoaina ai se tasi o ofisa inisiua i Niu Sila. Ae peita'i ane e fai si taugata tele ma e leai foi se tagata nofo mau i Samoa, e pei o le mafua'aga tonu lea o le fa'aiuga ina ia fa'aaoga le inisiua o lo'o iai nei. Ona o le tele o tupe e ono fa'aaluina i fa'asalalauga, ua manatu ai le SPA e tataua ona faia ni tauofoga fou e tai lua i le tolu tausaga ma fa'atinoina.
15. O le fa'avasegaga o tupe maua, tupe fa'aalu, aseta, aitalafu e lē ō gatasi ma faiga ma fa'amatalaga o tupe. Ua fa'amauiina e le Pulega lea vaega ma o se tasi lea o mataupu sa feagai ma i latou ae o lenei ua galulue agai iai e toe fa'aleleia le fa'asoasoina lelei o tulaga tau tupe. O le a fa'aaauu pea le galulue e fa'aleleia lea tulaga e ala i fa'atalatalanoaga mautu ma le fa'aaogaina lelei o vaega fa'apitoa (codes) i totonu o Siata o Teugatupe (Chart of Accounts).
16. E fai si tele o fa'amaumauga o feuaiga fa'apisinisi o lo'o matauina i le tausaga ae peitai e lē o iai ni pepa o galuega e lagolago ma fa'amaonia ai lona 'ato'atoa. Ua fa'amauiina e le SPA lea atugaluga mo le fa'aleleia.
17. E lē o iai se faiga e fa'amaumauina ai tupe maua mai feagaiga (bonds). O feagaiga o lo'o fa'aaitalafu ma fa'arisitina i le tausaga sa aveeseina mai le polokalame faakomipiuta (Excel spreadsheet) i le maea ai ona totogi. E lei mafai ona fa'amaonia le atoaga ma le mautinoa o tau o feagaiga ona o le leai o ni fa'amaumauga na tu'uina mai. Na tau'a e le SPA o lo'o latou galulue nei ma nisi ua iai le tomai fa'apitoa ina ia iloiloaina pe mafai ona fa'amauiina feagaiga i luga o faiga faaeletoroni (electronically recorded online).
18. E ui e lē o mafai e fua fa'atusatusa (ratio) a le SPA o lo'o iai nei ona ausia le fuataga (benchmark) o le 2:1 ma e lē o ausia foi a latou noataga laiti (short term obligations) i tupe maua o lo'o iai nei, ae peitai e tele lava se si'itaga o fua fa'atusatusa o lo'o iai le taimi nei pe a fua atu i tausaga fa'aletupe ua mavae. Ua fautuaina le pulega ina ia fa'aaauu pea ona toe iloilo tulaga tau tupe a le SPA ma ia fautuaina le Komiti i ni auala talafeagai e toe fa'aleleia atili ai mo le isi 12 masina. Sa fa'amanino e le SPA o se tasi o vaega taua tele na fa'aleleia ai lea tulaga o le aveeseina lea o Nonogatupe Umi (Long Term Loan) mai lalo o Aitalafu totogi i le taimi nei (Current Liabilities) ona o lo'o tulaga lelei le toe togitogiina i le taimi nei ma e lē o toe fa'aaogaina le talaina pea o tupe sili atu fa'aaitalafu (overdraft).
19. O lo'o atagia mai i le 36% o fuafuaga o aitalafu o aseta (debt-asset ratio) a le SPA o lo'o fa'atupeina mai i ana aitalafu, ma o se tulaga lelei tele lea pe a fua atu i le tausaga ua mavae. O lenei tulaga e atagia ai le tele o tupe nono a le SPA o lo'o fa'atupulaia ai foi auala mo fa'agaioiga o tupe. Ua fautuaina le SPA ina ia fa'aaauu pea ona toe iloilo e le pulega le tulaga tau tupe ma ia fautuaina foi le Komiti i auala talafeagai e latou te toe fa'aleleia atili ai tupe maua i le isi 12 masina. Na tau'a e le SPA o le a fa'aaauu pea ona galulue fa'atasi le pulega ma le Komiti o Fa'atonu ina ia toe fa'aleleia a latou galuega fa'atino.
20. E lē o tu'uina mai i le taimi fa'atulagaina fa'amatalaga o tupe. O lo'o manino i le tulafono e tataua ona tu'uina mai i le Pule ma Suetusi Sili fa'amatalaga o tupe i totonu o le 60 aso (31 Aukuso) talu ona mae'a le tausaga fa'ale-tupe. Ae peitai na tu'uina mai e le SPA ana fa'amatalaga o tupe i le Aso 30 Setema 2014 ma le fa'amaumauga mulimuli (final draft) na tu'uina mai le aso 30 Novema 2014. Ua fa'amauiina e le SPA lenei atugaluga.

4.44 Falemeli a Samoa mo le tausaga faaletupe na fa'aiuina 30 Iuni 2012

1. Sa iai fetu'unaiga sa faia i totogi o nisi o le aufaigaluega i le maea ai o le iloiloga o fa'atinoga ma fuafuaga. Ae peitai, sa lei fa'amaumauina lelei nei a'afiaga i faila taitasi e patino i tagata faigaluega. O le leai o ni fa'amaumauga mautu i suiga o totogi e mafai ai ona tulai mai ni suiga e le'i fa'atagaina e ono tulai mai ai ni fe'eseeseaiga lē talafeagai. E mafai ona fa'amaonia lelei ni suiga, ae e tatau lava ona iai ni fa'amaumauga aloaia i faila ma ia avanoa mo le lumanai.
2. E le'i mafai ona mauaina mai pepa fa'atumu o talosaga o aso malolo (leave request form) a nisi o le aufaigaluega. O Faiga Fa'avae a le kamupani e tatau ona fa'atumuina lelei nei pepa faatumu, fa'amaonia ma faila lelei ina ia o gatasi ma fa'avae a le pulega ma Punaoa tau Tagata faigaluega, ae peitai e lei tausisia lea tulaga. Sa fautuaina le Kamupani Meli (SPL) e fa'apea o le aufaigaluega uma:
 - E tatau ona fa'atumuina le pepa o talosaga mo aso malolo ina ia fa'amaonia muamua mai e lē o nafa ma lea vaega ao le'i aveina se aso malolo, ina ia mautinoa ua fa'amaonia lelei lona tu'uina atu.
 - E tatau ona mulimulitaia ma tausisia a latou faiga fa'avae o aso malolo ua taua i le Taiala o Punaoa tau Tagata faigaluega.

Na fautuaina foi e suetusi le Pulega ina ia fa'amalosia puipuiga mo aso malolo o lo'o tu'uina i se tagata faigaluega ae lei fa'amaonia muamua mai le Pule Sili e ala i le tu'uina atu o aso malolo e aunoa ma se totogi ina ia fa'aititia lea vaivaiga o le lē mulimulitaia o fa'agasologa o aso malolo a le Kamupani.

3. O pepa talosaga o aso malolo o le aufaigaluega uma sa tausia ma teuina i le faila e tasi. E lē o mafai ona tino mai i se tulaga lelei lea faiga o faila e puipuia ai ni tulaga lamatia o le leiloloa o pepa fa'atumu o aso malolo. O le failaina o nei pepa e lē o fa'atulagaina foi ma e ono faigofie ai ona leiloa. Sa fautuaina e suetusi le Kamupani Meli a Samoa e tatau ona fa'aogaina faila e patino i le aufaigaluega e teu ai fa'amaumauga talafeagai uma e fa'atatau i lena tagata faigaluega. O le pepa talosaga mo aso malolo mo tagata faigaluega e tatau foi ona teuina i faila e patino ia i latou. O lea faiga, o le a faigofie ai ona su'e ma maua uma fa'amaumauga e uiga i soo se tagata faigaluega i latou faila patino.
4. E lē o iai se auala talafeagai sa fa'aaoga e mātā'ituina ai oloa. Mo se fa'ataitaiga, sa fa'aletonu le Infinity System a'o fa'atinoina le galuega a suetusi ma sa matauina e lē o taulimaina lelei faila o oloa ma e lē o sainia pepa faatumu o talosaga mo oloa (requisitions form) ma o lo'o tu'ulafoa'i solo nei pepa ma sa fa'afaigata ai ona fa'amaonia e suetusi. Sa leai se fa'amatalaga o paleni mo oloa laiti (inventory) i masina taitasi. Sa iai se atugaluga i suetusi i natura o oloa olo'o umia e le Kamupani Meli ona o le tulaga faigofie ona tuai ma faaleagaina. Ona o le leai o ni puipuiga talafeagai e mātā'ituina ai oloa laiti e ono tulai mai le sese o le faamaumauga e lipoti atu poo le lē manino o eseese o fa'amatalaga o aseta i le polokalame fa'akomipiuta. O lea mataupu sa maua foi e suetusi i le tausaga ua mavae ae peitai e leai se alualu i luma poo gaioiga talafeagai sa fa'atinoina. O nisi nei o vaega sa fautuaina ai le Kamupani Meli a Samoa:
 - Ia faia se faiga mautu (proper system) e mātā'ituina ai oloa laiti ina ia fa'aititia ai ni tulaga lamatia e feso'ota'i ai ma oloa.
 - Ia faia se faila mautu e tausia ma teuina lelei ai e le Kamupani le fesi'itaiga o oloa, ina ia mautinoa ai o lo'o mātā'ituina ma fa'amaumauina lelei le fegasoloai (movement) o aseta uma.
 - O Fa'amatalaga o Paleni o masina taitasi e tatau ona saunia lelei mo oloa, e mautinoa ai o lo'o tutusa le aofaiga o oloa o lo'o fa'amauina i le Infinity System ma oloa o lo'o iai.
5. Sa le'i tausiaina lelei ma tu'u lata mai le Resitala o Aseta i le taimi o le suega. I se fa'aopoopoga o lea mataupu, sa iai nisi o aseta tumau sa sese ona resitalaina i lalo o le isi vaega o Aseta Tumau. E ui e lē tele le aofaiga, ae sa tatau lava ona tausia lelei ma mātā'ituina le resitala tumau o aseta e le Kamupani ina ia mautinoa ai o lo'o malupuipuia lelei ma sa'o le faitauina. Sa fautuaina e suetusi e tatau pea ona tu'u lata mai le resitalaina o Aseta i soo se taimi e fa'atauina ai se aseta fou ma soo se aseta ua lafoaina mo le pulea lelei o meatotino a le Malo. O aseta uma lava e tatau ona vaevaeina i lalo o vaega sa'o o le aseta mo le sa'o atoatoa lelei o lipoti o fa'amatalaga tau tupe.

6. Sa le'i iai ni pepa fa'atumu mo le soloia (write off) mo le fa'amatu'uina atu o aseta a le Falemeli a Samoa. O le mafuaga lea o le fa'afaigata i suetusi ona maua se fa'amaoniga sa'o o aseta tumau uma ua fa'aleagaina ma fa'amatu'ueseina atu. Sa fautuaina e suetusi le Kamupani Meli ina ia saunia lelei pepa fa'atumu mo le soloia (write off) o aseta fa'amatu'u atu mo le sa'o atoatoa o fa'amaumauga tau tupe. O le a atagia ai loa le iai o se fa'amaoniga sa'o mai le Pule Sili/ Pulega mo le puleaina lelei ma le mātā'ituina o aseta.
7. Sa fa'amauina e Suetusi, e lē iai se faila mo fa'amaumauga o feuaiga fa'apisinisi lautele a le Falemeli a Samoa. O fa'amaumauga o feuaiga fa'apisinisi lautele uma e tatau ona fa'amaonia e le tagata talafeagai po o le Pule Sili a'o le'i tu'uina i luga o polokalame fa'akomipiuta o fa'amatalaga tau tupe (MYOB). Sa lē mafai ona fa'amaonia nisi feuaiga sa faia ma auala sa fa'atino ai nei feuaiga ona o le leai o se faila. Sa fa'ateleina se tulaga lamatia o feuaiga lē fa'atagaina ona o le leai o ni faiga mautu i lea taimi. Sa fautuaina foi, e tatau ona i ai ni faiga mautu ma ni alafua e mātā'ituina ai fa'amaumauga o feuaiga faapisinisi lautele. E tatau foi i le Kamupani ona tausia lelei le resitala ma faila uma fa'amaumauga tau feuaiga fa'apisinisi lautele ina ia mautinoa ai le sa'o o nei feuaiga.

4.45 Falemeli a Samoa mo le tausaga faaletupe na fa'ai'uina 30 Iuni 2013

1. E lei tu'u lata mai i se tulaga lelei tusi lagolago (subsidiary module) mo fa'amaumauga o aitalafu (account receivables SALES). Sa iai pepa o tau o oloa (invoices) ua maea ona totogi ae o lo'o fa'amauina o ni paleni tu'ua (outstanding) i luga o fa'amaumauga fa'akomipiuta. O tupe totogi ua fa'aee atu mo ia pepa tau oloa e fa'asaga i tagata o loo nonofo aitalafu i le kamupani sa tataua ona faaitiitia ai a latou aitalafu. Ina ua fa'amauina tupe totogi mo ia aitalafu na faia i luga o fa'amaumauga o feuaiga fa'apisinisi lautele ae sa tataua ona faia i luga o le polokalame faakomipiuta mo Fatauga (SALES interface/windows). E afua mai i lea tulaga, o lipoti a tagata nofo aitalafu na fai, ua le atoatoa ma maimau ai taimi ma galuega e toe tau fa'apaleni ai ma fetu'una'i ae sa tataua lava ona alofia pe ana sa'o ona taulimaina ma fa'amauina lelei o tupe totogi a tagata nofo aitalafu. Na ta'ua e le Kamupani o lo'o latou galulue i le fa'apaleniina o eseesea i le va o Fa'amaumauga Lautele o mea taitasi (General Ledger) ma fa'amaumauga o mea laiti (subsidiary ledgers) e pei ona lagā.
 2. Na fa'aalia i lafoga toe fa'afoi i le Matagaluega o Tupe Maua mo le vaitaimi o Me-Iuni 2013 le tupe maua mai a le kamupani e \$26,258.91, ae o le lipoti o fa'amatalaga o tupe, o le paleni o tupe totogi e \$51,587. O lafoga toe fa'afoi sa saunia i faiga tusitusia (Excel) e ui lava sa avanoa le fa'aaogaina pea o le polokalame o le GST i fa'amaumauga lautele (General Ledger) i le MYOB ao fa'agasolo le fa'amauina. E le o mafai ona fa'amatalaina le eseesea ma o le sao atoatoa o le paleni o lenei mataupu e le o mafai ona fa'amaoniaina. Na ta'ua e le Kamupani o le eseesea e pei ona fa'amauina e ono mafua mai i le fa'aaogaina o teugatupe fa'avae o tinoitupe totogi mulimuli (accrual basis) peitai o lafoga toe fa'afoi (VAGST) ua saunia i luga o tinoitupe ua maua (cash basis) ma o lo'o latou galulue i le taimi nei i le fa'apaleniina o ia eseesea ina ia sili atu ona manino lelei i suegatusi i le lumanai.
 3. E le'i mafai ona fa'amaonia e suetusi le sao atoatoa o paleni o oloa (fa'atau mai, tupe totogi o fa'atau ma oloa totoe) ona o mafuaaga e pei ona taua i lalo:
 - Sa le feso'ota'i le Infinity System (point of sale system) a ofisa o meli a Itumalo taitasi ma le Ofisa Autu (801 – Infinity terminal). Sa leai foi se tusitusiga o fa'amatalaga tau tupe po o le resitala o fa'atau ma o ia ma e le'o lelei foi le tu'u lata mai o fa'amaumauga lautele o meataitasi.
 - Sa le'i fa'atinoina lelei fa'amatalaga o paleni e lagolago ai feuaiga fa'apisinisi ma fetu'unaiga sa fai agai i fa'amaumauga lautele o meataitasi.
 - E le'i iai ni pepa o suega oloa (stock take sheets).
- Na ta'ua foi e le Falemeli a Samoa le toe iloiloaina atili o le tu'u lata mai o le fa'apaleniina o oloa fa'atasi ai ma nai eseesea laiti. I le taimi lea, sa iai lalo oloa i le vaega o Faleoloa laiti & Vaega o le Maketi ma le Falemeli a Samoa, ae o lea ua toe fa'amatu'uina atu i lalo o le Vaega o Tupe.
4. O aia tataua uma i le tagofiaina o galuega tauave ma le faiga e aofia ai le fa'afoeina o le tulaga o polokalame Fa'akomipiuta sa nafataulimaina e le sa avea ma Fa'auluuluga o vaega o Tupe o ia foi lea na iai le puleaina o upu tatala (Administrator password). Sa iai foi le isi noanoaga faakomipiuta (SPost) sa fa'aaoga e le sa avea ma Fa'auluuluga o vaega o Tupe na ia faasoa atu le fa'aaogaina e nisi o le afaigaluega o vaega o tupe. I le sueina o se tali manino ma le tu'umavaevaeina o tiute, sa le faigofie ona sueina ma iloaina poo ai tonu na fa'atinoina feuaiga fa'apisinisi. E na o le lua lava ni tagata (users IDs) e ese mai le Pule (Administrator) e tagofia nei polokalame/noanoaga faakomipiuta - o le SPost ma le TS, ae matauina e lei fa'aaogaina lava le TS i le tausaga atoa e pei ona matauina e suetusi. Na mauaina mai foi e suetusi, e le'i fa'atinoina le fa'afoeina o auala fa'asuetusi (system audit trail) ma isi vaega taua o galuega tauave. Na ta'ua e le Falemeli a Samoa, i le taimi nei e na o le lua tagata o le vaega o tupe e mafai ona tagofia le fa'afoeina o le polokalame fa'akomipiuta (MYOB) ma o le latou Pule o Vaega o Tupe fa'atasi ai ma taitai o vaega sa fa'aaogaina le noanoaga e tasi o le polokalame fa'akomipiuta (MYOB).
 5. O mataupu e fa'atatau i tupe toe fa'aola (receivables) ma tupe totogiina atu (payables) a le Auaunaga o Meli a Ausetalia (AMS) ma Nofoga Fa'ava-o-malo (International Settlements- IS) e aofia ai:

- O le aofaiga o tupe maua ma fa'amauina i luga o fa'amaumauga lautele o mea taitasi (General Ledger) i le masina na matauina le eseese ma le aofai na fa'amaumauma i luga o otootoga o le CN.
- O paleni o tupe toe fa'aola ma tupe totogi ua fa'avasegaina i lalo o vaega autu e lua pei ona taua i luga (AMS & IS) ma fa'amatalaga o tupe taitasi e le mafai ona taua fa'apitoa i atunuu /pulea taitasi. O aitalafu patino (tu'uina mai ma tu'uina atu) paleni a atunuu e le mafai ona fa'amaoniaina e ui sa auina atu se tusi mo le fa'amaoniga o nei paleni, olo'o ua auina atu pea nisi o suiga o loo fa'agasolo i numera pe a fa'atusatusa i fa'amaumauga a le Falemeli a Samoa seia oo i le aso e fa'agata ai le suega.
- O fa'amatalaga i nisi o fa'amaumauga o feuaiga fa'apisinisi e le manino, le atoatoa ma le fenumiai ma le mafai ona fa'amalamalamaina le natura o feuaiga fa'apisinisi.

O paleni uma e fa'atatau i le IS ma AMS ua tuu lata mai lona fa'apaleniina, o lea ua o gatasi fa'amatalaga o paleni ma fa'amaumauga lautele o mea taitasi. I le taimi nei, ua fa'amauina taitasi pepa o tau o oloa (invoices) i le IS ma le AMS e pei ona fautuaina e alofia ai ni fenumiaiga.

6. E leai se faila o fa'amaumauga tau tupe olo'o aofia uma ai pepa o galuega ma fa'amatalaga o paleni e lagolago ai le aofai o tupe o taua i totonu o fa'amatalaga o tupe. O se tulaga faigata na feagai ma suetusi o le le atoatoa lea o fa'amatalaga o paleni mo le tele o vaega o loo aofia i le fa'amatalaga tau tupe. Na avea lea tulaga ma ala na faigata ai ona maea le suegatusi i le taimi fa'atulagaina. Na ta'ua e le Falemeli a Samoa o lea ua latou taulimaina nei faila mo suegatusi i le 2013-2014 ma o le a fa'auaina pea i tausaga o i luma.
7. O lo'o fa'amauina mai tausaga ua mavae, sa le'i fa'amauina lelei i totonu o le polokalame faatausi tusi o loo aumaia ai lipoti faaletupe fetu'unaiga ma fesuaiga na fuafuaina talu mai le suegatusi i le 2011. Na maua e suetusi faapea o fetu'unaiga o tusi (audit adjustments) sa fa'amauina i fa'amatalaga fa'aleoleo i se isi faila o fa'amatalaga ma e leai se aafiaga i fa'amatalaga o le taimi nei/tausaga fou. Sa faia talanoaga ma e tele se taimi sa fa'aaluina e fa'aleleia ai nei fa'aletonu. Na fa'ailoa e le Falemeli a Samoa, o fetu'unaiga o tusi (audit adjustments) mo le tausaga 2011 na tu'uina atu i le 2013, fetu'unaiga o tusi mo le 2012 na tu'uina atu i le 2014. O vaega na fa'aauau pea ona tuai ona fa'ao'o atu sa tu'uina atu ao fa'agasolo gaulega tau tupe i le fa'aiuga o le tausaga fa'aletupe. E iai le talitonuga a le Falemeli a Samoa o le a tuu lata mai a latou fetu'unaiga (adjustments) mo le agai i luma ma o le taimi nei o lea ua nafataulimaina nei e le latou Pule o Vaega o Tupe ma le Pulega le fa'agaioiina uma o feuaiga fa'apisinisi e aofia ai i se fetu'unaiga o tusi.
8. E le i ai ni fa'amaumauga tusitusia o alafua e taiala ai faatinoga eseese o galuega faapisinisi. E tusa ai ma faamoemoega o le pisinisi ia agai pea i luma, e tataua ona faatupulaia le aofaiga o galuega, faapea lona tulaga lavelave. Na taua e le Falemei a Samoa o le a tagai le Pulega i nei mataupu taua.

4.46 Falemeli a Samoa mo le tausaga faaletupe na faaiuina 30 Iuni 2014.

1. Sa leai ni saina e faamaonia ai le iloiloga mo Fa'amatalaga o Paleni o Tupe mo teugatupe ma e lei fa'amauiina aso. Sa fautuaina e suetusi le pulega ina ia mautinoa le tausisia o alafua fa'ata'atitia e ala i le sainia lea o fa'amatalaga o paleni o tupe.
2. Sa leai se faiga fa'avae mo faamaumauga fa'aleoleo (backup policy) na umia e le kamupani, e tataua ona fa'ailoa ai le fa'atinoina o auala fa'aleoleo (backup), poo ai foi le e nafa ma lea tiute, ma le umi e manaomia ai le faia o fa'amatalaga fa'aleoleo (backup). E tataua foi ona faia ni fa'ataitiga (test) masani i luga o nei auunaga fa'aleoleo (backup) mo le toe fa'aolatia mai o fa'amatalaga (restoration) ina ia fa'amauiina ai o lo'o galue lelei pea nei masini faaleoleo (backup). Ua fautuaina ina ia faia ni faiga fa'avae fa'aleoleo mo le fa'alapotopotoga.
3. Ua fautuaina le Falemeli a Samoa ina ia faia ni faiga fa'avae mo le faolatia mai o faamatalaga taua i taimi o fa'alavelave fa'afuasei (disaster recovery policy) e ono tulai mai. Ia mautinoa i nei faiga fa'avae mo fa'alavelave fa'afusei le iai o fa'amatalaga taua ua teuina lelei ma sa'o ato'atoa lona toe maua mai pe a manaomia. E le manaomia e le kamupani ni faiga fa'avae lavelave ae mo'omia se faiga faavae faigofie o auala e fa'alelei ma toe fa'aolatia mai ai fa'amatalaga, ma e tataua foi ona fa'amauiina lelei.
4. Sa leai se faiga fa'avae e aloaia ai le taulimaina o tupe (cash handling policy), lea e fa'ata'atitia ai alafua o fa'agasologa o galuega o le aso. O lea faiga e fa'amauiina ai e tagata o nafa ma le fa'apaleniina o tupe ma siaki i le fa'aiuga o le aso le sa'o ato'atoa o le siakiina ma le fa'amauiina lelei o fa'amatalaga. Matou te fautuaina le aloaia o le taulimaina o faiga faavae o tupe e ala i le fa'amauiina o le fa'agasologa o le puleaina o tupe ma fa'amatalaga o paleni.
5. Na matauina le leai o se vaega fa'apitoa i fafo e teuina ai fa'amaumauga (external storage of data) ma ua fautuaina le kamupani ina ia mautinoa le iai o se vaega faapitoa fa'aleoleo i fafo (external backup) e teuina ai fa'amaumauga ma afai e tula'i mai ni tulaga le maitiia (unforeseen circumstances) ao loo teu maluina lelei faamaumauga ma toe fa'aolatia mai.
6. O le faitauga o tinoitupe i aso taitasi mo lala i Apia i masina o Oketopa, Novema, Tesema, Ianuari ma Fepuari sa lei sainia e le taitai po'o le ofisa sinia lea vaega e fa'ailoa ai ua maea ona siaki. Ua fautuaina le tagata o nafa ma lea vaega ina ia mautinoa o lo'o siaki ma sainia uma nei faitauga o tinoitupe i aso taitasi e fa'ailoa ai ua maea ona iloilo ma siaki'ina lelei.
7. E le mafai e le kamupani ona fa'alagolago i aofaiga o tupe maua mai tagata nofo aitalafu o fefa'atauaiga (trade debtors) ma aitalafu totogi atu (account payable) ona o le sese o fa'amaumauga mai tausaga ua mavae o lo'o atagia i luga o le polokalame o fa'amatalaga tau tupe (MYOB). Ua fautuaina ina ia iloilo lelei ma faapaleni nei faamaumauga ina ia mafai ona fa'aaoga lelei mo fuafuaga fai a le kamupani i le lumanai.
8. Sa leai se vaega ese (third party) po se tagata tutoatasi (independent personnel) e na te siaki'ina teugatupe a le kamupani ao lei teuina i le faletupe. E taua tele le siaki'ina e fa'amauiina ai o lo'o ato'atoa lelei ma fa'asa'oina ni vaega fa'aletonu o teugatupe. O le a mautinoa ai foi le mata'ituina o ni faiga faasolitulafono ma fa'asao ai ni fa'amaumauga sese.
9. O fa'amatalaga o tupe i faletupe sa lei iloilo ma pe siakiina e se tagata e ese mai i le o lo'o nafa ma lea vaega sa ia tapenaina fa'amatalaga o paleni o tupe. Sa lei faia le siaki'ina o fa'amatalaga o tupe i faletupe ao lumanai ai le fa'apaleniina o teugatupe. Sa fautuaina le siaki'ina o fa'amatalaga o teugatupe e se tagata patino (appropriate personnel) ese mai le tagata o lo'o faia paleni o tupe ina ia mata'ituina ai ni feuaiga fa'apisinisi e le masani ai (unusual transactions) ma fa'aititia ai ni faiga fa'asolitulafono.

10. Sa leai se tagata fa'apitoa e tofia e fa'atino le tu'uina mai o tupe totogi, tufatufaina o siaki, tu'uina atu o siaki o totogi i le faletupe ma le fa'apaleniina o teugatupe. Ua manino mai o lea ua fa'afaigaluegaina se tausitusi fou. Ae peitai, e le taofia ai le fa'alapotopotoga mai le fa'amautinoaina o le tauaveina o galuega a lea tagata. O lea ua fautuaina le kamupani ina ia mautinoa le tu'umavaevaeina o tiute ina ia fa'aitiitia ai ni tulaga lamatia i ni faiga fa'asolitulafono e ono tula'i mai.
11. Sa fa'amaonia e le Sui Pule o le Vaega o Tupe i le taimi o suegatusi e faapea sa mafai ona ia fa'amauina fetu'unaiga po fa'amaumauga o feuiaiga fa'apisinisi. Ua manino foi o lea ua fa'afaigaluegaina e le kamupani se tausitusi agavaa. Sa fautuaina ia fa'amautinoaina le tu'umavaevaeina lelei o tiute a le tausitusi fou ina ia fa'aitiitia ai ni faiga fa'asolitulafono.
12. E leai se fa'amaumauga (log) a le kamupani e iloa ai le aso e faia ai fa'amaumauga faaleoleo (backup), ma le taimi, fa'apea foi le sa faia lea faamaumauaga fa'aleoleo (backup). Sa fautuaina e tatau ona iai lea vaega ina ia mautinoa ai le taimi mulimuli sa faia ai ni fa'amaumauga fa'aleoleo.
13. Sa leai ni fa'amaumauga aloaia mai le aufaigaluega e fa'atagaina ai ni toesega o tupe mai i o latou totogi. Sa fautuaina le faia lelei o nei fa'amaumauga.
14. E le o atoatoa ma tuu lata mai faila patino i tagata faigaluega. Sa fautuaina e tatau ona iai i totonu o faila patino fa'amaumauga ma fa'amatalaga sao o tagata taitoatasi a le kamupani.
15. E tusa ai ma auauanaga fa'avaomalo a le Falemeli a Samoa o lo'o iai paleni o tupe totogi i auauanaga fa'avaomalo (international settlement balances) e lei fa'amaeaina. Ua aliae mai i luga o iloilogaga o lea teugatupe o paleni i le aso 30 Iuni 2014 ua na o se fua fa'ataitai ona e lei maua se fa'amaoniga o le tupe totogi (settlements) i le va ma i latou o faia auauanaga o meli fa'ava o malo. O loo iai se noataga ma tupe maua mai mo maliega fa'ava o malo. O paleni o tupe maua mai (receivables) e afua mai i le aofaiga o tupe mama (net amount) i le va o meli maua mai ma meli e lafoina atu i fafo (afai e sili atu meli maua mai nai loo meli e lafoina atu ona maua lea o tupe totogi mai (receivables)). E tatau i le kamupani ona ave'ese tupe maua mai i tupe totogi mai le fa'a'iloina atu pe afai e tasi le tagata o aafia ai. Sa ta'ua e le kamupani o le latou fautuaga foi lea i le latou pulega mo fa'atalatalanoaga o paleni a tagata mo atunuu taitasi o lo'o latou galulue fa'atasi i auauanaga o meli fa'avaomalo. I le taimi nei o lo'o tu'ufa'atasia mea uma a le tagata nofo aitalafau (debtor) po'o aitalafu a tagata e totogina atu i fa'amaumauga o faamatalaga tau tupe lautele (general ledger account).

4.47 Falemeli a Samoa Suesuega Fa'afuasei mo le piriota 1 Iulai 2014-28 Fepuari 2015

1. O le polokalame fa'akomipiuta mo fa'atauga (point-of-sale system) i Salelologa sa lei iai se feso'otaiga sao i le polokalame fa'akomipiuta (POS) i le ofisa autu i Matafele ma e lei feso'otai foi ma le polokalame o fa'amaumauga tau tupe o lo'o iai nei. O fa'amaumauga uma o fa'atauga sa aoina mai i le polokalame fa'akomipiuta (Infinity System) sa fa'amauina i le polokalame fa'atausi tusi(MYOB system). O nisi fa'atauga sa aoina e lei maua i luga o lipoti o faleoloa laiti (retail report) ma fa'amaumauga a le ofisa. Sa iai se vaega fa'apitoa na fa'aletonu i Matafele, i le motusia ai o le eletise ma mafua ai ona iai ni tulaga fa'aletonu. O nei vaivaiga sa fesiligia ai le fa'atutuina ma le sao atoa'atoa o lipoti sa faia mai i le polokalame fa'akomipiuta. Na ta'ua e le Falemeli le taugata o polokalame fa'akomipiuta e fa'atumuina ai ma iloilo ai le le talafegai o fa'atinoga mai ofisa meli faaitumalo ma iloa ai le motusia o feso'otaiga ma so'otaga.
2. Sa iai ni vaivaiga e fa'atatau i le fa'arisitiina o tupe i Falemeli fa'aitumalo (District Post Office) i Savaii:
 - Leai ni risiti mai le polokalame (Infinity system) sa faapipiina mo le fa'amaoniga o lipoti o aso taitasi i le ofisa i Salelologa. E le'i mafai e suetusi ona fa'amaonia le atoaga ma le sao atoatoa o lipoti.
 - Leai ni fa'amaumauga sa teu e le Falemeli faaitumalo e faatatau i feuaiga fa'apisinisi a le Bluesky. O feui'aiga fa'apisinisi uma sa fa'amauina i api risiti a le Bluesky ma o nei api e toe fa'afoi i le Bluesky pe a maea. Tusa ai ma lea tulaga ua tulai mai, sa leai ni fa'amaumauga na tausia e le DPO ma e le'i mafai ai ona fa'amaonia e suetusi le sa'o atoatoa o nei feui'aiga faapisinisi.
 - O paleni tului (e-charge) o feuaiga faapisinisi i le aso mo le ofisa i Fagamalo, sa faarisitiina uma i le risiti e tasi i le igoa o le Falemeli a Samoa. Sa leai ni risiti lagolago (sub-receipts) po o se lisi o feui'aiga faapisinisi e lagooni ma fa'amaonia ai le sa'o atoatoa o le aofai o tupe sa aoina.
 - Sa maua ni suiga (alterations) i luga o api risiti e aunoa ma ni saina e fa'amaonia ai nei suiga.

Na taua e le kamupani o le polokalame (Infinity System) sa taugata lona tausia ma fa'atumuina (maintances) fa'atasi ai ma le siosiomaga mo masini o lo'o fa'aogaina. Sa motusia le auunaga o le polokalame talu mai le aso 9 o Setema 2014 ma sa le'i mafai ona mauaina lelei ai risiti sa fa'atinoina mo lea taimi. Sa fesiligiaina e le aufaigaluega e taofi se kopi o risiti a le Bluesky mo fa'amaumauga a le kamupani. Sa fautuaina le aufaigaluega o lo'o fa'atinoina galuega i Ofisa meli fa'aitumalo i Savaii ina ia fa'arisiti'ina uma feui'aiga faapisinisi taitasi mo paleni tului (e-charge) tusa lava pe \$1.00. O le mataupu i le suiga o risiti o se fa'aopoopoga o le saina a le tagata faigaluega sa misi ae peitai e le o a'afia ai le aofaiga sao o tupe na faarisiti ma teuina. Ae peitai o lea ua faailoa uma i le aufaigaluega o suiga i luga o kopi o risiti e le fa'atagaina.

3. Sa iai ni faafitauli na tulai mai i Ofisa o Meli Faaitumalo i Savaii ma le Ofisa Autu i Matafele ona o tupe pau i teugatupe (short banking), teugatupe ua sili atu nai loo tupe na aoina (over-banking) ma ua tuai ona teuina tupe i faletupe (delayed banking). Ua faatupulaia pea le tuai o teugatupe i faletupe a le falemeli (DPO) i Salailua. O nei faafitauli ua avea ma masani i gaioiga a Ofisa Meli Fa'aitumalo ua atagia ai le leaga o le mata'ituina e le Ofisa Autu. O nei faiga e le tatau ona toe alia'e mai ona o le tulaga lamatia o le fa'aaogaina e le aufaigaluega o tupe aoina mai faatauga (sales collection) ae toe totogi i le aso e soso'o ai o nei faiga e fa'asolitulafono ma e le talafeagai. Ua fa'amauina e le Meli a Samoa fautuaga ma tulaga manaomia ua tu'uina atu nei i le aufaigaluega uma i Savaii, ina ia aofia ai numera o risiti o faatauga o le aso ona tu'uina atu lea i le Ofisa Autu i aso taitasi. O teugatupe mo Salailua ma Fagamalo o lo'o faia i vaiaso taitasi talu mai ona fa'amutaina le auunaga a le Faletupe Tagata Nuu A Samoa (NBS) i le Meli a Samoa.
4. O tupe maua mai i auunaga a le Meli sa lei ausia le 12% mo le 8 masina i le maea ai o le iloilo faapitoa i vaega o meli faapisinisi faava-o-malo, meli mo faleoloa laiti (Post shop retail), faleoloa pueata (photo print) ma pisinisi initaneti. Na taua e le Meli a Samoa o lo'o fa'aa'uina pea le fa'atonutonuina ma le mata'ituina e le Komiti ma le pulega le paketi mo masina taitasi ma malamalama i mafua'aga o le vaai mamao, tupe

ausia i le asō ma suiga e tusa ai ma atugaluga a suetusi. E talitonu le Meli a Samoa o le aofaiga aoao tetele o ana tupe maua, ua mafai ona ausia uma ai fa'aילוilo tau tupe i vaega uma tau tupe mai lea tausaga e oo ma i le asō sei vagana ai aofaiga o tupe maua. Na fa'aילוilo foi e le Meli a Samoa e tusa ai ma le tulaga ma'ale'ale o lo'o galulue ai nei i le si'osi'omaga o pisinisi e tele tulaga lē mailoa (unforeseen circumstances) ma malosiaga mai fafo o a'afia ai ana faatinoga mai lea taimi i lea taimi. O lo'o gafatia pea e le kamupani ona faatino ana galuega ma fa'aauau ona fa'amaea ona tiute masani, fa'aletulafono ma fa'atinoga tau tupe i taimi uma. O lo'o taulai pea le Kamupani Meli i le ausiaina o aofaiga atoa o ana tupe maua (total revenue), aofaiga tupe fa'aalu (total expenses), tupe faasili faapea ai ma tufatufuga o tupe totogi (dividend payment) i le Malo.

5. Na māua e suetusi se tulaga lamatia ona o siaki tupe mo totogi (payment of cash cheques). Na taua e le Meli a Samoa o lea faiga o siaki totogiina atu (cheque payable) o se ala faigofie lea mo itu uma e lua.
6. E 10% le lafoga taofiofi (withholding tax) sa le'i taofia mai tupe totogi o auunaga pei ona mo'omia e le tulafono. E na o lafoga taofiofi sa toesea mai i totogi o faatonu (directors' fees) ma alauni mo le auai i fonotaga (sitting allowance) ae peitai latou te lei iloina ni lafoga i luga o auunaga. Ua faamauina lea tulaga ma ua talosagaina e le SPL se lisi o auunaga uma mo lafoga taofiofi mai le MOR.
7. Sa lei tausisia le Taiala mo Komiti o Tauofoga i le tauofoga o galuega fausiaina:
 - le galuega sa fuafuaina le fa'afouga/tausiga sa lei fa'asalalauina lautele i sui konekarate uma e fia auai. Ae sa na o sui konekarate lava lea e masani ona fa'afaigaluegaina ma fa'atino galuega a le kamupani sa faafesootai sa'o ma faatonuina e auai i lenei fetu'unaiga.
 - O tau o galuega sa tu'uina mai e i latou na taufo sa le'i lava ona e na o le lua lava tau o galuega sa moomia e le Meli a Samoa.
 - Sa lei tausisia taiala a le Komiti o Tauofoga i le iloiloaina o se konekarate e tu'uina atu i le ua sili lana ofo.

Sa fa'amaonia mai le Meli a Samoa, o le fa'afouga o galuega sa fa'atinoina i ofisa meli fa'aitumalo e tolu (3) i Savaii. Sa iai ni galuega eseese se tolu ma sa itiiti ifo se tau fa'atulagaina i le \$50,000. Sa faia se feutana'iga i le va o le Meli a Samoa ma le kamupani e fausiaina galuega ma o lea galuega sa faia i se tau mauualo e itiiti ifo nai loo le tau sa fuafuaina. O le talitonuga masani lava a le Meli a Samoa a fa'asalalauina tauofoga, e le gata i le mauualuga o tau fa'a'aluina ma tosina mai ai ma i latou e taugata a latou tauofoga.

8. O le ponesi e \$15,000 sa totogiina i le Pule Sili mo le tausaga 2011-2014, lea sa fa'amaonia e le Komiti o Fa'atonu. E manatu le suetusi na mafua lea tulaga ona o se talosaga sa tu'uina atu e le Pule Sili. Ae peitai ua solia ai ma Taiala o Punaoa tau Tagata Faigaluega ona e le'i agavaa le Pule Sili i nei fa'amanuiaga. E na o fa'amanuiaga o lo'o taua ma manino i tuutuuga ma tulaga o galuega fa'akonekarate e mafai ona agavaa ai le Pule Sili. Na taua e le Meli a Samoa sa fa'amaonia e le Komiti o Fa'atonu le fa'amatuuina atu o nei faamanuiaga ona e lē agava'a le Pule Sili i isi faamanuiaga. O le fa'aiuga a le Komiti sa faavaeina i luga o talaaga lelei o tupe na ausia (financial achievements) ma nisi vaega na ausia ese mai tupe (non-financial achievement) i totonu o le tolu (3) tausaga. O lona lua, o faaputugatupe ua maea ona iai i le tausaga, mo ponesi a le afaigaluega, ma tupe totoo sa fa'aogaina mo le totogiina o ponesi mo le Pule Sili. I le taimi nei, o lea ua ō gatasi le konekarate a le Pule Sili o iai nei ma fa'alapotopotoga uma a le Malo i le itu tau fa'amanuiaga.
9. Sa leai se resitala e faatatau i feuaiga fa'apisinisi mo isi vaega (party transaction) i luga o mataupu faapitoa e uiga i ni feteenaiga e ala i so'otaga (conflict of interest) e ono tulai mai. Sa taua e le Meli a Samoa o lo'o iai le resitala i le taimi nei.
10. O tupe fa'aalu talafeagai a le Minisita sa le ō gatasi ma alafua faataatitia, ma pepa o tau o oloa (invoices) sa lei fa'amaonia e le Minisita. Ua talia e le Meli a Samoa lenei faafitauli (oversight) ma o le a mautinoa o talosaga mai le ofisa o le minisita o le a fa'amaonia lelei e le Minisita.

11. O mataupu e fa'atatau i Punaoa tau Tagata Faigaluega (HR), aso malolo ma api saini:

a. *Api Saini:*

- E lē o sainia e le aufaigaluega le api saini i le taimi amata ma le maea ai o galueaga i le aso;
- E leai se fa'aailoga tau mai ai mea e aga'i ai le aufaigaluega;
- O talosaga o aso malolo ma le api saini e lē ōgatasi ma le ituaiga aso malolo ua maea ona fa'aogaina;
- E lē o iai ni alafua mo le mātā'ituina ma ni fa'asalaga mo le au tuai i galuega.

Sa ta'ua e le Meli a Samoa o le a fautuaina le aufaigaluega ia tausisia taiala o Punaoa tau Tagata Faigaluega aua le agai i luma ma o le a mātā'ituina lelei lenei fa'afitauli.

e. *Aso Malolo:*

- O le faia o aso malolo a le aufaigaluega e aunoa ma ni pepa fa'atumu (leave form) ma le leai o se fa'amaoniga;
- E iai foi ma faila o aso malolo ua maea ona fa'atumuina e aunoa ma le fa'amaoniga a le Pule Sili;
- O fa'amaumauga o aso malolo o lo'o tausia i api o fa'amaumauga i luga o computer (e-copies) e aunoa ma se fa'amaumauga fa'aleoleo (backup).
- O pepa o aso malolo e lē o tulata mai lelei. Ona o lea tulaga, o le aofaiga o paleni o aso malolo ua fa'aogaina po ua maea ona fa'aogaina e lē o fetau ma aofaiga o paleni o aso malolo o lo'o i totonu o pepa o aso malolo.

Sa fa'amauina e le Meli a Samoa nei atugaluga ma o le a fa'amalosia le faia muamua o se fa'amaoniga ao lei tauaveina se aso malolo a se tagata faigaluega. O pepa o aso malolo sa fa'amauina i lalo ma o le a tulata mai e tusa ai ma tuutuuga.

i. *Taimi Malolo Lē Totogia (Time Off)*

- O aso malolo le totogia (time off) e lē o mātā'ituina lelei. E lē i tu'uina mai le lisi o lo'o 'oto'oto mai ai paleni o itula faigaluega ova taimi sa fa'amaonia e le Pule Sili.
- O le aufaigaluega na galulue ova taimi sa otometi lava ona agavaa i taimi malolo lē totogia.

Sa fa'apea ona taua e le Meli a Samoa o le a tu'uina ma fa'aogaina lea tulaga fa'atonuina ia tausia ai aso lē totogiina i taimi uma lea e agavaa ai le aufaigaluega ma pepa fa'atumu o taimi ina ia fa'amaonia uma e le Pule Sili.

12. E lua ni vaega o alauni telefoni sa totogiina i le aufaigaluega: \$75 le aofaiga fa'atulagaina i le masina mo le aufaigaluega uma, ma le \$50 ma le \$25 o paleni tului po'o pepa vili telefoni sa totogi ni vaega i nisi o le aufaigaluega fa'atatau i o latou nofoaga fa'atulagaina i le masina. E leai se faiga fa'avae i taiala o punaoa tau tagata faigaluega e agavaa ai le aufaigaluega lautele i alauni o telefoni ma pepa tului paleni (cards). Sa fa'amanino mai e le SPL o le a toe iloilo e le Komiti o Faatonu ma le pulega le Taiala o Punaoa tau Tagata faigaluega mo lea mataupu. O le \$50 ma le \$25 o paleni tului o telefoni mo le fa'atinoga a le aufaigaluega sa lei manatu o ni tau, ae peitai o tupe o telefoni sa avea ma talosaga e fuafua i galuega masani o a latou tiute tauave.

13. O fa'aletonu i iloiloga o tulaga o galuega e aofia ai:

- Le eseese o pepa masani (templates) o fa'aoga mo iloiloga pe a fa'atusatusa atu i pepa masani o loo i totonu o Taiala o Punaoa Tau Tagata ua maea ona fa'amaonia.
- Leai ni fua (no ratings) o galuega ma iloiloga o fa'atinoga o galuega a le aufaigaluega (operation staff assessments).
- Leai ni fa'amaoniga e lagolago ai fua (ratings) na fa'aogaina e fuafua ai ponesi.

Sa ta'ua e le Meli a Samoa o nei ponesi sa fua lava i luga o le tulaga iloiloga o fa'atinoga o galuega (performance review) sa fa'atautaia e fa'auluuluga o vaega (department managers), fa'aopopo ai ma le iloiloga a Pule Sili. O le iloiloga a le aufaigaluega o lo'o laugatasia ma vaega uma ma o le mataupu ua laga

e foliga mai o se sasi (oversight). Ua maea ona logoina faauluuluga o vaega uma e uiga i lenei mataupu ma o lea ua aofia ai nei fuataga (ratings) i iloiloga o galuega e amatalia i le fa'auiina o le kuata 31 o Me 2015.

14. O siitaga fa'aletausaga mo nisi o le aufaigaluega e lei fa'avaea lelei i luga o ni tulaga maualuga o a latou galuega, ma e lei ausia foi tapulaa fuafuaina o tupe maua e pei ona atagia i a latou fa'atinoga o galuega. E le gata i lea, e lei fa'amaonia foi a latou iloiloga patino (individual rating) mai suesuega o a latou galuega faatino. Sa ta'ua e le Meli a Samoa o le siitaga o totogi sa fuafuaina lava i luga o le siitia o galuega faatino e le aufaigaluega, ina ua malolo litaeta le Taitai o le Vaega mo le Fa'atinoga o Galuega ia Tesema 2013. O iloiloga sa fuafuaina i luga o lipoti tuuima mai e le UPU i tulaga fa'atonuina o le fa'atinoga a le Meli a Samoa. Na taua foi e fa'apea sa mulimulitaia e le Meli a Samoa Taiala o le Punaaoa Tau Tagata gaigaluega o lo'o fa'ailoa ai, o le siitaga o totogi e tataua ona fuafuaina i le nafatia ona totogi (profitability), le siitaga o oloa fa'atatau i tupe maua (inflation) ma fefa'atauaiga talafeagai ae aemaise le tulaga patino i le fa'atinoga o galuega.
15. O faila patino uma sa lei taulimaina lelei ma e leai foi se lisi e siaki ai o teuina i faila. Sa taua e le Meli a Samoa o le lisi e siaki ai faila o se mataupu fou ae o le a fa'atino lea tulaga. O lea o le a tu'uina uma e le Meli a Samoa fa'amaumauga i faila patino a le aufaigaluega e tusa ai ma le tulaga o le le atoatoa o faila.
16. Sa leai se Fuafuaga mo le Puleaina o Aseta/Fuafuaga mo le toe Fa'aolatia mai o Aseta (Asset Management Plan/Recovery Plan). E iai aseta a le Meli a Samoa ua fa'aititia lona tulaga aoga (depreciated) e aunoa ma ni fuafuaga e faia ai mo le fa'amatuue ese atu pe suiaina foi. Sa fa'amanino mai e le Meli a Samoa o le Fuafuaga o Aseta e aofia i le Fuafuaga Autasi 2015-2017. Sa iai foi se teugatupe mo Aseta Tumau sa teuina fa'apitoa mo lea fa'amoemoe sa iai le aofaiga pe tusa o le \$500,000. E manatu le Meli a Samoa e leai se aafiaga o lenei mataupu ona o lo'o gafatia lava ona suitulaga a latou aseta i soo se taimi e manaomia ai.
17. O le Meli a Samoa sa lei iai se taiala o fa'amatalaga tau tupe (Accounting Manual) po o le faiga fa'avae o le fa'agaioiga o vaega tau tupe (Finance Operational Policy) e taulimaina uma ai faiga fa'apisinisi, faiga ma alafua. E tataua ona iai se taiala aloaia o fa'amatalaga tau tupe e fesoasoani i le fa'amaonia o fa'atonuga talafeagai ma taitaiga mo le aufaigaluega ma soo se tagata faigaluega fou. Sa taua e le Meli a Samoa o le a tagai le Komiti o Fa'atonu ma le pulega i lenei mataupu.
18. O suesuega o mataupu tau gaoi ma faiga faasese (fraud investigations) sa faatinoina i Salailua, Tuasivi ma Fagamalo i ofisa meli fa'aitumalo i Savaii, sa matauina le leai o ni faila o nei mataupu po'o ni fa'amaumauga. E le gata i lea, sa matauina foi mai minute o fonotaga a le Komiti e ui sa lipotia mai faapea o se pagota sa faia nei gaioiga i mataupu i Salailua ma Tuasivi, ae sa aafia ai foi nisi o le aufaigaluega a le Meli a Samoa. O le aofaiga o le tupe e \$15,748 sa lipotia mai sa gaoia i Salailua, ma le \$573.90 mai Tuasivi. E toalua le aufaigaluega ua fa'ateaina ona o mataupu tau tupe gaoi i Fagamalo e aunoa mase fa'amaumauga po'o se faila o lea mataupu. E leai foi se gaioiga sa faia e fa'aolatia mai ai nei tupe ua toesea mai nei faiga faagaioi ona o le leai o ni fa'amaumauga. Sa taua e le Meli a Samoa ua maea ona fa'atulaga sao nei faila fa'apea ai ma fa'amaumauga e lagolago fa'atasi ai ma lipoti a le ofisa o leoleo.

4.48 Pulega o Fa'aailoga ma Tusipasi Taualoa a Samoa Suesuega Faafuasei mo le piriota 1 Iulai 2012 – 31 Mati 2013

1. Matauina le lē atoatoa o resitala o Tusi o Faamaumauga Eseeese (accountable forms). E iai fa'amatalaga taua e lē o maua i le resitala e fesoasoani i le siakiina o faagasologa o nei tusi.
2. E lē o iai se tu'umavaevaeina o tiute o se tagata na te umiaina tupe maua ma fa'arisitina o tupe ma o tiute uma nei e aofia ai le taulimaina foi o tupe, fa'amaumauina i luga o le MYOB, teuina o tupe ma le fa'apaleniina o teugatupe o lo'o fa'atino uma lava e le Principal Accountant ma e ono mafai ona tula'i mai ai ni popolega o ni faiga fa'agaoi.
3. E lē o siakiina fa'amaumauga o fa'apaleniina o teugatupe e le taitai e patino iai lea galuega, e fa'amaonia lea tulaga ona o le leai o se saina i pepa fa'apaleni a lea tagata. Na fa'amautinoa mai e le SQA o lo'o aiaia pea i lalo o le vaega 7.3 o Faiga Fa'avae o Tupe ma Taiala a le Ofisa lea tulaga ma o le a nofo uta pea le pulega ina ia tausisia pea lenei aiaiga.
4. E lei maua lava se lisi atoa o auaunaga tau 'Post School Education and Training' (PSET) i le taimi o le sugatusi. Ma e ono tulai mai ai ni fa'amatalaga lē atoatoa i tulaga o aitalafu ma lē mafai ai ona tuliloaina le totogina mai o nei aitalafu a i latou o faia auaunaga fa'a-PSET. O lenei mataupu na laga muamua foi e suetusi. E tataua ona iai se lisi fa'apea ai ma ni totogi fa'atagaina ua maea ona fuafuaina lelei ma fa'amaumauina aua le fa'atinoina lelei o tulaga tau tupe.
5. E lē o iai ni totogi o faia e le Pulega i le Ofisa o Tupe mo le tau o le fa'aaogaina o le fale o le TATTE. O le popolega a le Suetusi ina nei avea le fa'atupulaia pea o aitalafu a le Pulega ma auala e ono a'afia ai lana tala faatatau o le tupe i le taimi nei fa'apea foi i le lumanai pe afai e le totogina pea nei aitalafu. Ua fautuaina le Pulega ina ia faia ni fetu'unaiga lelei mo le totogina uma o ana aitalafu e taofia ai luitau e ono aafia ai lana tala faatatau o le tupe mo tausaga fa'aletupe i le lumanai.
6. E lē o iai ni faiga mautu mo fa'atinoina o feuaiga fa'apisinisi. E lē o iai ni fa'amaumauga o ni fa'atagaga aloaia e mautinoa ai se feuaiga fa'apisinisi ua maea ona fa'atagaina e le Pulega. Na tau'a e le SQA na fautuaina le Principal Accountant ina ia faia se pepa o fa'amaumauga e fa'asaina ai ona o fa'amaumauga o feuaiga fa'apisinisi o lo'o fa'atinoina nei i luga o masini komipiuta ma e ono mafai ona agavaa i ai le Vaega o Auaunaga Lautele i luga o faila.
7. E iai aseta o lo'o leiloloa mai i o latou nofoaga ae o lo'o iai fa'amaumauga i luga o le resitala o aseta. Na fautuaina le pulega ina ia suesue atili nei aseta leiloloa ma e tataua ona tu'uina atu se lipoti tulaga fa'aletonu (IR) pe afai e fa'amaonia ua leiloloa nei aseta.
8. E lē o atoaatoa ma tu'u lata mai fa'amaumauga o le resitala o aseta. Ua fautuaina le SQA ina ia mata'itūina ma tu'utaimi lelei fa'amaumauga o le Resitala o Aseta. Na fautuaina foi le Pulega ina ia faia ni faitauga masani o aseta ma ia tu'utaimi lona faitauina.

4.49 Fa'alapotopotoga o Vaa a Samoa mo le tausaga fa'aletupe na fa'aiuina 30 Iuni 2013

1. Sa lē lelei ona mātā'ituina api saina.
 - i. E le'i toe fa'afoiina atu api saina i le Ofisa Autu pe a maea
 - ii. O le fa'atumuina o api saina sa le'i lelei ona fa'atinoina, mo se fa'ataitaiga, leai se saina ae o lo'o fa'amauina itula faigaluega; o isi o lo'o iai saina ae leai ni itula faigaluega o avea; ma o nisi o lo'o saina ae fa'amauina o lo'o ma'i.
 - iii. Sa le'i faamauina aso malolo o lo'o aveina i luga o le api saina

O le api saina ma fa'amaumauga o aso malolo a tagata faigaluega i luga o vaa, na lē mafai ona fa'amutinoina ina ia fa'amaonia ai agavaa (entitlements) ua totogiina atu, ona o le tulaga i api saina e le'i taulimaina lelei. Ua fa'amauina lea fautuaga. O le a fa'atinoina e le Pulega le fa'amaeaina o iloiloga o faiga o lo'o fa'atino nei ma faia suiga e tusa ai ma le tuufa'atasia o fautuaga a le Suetusi.

2. Sa le'i iai ni konekarate faigaluegaina a le Pule Sili fa'apea foi ma Pule Lagolago uma o le fa'alapotopotoga. O aiaiga ma tuutuuga fa'aopoopo i totogi agavaa mo ia tagata ofisa ua fa'akonekarateina, e le'i mafai ona fa'amaoniaina ona o le tulaga i le leai o konekarate fa'afaigaluegaina. Sa faapea mai le SSC sa latou fa'amalamalamaina i le taimi o le sueina o tusi, aemaise ai o le mafuaaga o le le maua o ia konekarate fa'afaigaluega. O le avea ai ma tagata faigaluega a le Malo, latou te le fa'amalosia le tusia o konekarate ma saina e latou lava ia, aua o le matafaioi lea a le Ofisa o Loia Sili, sa fa'atonuina ai e le Kapeneta i lo latou tofiaina, o le saunia lea o a latou konekarate mo le sainiina. E oo mai lava i le taimi nei, latou te le'i mauaina lava konekarate mo le sainia, o le mafuaaga tonu lea o le leai ai o ni konekarate. O le aluga foi lea e tasi e tutusa ai ma latou Pule Lagolago. Ua malamalama foi i atugaluga ua faaalia e fa'atautai i lea mataupu ma o le a taumafai le Komiti ma le Pulega, e susesue ni auala e fa'atautai ai lea tulaga ma faatalanoa ma nisi o Fa'alapotopotoga Tumaoti ina ia fausia ai tulaga fa'aogaina pea lava o konekarate a Pule Sili ma Pule Lagolago uma e mafai ai ona tutusa lelei ia tuutuuga ma aiaiga.

3. Sa matou fa'amauina nei vaivaiga i le taimi o le sueina o tusi
 - O le sauniuniga o totogi a le fa'alapotopotoga sa faia lea e le Pule Lagolago o le Vaega o Tupe. O le atugaluga o le suetusi, e le'o iai se vaevaega o tiute i lea tulaga mo le fa'agasologa o totogi. Ao le tele o galuega e pei o le fuafuaina o toesea, suiga o fua fa'atatau, faiga o tagata faigaluega fou ma isi mea fa'apena o lo'o tau fai e le Pule Lagolago o le Vaega o tupe. I le fa'afaigofieina o lea tulaga e ao i le Pule Lagolago o le Vaega o tupe ona ia fa'atinoina uma le tausia o fa'amaumauga ma Fa'amatalaga o Paleni/iloiloga o le fa'asologa o totogi, o le mea e leaga ai, e le tatau ona fa'atinoina ia galuega e le tagata faigaluega e toatasi. Sa lagaina muamua foi ma fa'apea e le tatau ona toe tulai mai lea mataupu.
 - Sa tauaveina e le Pule o le Vaega a le Maketi matafaioi a le Punaoa tau Tagata faigaluega ae e tatau ona tuueseeseina ia vaega. Ua fa'a'iloina le leaga o le fa'afoega e ala i le le vaevaaina o tiute ma avea le fa'ai'uga o se taunuuga mo vaega uma e lua o le a le fa'amalieina talu ai le anoanoa'i o galuega tauave ma matafaioi a le Vaega o le Maketi i taimi e tele ai eseesea ma matafaioi a le Punaoa tau tagata faigaluega

Sa fa'amauina e le Pulega le atugaluga e fa'atatau i le vaevaaina o tiute ma le fa'afoega ae peitai i le fa'asologa ua taua i luga ma fa'amalamalamaga i le taimi o le sueina o tusi, na manatu le pulega o lo'o iai lava puipuiga ma le fa'amaoniga i le tulaga o le pule lagolago o auaunaga ma pulega i le Ofisa o lea matafaioi o le a aveeseina mai le Pule lagolago o mea tau tupe. O le tusi fa'amavae a le tagata ofisa o le Punaoa tau Tagata faigaluega sa uunaia e le Pulega e fai iai le filifiliga i luga o matafaioi a le Punaoa tau Tagata Faigaluega. Sa fa'amaeaina le Post Grad Certificate i le Punaoa tau Tagata Faigaluega a le Pule o le Vaega o Maketi ma agai atu i le fa'amaeaina o lana Master of Business and Administration Degree o lea na filifilia ai o ia e le Pulega na te tauaveina ia matafaioi fa'aopoopo i ana matafaioi fa'amaketi. Na matou fa'amauina le atugaluga i le tuumavaevaaina o tiute, peitai o le filifiliga sa fa'asaoina ai tupe a le fa'alapotopotoga e le mai le fa'asalalauina o se isi Punaoa tau Tagata Faigaluega tomai fa'apitoa ina ia sui

tulaga ma ia fa'aleleia totonu o le Punaoa tau tagata faigaluega e fa'amaonia ai talu na siitia.

4. E iai faila e patino i tagata faigaluega sa mauaina e le'i fa'amaeaina, ona e lei tuua ai pepa o fa'amaumauga talafeagai mo le fa'afaigaluegaina o tagata, e pei o tusi talosaga, tusi o tauofoga, ata, talaaga o le olaga aoga ma le olaga faigaluega, tusipasi, fa'aiuga o le fa'atalatalanoaga. Sa faapea mai le SSC ua fa'afaigaluegaina le tagata ofisa o Punaoa tau Tagata Faigaluega i le taimi o le vaavaaiga Fa'aMaketi/Pule o Punaoa mo Tagata Faigaluega e fa'ailoa ai mataupu sa lagaina. O le faiga o faila fou, ua i se tulaga faigofie ona sueina ma o lo'o taua foi le tu'u lata mai o faila uma e patino i tagata faigaluega o lo'o aofia ai pepa o fa'amaumauga talafeagai e pei sa lagaina e le suetusi. Na talitonu le Pulega o suiga e fa'apea sa fai, o le a fa'amautuina ai mataupu uma sa lagaina e fa'ailoa vave ai ma ia mulimulitaia mo le fa'aleleia i le lumanai.

5. E le o gatusa pepa e fa'amaumuina ai taimi i masini (time card) ma pepa e tusitusia ai taimi faigaluega (timesheets). O vaivaiga nei sa matauina:

- E tusa ai ma le fa'aaliga a tagata ofisa o totogi, o le taimi o le uati i le taimi nei sa fa'aaoga i totonu o le Ofisa Autu e 5 minute e tuai ai i le taimi e masani ai ma e leai se tasi na te iloa pe fa'apefea ona sui pe fa'asao le taimi ese mai le tagata na tu'uina atu ai. O le itula amata o i le pepa e fa'amaumuina ai taimi faigaluega i le masini e feteenai ma itula amata o i pepa e tusia ai taimi fa'ailua.
- O le tele lava o pepa e fa'amaumuina ai taimi i le masini sa tusilima lava e ese mai le taina i totonu o taimi o le uati a ua le aoga ai le fa'amoemoe i pepa e tusia ai taimi faigaluega.
- Soo se tagata faigaluega lava e mafai ona fa'aaogaina pepa o taimi fa'amaumuina i masini a isi tagata fa'afaigaluega ma o se faiga e le talafeagai ona fai. O le fa'aaogaina foi o twink i luga o pepa e fa'amaumuina ai taimi i le masini. O pepa e tusia ai taimi fa'amaumuina o tagata faigaluega uma o lo'o galulue i luga o vaa e saunia lea e le Kapeteni.

Sa fa'amaumuina ma le tatau e le Pulega le mataupu sa atugalu ai ma sa fautuaina foi tagata o lo'o vaaia le au faigaluega e manaomia lava le felagolagoma'i. O le a vaaia foi le Pulega i suiga sa manaomia ona fai i totonu o lea faiga e alo ese mai le toe faia o ia faiga i le lumanai

6. E iai totogi masani o tagata faigaluega sa matauina ua sili atu nai lo latou totogi fuafuaina mo le tausaga ona o le totogiina o ovataimi. Sa fa'amaumuina ma le tatau e le Pulega ia fautuaga. O le lisi o lo'o i luga e aofia ai na o le auvaa ma tagata faigaluega i luga o le uafu ma o lea mataupu e fa'apea, sa faigata ona taumafai le Pulega e tuuititia ovataimi pe a fua i le natura o le latou galuega. O tagata faigaluega nei e amata i le 4 i le taeao ae manava i le 7 i le afiafi mai lava i le Aso Gafua i Aso Toonai ma o le latou faiga masani lava lea. Sa fa'ailoa e le Pulega le isi faiga pe afai latou te galulue i le vaiaso e tasi ae malolo i le isi vaiaso i le piriota totogi e tasi, ae petai e fa'aititia ai le auvaa aemaise lava le vaega o tagata ofisa, talu ai le toatele o i latou o lo'o tauaveina galuega ofoina mai fafo, ma o le mea moni lava, e le'o fa'amaumuina i le tulafono o Leipa ma Galuega itula faigaluega o tagata galulue i luga o le sami. Sa filifili le Pulega e taofia ae toe fa'aaoga le faiga tuai i tagata taitoatasi o le auvaa, e tatau lea ona le itiiti ifo ma le 4 aso malolo i le piriota totogi e tasi.

7. Sa i ai tusi sa tu'uina atu sa le'i fa'amaumuina i le resitala e le tagata faigaluega o nafa ma lea tulaga. Sa fa'amaumuina foi e le suetusi, e fa'apea o tusi sa le'i tu'uina atu i le fa'asologa sao o numera mo le fa'afaigofieina ona siaki. Sa fa'amaumuina tatau fautuaga ma o le a fa'atino e le Pulega taualumaga fou e mautinoa ai o lo'o fa'amaumuina lelei tusi uma pe a tu'uina atu ma toe fa'afoi mai pe ua uma.

8. Sa le'i iai ni fa'amaumauga lagolago sa'o mo le fa'amaoniaina o tupe totogi nei. Sa iai foi feteenaiga i le aofaiga sa totogi na fa'amaumuina. Mo se fa'ataitaiga, foai fa'ameaalofa a le aufaigaluega, tasi mai tupe totogi mo foai fa'ameaalofa o le maliu i le aofaiga e \$2,000 ao tupe totogi mo foai fa'ameaalofa o fa'aipoipoga sa na o le \$1,120. O ia tupe totogi sa totogiina ma i fa'aputugatupe a le fa'alapotopotoga ese mai le fa'aputugatupe lautele a le aufaigaluega poo tupe a tagata lava ia e pei o taualumaga masani a le Malo. Sa le'i iai se faiga fa'avae e fa'afae ai le fa'avaeina o ia tupe totogi ua fa'apea ona fa'ateleina ai tulaga lamatia o tupe totogi e lei fa'atagaina. O vaega ia o tupe totogi e pei o le foai fa'ameaalofa mo le aufaigaluega ma le

Fuafuaga mo Taumafa (Food Provision). E \$1,120 le foai fa'ameaalofa a le aufaigaluega i le fa'aipoipoga o se tasi o le aufaigaluega lea sa totogiina atoa i le piriota totogi sa fa'aiuina i le 20/07/13. E fa'apena foi le foai fa'ameaalofa a le aufaigaluega mo le maliu, sa fa'amaonia sa toe fa'aolaina atoa i le piriota totogi na sosoo ai. O le aofaiga mo nei mataupu a le aufaigaluega e fa'alagolago i le aofaiga atoa o le foai fa'ameaalofa a le aufaigaluega. Sa fa'amaonia mai e le Pulega e totogi atu mai fa'aputugatupe a le Fa'alopotopotoga ae toe fa'aolaina i le aso totogi e sosoo ai, o le mea lea, o tupe e totogi mai aufaigaluega o tupe a le tagata lava ia. Sa matou lagaina pepa o tupe totogi mo tupe totogi o fuafuaga o taumafa i vaa mo tiute i Aso Gafua uma i vaa taitasi. E fa'avae le fuafuaina i luga o le numera o tagata o le auvaa o lo'o iai X 12 i le tagata e toatasi X i le numera o aso taitasi o le a alu ai le vaa i vaiaso taitasi. (Fa'ataitaiga L/Samoa 3 – 30 auvaa X12.00 X 7aso i le vaiaso = \$1,680.00). O lea mataupu sa lagaina e suetusi muamua ma o le atugaluga sa le lava fa'amaumauga e lagolagoina ai ma o se taunuuga, i le amataga o lea tausaga fa'aletupe 2013/2014 sa fa'apiiina ai le lisi o vaega taitasi ma vaa taitasi ma le aofaiga i vaiaso i pepa mo le lagolagoina o fa'amaumauga.

9. Sa iai oloa sa tatalaina ma mauaina i le maea o le Tausaga fa'aletupe 2012/2013 o le faitauina o oloa sa fa'apea ona le fa'amaumauina ma tu'u lata mai i luga o le faiga e pei o le fa'asologa o iai. Sa fa'amauina tatau fautuaga ma iai i le Vaega o Aseta Tumau & ma vaega e teu ai oloa nei faiga ina ia mautinoa o lo'o lelei le faitauina ma le fa'amaumauina o oloa.
10. Sa matou mauaina i le resitala o tupe totogi numera o siaki i le tau aofaiga e \$298,336.30 mo le masina o Iulai 2012 – Iuni 2013 sa fa'apea ona totogi i le Fa'alapotopotoga o Vaa Samoa. O le fa'aolaina o le aofaiga o totogi tau tupe sa faia i le aoina mai i aso taitasi lea sa fa'apaleniina mulimuli ane mai tusi siaki o totogi tau tupe i le Fa'alapotopotoga o vaa a Samoa (SSC) lea sa fa'atupulaia ai tulaga lamatia i le faaagaina o tupe a le faalapotopotoga ma toe faatumu mulimuli. O le tele o le aofaiga ua maea ona totogi, o le Fuafuaga o Taumafa mo le auvaa ma le aufaigaluega i vaiaso taitasi e tusa lea ma le \$4,080 i le vaiaso e tasi ma se vaega laiti o le aofaiga ua maea ona totogi e feso'ota'i lea i vaegatupe mo mea laiti e masani ai.
11. O le pili o le telefoni feavea'i a le Pule Sili e totogiina lea e le Fa'alapotopotoga ae \$3,600 o lo'o ia mauaina i alauni o telefoni i tausaga taitasi e pei ona masani ai i faamanuiaga e agavaa iai Pule Sili o Fa'auluuluga uma o le Malo. Sa le'i mafai e suetusi ona fa'amaonia pe o ia tupe totogi mo telefoni fa'aopoopo e fa'afoeina i lalo o le Konekarate fa'afaigaluegaina a le Pule Sili e pei ona sa talosaga ai i le konekarate fa'afaigaluegaina a le Pule Sili ae sa lei avanoa i le taimi o le suega tusi. O le alauni o telefoni sa aofia ai se vaega o le totogi a le Pule Sili sa tuufa'atasia muamua e feso'ota'i i le telefoni fale a le Pule Sili. O le auala lea sa sau muamua ai alauni o telefoni ao lei iai telefoni feavea'i i Samoa. O le telefoni feavea'i a le Pule Sili e tusa ma le Pule Sili muamua o le Fa'alapotopotoga o Vaa a Samoa (SSC) o se vaega o tau masani o feso'ota'iga i le taimi nei ua avea o se manaoga mo le fa'afoega atoatoa ma lelei o le lotoifale o le Fa'alapotopotoga ma ana mataupu i fafo ma totonu lava o le atunuu. O le faiga lava lea e tasi ua mafai ona maua e le Pule Sili o lo'o i le taimi nei ma ua sili atu i le Sefulu lima (15) tausaga. Ua faamauina lea mataupu e le pulega.
12. O pepa mo vaegatupe o mea laiti sa le'i fa'anumeraina sao. O lea tulaga e faafaigata ai le siakiina o le atoatoa o pepa totogi ma faigata ona iloa le fa'asologa o le a iai pepa totogi taitasi aua e le o iai se fa'asologa. O le fa'asolo lelei o le mua'i fuainumera o pepa totogi e fa'amaonia ai laasaga ua faia e mautinoa ai le saunia lelei o fa'amatalaga o tupe mai le fa'amaumauina o ia feuaiga fa'apisinisi uma lea e tatau ona fa'amaumauina. Ae le gata i lea, o pepa totogi taitasi uma, e siaki ai auala o tupe fa'aalu e mautinoa ai le latou fa'apaleniina o tupe o lo'o iai i soo se taimi. O lea la, o le fa'apaleniina o vaegatupe o mea laiti e mafai ai ona faigofie le taitaiina o eseese i vaegatupe o mea laiti i le va o tupe o iai ma fa'amaumauga lagolago. Sa fa'amauina tatau fautuaga ma o le a toe iloilo e le Pulega ia suiga talafeagai.
13. I le taimi o le asiasiga o Aseta Tumau, sa matou fa'amauina e fa'apea, o aseta sa fa'aaogaina i totonu o le tausaga fa'aletupe i lalo ole sueina o tusi, sa le'i tusia igoa e fa'atatau i numera mo le fa'afaigofieina o fa'aailoga. O Aseta fou sa mauaina mai ma o lo'o i le ofisa o le Fa'auluuluga sa na o le tusia o igoa i le taimi

o le sueina o tusi, a'o aseta o i Vaitele (SSMA) sa le'i iai. O lea mataupu sa fa'ailoa i le sueina o tusi muamua ma fa'aauau pea i lenei tausaga fa'aletupe e atagia ai e leai se fa'aleleia na faatinoina. Sa fa'amaui tatau fautuaga e pei ona fa'amatalaina i le taimi o le sueina o tusi i le Vaega o Aseta ma nofoaga e teu ai oloa sa amataina i le tusia o igoa o aseta uma tusa ai ma a latou nofoaga. Mo le fa'afaigofieina o le fa'asinoia o masini tetele sa amataina se faiga fa'apue ata e tusia ai igoa ia mafai ai e masini uma ona iai ata ma talafeagai le auiliiliina mo fa'amoemoega o le tusi resitala.

14. O lo'o iai i le taimi nei le tusi resitala sa fa'aaogaina e le fa'alapotopotoga ae peitai e le'i atagia ai le sa'o o nofoaga o nisi aseta e aunoa ma le tu'u lata mai. Matou te fautua atu foi i nei fa'atulagaga ma laina fa'aopoopo ina ia taua fa'amatalaga e fa'asino i risiti ma le tu'uina atu o aseta ua tuufa'atasia fa'aletulafono i totonu o le tusi resitala mo le lelei o le fa'atinoina o fa'amatalaga ma fa'afaigofie ona fa'asinoia. Sa fa'amaui tatau fautuaga ma o le a feso'ota'i ma le Vaega fa'apitoa mo fa'amatalaga fa'atekonolosi (IT) e suia le tusi resitala i le taimi nei ina ia iloiloaina le fautuaina o fa'atulagaga. O le a fa'amaui tatau foi e le Pule o Aseta le mata'ituina lelei o aseta uma i le taimi e siaki fa'avaitaimi ai ina ia alofia ai le aveesea mai i o latou nofoaga fa'amaui tatau e tusa ai ma le teuteuina le tusi resitala.
15. Tusa ai ma taiala o faiga fa'avae a le fa'alapotopotoga, o le tapulaa o le totogi fa'aaitalafu e \$200.00, Peitai sa iai totogi fa'aaitalafu e fa'apea sa sili atu nai loo le tupe fa'atapulaa. O mea uma ua taua i luga o ni fesoasoani mo aoaoga ma suesuega fa'avaitaimi a le aufaigaluega e talafeagai i le fa'asologa o a latou tiute tauave i le lalo o le vaega o le taiala o faiga fa'avae. O le a iloiloaina e le Pulega le iloiloiga ua taua i le vaega o taiala o faiga fa'avae ina ia tutusa ma tulafono talafeagai ma fa'aiuga a le Kapeneta.
16. Sa leai ni pepa fa'atumu e fa'aleaogaina ai aseta e laugatasia ai mo le lelei o fa'amaui tatau o meataitasi/aseta ua fa'amatuu atu pe fa'aleaogaina foi. E tusa ai ma le fa'aaliga a le Pule o Vaega o Tupe ma le Pule Sili Lagolago o Vaega o Tupe, e leai ni pepa fa'atumu e laugatasia ai le fa'aleaogaina o meatotino. O le taunuuga, e le mafai e suetusi ona fa'amaonia pe a aveesea aseta mai fa'amaui tatau po o mea ua fa'aleaogaina lea sa fa'atagaina lelei e le e talafeagai mo le fa'atagaga ma le fa'atulafonoina o ia feuaiga fa'apisinisi o le a fesiligaina foi. Sa fa'amaui tatau le fautuaga ma o le a galulue fa'atasi ma Suetusi i le fuafuaina o se faiga fa'avae talafeagai mo le fa'aleaogaina o aseta.
17. E le'i toeseina e le Fa'alapotopotoga le 10% o lafoga taofiofi mai tupe totogi na faia ia i latou na tu'uina atu mo auunaga sa tu'uina ina ia tausisia le Tulafono Tau Pulea o Lafoga o Tupe Maua 1974 (fuaiupu 8, Fa'amatalaga Lona Tolu) ma le Tulafono o Fua Fa'atatau o Lafoga o Tupe 1974 (Fuaiupu 13, Fa'amatalaga Lona Lua) ma le Tusi Fa'asalalau MFR N-01/2010 a le Matagaluega o Tupe Maua. Fa'aopoopo ai i le le toesea ai e le fa'alapotopotoga o lafoga taofiofi mai totogi o fa'atonu lea e le tausisia ai fa'atinoga o fa'aiuga a le Kapeneta F.K (13)(06) "Fa'alaugatasia o Fa'amanuiaaga mo Tagata faigaluega a le Malo i Fa'alapotopotoga Tumaoti ma Auunaga Lautele (Public Service). E pei ona taua mai le Fa'aiuga Kapeneta (F.K. (13)(06)) o lafoga taofiofi e toese mai i Alauni o Fonotaga a Fa'atonu lea ua le mafai e le Fa'alapotopotoga ona tausisia. O le mataupu sa lagaina i le lipoti a le suetusi muamua ma ua fa'aauau pea i lenei tausaga fa'aletupe. Sa fa'amaui tatau fautuaga ma o le a toe iloiloaina e le Pulega faiga masani i le taimi nei ma feso'ota'i ai ma le Matagaluega o Tupe Maua ma tausisia ai le faia o suiga talafeagai.
18. Sa leai se feagaiga aloaia lelei ua sainia e fa'amaui tatau ai ua malilie i tuutuuga ma aiaiga mo le fa'atulagaga o le suia o fa'aputugatupe o Vaa (VRF) i le va o le Fa'alapotopotoga o Vaa a Samoa (SSC) ma le Matagaluega o Tupe mo fa'amaui tatau. Sa fa'amaui tatau fautuaga ma o le a feso'ota'i ma le Matagaluega o Tupe mo le fa'atinoina o feagaiga aloaia e pei sa fautuaina ai.
19. E 50% o tupe mama ina ua toesea lafoga ua le toe totogiina e pei sa tufatufaina e le Matagaluega o Tupe e tusa ai ma faiga fa'avae a le Malo i luga o vaevaega, ae sa fa'aliliuina atu i se teugatupe mo fa'amoemoega fa'apitoa ua fa'avaeina e le Fa'alapotopotoga ua taua o le "Suia o Fa'aputugatupe o Vaa (VRF) e tusa ai ma le fa'atulagaga i le va o le Fa'alapotopotoga (SSC) ma le Matagaluega o Tupe (MOF). Ae peitai, e leai se teugatupe mo fa'amoemoega fa'apitoa lelei ua fa'avaeina mo le VRF ina ia tausisia ma le FK (07)11. Sa

fa'amatalaina e le Ofisa Sili lagolago e fa'apea o le VRF, e vaevae a latou tupe teu fa'avaitaimi ma vaega tau tupe e maua i le fa'atosinaina o tului o fua fa'atatau . E sili ona atugalu le suetusi ona e leai se fa'apaleniga o tupe mama e maua i totonu o tausaga fa'aletupe taitasi, olo'o faia e tusa ai ma tupe teu i teugatupe fa'avaitaimi e mautinoa ai tuutuuga ma aiaiga o FK (07)11 ma le fa'atulagaga sa malilie ai le fa'alapotopotoga ma le Matagaluega o Tupe e fa'ataunuuina ai. Sa fa'amauina tatau e le Pulega fautuaga ma o le a talia i le tausaga fa'aletupe fa'aiuina 30 Iuni 2014. Sa fa'aalia foi i le Fa'amatalaga 13 (Note 13) le tu'uina atu o paleni o le VRF i le Fa'amatalaga tau Tupe 2013 ma vaevaeina mo le fa'amaoniga.

20. Sa iai le fuafuaga o Inisiua i se kamupani Inisiua i Niu Sila mo le Fa'alapotopotoga (SSC) mo ana tagata faigaluega uma (aofia ai le Pulega). E tusa ai ma le fa'aaliga a le Ofisa Sili Lagolago o Vaega o Tupe, o se vaega o le inisiua sa amataina talu mai le amataga o le 1990s, sa fa'amaonia mai foi e Komiti Fa'atonu i lea taimi. E tusa ai ma le Feagaiga o le Gataifale o Leipa 2006, lea sa fa'amaonia ai e Samoa ana lava auupega i le fa'amaoniga fa'aletulafono, e moni lava o se tulaga manaomia mo le e ana ina le vaa e pei o le SSC (i lalo o le Tulafono fa'atonutonu 4.2 Aitalafu a le e ana ina le vaa) e mautinoa ai olo'o malupuipua seila (seafarers) mai taunuuga tau tupe o ma'i, manu'a poo le oti, e tutupu i le feso'ota'iga ma le latou galuega. O le tulaga lamatia lava lea e tasi na fa'asoa mai e lana aufaigaluega uma i le taimi o mala fa'anatura, e mafai ai ona manaomia le aufaigaluega uma e galulue ma fesoasoani i le Fa'alapotopotoga ina ia fa'aitiitia ai soo mea ua fa'aleagaina e mafua mai i lana vaa, meatotino ma meafaigaluega. O le puipuiga o fa'amatalaga tau tupe a le fa'alapotopotoga e vaai i le talafeagai o le fuafuaina o inisiua i le taimi nei lea e aupito mauualo ai le tulaga manaomia, ina ia mautinoa o lo'o latou tausisia nei Feagaiga Fa'ava o Malo e mafai ai ona saina tasi e Samoa galuega fa'atasi ma le tele fa'amaoniga o feagaiga a le Inisiua i totonu o le atunuu, o le vaega mo fuafuaga e le maua i totonu o le atunuu lea ua tofia ai le Kamupani Fa'amaoni tau Soifua Inisiua i Niu Sila.
21. O nisi o tupe fa'aalu mai le pepa tala tupe fa'aitalafu fa'aaoga i masini sa le'i fa'amaoniaina lelei ma talafeagai fa'amaumauga ma leai ni fa'amatalaga sa taua i luga o fa'amatalaga o pepa tala tupe fa'aitalafu fa'aaoga i masini e fa'amatalaina ai le fa'amoemoe poo le natura o ia tupe fa'aalu. Na matauina foi tupe fa'aalu i fa'afiafiaaga ma taligamalo ae sa le'i mauaina mai le fa'amaoniaga a Komiti Fa'atonu i le fa'atinoina o galuega tauave muamua ina ia tausisia le faiga fa'avae o pepa tala tupe fa'aitalafu fa'aaoga i masini. E le gata i lea, e leai ni lipoti e fa'amatala ai le fa'aaogaina o tupe i masina taitasi i le pepa tala tupe fa'aitalafu fa'aaoga i masini ma fa'amatalaga o paleni i le pepa tala tupe fa'aitalafu fa'aaoga i masini, e fa'apea o lea manatu, e pei e le usitaia faiga fa'avae o pepa tala tupe fa'aitalafu fa'aaoga i masini a le fa'alapotopotoga lautele (Corporate) ma Taiala: Vaega 5 ma le Vaega 8: Fuaiupu 6. Sa faapea mai le SSC sa saunia ma sa vaaia fa'amaumauga lagolago ma fa'amalamalamaga ua tu'uina mai e fa'atatau i le natura o tupe totogi uma i le pepa tala tupe fa'aitalafu fa'aaoga i masini.
22. O nisi fa'amatalaga sa le'i mauaina mai mo le iloilogaga a le suetusi e pei o Lafoga o Tupe Maua Toe fa'afoi, Konekarate a le Ofisa Pule Sili ma Ofisa Pule Lagolago ma fetusiaiga i le Suia o Fa'aputugatupe o Vaa ma Fa'amatalaga o Paleni, ma kopi o Faiga Fa'avae/Taiala aloaia uma ua tu'u lata mai. Sa fa'amauina tatau fautuaga ma ia mulimulitaia mo le sueina o tusi i le lumanai,
23. Sa valaauina le fonotaga fa'apitoa sa faia i le aso 15 o Mati 2013 mo le fa'amaoniga a le Komiti ma le fa'amaoniga o le fa'aaogaina o Talosaga o inisiua mo le fa'aleleia. O le itu e leaga ai, o le misi lea o fa'amaumauga mo ia fonotaga fa'apitoa, e pei o Talosaga o inisiua o taavale (pepa o talanoaga). Ae le gata i lea, o le fonotaga a Komiti sa faia i le aso 22 o Fepuari 2013, sa misi foi nisi pepa o talanoaga mo le iloilogaga a le suetusi e pei o le lipoti o Inisiua – fleet. Sa fa'amauina tatau e le Pulega fautuaga ma o le a tuliloaina ma ia maua pepa ua ta'ua sa saina e le Komiti.
24. Sa leai se feagaiga aloaia sa saina i le va o le Fa'alapotopotoga e suitulaga i le Malo o Samoa ma le sooupu o Auaunaga o Vaa Polenisia e fa'afoe ai le fa'agaoioiga o le fa'alapotopotoga sa taulimaina ma pulea e le sooupu i totonu o Amerika Samoa. O le mauuluga o le tulaga lamatia e pei o le leai o tuutuuga ma aiaiga aloaia e fa'afoe ai itu uma e lua, i le tulaga o so o se feeseeseaiga poo le le malilie uma ai e mafai

ona tulai mai ai. Sa iai fa'atasi le feagaiga ma le sooupu talu mai lona fa'avaeina, lea sa matua faigofie ai le alu i tua e sili ma le lua sefulu tausaga. Sa matou taumafai e saili kopi ae le fa'amanuiaina i lea aso, matou te le'i sauni e tusi se maliega fou talu ai o le a avea le amataina o le Sooupu e faia ai se finauga mo le toe iloiloina o totofiguapauina ma isi tuutuuga ma aiaiga.

4.50 Fa'alapotopotoga o Vaa a Samoa mo le tausaga fa'aletupe na fa'aiuina 30 Iuni 2014.

1. Sa lei lelei le faamauina o lafoga mo tupe maua a le Faalapotopotoga ma sa sese le galueaina o ana lafoga totogi i tausaga ua mavae. Mulimuli ane, sa toe fa'aopoopo galuega fa'asuetusi e fa'amaonia ai lafoga totogi o Tupe Maua ua tele ina fa'aaau ma ua fa'asili le totogiina i tausaga. Sa fautua malosi e tatau ona faia nei gaioiga i tausaga uma seia oo i le aso 30 o Iuni 2014 ma ia iai fa'asaoga i le Lafoga o Tupe Maua i fa'amaumauga lautele o mea taitasi ma le fa'amatalaga o tupe mo lea tausaga.
2. Sa leai se atoatoa ma le toe fa'aleleia o le resitala mo masini ma meafaigaluega. Sa fautuaina le lelei ona taasisia o le Resitala o Aseta Tumu mo Masini ma meafaigaluega ina ia tutusa ma fa'amaumauga lautele o mea taitasi.
3. Sa le'i sao le fa'amaumauina o le feuaiga fa'apisinisi o le lafoga VAGST sa totogiina i luga o faamaumauga, ma sese le fa'avasegaina i lalo o tupe fa'aalu i fa'amaumauga lautele o mea taitasi. Sa fautua malosi ina ia iai ni taualumaga ma puipuiga e mautinoa ai le sa'o o le fa'amaumauina o se vaega o tupe totogi sa totogiina i lafoga VAGST.
4. Sa mauaina e le Komiti le siaki mo tupe fa'amatuu atu e \$56,737.60 ia Aukuso 2013 mai le Fa'aputugatupe teufa'afaigaluega o Mavaega Tausi a Samoa (UTOS), ae peitai sa le'i fa'amaumauina pe na teuina lenei siaki tupe i teugatupe a le Faalapotopotoga. E ogaoga tele i le solia o puuiga fa'alotoifale ma taualumaga o Fa'amatalaga tau tupe i tupe maua mai lenei mataupu. E tatau i le Fa'alapotopotoga ona tulimataia le toe fa'aleleia o tupe maua e lei fa'amaumauina ina ia toe fetuunai nei ma tu'uina i le suega o fa'amatalaga tau tupe mo le tausaga fa'aiuina 30 Iuni 2014. Sa fa'apea mai le Fa'alapotopotoga, sa leiloa lenei siaki ae sa toe fa'aola mai e le UTOS ia Tesema 2014.
5. Sa iai se tupe pau mai le aofaiga moni o tupe o fa'atauga e le tutusa ma tupe fuafuaina mo fa'atauga e fa'avaeina i numera o pepa malaga sa fa'atauina. E tatau i le Pulega ona vaai i lea mataupu ina ia mautinoa le tutusa o tupe fuafuaina mo fa'atauga ma pepa malaga sa fa'atauina. Sa fa'amaonia e le Fa'alapotopotoga le tupe pau ma ua faia gaioiga e alofia ai lea mataupu i le lumanai.
6. O nisi o lipoti o fa'atauga mo fa'amomoli sa lei iai ni fa'amaumauga e lagolagoina ai mo le fa'amaoniga o tau fa'ae o fa'amomoli. Sa fa'apea mai le SSC, o suiga o le taualumaga, o le a taasisia le tauaveina.
7. O le aoina mai o totogi o fa'amomoli mai Pago sa lei fa'amaoniaina. Sa manaomia tagata o lo'o fa'aaogaina le auunaga e totogi fa'amomoli mo uta o oloa mai Pago i Apia agai i le sooupu, peitai o le fa'amaoniga mai le fa'auluuluga o le Ofisa i Apia e mafai ona fa'atagaina uta fa'apitoa e aunoa ma le totogi ae o le a totogiina mulimuli i Apia pe a aveeseina atu uta o oloa. Sa fautuaina le SSC ina ia fautua i le Sooupu e uiga i le mataupu lea, o le totogiina mulimuli o fa'amomoli faatoa faataga lava pe a aumai se faamaoniga mai le ofisa i Apia. Sa fa'apea mai le SSC, o le Sooupu a Pago e malamalma lelei i taualumaga ma fa'atinoga ma sa latou toe fa'amanatu i ai lea tulaga.
8. O le aofai o risiti e fa'atatau i le fa'atauga fa'aaitalafu e lei lisiina pe aofia ai i le lipoti o fa'atauga mai le Sooupu a Pago ma sa lei fa'amaumauina. Sa fautuaina malosi ina ia tauaveina le faiga talafeagi o fa'amatalaga o paleni ina ia lelei le fa'amaumauina o fa'atauga fa'aaitalafu.
9. O lipoti o fa'atauga mai Salelologa ma Mulifanua sa lei fa'amaeaina ma sa tuai foi ona teuina i faletupe. Ao lei teuina tupe o fa'atauga i aso taitasi e lua (2) i le tolu (3) aso sa tulai mai ai le faatuai ona teuina o tupe i faletupe mai ia lala. O le taunuuga o le fa'amaeaina o le lipoti, sa le mafai e suetusi ona siakiina pe ua fa'arisitiina tupe na maua ma teuina vave i le faletupe. O lea mataupu sa lipotia e suetusi muamua. Sa

fa'amatala e le SSC o le tuai o le teuina o tupe a Mulifanua e mafua mai i itula e amata tatala ai le lala o le faletupe o lo'o i le malaevaalele. O le mataupu i teugatupe a Salelologa e mafua mai i le fa'aletonu a le faletupe.

10. Sa fa'aaogaina nisi tupe o fa'atauga e totogi ai tupe fa'aalu o aso taitasi a le SSC ona o le lava o Vaegatupe fa'aagaaga laiti. Sa fautuaina e suetusi le fa'ateleina o Vaegatupe fa'aagaaga laiti mai le \$500 i le \$2000 e pei o le faiga o Vaegatupe fa'aagaaga laiti sa sili ona saunia lelei ma mata'ituina ai ia tupe totogi ma fa'amalosia puipuiga i luga o tupe. E tatau i le fa'alapotopotoga (SSC) ona taofi le fa'atinoina o le tu'uina atu o siaki a le Fa'alapotopotoga e ufiufi ai eseese i teugatupe i le taimi e ono tulai mai ai se tulaga lamatia le talafeagai. I le taimi o le fonotaga ma le suetusi, sa fa'apea mai ai le SSC, o le a siitia Vaegatupe Fa'aagaaga Laiti i le 2000 mai le \$500 e pei ona fautuaina ai.
11. E le sao numera tatala (account code) mo vaeveaga sa fa'anumera tatala ai pepa o tupe totogi.
12. Sa lei fa'apipiina i pepa o tupe totogi fa'amaumaga lagolago e pei o pepa o manaoga fa'alotoifale (internal requisition) ma pepa fa'apoloaiga mo oloa fa'atau mai (P.O) e fa'amautuina ai ua fa'amaonia lelei.
13. O le tele o pepa fa'apoloaiga mo oloa fa'atau e le tutusa ma pepa o tau o oloa. E tatau i le tagata faigaluega o lo'o nafa ma lea tulaga ona mautinoa le siakiina o pepa fa'apoloaiga mo oloa fa'atau mai o mea taitasi ma e tatau ona fa'amauina ma suesue ni eseese. Sa lei fa'amaonia lelei fa'asiliga o oloa tu'uina mai ona o le aafia o tupe fetafea'i ma tupe fa'atatauina.
14. Sa lei fa'amauina pepa o tau o oloa i le fa'amaumaga o mea taitasi a tagata olo'o nofo aitalafu ai.
15. Sa leiloa nisi pepa o tupe totogi mai fa'amaumaga. E tatau ona teuina lelei pepa uma o tupe totogi ma fa'amaumaga o fa'amatalaga tau tupe. Sa fa'amatalaina e le SSC, atonu ua leiloloa i le taimi na toe sii ai le Vaega o Tupe ma Vaega o Auaunaga Lautele ina ua uma le toe fa'afouga o le ofisa.
16. Sa leiloloa fa'amaumaga lagolago mo pepa o tau o oloa. Sa fa'apea mai le SSC, o nisi taimi, o kopi o fa'amaumaga sa kopiina i le faila fa'atasi ai ma pepa o tau o oloa talu ona faila eseese ma isi mea taitasi.
17. O Talosaga mo le NPF sa teena e le NPF ona o le le atoatoa o fa'amaumaga mai le SSC. Sa fautuaina ina ia foia ma le NPF nei feeseeseaiga ona o loo matauina le fa'atupulaia o talosaga e lei totogiina i tausga tai tasi.
18. Sa le lelei le tu'u lata mai o faila e patino i tagata faigaluega e mautinoa ai ua fa'amaonia uma tuutuuga ma aiaiga o galuega sa fa'aaoga i totogi ma lelei le fa'amaoniaina o ni faamanuiaga na totogi atu i le aufaigaluega.
19. O fua fa'atatau o fa'atauga sa le talafeagai le fa'aaogaina e fa'aliliu ai tupe mai fafo mo le teugatupe e tasi. O isi teugatupe i faletupe mo tupe mai fafo sa fa'aaoga le fua fa'atatau ogatotonu e liliu ai. Sa fautuaina e suetusi le liliu o fua fa'atatau sa fa'aaogaina, e tatau ona talafeagai ma laugatasia. E le talafeagai le gaioiga sa fa'aaoga i tausaga ua mavae i luga o lea teugatupe.

4.51 Fa'alapotopotoga Vaa a Samoa Suesuega Faafuasei mo le piriota 1 Iulai 2014 –31 Ianuari 2015

1. Sa matauina le faaauauina o le faiga o tupe totogi ma tupe faaalu a le ofisa i aso taitasi na faia mai i ana tupe maua ma aoina mai i aso taitasi. Sa laga lea mataupu e suetusi muamua. E ui lava e iai tupe faaagaaga e \$500 a le fa'alapotopotoga ma e atagia mai e le lava lea e faatupe ai ana tupe faaalu. Sa faamauina tatau fautuaga ma ua iai suiga i Faiga Faavae ua faaataata mo faamaoniga. O le a aafia suiga pea fa'amaonia nei suiga o Faiga Faavae.
2. I le taimi sa matou faitauina ai tupe, sa matou faamauina le faaauauina o le tu'uina atu o pepa mo vaegatupe faaagaaga mo mea laiti e aunoa ma le faanumeraina sao i faasologa. Sa laga e suetusi ua mavae le mataupu lava lea e tasi e aunoa ma se gaioiga a le Pulega e foia ai. O le taunuuga, o le le mafai ona siaki le sao atoatoa o pepa totogi, faigata ona sailia le iai o pepa totogi taitasi sa faaogaina e mautinoa ai le sao o le faapaleniga ma le tupe o lo'o iai. Talu ai e leai se faapaleniga sao o vaegatupe faaagaaga mo mea laiti e faasaga i faamaumauga lagolago e mafai ona taitaia ni eseese i vaegatupe faaagaaga mo mea laiti. Tusa ai ma le faatalatalanoaga, o le a faaogaina le mua'i faanumeraina o le faiga o pepa o vaegatupe faaagaaga mo mea laiti pe a aumai ni aafiaga i le Suiga o Faiga Faavae o lo'o i le mataupu 1 i luga.
3. Sa lei toe faafoiina api saina i le Ofisa Autu ina ua maea. O le failaina o api saina sa lei lelei ona fai, mo faaitaiga, leai ni saina ae faamauina itula faigaluega; o isi sa saina ae leai ni itula faigaluega o avea; ma nisi ua maea ona saina ae sa faamauina e mai. Sa le mafai ona faailoa mai i le api saina pe a alu le tagata faigaluega e ave ona aso malolo ae e leai se faamaumauga sa tusia i le api saina. Sa faaalia e le tagata ofisa o totogi, o Kapeteni o vaa taitasi ua tu'uina ai tiute e taulimaina ai a latou a api saina, ma e le tu'uina ai api saina mo le faagasologa o totogi talu mai nao latou e faalagolago i pepa e faamaumauina ai taimi (timesheet) mai vaega taitasi. O tiute tauave mo le api saina ma le siakiina o taimi faamaumauina i pepa (timesheet) mo vaitaimi o totogi uma e faaee i kapeteni ma tagata faigaluega o totogi/ Pule o Punaoa tau tagata faigaluega, o le a faia faavaitaimi le siaki mai lea taimi i lea taimi mo le alualu i luma.
4. Sa le o gatasi pepa e faaoga i le masini ma le pepa faamaumauina ai taimi. Na le lelei foi le mātā'ituina o pepa e faaoga i masini talu mai nisi pepa faaitaitai faaoga i masini sa tusilima nai loo le taina i totonu o le taimi o le uati lea ua faaititia ai le faamoemoega o le faauatiina o pepa faaoga i masini. Soo se tagata faigaluega e mafai ona uati i le pepa mo taimi faamaumauina a isi tagata faigaluega talu ai ua tuu ifo i lalo le uati i luga o le foloa ma tuu ai i le faitotoa e sosoo ai ma na faaalia foi e le tagata ofisa fai totogi e leai se tasi o ona mātā'ituina le uati. O le faaogaina o le twink i luga o pepa faaoga i masini ma fai ai suiga e aunoa ma ni faailoga mo le faia o ia suiga. E tasi lava le tagata na te faatumuina uma pepa e faamaumau ai taimi mo tagata faigaluega o le vaega, faaitaiga, o tagata faigaluega o le Pulega i luga o le vaa ma ua faamauina lea mataupu ma fautuaga ma suiga i faiga sa aafia e faamautuina ai ia gaioiga o le a le toe tupu.
5. A lei mātā'ituina lelei le tu'u lata mai faila e patino i tagata faigaluega i faamaumauga talafeagai. Sa faatulagaina faila e patino mo tagata faigaluega muamua sa lisiina ae pei ona faamatalaina i le taimi o le suega, sa i le Pule Sili mo lana faamaoniga ia faila ina ua faamavae tagata faigaluega. O le lua i le fa tagata faigaluega, o latou ia sa faamanuiaina mai le aoga a Maligi i le univesite aoao a Samoa sa tauaveina faaaoaga amata ina ua manaomia se tagata faigaluega fou i le Uafu toso vaa (slipway) i Satitoa. O le vaega o Punaoa tau taga faigaluega o lo'o galulue nei ma le vaega o le Maligi e sue faamaumauga uma ua leiloloe e pei ona laga e le suetusi.
6. O tupe totogi o le konekarate mulimuli a le Pule Sili sa totogiina uma e aunoa ma le sainia o le konekarate o galuega o lo'o manino mai ai tuutuuga, aiaiga ma faamanuiaga e agavaa iai. O se faiga le talafeagai ma le faatulafonoina na tu'uina mai, o le leai lea o se sainiga feagaiga i le va Konekarate a le tagata faigaluega ma le Fa'alapotopotoga. Ae le gata i lea, o le le o gatasi ma le Faaiuga a le Kapeneta F.K (13)06 i lalo o le

Vaega 4 fuaiupu 4.2; o le faaaogaina o aso malolo faaletausaga e le faatulafono ma e faamallosia le faaaogaina o aso malolo uma faaletausaga ae lei faaleaogaina. Sa leai foi ni konekarate a Pule Lagolago uma e faapena foi mo ana konekarate ua mavae, ma olo'o galulue ai nei le Ofisa o Loia Sili mo se ata faataitai ma faamaeaina ai konekarate o le taimi nei. Sa fa'amaonia foi e le Ofisa o Loia Sili. O le mea foi lea e tasi o le a latou galulue mo konekarate fou uma a Pule Lagolago pe a faaiuina a latou konekarate i le taimi nei i le tausaga lenei (2015). Na faailoa e faapea, o ia tagata faigaluega (faakonekarate) sa maua agavaa sa galulue ai i totonu o le Fa'alapotopotoga e aunoa ma se faamaumauga faatulafonoina poo se maliliea i le va o i latou ma le Fa'alapotopotoga. Tusa ai ma faatalatalanoaga ma fautuaga, sa faamauina tatau ai fautuaga ma isi mataupu o le a laga i fonotaga a le Komiti mo a latou faamaumauga ma gaoioiga.

7. O le resitala o oloa sa matou mauaina mai le Pule o Aseta sa iai nao aofaiga o oloa. Sa le mafai e suetusi ona faalagolago i luga o le resitala talu ai e leai se feso'ota'iga o tau e feso'ota'i ma ia mea e faafaigofie ai le faailoga o oloa sa faamauina i le polokalame faakomipiuta. Tusa ai ma le faatalatalanoaga ma le Pule o Aseta ma le Pule o vaega o tupe, nao le vaega o le Aseta e nafa ma puipuiga o oloa. O vaega o tupe e nafa ma le faapaleniina o faitauga o iai ma le faiga i le Polokalame faakomipiuta. Peitai, e leai se resitala o oloa ua maea e avanoa mo le faamoemoe a suetusi. Sa faamauina tatau fautuaga ma suiga o le a aafia ao lei faaiuina le tausaga faaletupe i le taimi nei.
8. Na matou faamauina le leaga o faiga faavae ma alafua sa faataatitia mo le Pulega a le Fa'alapotopotoga o Aseta. Mo le faataitai, sa leai se taiala aloaia o iai mo manaoga (requisition), gaoioiga ma le fa'amatu'uiga o aseta, faiga faavae mo le faaaogaina faatapulaa o faamatalaga tau tupe ma auala sa faaoga e siitia ma faaititia ai tau o oloa. O lo'o taua i totonu o se vaega o le Taiala mo Faamatalaga tau tupe le Resitala o Aseta Tumau le aoga o ia faatinoga mo vaega o le faagasologa ae lei faailoa e le Pulega, faiga faavae poo alafua mo aseta tumau. Sa faamauina tatau fautuaga mo iloiloaga o faiga faavae i le taimi nei ma gaoioiga faatusatusa i le Taiala o Gaioga Sili sa fautua e atia'e le tulaga o Taiala sa suia mo lenei faamoemoe.
9. O le Resitala o Aseta Tumau sa avanoa mo le suega na tu'u lata mai ia 30 o Iuni 2014 ma sa lei faailoa/faamaumau aseta sa faatau mai mo le vaitaimi o le suega (1 Iulai 2014 – 31 Ianuari 2015). Sa le'i faailoa foi i le resitala le auiliiliina talafeagai o le faatulagaga o aseta e pei o le tusia o igoa/numera ese ua tu'uina e faailoa aseta taitai, nofoaga o aseta i le tusi maoti/ua tuufaatasia i le resitala. Sa tusia foi i le resitala aseta sa faameaalofa mai/fesoasoani tau tupe i le leai poo le iai o le tau e faapea e tutusa ma le faaititia o le tau (o lona uiga, leai ni numeraga e lipoti i faamatalaga tau tupe). Sa faailoa mai e le SSC, o le resitala o aseta tumau i le taimi nei e le tu'u lata mai ma o le a saunia ao lei faaiuina le tausaga faaletupe i le taimi nei. Na faamauina tatau fautuaga ma atia'e faamatalaga o le Resitala o Aseta Tumau e lei tu'u lata mai e pei sa faamatalaina i le taimi o faatalatalanoaga.
10. E tele ni tupe faaalu sa faamauina i le tau o le vaa SSC40 i le mafuaaga o ia tupe faaalu talafeagai e aumai ai aseta i lona nofoaga, tuutuuga ma le tulaga e mafai ai ona faagaioa lea faiga ua fuafuaina e le Pulega. O nisi o nei tau, sa aofia ai le komipiuta feaveai mo le sailia o nofoaga o aseta, ae o le taimi nei ua faaaogaina e le Pule Sili e pei ona fa'amaonia e le suetusi i le taimi o le asiasiga o aseta. E pei ona faamatala mai i le taimi o le suega ma le matou fono, ua iai se tekinolosi faaonapo nei e manaomia ai se komipiuta feaveai mo feso'ota'iga ma masini faapitoa mo le polokalame o feso'ota'iga i vaa. Talu ai, o le a faapipii atu i le vaa ona o galuega faapitoa e manaomia mo feso'ota'iga o manaoga saogalemu lea ua manatu e avea o se vaega o tau o aseta. Sa tu'uina atu le komipiuta feaveai i le ofisa o le faauluuluga mo le saogalemu o le tausaina ae o lo'o alu le vaa e ala i le asiasiga mulimuli ao lei faamamaluina gaoioiga pe a ave i tua le komipiuta feaveai i le vaa. E mafai ona fa'amaoniaina i le taimi nei le vaa i lana uluai malaga togipau i le motu o Toelau ma feso'ota'i i imeli e ala i Ienei komipiuta feaveai.
11. E leai se tulaga faataatia mo le faaleaogaina o aseta/pepa faatumu mo le fa'amatu'uina o aseta ua faaleaogaina. O lea mataupu sa laga foi e suetusi ua mavae. O le atugaluga sa laga poo le aveesea/fa'amatu'uina o aseta sa sainia lelei ma sa mātā'ituina le iai o ni faatagaga talafeagai. Sa faamauina

tatau ma o lo'o iloiloina nei faiga faavae ma faatinoga i le taimi nei e faatusatusa i le Taiala o Faatinoga Sili sa fautuaina ai le fuafuaina o le toe iloiloina o seti o taiala mo lenei faamoemoe.

12. Sa matou matauina e tusa ai ma nisi aseta faaopoopo e lei faaigoaina pe faailogaina. I le talanoaga ma le Pule o Aseta Tumau, o aseta faaopoopo e lei faaigoaina e le tagata olo'o vaaia ae ua maea ona faamaumauina i le latou pepa o galuega mo faamaumauga. O lea mataupu sa laga e suetusi ua mavae. Sa faamauina tatau fautuaga ma faamaninoga.
13. Sa tauaveina iloiloga talafeagai e faatatau i Tupe Maua mo le vaitaimi 1 Iulai 2014 - 31 Tesema 2014. Na matauina e suetusi e lei ausia e le Auaunaga Autu o Tupe Maua le 6% i le 6 masina i lalo o iloiloga o Tupe Maua o le Uafu toso ai vaa (slipway Revenue) sa faailoa ai e lei ausia tulaga maua o le tapulaa fuafuaina o tupe maua i le 96% ae o tupe maua mai pasese i Pago sa faaalua ai le maua atu i loo le tupe maua sa fuafua ai i le 40%. Na faaalua foi tupe maua mai tupe maua a le SSMA lea e lei fuafuaina. O isi tupe maua e lei ausia le 4%. O isi tupe maua mai vaa sa lei ausia le 84%. O tupe maua i totonu o le atunuu sa lei ausia o lona manulauti sa fuafuaina ma le 82% ma sa lei ausia e le tupe maua mai Pago lona manulauti sa fuafuaina i le 90% ma o le aotelega o le aofai o Tupe maua sa lei ausia e 16%. O le eseesega tele o le 96% i tupe maua mai le Uafu e toso ai vaa (slipway) sa tatau ona taula i se avanoa sa fuafuaina mo le vaitaimi lea sa faaleaogaina mulimuli ane ona o le leaga o le tau. Sa lei faamoemoe i le faatinoga o galuega lelei a le Auaunaga a Pago, ae o le le o gatasi ma le faatulagaina o malaga i le ea, o se tasi lea vaega o le saofaga faaopoopo ai le faateleina o le matauina o numera o tagata malaga ma uta sa aveina lea sa lei mafaufauina sa faavae i faiga ua mavae. O isi tupe maua i lalo o le paketi e 4%, e manatu ua masani ai pisinisi ma e mafua i le maua o le paketiina o tupe maua mai feau faapitoa ma le auaunaga a le MEFS. O isi tupe maua mai vaa, e nao avanoa tu'uina totonu lea e feso'ota'i ma le vaevaeina o tupe maua toloai e faavae i masina taitasi e faasino i tua o vaa sa faatupeina i fesoasoani mai fafao ma e atagia ai aofaiga moni o faamatalaga o tupe e tatau ona tutusa lelei ma le aofai sa paketiina. O le taunuuga atoa sa aafia mai mataupu o i luga.
14. Mai le iloiloga o tupe faaalu o le vaa, sa faamauina ai e suetusi e faapea, MV Lady Samoa 11 – aofai o tupe faaalu mo mea a le ofisa sa lei uma ona faaaogaina e 12%, MV Samoa Express – aofai o le tupe faaalu mo le ofisa sa lei uma ona faaaogaina e 17%, MV pasefika Express – aofai o tupe faaalu mo le ofisa sa lei uma ona faaaogaina e 62%, MV FOTU-O-SAMOA II - aofai o tupe faaalu sa lei uma ona faaaogaina e 18%, MV Lady Samoa III – aofai o tupe faaalu sa lei uma ona faaaogaina e 1% ma le MV Lady Naomi – aofai tupe faaalu sa lei faaaluina e 33%. O le mafuaaga autu mo le maua o le faaaogaina o nei seleni ona o le faaitiitia o tau o le penisina mo vaa uma i nisi o masina. O le eseesega tele mo le MV Pacific Express o le tuai o le faamamaluina o galuega ona o le tuai o le maua o risiti e faamauina ai le tusi fa'amaonia. O isi vaa uma o loo i totonu lava o le tapulaa talafeagai tau na faaaogaina.
15. Sa tauaveina iloiloga talafeagai e faatatau i Tupe Faaalu a le Ofisa Autu mo le vaitaimi 1 Iulai 2014-31 Tesema 2014. O fuainumera faaaoga i lea iloiloga sa maua mai le vaega o tupe ma sa faapaleni i le polokalame faakomipiuta. O le faamoemoe o lenei iloiloga e iloa ai le mataituina lelei e le Faalapotopotoga o ana tupe faaalu, le toe iloilo pe faapefea ona pulea e le fa'alapotopotoga ana tupe faaalu ma le faatapulaaina/taiala o lo'o iai. O le aofai o tupe faaalu a le Pulega sa sili atu lona faaaogaina e 14%, sa matou faamauina e faapea, o alauni a le Pulega, tupe faaalu a le ofisa, meaalofo mo minisita, eletise, faafiafiaaga, toe faaleleia o le ofisa, toe faaleleia lautele, totogi o faauluuluga a le ofisa, pasese ma alauni ma malaga i fafo sa tele ai tupe faaalu lea ua sili atu ma tupe faatatau mo ia faamoemoe. O le aofai o tupe faaalu i le faamatalaga tau tupe sa lei uma ona faaaogaina e 176%. O le aotelega atoa o tupe faaalu mo le Ofisa Autu sa lei uma ona faaaogaina e 13% mo le 6 masina i lalo o le iloiloga. O mea taitasi sa lei paketiina, tupe faaalu mo le ofisa o le minisita lagolago sa lei faitauina i le taimi o le faagasologa o le paketi, meaalofo mo le minisita, eletise – e tatau ona talafeagai le alu i luga o le tau o le eletise i le vaitaimi o le iloiloga, faafiafiaaga, nao le \$352 tala sa lei uma ona faaaogaina poo le 0.03% o le aofai o tupe faaalu a le Pulega, toe faaleleia o le ofisa, faaleleia o mea le mailoa ona o le faaitiitia tau aoga, toe faaleleia lautele - toe faaleleia o mea le mailoa ona o le faaitiitia o tau aoga, totogi faaletausaga o le faauluuluga o le ofisa –

pasese ma alauni mo aso taitasi mo malaga i atunuu mamao – ona o le Malaga a le Pulega ma le auvaa i Meleisia mo le faatauina mai o le vaa fou ma ona talaaga faasolopito i le itu, sa manaomia le faaopoopo o le auvaa ma faafaigaluega mai foi se auvaa mai Filipaina. O lenei tulaga sa matua aafia ai le faateleina o le fesuiaiga o eseese ma le faamaumauina ai tului mo le paketiina o nonogatupe mo lea vaitaimi. Sa tatau ona totogi le siitia atu o tupe faaalu o mea taitasi olo'o taua i luga i le 1.

16. O le taiala o faamatalaga tau tupe (sa tu'u lata mai ia Ianuari 2015) sa mauaina e suetusi e lei faamaeaina foi. Ua le o' gatasi le faasinoala o mataupu ma le vaega mulimuli o le Taiala, leai se faagasologa o Vaegatupe faaagaaga mo mea laiti, leai se alafua mo aseta tumau, leai se faagasologa o le faitauina o oloa ma ua leiloloa pepa faapipii. Sa faamauina fautuaga ma e pei ona faamatalaina i le tele o taimi ma suega ua maea, o lo'o galulue le pulega e faamaumau, iloiloaina ma fai suiga i le Taiala.
17. O le aufaigaluega uma (faatasi ai ma le pulega ma le aufaigaluega lagolago) sa iai uma i le polokalame inisiua sa faapea ona maua mai faaiuga a le Pulega e faatonutonu uma ai le aufaigaluega uma a le Fa'alapotopotoga ina ia tutusa uma. O se fautuaga e faamauina mo le faasinomaga lea o lo'o i ai le Fonotaga Kapeneta (F.K.) (13) 06 fuaiupu 1.2, lea e faamalosia faamutaina ma le fa'atagaina le iai o inisiua mo le aufaigaluega, o le pulega ma le aufaigaluega o Matagaluega a le Malo ma Fa'alapotopotoga. O le F.K. lava lea e tasi o lo'o faatonuina uma Matagaluega ma Fa'alapotopotoga a le Malo e mafai ona aafia ina ia saunia ma tuuina atu i le Kapeneta o talosaga mo le faia o inisiua faalavelave patino mo tulaga tutupu mai le Matagaluega po le Fa'alapotopotoga pe tatau ma talafeagai. O lea mataupu sa laga e le suetusi talu ai ma faamalamalamaga sa tu'uina e fa'amaonia ai tulaga a le Fa'alapotopotoga e faatatau i lea mataupu. Ua faamauina aloaia e le Pulega fautuaga sa faapea ona tu'uina ma o lea iloiloaina lenei polokalame.
18. Sa leai se saunia aloaia o Fuafuaga Mamao o Faamatalaga Faatekonolosi a le Fa'alapotopotoga o Vaa a Samoa. E pei ona faamatalaina ao soalaupule lenei mataupu, o le vaega o faamatalaga faatekonolosi a le Fa'alapotopotoga ua agai i vaega o atinae ma le fuafuaina o le fuafuaga mamao i vaitaimi pupuu ma vaitaimi uumi i se auala se tasi o le galuega o le a iloiloaina mo le faatinoga sa tu'uina mai le iai o punaoa. O nei fautuaga sa aloaia lona mātā'ituina.
19. O le matou iloiloga sa maua ai le leai o se faamaoniga aloaia o Aiaiga Saogalemu Faatulafono o Faamatalaga Faatekonolosi e le Fa'alapotopotoga o Vaa a Samoa. Pei ona soalaupuleina, o aiaiga uma a le pulega ia manaomia le faamaumauina lelei ma faamaonia aloaia ia fausiaina ai se Taiala o Aiaiga mo Faamatalaga Faatekonolosi mo le agai i luma.
20. Sa faaaogaina e le Fa'alapotopotoga o Vaa a Samoa le polokalame faakomipiuta e faia ai totogi (IMS Payroll) mo le silia ma le 10 tausaga. E lei leva ona suia le polokalame faakomipiuta fai totogi (Attache Payroll Module). Sa faamauina e le suetusi numera o atugaluga lea feso'ota'i ma lea suiga pei; o le tau leai o ni aiaiga aloaia poo le faamauina o ia faiga i suiga o lo'o faagasolo ao faatino le tu'uina mai o faiga o totogi mai le polokalame muamua (IMS) i lesi polokalame ua iai nei (Attache). Ua leai ni talaaga o faamaumauga o totogi (ma suesuega a le suetusi) o iai i le polokalame o le faiga o totogi (Attache Payroll) o le laiti o taiala o lo'o iai ma taiala e faatino ai vaega o lo'o faia le polokalame fai totogi fou (Attache system). O le le maea ona faaumaina le faamaumau o faamatalaga o lipoti i totonu o vaega totogi a le Pulega i le polokalame fou o le Attache. O le leiloa o faamaumauga ona o le faaitiitia po le faatagaga o le mafai ona faaogaina o le polokalame IMS pei o le faaiuga sa faamutaina le aoga o laisene o polokalame faakomipiuta. O fautuaga faamauina ma sa faamatalaina, o taiala o lipoti o totogi i tausaga ua mavae i le polokalame (IMS) ua teuina lelei pei o se faaleoleo.
21. Ua matou matauina le tele o le leai o ni gaioiga e mātā'ituina aloaia e feso'ota'i ma; I le maea ai o itula faigaluega e mafai ona faaoga polokalame faakomipiuta ma e mafai ai foi ona feso'ota'i atu i le polokalame initaneti a le Fa'alapotopotoga. Ua faamauina aloaia e le Pulega fautuaga ma soalaupule faatasi ma le vaega o Faamatalalaga Faatekonolosi le faagasologa o le mātā'ituina faatonutonu ma le maea o itula faigaluega mo le mafai ai ona faaogaina nei polokalame faakomipiuta.

22. Sa faamauina e le suetusi le tele o vaega o le pulega ua faaitiitia mai le potu komipiuta. O fautuaga sa faamauina ma o se paketi faasoasoa o lea a avea ma paketi amata mo le tausaga fou e faatupe ai manaoga saogalemu faaopoopo ma isi manaoga ua malilie ai le pulega i mea manaomia e faalelei ai le nofoaga o Faamatalaga Faatekonolosi ma le saogalemu lautele.
23. I le iloiloga a le suetusi sa maua ai sa lei faamaumau aloaia e le Fa'alapotopotoga le fuafuaga faataatia o le toe faaleleia o faalavelave matuia o Faamatalaga Faatekonolosi. O fautuaga ua faamauina ma sa fa'atagaina i le taimi o le talanoaga, o le vaega o Faamatalaga Faatekonolosi ua atinaeina ma ua amata ona faafeiloai uma mataupu e tu'uina faaalia e mafaufau mo le faatinoga o fuafuaga ma faiga e tatau ai mo le faaleleia o faamatalaga faatekonolosi.
24. Sa maua e le suetusi le leai o se saunia o se faamaumauga faaleoleo ma faatumaui. Ae sa lei faatumaui e le Fa'alapotopotoga le lelei atoatoa o vaega uma o faamaumauga. O faamaumauga faaleoleo sa lei sueina mai lea taimi i lea taimi mo le mafai ona faitauina ma fa'amaonia mo le sao ma le atoatoa pea uma ona faatinoina. Sa faamau aloaia e le Pulega fautuaga ma talanoaga talafegai i le aufaigaluega o faamatalaga faatekonolosi ina ia tauaveina mo auala i le faatinoina o suiga sa fautuaina.
25. I le iloiloga a le suetusi sa faamauina ai le faatupulaia o le fainumera o tagata (tagata o lo'o faaogaina le initaneti) o lo'o faaogaina polokalame o feso'ota'iga saogalemu a le ofisa. Sa faatinoina e le Pulega nei fautuaga faatatau.
26. Ao faia le iloiloga o aiaiga saogalemu o polokalame faakomipiuta sa maua ai e nao le toavalu le au faigaluega o lo'o faaogaina pea le polokalame lea o lo'o faamatalaina i polokalame feso'ota'i a le Fa'alapotopotoga o lo'o iai ni upu tatala(passwords) ua maea ona faia ae leai lava se faamutaina. O nei tagata ua le mafai lava ona toe suia latou upu tatala. Ua faatinoina e le Pulega nei fautuaga.
27. I le iloiloga a le suetusi sa faamauina ai nisi o suesuega lautele ma aoaoga o tagata o lo'o faaogaina a latou polokalame pei ona faamatalaina i polokalame feso'ota'i a le Fa'alapotopotoga. O nei tuufaatasiga o lo'o faatatau pei o le faiga o lo'o faaogaina e tagata lautele, ao latou te leiloa se tagata faigaluega po se tagata na te faaogaina. I le tele o tulaga, o tagata lautele o lo'o faaogaina nei vaega o lo'o fetufaa'i le va o aufaigaluega ma tagata. Faataitaiga o nei vaega lautele, suesuega ma aoaoga maua a tagata o lo'o faaogaina nei vaega. O le aufaigaluega a le vaega o faamatalaga faatekonolosi o lo'o iloilo ina uma tagata o lo'o faaogaina nei vaega pei ona fautuaina ma o le a tu'uina mai lilioti mo le fa'amaoniaina e le pulega e aveese ma teuteu e tusa ai ma tagata o lo'o faaogaina.
28. O le matou iloiloga o taiala o polokalame faataatitia o feso'ota'iga sa faailoa ai e leai se puipuiga e mafai ai ona puipuia se tagata ona tatalaina se polokalame p ea taumafai e tatala aua le faaogaina o le feso'ota'iga a le Fa'alapotopotoga. O se aafiaga tele e aafia ai le faafoeina o komipiuta pei o le fa'atagaina o se tasi e taumafai e faatino ma faaoga se pepa numera tatala a sesi tagata ma e mafai ona maua le faiga o se tagata maoae na te faaogaina ma faia suiga e lei fa'atagaina i le polokalame mo faamaumauga ma faamatalaga. Sa faagaioi e le Pulega nei fautuaga faatatau i nei faiga.

4.52 Auaunaga o Vaa a Samoa mo le tausaga fa'aletupe na fa'aiuina 30 Iuni 2012

1. Sa lei tu'umavaevaeina tiute o le afaigaluega mo le vaaia o tagata nonofo aitalafu, tagata o lo'o nonofo aitalafu ai le fa'alapotopotoga ma le fa'asologa o le faiga o totogi. E tasi lava le tagata faigaluega o lo'o tauaveina uma nei tiute. Sa ta'ua e le SSS e tusa ai ma fetu'unaiga i le fetu'unaiga o le FSII lea sa fa'aauuina pea. Sa filifili le Pulega a le SSS i le vaitaimi fa'aletupe fa'aiuina i le aso 30 Iuni 2012 e fa'amuta ai galuega a le afaigaluega fa'aopoopo e fa'aititia ai le tupe fa'aalu seia vagana ai ua maea le fa'asologa o le fetu'unaiga o le FSII.
2. O le faiga o pepa o tau o oloa sa fa'aaoga e le SSS sa tusitusi lava, o ia pepa o tau o oloa sa faia mai i totonu o le Polokalame fa'akomipiuta (Word Document). O nisi o pepa tau o oloa sa le'i faamauina ua totogi i luga o pepa tau o oloa sa faila i le taimi o le sugatusi e le o atagia i luga o le lisi o paleni tuua a tagata nonofo aitalafu mo le aso 31 o Mati 2012. Sa ta'ua e le SSS e tusa ai ma le le lava o le afaigaluega a le vaega tau tupe, sa le'i mafai ai ona saunia i le taimi o sugatusi nei manaoga o tulaga aloaia mo le fa'amaeaina o nei faiga i le taimi fa'atulagaina.
3. E na o le tasi le igoa (username) ma le upu tatala (password) sa fa'aaoga fa'atasi e le afaigaluega e toatolu e ulufale (access) ai i le Polokalame o Fa'amatalaga tau tupe i le polokalame komipiuta mo le tausiga o tusi (MYOB). Ae le gata i lea, sa mafai foi ona latou ulufale (access) i auala e mafai ai ona suia (edit) ma aveeseina (delete) ni feuaiga fa'apisinisi. Sa fa'amanino mai e le SSS o le latou polokalame fa'akomipiuta faatausi tusi (MYOB) na o le toa tasi lava le tagata e mafai ona fa'aaogaina ma e le mafai ona fa'aaogaina ni upu tatala (password) eseese se tolu mo le polokalame.

4.53 Pulega o Fale ma Malae Taalo a Samoa mo le tausaga faaletupe na faaiuina 30 Iuni 2013

1. O pili o le vai a le SSFA ua maea ona iai i totonu lafoga o le VAGST e ui ina tataua ona leai se lafoga e faaopoopo iai. E talu ai ona o lea tulaga, ua aafia ai le pili o vai ma lafoga VAGST o lo'o totogiina atu i le Matagluega mo Tupe Maua (MOR). Ua fa'amauiina e le SSFA nei atugaluga mo le fa'aleleiina.
2. E lē o fa'amauiina lelei le auai o le pulega i aso taitasi. Na tau'a e le SSFA e lē o a'afia ai tagata faigaluega konekarate i nei faiga fa'avae, ae ui i lea o le a iloiloina ma tu'uina atu i le Komiti o Faatonu mo se fa'aiuga.
3. Sa maua ni eseese o numera o tagata faigaluega o lo'o i totonu o polokalame a le galuega (system) ma faila patino i tagata faigaluega. O nei vaivaiga i puipuiga fa'alotoifale (internal control) e ono tulai mai ai se tagata faigaluega fa'alilolilo i totonu o le faiga o totogi.
4. E leai se suiga o aitalafu i le tausaga fa'a-le-tupe. Na tau'a e le SSFA o le a faia se latou talosaga e tu'uina atu i le Komiti Faatonu mo le iloiloina ma le taliaina o aitalafu uma ua siliga tali i seu lona toe totogiina.
5. E iai galuega tu'ua o lo'o fa'aauau mai tausaga ua mavae ma ua avea ma ala ua aafia ai ma lē a'ua'u ai le fa'asoa o tupe faatatau mo lenei tausaga.
6. E le o iai ni fa'amauga talafeagai e lagolago ai feuaiga fa'apisinisi sa faia ma e lei maua foi ni fa'atagaga aloaia.
7. E lei failaina lava ni lafoga VAGST a le Pulega i le Matagluega mo Tupe Maua. E lē o mafai ona fa'amaonia lafoga o tupe maua (VAGST receivables) mai fa'amatalaga o tupe.
8. E lē o toesea mai totogi fa'ale tausaga o Fa'atonu ia latou lafoga taofiofi (withholding tax). E moomia le totogi o nei lafoga e tusa ai ma le Tulafono o Lafoga, fa'apei ona faia i alauni o Sui auai o le Komiti i fonotaga.
9. O se atugaluga mo le Suetusi i luga o tupe fa'aalu lē talafeagai pe a fua atu i le tulaga fa'alagolago malosi a le SSFA i fesoasoani tau tupe a le Malo mo le fa'agaioiina o ana galueaga.

4.54 Pulega o Fale ma Malae Taalo a Samoa mo le tausaga faaletupe na faaiuina 30 Iuni 2014

1. E lē o iai se taiala o tupe e taialaina ai le fa'aafoeina ma le puleaina o tupe. E talu ai ona o lea tulaga, e lei mafai ona fa'amanino tonu tagata eseese uma e aumai ai le fa'atagaga ma le pule mo ni fefa'atauiga.
2. E leai ni feagaiga po'o lisi fa'avaitaimi (long term lease agreements) mo le fa'aaogaina o meatotino ma malae taalo e fa'alapotopotoga o taaloga eseese.
3. E fai si telē o le si'itia o tupe fa'aalu i fa'alauiloa mai le \$7,069 i le tausaga ua mavae i le \$42,184 i tausaga nei, fa'apea ai ma le tele o tupe na fa'aaluina atu mo fesoasoani i Ekalesia, fa'alapotopotoga, nu'u, kalapu ta'alo ma asosi a tama ma teine tuai o aoga.
4. E le'i mafaia e le SSFA ona usitaia le aiaiga e tatau ona tolu tau o fa'atau tusitusia (quote) e tuuina mai mo iloiloga mo so'o se fa'atau e sili atu ma le \$5,000.
5. E iai fa'amanuiaga na totogi i tagata faigaluega e sili atu ma le \$10,000 ae leai ni fa'amatalaga e lagolago ai lea tulaga ma e leai foi se fa'atagaga mai le Komiti Faatonu.
6. O totogi o konekarate a le Pule Sili i le mae'a ai o lana konekarate e lē aofia ai toesea fa'aletulafono e pei o saofaga a le NPF ma tau i o fa'alavelave ACC.
7. E tatau ona iai se feagaiga mo galuega ua fa'apipi'ina mo malosiaga mai le la mo le eletise (solar panels) a le EPC i luga o fanua a le SSFA.
8. O taimi faigaluega a le leoleo po ua sili atu ma itula faigaluega o lo'o fa'atagaina, ma o le totogi (rates) o lo'o fa'aaogaina i ana sifi e lē o talafetaui.
9. E 88% o le aofai o aitalafu e totogina mai ua silia atu ma le 90 aso e lei totogina lava.
10. E lei totogiina ni lafoga mo tagata faigaluega (PAYE) i tausaga ua mavae ma e lē o atagia foi i tala o tupe o le tausaga ua mavae. E tatau ona tagai lelei i lenei fa'afitauli ogaoga ona o le lape i tala o tupe ma e tatau ona silasila e toe fetu'unai mo le sao atoatoa o faamatalaga tau tupe. O lo'o fa'atupulaia pea lafoga ma e lei totogiina atu lava nei lafoga i le Matagaluega mo Tupe Maua.
11. Sa iai se aofaiga tele o tupe lafoga VAGST na atagia i fa'amaumauga. E tatau i le SSFA ona fa'atinoina se iloiloga atoa ina ia fa'amaonia ai ana lafoga VAGST mai le MOR. Sa laga muamua foi lenei lava mataupu i suegatusi ua mavae.
12. O le fa'amatu'uina atu o lisi o fanua mai le Fa'alapotopotoga o Eleele a Samoa (SLC) e pei ona fa'amaonia ai e le Kapeneta, ua mo'omia ai ona vaevaeina lelei ma le atagia lelei i totonu o tala o tupe nei vaega.

4.55 O Lala o Taaloga tau Petipetiga (Sportslotto) Suesuega Fa'afuasei sa faatinoina Me - Iuni 2013.

1. E lē o iai se resitala mo tusi o faamaumauga eseese (accountable forms) o lo'o fa'atauina ma tu'uina atu mo galuega o aso taitasi. E tatau lava ona iai se resitala o pepa o lo'o fa'aogaina mo le taliaina ma le tu'uina atu o galuega a le Lala i aso taitasi. O le a fesoasoani tele lea tulaga mo le malu puipuia ai o nei api/pepa ma māta'ituina ai foi le fa'aogaina ina ia taulima lelei ai le fa'aaogaina o nei tusi. E fesoasoani foi le iai o se resitala ina ia vaavaai lelei ai le gasologa o nei tusi ma le iloa tonu e nafa ma le vaaia o nei tusi. Na taua e le Sportslotto (SSLA) o lea ua fausia se polokalame fa'atekonolosi (electronic recording system) e fa'amaumau ai pepa fa'atumu nei. O lenei fa'amatalaga tau komipiuta (database) ua iai sona vaega fa'aleoleo ma ua malu puipuia foi.
2. O fa'afitauli nei na maua i faitauga o tupe fa'afuasei (surprised cash counts) sa faia i le Ofisa Autu ma le lala i Fasitoo e aofia ai vaega nei:
 - Na matauina tupe pau` (shortage) e \$42.65 i le faitauga o tupe i le ofisa autu.
 - Na matauina tupe pau` e \$435.15 i le lala i Fasitoo na faitauina i le aso 24 Me 2013.
 - Na matauina tupe pau` e \$483.70 i le faitauga longa lua i le lala i Fasitoo na faia i le aso 5 Iuni 2013.
 - O tupe maua mai le lala i Fasitoo e lē o teuina i le faletupe i aso taitasi ae fa'atoa teuina i le isi vaiaso poo le lua foi vaiaso mulimuli ane.
 - O tupe o le lala i Fasitoo na maua e teuina i totonu o le taga siliva, ona afifi lea i se pepa fa'alauloa (poster card) ona tu'uina lea i le pule o le faleoloa o loo nofo lisi ai le lala e teuina i le sefe a lea faleoloa.
 - O tupe nei o lo'o tu'uina atu e lokaina i le sefe tupe a le faleoloa e le o siakiina lelei i le taeao e soso'o ai e le pule o le faleoloa ma le tagata faigaluega a le SSLA ina ia mautinoa le sa'o o tinoitupe.

O nei vaega uma na māua e pei ona tau'a i luga ua atagia ai le pa'ū ma le vaivai o le taulimaina o le lala i Fasitoo e pei o le tuai ona teuina o tupe maua i le faletupe, ma le lē mafai ona māta'ituina vave ni gaioiga fa'asolitulafono a se tagata faigaluega (operator). Na fautuaina le pulega ina ia toe suesue atili i lenei fa'afitauli ma ia tausia i taimi uma ma ia malu puipuia ma taulima lelei e le gata i le lala i Fasitoo aemaise foi isi lala o i nisi nofoaga ina ia alofia ai ni amioga ma faiga fa'asolitulafono. Na tau'a e le SSLA e toalua ni tagata faigaluega ua fa'amaloloina nei ona o le gaoi i tupe a le ofisa. Na ioeina lava e i latou na tu'uaia e fa'apea o tupe na gaoia sa fa'aaoga i manaoga fa'ale-tagata. Sa iai se masalosologa sa galulue fa'atasi i laua e toalua lea ua fa'amalolo i le gaoi ma nisi ina ia nana tupe pau` (shortfalls) ae peitai e lei mafai ona maua i nisi o suesuega mulimuli nisi tagata na au fa'atasi i lea gaioiga. Ua maea ona faia ni auala e taulimaina lelei ai le fa'agaioiga o tupe a le lala ma suagatusi fa'avaitaimi fa'avavevave e aunoa ma le logoina ina ia mautinoa ai o lo'o fa'aaogaina lelei tupe. Ua fa'amalosia foi puipuiga i auala e taulimaina ai tupe a le lala ma le sefe o lo'o teuina ai a le faleoloa o lo'o latou fa'aaogaina i le taimi nei. E iai le manatu o nei fuafuaga uma o le a fa'aitiitia ai ni tulaga lamatia o tulai mai.

3. E lē o fa'asainia pe fa'amaonia pepa totogi o tupe fa'aagaaga mo mea laiti (petty cash vouchers) ao lei tu'uina atu ni totogi i tagata faigaluega. E lē o sainia e tagata o lo'o totogi iai pepa totogi (vouchers) e fa'amaonia ai ua latou mauaina lea tino i tupe. O le leai o nei saina taua e ono tulai mai ai se manatu e lē o tausia faiga fa'avae ma taiala ma/pe lē o taulimaina lelei vaega tupe mo mea laiti (petty cash). O pepa totogi uma e tatau ona fa'atagaina e le tagata o lo'o fitoitonu iai lea vaega ina ia fa'amautinoa ai le sa'o ma le moni atoatoa o se talosaga ao lei fa'amatu'uina atu se totogi. O lenei manaoga (ma faiga masani) o lo'o atagia manino i Taiala o Tupe ma e fa'amanatu atu i tagata o fitoitonu iai nei vaega e tatau ona tausia nei taiala ma faiga fa'avae. Sa fautuaina foi e tatau i tagata o maua pepa totogi (vouchers) ona saina i se vaega o tupe totogi atu (payout schedule) ina ia fa'amaonia ai ua maea ona ia taulimaina se totogi mai tupe o

vaega laiti (petty cash funds). Na fa'amautinoa mai e le SSLA o lo'o mulimulitai'a pea Taiala o Tupe (Accounting Manuals) ma o lo'o fa'atinoina lava saina.

4. O tupe maua mai fa'atauga o aso e matauina o lo'o toe fa'aaogaina i tupe fa'aalu. O le fa'aaogaina o tupe maua mai fa'atauga o aso taitasi e totogi ai mea laiti ma nisi tau mo le fa'agaioiga o galuega ua lē ō gatasi lea fa'atinoga ma faiga fa'avae tau tupe ma ua fautuaina manino le SSLA ina ia taofia loa nei fa'atinoga. Sa fa'amauina e le SSLA o fa'a'tinoga masani sa amata mai ai sa lei fa'aputuina le tupe maua lea e fa'aagaaga mo mea laiti mo le isi aso (cash float) ona sa tulai mai ai ni tulaga le fa'amaoni i tausaga ua mavae, o tupe mai fa'atauga sa fa'aaogaina e totogi ai fa'ailoga na malo a nisi i vaiaso ua mavae. Sa fa'amautinoa mai o le a latou iloilo ina lea tulaga ina ia mautinoa ai le faaleleia o lea tulaga.
5. E iai le tupe na toe totogi na fa'aaoga mai tupe fa'aagaaga laiti (petty cash reimbursement) e \$4,514.20, ua matuai sili atu lava ma le tupe toe totogi fa'atapula e \$1,200. Ua lē tausisia ai faiga fa'avae talafeagai. Na fautuaina le SSLA ina ia usitaia alafua ua maea ona fa'ataatitia ina ia alofia ai le toe ma'umau o taimi ma galuega e tau toe fa'aleleia ai ni tulaga e ono tulai mai. Sa fa'amautu mai e le SSLA o lea ua fa'amuta nei fa'atinoga ma ua usitaia foi alafua e pei ona fa'ataatitia mai i lalo o Taiala o Tupe.
6. Na matauina le tele o teuga tupe na tuai ona teuina. Sa fautuaina le SSLA e tatau ona taulimaina lelei ma ave le fa'amuamua a le tagata ua patino i ai le tiute mo le siakiina lelei o teugatupe a lala i nuu i tua ma e tatau ona faia ni faufua lelei i se taimi vave i soo se teuga tupe e tuai ona teuina poo se aiaiaaga ua lē usitaia. Na ta'ua e le SSLA o le mafuaga o le tuai o teugatupe ona o le utiuti o tupe maua i le lala e mafua mai ini gaoi sa tulai mai le taimi ua tuanai. Ua maea ona faia nisi alafua ina ia mautinoa ai le tali atu ai o tagata faigaluega taitoatasi i a latou lava tupe maua mai fa'atauga o le aso ina ia aua nei toe tu'u lafoaia i le lala mo le isi aso ma tagofia pe fa'aaoga ai e le isi tagata faigaluega o le isi aso. O nisi o taiala fou ua aofia ai le taulimaina lava e le tagata ia o lana tupe maua o le aso ae lē toe fa'ataga ona tu'uina i se isi. Ona o lea tulaga ua tu'uina atu ai i tagata faigaluega e tali atu ai.
7. E lē o iai ni fa'amaumauga e mautinoa ai poo iloilo ina lelei e le tagata o feagai ma ia tiute ma tapenaina fa'amatalaga o paleni o teuga tupe (bank reconciliations). E masalo ai o fa'atino ni iloilo o nei vaega ae peitai e taua tele le iai o ni fa'amaumauga ina ia mautinoa ai o nei puipuiga o lo'o fa'atinoina ma poo anafea foi na fa'atino ai. E tatau i le tagata na ia tapenaina ma siakiina fa'amatalaga o paleni o teuga tupe ona fa'amauina lana saina ma aso na fai ai e fa'amaonia ai ua maea ona fa'amaonia ma iloilo ina. Na taua e le SSLA o le a latou mulimulitaia taiala ma alafua fa'ataatitia o tupe.
8. E iai taavale a le Lala sa fa'aogaina e nisi o tagata faigaluega i fafo atu o itula faigaluega, ma ua lē usitaia ai faiga fa'avae a le Malo i Fa'aiuga a le Kapeneta (FKs) e na o le Fa'auluuluga o le Matagaluega (CEO) e agava'a mo le fa'aaogaina o ta'avale a le Malo pe a manava galuega. E tatau i le pulega ona matua tausisia faiga fa'avae a le Malo e auala mai Fa'aiuga a le Kapeneta. O le ta'avale e pei ona taua sa fa'aavanoaina mo le Pule o le Vaega o Tupe (Finance Manager) ona o le tagata lea e feagai muamua lava ma vala'au mo ni mataupu i taimi manava ma e ono moomia ai lona auai atu i lala i tua ma le ofisa autu. Ma le isi vaega e leai se nofoaga mautu mo le teuina o taavale a le ofisa i taimi manava ma o puipuiga lava ua manatu ai e sili ai ona malu puipuia le taavale pe a a tu'uina atu e vaai e lea tagata i taimi manava. Ma o lea foi ua tu'uina atu e le Komiti o le TAB (Totalisator Agency Board) le fa'atagaga i le Pule o le Vaega o Tupe na te fa'aaogaina ai le ta'avale i fafo atu o itula faigaluega.

4.56 O Lala o Taaloga tau Petipetiga (Sportslotto) Suesuega mo le tausaga faaletupe na faaiuina 30 Iuni 2014

1. Fa'afitauli o lo'o aafia ai le taulimaina o tupe maua e aafia ai:

- O nisi o le au faigaluega i masini (operators) latou te lē fa'anumeraina tai tasi (tally) i luga o pepa fa'apaleni (blanace sheet) a latou tupe maua o le aso mai le Samoa National Lotto (SNL) fa'apea foi le TMS. O nei fa'amaumauga e atagia ai le sa'o o tupe maua a le tagata faigaluega ma le pepa o lo'o fa'amauina ai tupe maua i le masini komipiuta (computer-generated printouts) ma saga fesoasoani ai i le Pule o le Vaega o Tupe mo le fa'apaleniina o tala o teuga tupe. Ua fautuaina tagata faigaluega o masini (operators) ina ia fa'amaumauina taitasi le aofaiga o tupe maua mo le SNL ma le TMS i luga o pepa fa'apaleni ia mautinoa ai le sa'o atoatoa o tupe maua.
- E leai se saina a le sui o vaega o tupe (Finance Clerk) i luga o pepa o paleni o TMS/SNL ina ia mautinoa ai ua maea ona iloilo ina lelei. Sa fautuaina ina ia saina e le sui o tupe ia pepa fa'apaleni a tagata faigaluega ina ia mautinoa ai le siakiina lelei ma ia tali vave atu ai ni tupe ua lē atoa. Sa fautuaina foi ina ia toe suia saina a le au faigaluega o lo'o i luga o pepa e suia mai le 1st Person i le 'Operator', 2nd Person i le 'sui o le vaega o tupe', ma le 3rd Person i le 'Pule o Vaega o Tupe' ina ia fa'amanino ai tiute ma matafaioi patino.
- E lei saina e le Pule o le Vaega o Tupe ia pepa o teuga tupe e fa'ailoa ai ua maea ona ia siakiina pepa paleni o tupe o le TMS ma le SNL. O se isi vaega taua tele lea i lalo o le Taiala o Fa'amatalaga tau tupe (Accounting Manual) mo fa'atauga e tatau ona saina le Pule o Vaega tau tupe i pepa o teuga tupe o TMS/SNL ina ia toe siaki ai pepa paleni a tagata faigaluega o TMS/SNL ma lipoti o fa'amaumauga fa'akomipiuta (computer generated reports).
- E lei saina e le Pule o le Vaega o Tupe le api teu tupe e fa'ailoa ai teuga tupe ua maea ona siaki ae lei teuina pe maea foi ona teu. E tatau i le Pule o Vaega tau Tupe ona saina i le api teu tupe ao lei faia pe maea foi se teuga tupe ina ia mautinoa ai e le o iai ni faiga fa'agaoi.
- E saina e tagata faigalugea pepa o tupe maua fa'agalueaina o le aso (cash float holding) i le maea ai ona fa'amaumauina fa'atauga o le aso. O tupe maua fa'agalueaina e tatau ona faitauina i luma o le sui o vaega o tupe ma le tagata faigaluega ma e tatau ona saina ai le tagata faigaluega pe a maea ona tu'uina atu le tupe e fa'amautinoa ma aloaia ai le mauaina o tupe.
- E iai tupe fa'agalueaina na matauina e leai se paleni (negative floats) e atagia ai na fa'aaoga e totogi ai fa'aailoga e sili atu tau nai loo tupe maua. E faigata ona iloa ma fa'amautinoa lea vaega ona o le leai o se resitala mautu o tupe fa'agalueaina.
- E fai si maua luga o le aofai o teuga tupe na tuai ona teu. O lenei mataupu sa maua muamua foi e suetusi ma e matauina lava le leai o se tulaga alualu i luma. E tatau ona faia teuga tupe i aso taitasi.
- O tupe maua mai fa'atauga o lo'o fa'aaoga e toe tului ai tupe o tupe fa'agalueaina i lala i tua ina ia totogi ai tupe o pepa manumalo. O tupe maua mai fa'atauga e lē tatau ona fa'aaoga e "totogi ai pepa ua malo pe tului ai tupe fa'agalueaina". O tupe maua mai fa'atauga e tatau lava ona teuina i aso taitasi ina ia alofia ai ni gaioiga fa'agaoi e ono tulai mai. Afai e iai ni fa'aopoopoga o "tupe totogi mo pepa ua malo pe tului ai tupe fa'agalueaina" e tatau on tu'uina atu siaki e totogiina ai nei tupe fa'aopoopo.
- E tele ni tupe pa'ū (shortage) na matauina. E tatau i tagata faigaluega (operators), sui o le vaega o tupe, ma le pile o vaega o tupe ona mulimulita'ia alafua ma taiala mo le iloilo ina o tupe ina ia alofia ai nei faiga.
- E leai ni fa'amaumauga o ni iloilo na fa'atino e le pulega i luga o fa'amatalaga o paleni o teuga tupe (bank reconciliations) e atagia ai le fa'alagolago tasi lava o tagata i le fa'amaumauga vave o lo'o fa'amauina e masini komipiuta (computer generated reconciliations from QuickBook system). E tatau lava i le pulega ona fa'atinoina pea le siakiina o fa'amaumauga o paleni o teugatupe i luga o a latou fa'amaumauga vave fa'amauina i komipiuta ina ia fa'amautinoa o ō gatasi paleni o i le faletupe ma paleni o fa'amauina i luga o masini komipiuta. O fa'amaumauga o teuga tupe e tatau lava ona saina e le tagata na ia tapenaina. E tatau foi ona saina e le Pule o Vaega o Tupe ma Auaunaga Lautele

(Corporate Service Manager) e fa'ailoa ai ua maea fa'amaonia. Sa fautuaina foi le faia fa'auau pea o ni iloilogia ma le siakiina lelei o fa'amaumauga o teugatupe, ona o se fa'atinoga taua tele e fa'amaonia ai le paleni o tupe o lo'o teuina i le faletupe.

2. Mataupu o lo'o aafia le fa'atinoga o totogi, api saina, ma le Punaoa tau Tagata Faigaluega e aofia ai:
 - E leai ni fa'amaumauga o saina a le o nafa ma le tapenaina, siakiina, ma le fa'amaoniaina o fa'atinoga o totogi mo otootoga uma o totogi fa'ale-tausaga. E tatau i le o nafa ma le tapenaina, siakiina o galuega o totogi ona saina i fa'amaumauga uma fa'atasi ai ma le fa'amoniga a le Pule Sili ina ia mautinoa le tali atu ma le manino o tupe mo gaioiga ma fa'amoemoga a le ofisa.
 - E matauina le leai o ni toeseaga o le 1% mai totogi o tagata faigaluega mo tau o fa'alavelave (ACC) fa'afuasei e pei ona moomia ai i lalo o le tulafono. O le mafua'aga lea o le sili o totogi o tagata faigaluega a le SSLA. E tatau i le SSLA ona latou usitaia tulafono o Tau o Fa'alavelave Fa'afuase'i.
 - E leai ni fa'amaumauga o faila patino (personal files) a le toatele o tagata faigaluega o tausaiaina ma e le o tu'u lata mai foi fa'amaumauga o ni fesuaiga o totogi fa'ale-tausaga, fa'amatalaga o galuega, lipoti a leoleo ma faalemai ma fa'amaumauga o agava'a aloaia. E tatau i le SSLA ona mautinoa o lo'o atoatoa le tausaiaina o faila e patino i le tagata lava ia ma iai se tulaga tu'u lata mai.
 - E le o i se tulaga tu'u lata mai livi fa'ale-tausaga ma aso ma'i mo le tausaga fa'ale-tupe. E tatau i le SSLA ona fa'afou (update) fa'amaumauga o aso ma'i ma livi fa'ale-tausaga ona e taua tele fa'amaumauga nei mo le fuafuaina o livi fa'ale-tausaga ma aso ma'i i totonu o fa'amataga tau tupe ma ia fa'amautinoa ai o sa'o agavaa o tagata faigaluega.
 - E iai tagata faigaluega na galulue sili atu ma le aofaiga fa'atapaulaa e 40 itula i le vaiaso ae peitai e lei totogiina i le taimi 1.5 o ana totogi masani mo le ovataimi e pei ona mo'omia ai i lalo o le Tulafono o Sootaga Va Lelei o Leipa ma Galuega 2013 (fa'amamaluina i le 5 Aperila 2013). E tatau i le SSLA ona mulimulita'i le Tulafono o Leipa ma Galuega ina ia mautinoa ai e tagata faigaluega le atoatoa ma le talafeagai o totogi mo galuega fa'atino i le Lala.
 - E le o i se tulaga atoatoa lelei ma tu'u lata mai le tausiga o le api saina. E tatau i tagata faigaluega uma ona saina i le amataga ma le mae'a ai foi o malologa o le aoauli ina ia fa'amautinoa ai o lo'o puleaina lelei ma tali atu tagata faigaluega mo a latou itula faigaluega.
3. E le atoatoa fa'amaumauga i le resitala o totogi o pepa ta'alo (pull tabs) ona e le o fa'amauina ai le aofai o oloa na maua mai i pisinisi na faatau mai ai. O lenei mataupu na laga foi e suetusi talu ai ae peitai e matauina pea le leai o ni suiga. E tatau i le Lala ona fa'aleleia le resitala ina ia aofia ai le tau o pepa ta'alo (pull tabs) mai le amataga e iloa gofie ai aofai na aumai ma fa'agaifoie ai ona fa'apaleni le gasologa o pull tabs. O le a mafai ai ona taulima lelei ma manino pepa ta'alo ma iloa ai fa'avasega le aofaiga na maua mulimuli, fa'apea pepa fou na mauaina ma nisi. O le a mafai ai foi ona fa'afaigofie ona mata'ituina ma fa'apaleni le aofaiga o pepa ta'alo.
4. E ese le taiala o lo'o fa'amauina i le Taiala o Vaega tau Tupe (Accounting Manual) ma fa'atinoga o lo'o faia ona o nisi o suiga ua faia e lei aloaia lona suiga i totonu o le Taiala o vaega tau Tupe. Sa laga muamua foi lenei mataupu e suetusi. E tatau ona fa'afou le Taiala ina ia aofia ai suiga ina ia atagia ai fa'atinoga o lo'o faia i le taimi nei. E taua tele lenei taiala e le gata i le Lala ae fa'apea foi i nisi fa'amoemoga e aofia ai suetusi.
5. Mataupu e a'afia ai aseta e aofia ai:
 - Aseta e leai ni fuainumera (no asset codes)
 - Aseta ua fa'aaoga fa'alua le fuainumera poo le faailoga lava e tasi
 - E ese le numera/fa'ailoga o le aseta ma numera/fa'ailoga o lo'o fa'aaoga i le resitala o aseta (FAR)
 - E iai aseta e le o toe fa'aaogaina e tagata ae o lo'o taofi/teuina i le ofisa autu i Savalalo
 - E iai aseta fou e le o lelei ona fa'amauina

E tatau i le SSLA ona iai se resitala mautu ma atoaatoa lona taulimaina. E tatau i le Lala ona faia ni asiasiga mae'ae'a ina ia fa'amautinoa ai o lo'o atoaatoa pea aseta a le kamupani i le resitala ma ia fa'amauina lelei ma o lo'o i se tulaga lelei pea ona o le tele o nei aseta ua au tausagā.

6. Mataupu e a'afia ai tupe faaalu e aofia ai:

- O nisi o pepa totogi (payment vouchers) e leai ni pepa o poloaiga o oloa aitalafu (purchase orders) ma pepa talosaga fa'alotoifale (internal requisition forms). O nei fa'amaumauga/pepa e tatau ona fa'apipi'i i pepa totogi ina ia fa'amaonia ai le tau/aofaiga o oloa/auaunaga o mo'omia i le poloaiga o oloa fa'aitalafu fa'apea ai ma saina a le sui sinia a le Vaega, Pule, Pule Sili e fa'amaonia ai lea talosaga.
- E leai se saina a le tagata o lo'o iai le fa'atagaga mo le totogiina o pepa totogi. E tatau ona iai le saina a le Pule Sili i pepa totogi i le avanoa o lo'o iai e fa'ailoa ai le taliaina ma fa'atagaina o se totogi e tusa ai ma faiga masani a le Lala i le Fa'amatu'uina atu ma le fa'atautaiga o tupe.
- E lē o atoaatoa le faiga o pepa totogi ma e leai foi se avanoa e 'maea ona siaki ai e' le Pule o le Vaega o Tupe ina ia saina ai e fa'amaonia ai ua maea ona ia siakiina lea pepa totogi. E tatau i le Lala ona tu'u iai se vaega 'maea ona siaki e' i le pepa totogi ina ia ō gatasi ai ma Taiala o Vaega tau Tupe a le kamupani.
- E iai pepa totogi e lē o maua i faila o pepa totogi. E tatau ona iai uma se tulaga tu'u lata mai ia pepa totogi i aso taitasi i le maea ai ona faia o totogi ma ia failaina foi fa'amatalaga lagolago mo le silafia i le lumanai ae fa'apea ni fa'afesili mai le au fai pisinisi.
- E iai nisi pepa totogi e lei fa'atumuina lelei. E tatau ona fa'atumuina lelei pepa totogi uma ina ia ō gatasi le fa'atinoga o pepa totogi ma taiala o tupe.
- E iai siaki mo totogi e sili atu ma le tapulaa fa'atagaina na saina e le Pule o Vaega o tupe.

7. O le pepa o lo'o fa'amauina ai oloa faitauina (stock sheet) na matauina e suetusi e leai se vaega o atagia ai o fa'atinoina le faitauina o oloa mai le amataga ma le fa'aiuga o galuega i po tai tasi e iloa tonu ai le gasologa o oloa. E pau le vaega o lo'o fa'amauina i le pepa o oloa faitauina (stock sheet) o ituaiga pepa ta'alo (pull tabs) na fa'atauina atu ae leai se fa'amaoniga e iloa tonu ai o lo'o fa'amaumauiina uma oloa. E tatau ona faia se fa'apaleniga lelei (reconciliations) i le maea ai o galuega i po tai tasi e fa'amautinoa ai o pepa uma sa fa'atauina atu ua maea ona totogiina mai.

8. O fa'amaumauga o paleni o tupe o faailoga a le SNL e tusa ma le 58%, e atagia le lē ō gatasi o nisi o fefa'atauaiga o nei tupe ma Taiala o Tupe. E aofia ai:

- Fesuiaiga o galuega e leai ni so'otaga ma totogi tu'uina atu mo se malo;
- Tupe fa'aalu mo le pulega (administration expensense) o lo'o toe totogi mai le teugatupe i le faletupe

E tatau i le pulega ona toe iloilo fa'amaumauga o le teugatupe lenei ona na o le pau fesuiaiga e tatau ona aofia ai o pili o faletupe, tupe tului ma tupe totogiina atu o fa'ailoga a le SNL i ponesi (jackpots) ma fa'ailoga.

9. O tupe galue (working capital) a le SSLA ua fa'aitiitia pe a fua atu i tausaga ua mavae, afai ae le taulima leleia, e ono gau le lala ma mo'omia ai nisi tupe galue e fa'atinoina ai le fa'alateleina o ana fuafuaga nai loo tupe o lo'o maua i le taimi nei. E tatau ona silasila le lala ia auala e fa'aleleia ai le mauaina pea o tupe i le lumanai. O se isi auala fa'atupu manatu, o se fuafuaga lea ina ia tu'ufatasia fa'atinoga o galuega ma agavaa tau tupe ma manatu tauaofia mo le fa'agalueaina o le kamupani ina ia fausia ni auala e fa'agalueaina ai tupe i se taimi vave (short term cash). E mafai ona ausia lea tulaga e ala i le iai o ni tagata o le pulega e gafataulimaina le fuafuaina o fa'amoemoega ma galuega ausia.

10. Na matauina le pa'ū o le fua fa'atatau o tupe i le taimi nei (current ratio) a le SSLA pe a fua atu i tausaga ua mavae. O lo'o iai le gafatia i le Lala e totogiina ai ana aitalafu laiti e fa'aoga ai ana aseta laiti pe a tulai mai se fa'aletonu. E tatau i le SSLA ona iloilo fua fa'atatau ina ia mautinoa ai le vave fa'aaluina o oloa ma le toe aoina mai o aitalafu ina ia foia ai le fa'aleoleoina o aseta e totogi ai aitalafu a le Lala.

11. O le fua fa'atatau e sili atu i le 1 e atagia ai le sili atu o aitalafu nai loo aseta a se kamupani. Ae o le fua fatatau e i lalo ifo o le 1 e atagia ai le sili atu o aseta a le kamupani nai loo aitalafu. I se va'aiga i fua fa'atatau a le Lala, e ui ina fa'atupulaia pe a fua i tausaga ua mavae ae peitai sa iai se popolega ona e tele atu aitalafu nai loo aseta. E tatau i le lala ona toe iloilo ana aitalafu ina ia gafatia pea ona fa'atupeina ma totogiina i aseta o lo'o taulimaina.
12. E leai se paleni o fua faatatau o tupe maua mai fefaatauaiga (negative equity ratio), ma ua fautuaina ai le lala ina ia tagai i nisi auala e totogiina ai ana aitalafu. O lenei tulaga lē manuia ua atagia ai se popolega ona o le fa'alagolago tele o le lala i nonoga tupe mai fafo e fa'atupeina ai ana aitalafu. E tatau i le pulega ona fa'aaauu pea le iloilo ina o le tulaga tau tupe a le kamupani ma silasila i nisi auala talafeagai e mafai ai ona toe fa'aleleia le fua fa'atatau i totonu o le isi 12 masina.
13. Ua matauina le pa'ū mauualalo o le fua fa'atatau alualu mamao o galuega (long-term solvency ratio) a le SSLA mai tausaga ua mavae. O se fa'ailoga e atagia ai le tulaga ma'ale'ale o le tamaoiga o le kamupani ma afai e le mātā'ituina lelei e ono o'o atu ai i le gaumativa. E tatau i le SSLA ona tagai ini auala e fa'atupulaia ai fa'atauga ma fa'aiti'itia ai tupe fa'aalu ina ia faleleia ai tupe maua ma saga fa'amausaili ai le fa'atuatuaga o le gafatia ona totogiina aitalafu tetele.

4.57 Pulega o Tagata Tafafao Maimoa mai Fafo mo le tausaga faaletupe na fa'aiuina 30 Iuni 2013

1. Mataupu faatatau i fa'atinoga o totogi:
 - E lē tu'u lata mai faila patino a tagata faigaluega ina ia aofia ai si'itiaga o totogi poo konekarate/feagaiga fa'aletausaga.
 - E lē o maua ni fa'amauga o le tele o konekarate ua maea ona saina ma tusi ofo (offer letter) i faila patino a tagata faigaluega.
 - E lē o fa'aaogaina pepa fa'atumu o taimi (time cards) e tu'u taimi ai le ulufale/ulufafo. E lē o iai ni pepa fa'atumu taimi a le pulega. Na ta'ua e le Pulega (STA) e lē fa'amalosia le saina a le au pulega ona o i latou o lo'o galulue faakonekarate ma e le agava'a foi i ovataimi. Taua foi e le Pulega ua maea ona latou galulue i luga o mataupu fa'atatau i fa'amauga moomia i totonu o faila patino a le tagata faigaluega.
 - O nisi o tupe totogi e lei fa'amaonia lelei ae sa fa'agaioina lava.
2. Mataupu fa'atatau i le taulimaina o tupe:
 - E lei maua le api risiti a le ofisa autu ona sa tau saili.
 - E lē o fa'atulagaina risiti i se fa'asologa lelei ma e lē o teuina teuga tupe i aso taitasi.
 - E lē o fa'amauiina i luga o le polokalame tausisi tusi faakomipiuta (MYOB accounting system) ia fa'amauga a le Pulega mo fa'amauga (booking) o fale mo tagata tafafao mai. Na ta'ua e le Pulega o a latou fa'amauga uma sa fa'atinoina lava fa'alemasina ma tu'uina atu i le Komiti.
3. O aitalafu o fefa'atauaiga ua loa tausaga o tu'ua o lo'o fa'aauau pea i le isi tausaga. E ui lava ua fautuaina e le Komiti o Pulega o Tagata Tafafao Maimoa mai Fafo ina ia soloia tupe pau (write off), ua fautuaina le Pulega e le Minisita ina ia fa'aauau pea le tuliloaina ina toe fa'aola mai tupe aitalafu. Sa tali mai le Pulega ua maea faamaonia e le Komiti nisi o nei aitalafu ina ia tusi esea.

4.58 Pulega o Tagata Tafafao Maimoa mai Fafo Suesuega Faavaitaimi mo le piriota 1 Iulai 2013 – 31 Mati 2014

1. E lē o atoaatoa le resitalaina o pepa fa'atumu tali atu ai e aofia ai api risiti ma pepa totogi o penisini. E lei fa'amauina nei pepa tali atu e le tagata o nafa ma lea tulaga. O nei fa'amaumauga e fesoasoani tele e mātā'ituina ai pepta tali atu ma e mafai ona iloa ai le tagata faigaluega pe afai e tu'ulafoai pe leiloa.
2. E iai pepa totogi mo tupe fa'aagaaga mo mea laiti (petty cash) ma e leai ni risiti e lagolago ai tupe na totogina atu. E tatau ona lava fa'amaumauga e lagolago ai ni totogi uma e fa'aaoga ai tupe fa'aagaaga mo mea laiti.
3. E iai siaki tuai e lei fa'amatuuina atu (unpresented cheques) ua silia ma le ono masina ma ua fa'aleaogaina. E mafai ona tulai mai ai ni gaioiga faia fa'agaoi ona o siaki nei e lei fa'amatuuina atu. Sa fautuaina le Pulega ina ia toe iloilo atoaatoa siaki uma e lei tu'uina atu ae lei toe tusia ese ma fa'afoi.
4. E iai ni totogi na vave fa'amatuuina atu (accountable advances) na faia ae leai ni lipoti mo le fa'aaogaina o tupe (acquittal report) na maua mai e lagolago ai le fa'aaogaina o nei tupe. So'o se totogi e vave fa'amatuuina atu (accountable advances) e tatau ona lava fa'amaumauga e lagolago ai lona fa'aaogaina vave. E tatau foi ona fa'amauina i lipoti (acquittal report) pe o totoe se paleni o tupe na fa'aaogaina vave ina ia fa'arisitiina ma teuina i totonu o teuga tupe a le Pulega. E tatau foi i le pulega ona faia ni faiga fa'avae lelei e aiaia ai talosaga ma le taliaina o ni totogi na vave fa'amatuuina atu (accountable advances) ona o le fa'atupulaia pea o nei tupe fa'aalu.
5. E leai se tagata fa'apitoa e nafa ma le taulimaina o siaki vave totogi ma o siaki mo le totogiina o tupe vave fa'amatuuina atu (accountable advances) e mafai lava ona talaina e so'o se isi. Na fautuaina le Pulega ina ia tagai i le faia ma le taliaina o se lisi o tagata e taulimaina tupe totogi ua vave ona fa'amatuuina atu (accountable advances) mo le mātā'ituina lelei o nei tupe. O lenei faiga e mautinoa ai le tagata e taulimaina tupe o siaki nei e totogi atu ma o le a gafataulimaina foi ma tali atu ai i tu'ufa'atasia o risiti ma fa'amatalaga uma e lagolago ai tupe fa'aalu vave (advances). O le a gafataulimaina foi e lea tagata le tu'uina mai o lipoti mo le fa'aaogaina o tupe fa'aalu mai lea taimi i lea taimi.
6. Mataupu tau totogi, Api Saini, Fa'amaumauga o Aso malolo ma Punaoa tau tagata faigaluega e aofia ai:
 - E lē o tu'u lata mai fa'amaumauga o aso malolo a tagata faigaluega. E tatau ona tu'u lata mai lelei fa'amaumauga o aso malolo e mautinoa ai e leai ni fa'asiliga o totogi o tagata faigaluega e sili atu nai loo latou agavaa fa'atulafonoina. O le fa'amaumauina lelei o lipoti o tupe ma le tulimata'ina lelei o tupe maua a le Pulega fa'atasi ai ma iloilogia mo tagata faigaluega e mafai ona fesoasoani tele pe afai e fa'amaumauina lelei agavaa o tagata faigaluega ma ia taulimaina lelei ina ia mafai ona tali atu ai.
 - E leai ni konekarate ua saini i le va o le Pulega o Tagata Tafafao Maimoa mai Fafo (Employer) ma le pulega o lo'o galulue fa'akonekarate (contractual). Na fautuaina le pulega e tatau ona iai ni konekarate faigaluega atoaatoa ma ua maea ona sainia e tagata faigaluega ina ia fa'amauina lelei ai tu'utuuga, aiaiga ma agavaa. E tatau foi ona iai se taimi fa'atapula'a e sainia ai nei konekarate i le taimi e fa'amamaluina ai se tofiga.
 - E iai pepa fa'amau taimi (time cards) a tagata faigaluega na matauina e lē o tusia le taimi na malaga ai i fafo ma toe foi mai. E iai foi pepa faamau taimi na toe suia e le tagata (manually amended). O nei faiga ua fa'aleaogaina ai le faamoemoe o taimi fa'amauina (time clock) ina ia iloa ai le taimi ulufale ma le ulufafo atu o tagata faigaluega ma fa'amauina ai le taimi sa'o na galue ai. Na fautuaina e tatau i tagata faigaluega ona usitaia faiga fa'avae ma alafua fa'ata'atitia ma e tatau i tagata faigaluega uma ona fa'amauina le taimi na taunuu mai ai ma tu'ua ai le galuega. Afai e le talafeagai le taimi (clocking system) ma le mafai ona galueaina lelei, e tatau ona iai se isi faiga fa'ata'atia e suitulaga ai ina ia mautinoa ai o lo'o mātā'ituina lelei taimi faigaluega/itula o lo'o fa'amauina lelei ma totogi fa'apea tupe mo totogi talafeagai.

7. E leo atoa'atoa ma tu'u lata mai fa'amaumauga o le resitala o aseta. E iai nisi o aseta sa mauaina mai suesuega e lē o fa'amauina i le resitala. E tatau i so'o se aseta na fa'atauina mai e le Pulega pe na fa'atauina foi e se isi mo le Pulega ona resitalaina lelei ina ia mautinoa ai le malupuipua lelei, māta'ituina ma le tali atu i nei aseta ma punaoa.
8. E lē o fa'aigoaina nisi o aseta. E tatau i le Pulega ona fa'aigoaina lelei aseta e faigofie ai ona iloa a latou aseta. E fa'aitiitia ai ni popolega o le fesuia'i, leiloloa po'o le gaoia foi o aseta. E tatau i le pulega ona faia se faitauga aofai atoa ma iloilo aseta uma a le Pulega e mautinoa ai o lo'o atoatoa uma ma tali atu i ana aseta.
9. O totogi o suau'u ma penisini mo ta'avale a le Pulega (STA) sa totogi muamua ae lei fa'aaogaina le Pepa Fa'atau (PO system). E ono mafai ona fa'atupulaia ai se tulaga popole o le totogi o se ta'avale ese mai taavale a le Pulega i lalo o nei faiga o le totogi muamua. E mafai ona tulai mai ni taupulega (i le va o se tagata faigaluega a le Pulega ma le aufaigaluega i le pamu penisini po'o se tagata faigaluega foi a le Pulega ma se isi tagata) e faia i luga o galuega a le Pulega. Sa fautuaina le STA ina ia faia Pepa Faatau (PO system) mo le totogina o tau fa'aalu mo penisini ma suau'u. E faigofie ai ona taulimaina tupe fa'aalu ma tu'uiti'itia ai ni popolega i faiga fa'agaoi e pei ona tau'a i luga. Afai o lo'o talafeagai le fa'atinoga o totogi o penisini o lo'o faia i le taimi nei ma lelei mo le Pulega, e tatau ona iai se maliega tusitusia.
10. E lē o iai i totonu o maliega ma ni fa'amaumauga o le poloketi le fa'aaogaina ma le taulimaina o aseta na fa'atau mai lalo o le poloketi mo le Fa'aleleia ma Fa'amalosia o Fa'alapotopotoga tau Turisi mai A'afiaga o le Suiga o le Tau (Resilience of Tourism Reliant Communities to Climate Change Risk Project (ICCRITS). Na fesiligaina le puleaina o nei aseta aemaise i le taimi e fa'amaeaina ai lenei poloketi. E tatau i le Pulega ona sailia se fa'amaoniga mai lē ana fesoasoani (Donor) po'o nisi o itutino talafeagai i le fa'aaogaina o nei aseta (administrative). E tatau i le STA ona fa'amautu ma resitala ese nei aseta ina ia māta'ituina ma taulimaina lelei mo le tali atu.

4.59 Pulega o Tagata Tafafao Maimoa mai Fafo mo le tausaga faaletupe na faaiuina 30 Iuni 2014

- 1 O totogi o ovataimi na fa'agaioina e aunoa ma se fa'amaoniga. Sa taua e le STA ua mae'a ona fa'amanatu i tagata ofisa o vaaia lea vaega e tatau lava ona fa'amaonia ma sainia pepa talosaga mo ovataimi.
- 2 E lē o atoatoa pepa totogi (payment vouchers) ma fa'amatalaga lagolago mo nisi o totogi na fa'atinoina.
- 3 O nisi o aitalafu tu'ua mai fefa'atauaiga o lo'o fa'aauau pea ona tauave mai le isi tausaga. Sa lāga muamua foi e suetusi ae peitai e lei tu'uina i totonu o talosaga i le Komiti mo le soloia o tupe pau (write off).
- 4 E leai ni fa'amatalaga o paleni o tupe (reconciliations) na tapenaina i masina taitasi.
- 5 E iai se teugatupe sa tatalaina ia Iulai 2013 e lei atagia i faamatalaga tau tupe a le Pulega.
- 6 E lei toesea lafoga taofiofi mai alauni ma totogi o le Komiti Faatonu.

4.60 Fa'alapotopotoga o Esetete Tausi a Samoa mo le tausaga fa'aletupe na fa'aiuina 30 Iuni 2012

1. O aitalafu a le aufaigaluega sa fa'amaonia e le Pule Sili ma sa totogi'ina atu i le afa o le tausaga fa'a-le-tupe. Sa le'i manino i le Taiala o Punaoa tau Tagata Faigaluega le oto'otoga o le fa'atapula'aina o aitalafu a le aufaigaluega e fa'atagaina mo le tagata e toatasi. Sa tali le Fa'alapotopotoga (STEC) ua ave'esea totogi fa'a'aitalafu ma fa'atauga fa'a'aitalafu mai lana Taiala o Punaoa tau Tagata Faigaluega.
2. O totogi fa'a'italafu mo le aufaigaluega ua tu'ufa'avasegaina i lalo o Tupe Fa'a'alu fa'alauaitale nai loo le tu'u i lalo o aitalafu a le aufaigaluega. E ono iai ni tulaga lamatia i paleni ua aveesea mai i teugatupe pe afai e le sa'o ona fa'amaumauina. Na ta'ua e le STEC o ia faiga ua tu'uina atu i le teugatupe sa'o i le taimi nei.
3. Sa leai ni faila patino mo tagata faigaluega totogi aso.
4. O numera o pepa totogi (payment vouchers) sa fa'anumeraina taitasi (manually numbered) ma e ono tula'i mai ai le toe fa'aluaina o ni fuainumera (duplication).
5. Na iai pepa totogi sa leai ni saina a tagata o lo'o totogiina iai e fa'amaonia ai ua latou mauaina lea totogi. Na tali le fa'alapotopotoga o le a fa'amalosia lea vaega.

4.61 Faalapotopotoga o Esetete Tausi a Samoa - Suesuega Faafuasei - 23 Aperila 2013

1. O lo'o fa'a'auau pea le siitia o le fuainumera o totogi fa'a'aitalafu (salary advances) sa faia i le aufaigaluega fa'apea ma se tasi o le Komiti. O le tele lava o tupe sa fa'arisitiina o tupe toe fa'aola mo totogi fa'a'aitalafu. Ona o le fa'atupulaia pea o lea tulaga, e pei e foliga mai ai o se fa'atinoga mo aitalafu ae lē o se fuafuaga mo taimi fa'afuasei ma o lo'o fa'atino i auaunaga a le Malo.
2. Sa leai se malupuipua ma tausia lelei pepa fa'atumu e tali atu ai ma e leai foi se resitala mautu.
3. Sa totogiina muamua tupe fa'a'alu mo tupe fa'a'agaaga laiti i le faamaeaina ai o pepa o manaoga faalotoifale.
4. Sa iai ni tulaga eseese i le tuai ona teuina o faaputugatupe sa faarisiti'ina i faletupe.
5. Sa le'i teuina tupe i totonu o le pusa tupe e malupuipua ai ae peitai na tuuina i totonu o le taga pepa iila.
6. Ua faatumauiina pea paleni tuua a tagata nofo aitalafu ua silia ma le 90 aso.

4.62 Fa'alapotopotoga o Esetete Tausi a Samoa mo le tausaga faaletupe na faaiuina 30 Iuni 2013

1. O aso malolo fa'a-le-tausaga e le'i fa'a'aogaina i tausaga e lua (2) sa totogiina atu i le Pule Sili ma le Pule o Vaega o Tupe ona ua faatupulaia, e ui lava e lē o gātasi ma konekarate o galuega e tataua lava ona faalēaogaina pe a faapea ua maea le tausaga o aso malolo a le aufaigaluega ae le'i fa'aa'ogaina aso malolo, sei vagana ai ua iai se faamaoniga e faaaogaina ai aso malolo mo le vaitaimi e le silia ma le 6 masina. O tagata faigaluega ua fa'akonekarateina sa le'i agava'a i le totogiina o aso malolo e lei fa'a'aogaina pe a fua i le umi o latou konekarate ae peitai na o faaiuga o konekarate taitasi. Sa leai se faamaoniga mai le komiti mo le faatupulaia o aso malolo mai le tausaga ua mavae sei vagana ai se fa'atagaga mai le taitaifono o le komiti. Na taua e le STEC sa leai se Faaiuga a le Kapeneta po'o se isi mea e faamaonia ai.
2. O le fuafuaga o aiaiga a le aufaigaluega mo faamanuiaga o aso malolo mo auunaga uumi. O lo'o taua i le Taiala o Punaoa tau Tagata Faigaluega, sa fa'a'aoga le 10 aso i le tausaga e fuafua ai fa'amanuiaga o aso malolo mo auunaga uumi mo le aufaigaluega po'o se isi ua silia ma le 20 tausaga lana auunaga. Ae peitai o le fuafuaga sa fa'a'aoga e fuafua ai fa'amanuiaga o aso malolo mo auunaga uumi e mai le Komisi o Auunaga a le Malo (PSC). O le faatusatusaga o le Taiala o Punaoa tau Tagata faigaluega a le STEC ma le Taiala a le PSC i le fuafuaina o aso malolo o auunaga uumi sa fa'ailoa e le Komiti, o lea ua malilie i auala a le Komisi o Auunaga a le Malo ona sa laitiiti le tau sa faavae ai fuafuaga sa tuuina mai, ma sa pasiaina i le aso 9 o Aukuso 2013. O le aofaiga sa totogi'ina atu i le aufaigaluega e \$63,795.80.
3. Ua fai ma masani lea faiga o le tauaveina o aso malolo faa-le-tausaga e le'i fa'aaogaina a le aufaigaluega uma mai tausaga ua mavae. O lo'o fete'ena'i le faiga faavae e tusa ai ma le Taiala o Punaoa tau Tagata Faigaluega 2012, o lo'o aiaia manino mai ai le tataua ona faaleaogaina aso malolo fa'a-le-tausaga e le'i fa'aaogaina i faaiuga o aso malolo a le aufaigaluega i le tausaga, vagana ai ua tuuina mai se faamaoniga mai le pulega ina ia taofi ai aso malolo mo le vaitaimi e le silia ma le 6 masina.
4. Sa lei tuu faatasia faila patino o totogi o tagata faigaluega o le faatoaga ma totogi tai lua vaiaso mo le 80 itula. O lo'o taua manino mai i le Taiala o Punaoa tau Tagata Faigaluega 2012, e tausia e le STEC faamaumaga tau tagata faigaluega mo tagata faigaluega fou uma. Ua faatinoina e le STEC fautuaga mo le tausaga fa'a-le-tupe 2013/2014.
5. Sa fa'aalia i le api mo oloa gaosi le lē o gātasi o le fua faatatau o popo i le tone o popo mago sa gaosia mai lea masina i lea masina ao faia le suega o tusi i le tausaga faaletupe. Sa iai ni ese'esega tele i nisi o masina pe a fa'atusatusa atu i le 5000 le fua fa'atatau e pei o Iulai 2012 lea sa 17,789 le fua fa'atatau. Sa leai se faamaoniga o nei fuainumera sa fesiligia e le pulega, lea ua faailoa mai ai le leaga o le pulea ma le mātā'ituina o le fa'agasologa o le gaosia o popo mago ma isi oloa e gaosi mai le popo. Na taua e le STEC e tai lua vaiaso ma tapena lipoti o popo ma faitauina o oloa.
6. Sa faia ni fetu'unaiga e taofia o tupe maua e fetu'unai ai oloa. O le tupe mama mai le tupe maua sa taofia e \$7,730. E ui ina itiiti le aofaiga, ua aiaia nei faiga i le Taiala o Faamatalalaga Tau Tupe Faava o Malo (IAS) i le mataupu e 8 e faapea, e fa'atōa iai ni fetu'unaiga i le taofia o tupe maua (retained earnings) peā maua luga le aafiaga i le tala faaletupe ua mavae. Na taua foi e le STEC, o le a mata'ituina fautuaga.

7. O lafoga taofiofi e 15% sa lei toesea mai totogi o faatonu i le tausaga ma alauni mo fonotaga. Na matou faamauina ao faia le matou suegatusi, sa leai ni lafoga taofiofi e totogiina i totogi a Faatonu ma alauni mo fonotaga i le tausaga. Na taua e le faalapotopotoga o lea mataupu sa soalaupuleina i le fonotaga a le Komiti i le aso 21 o Iuni 2014 ma sa faamaonia ai le toesea ai o lafoga taofiofi i le tausaga faaletupe 2014/15.

4.63 Fa'alapotopotoga o Esetete Tausi a Samoa mo le tausaga faaletupe na fa'aiuina 30 Iuni 2014

1. O risiti o uluai masina muamua o le vaitaimiti o suetusi sa lē mafai ona tuuina mai ona ua leiloloa. Sa lē mafai e suetusi ona faamaonia ia risiti e faamautinoa ai le aofaiga sa tuuina i fa'amaumauga lautele o mea taitasi.
2. O oloa gaosi mai Mulifanua sa lei faamaumauina lelei e mafai ai ona sese ai paleni o oloa i le faaiuga o le tausaga.
3. Sa lē tutusa faamatalaga o aseta tumau ma le paleni o faamaumauga lautele o mea taitasi (General Ledger).
4. Sa leai se faitauina po se faamaumauga o tagata nofo aitalafu i lea tausaga ona o le faaletonu lava o le polokalame faakomipiuta (MYOB system) sa faaogaina muamua.
5. Sa le'i toesea lafoga taofiofi mai totogi o faatonu i le tausaga ma alauni mo fonotaga a Komiti. Sa faamauina e suetusi ao faatino le sueina o tusi, sa leai ni lafoga taofiofi e totogi na faia i totogi o faatonu ma alauni o fonotaga a komiti mo le tausaga. Na taua e le STEC, o lea mataupu sa soalaupuleina i le Fonotaga a le Komiti i le aso 21 o Iuni 2014 ma faamaonia ai le toesea o lafoga taofiofi i le tausaga fa'a-le-tupe 2014/15.
6. Sa faaauauina pea le failaina o lafoga (VAGST) ae le'i totogia i le Matagaluega mo Tupe Maua. O lo'o feutana'i nei le STEC ma le Matagaluega o Tupe Maua ona o le tulaga pagatia o tupe maua (poor cash flow) a le STEC.
7. Sa lei faaogaina e le STEC le polokalame o Faamatalaga Tau Tupe (MYOB Accounting System).

4.64 Pulega o Suavai a Samoa mo le tausaga fa'aletupe na faaiuina 30 Iuni 2013

1. Ua siitia le paleni a tagata nofo aitalafu mai le \$9.6m i le tausaga 2012 i le \$11.3m i le tausaga 2013(17% le siitaga). O tupe faaagaaga mo aitalafu ua le mautinoa le toe totogiina mai ua siitia foi mai le \$3.35m i le \$4.85m i le tausaga 2013(44% le siitaga). O le paleni ua silia ma le 90 aso, pe tusa ma le \$6.48m tala ma o lea paleni sa siitia i tausaga ua mavae i le paleni e \$4.8m tala. O le siitia o le paleni ua silia ma le 90 aso, o lo'o fa'aitiitia ai le fuainumera o tagata nonofo aitalafu.

E le gata i lea, o tupe nofo aitalafu vave ona totogi (debtors turnover) ma fua o aso e nofo aitalafu ai tagata (debtors days ratios) ua fa'aalia le faigata tele ona fa'atino i tala o fa'amaumauga o tagata nofo aitalafu. i.e.: e \$14 miliona tupe maua mai a le fa'alapotopotoga ae \$11 miliona o lea vaega o tupe o lo'o nofo aitalafu ai tagata mo se fa'ataitaiga e tusa e 1 le tala (\$) o tupe maua ae 0.78 o lea tala(\$) o tupe o lo'o i tagata aitalafu.

E fuafua atu i aso e 467 e mafai ai ona toe faaolatia mai teugatupe a tagata nonofo aitalafu:

- Na taua e le Pulega o Suavai a Samoa (SWA) le mulimulitai o aiaiga o teugatupe taitasi: O lo'o fa'ailoa mai ai le 43% o le paleni atoa a tagata nonofo aitalafu (latalata le 50%)
- O tupe maua sa aoina vave mai (Revenue Collection Efficiency) e le Pulega o Suavai a Samoa ua alualu i luma pe a fa'atusatusa i tausaga ua mavae. Sa latalata ma e i lalo ifo o le 80% o tupe maua sa aoina (RCE) i tausaga ua mavae. I le tausaga 2012/2013, sa 91% (2012 –78%) ma fa'aauau ona agai i luma ia (Iulai 13 – 105% ma Aukuso 2013 – 94%).
- O le fua faatatau o tupe ua maea ona aoina i lea vaitaimi, o lo'o agai foi i luma pe a fa'aaoga aofaiga o tupe mama mai tupe maua (fa'ataitaiga o tupe toese mai tupe maua) (2013 – 137 days; 2012 – 168 days; 2011 – 251 days). O le aofaiga o tupe mama sa fa'aaoga e mafai ona aumai ai le sao atoatoa o tupe maua, ona o aitalafu uma o masalomia e le o aofia ai.
- Ua tapenaina e le Pulega o Suavai a Samoa se vaega tupe fa'aletausaga \$1.5 miliona i le \$2 miliona mo teugatupe ua mataitauina le fa'aletonu ona totogi'ina mai. O le aiaiga fa'aopopo fa'aletausaga o le a fa'aitiitia le faatupulaia o tagata nofo aitalafu e pei ona taua i luga. Matou te fa'aogaina lea faiga nai lo le tuufa'atasia uma i le tausaga e tasi e ono iai se vaega taua o lea aafia ai i fa'atinoga o lea tausaga.
- I le aotelega lautele, o le siitia o tupe maua e mafai ona feso'ota'i muamua i le fa'atulagaga o masina o tulafono taufa'aofi e amata 2009/10, sa fa'atusatusa i le kuata muamua ma le lona lua o le faamaumau o le suavai i le tausaga 2011/12.

O le tau o galuega o lo'o fa'agasolo pea (WIP) e \$12.6 miliona ese mai le tau a le Vaega o tupe e \$15.64 miliona. Sa faailoa lea eseesega i le feutanaiga i le va o sui auai ona ua maua le eseesega o fa'atinoga a le Vaega fa'apitoa ma le Vaega o Tupe.

2. Sa leai ni aseta soloia ese (written off) i le maea ai o le Matagi o Eveni ia Tesema 2012. Ua tuuina i totonu o le faamatalaga tau tupe lea faamatalaga o se mea na tupu mulimuli ane i le maea ai o le aso mulimuli o le paleni. Sa fa'amalamalama e le Pulega o Suavai (SWA) na o vaega toe fa'aleleia le tumau sa maea i le tausaga fa'aletupe 2012/2013 ma sa tuufaavasegaina o se tupe ua pau e \$3.8 miliona. O se fua fa'atatau o le faaleagaina o galuega tumau e \$8.8 miliona, ma o le a amata fa'atino ona suia atinae sa faaleagaina i le 2013/2014 pea toai taunuu mai mea e faatinoina ai.

3. Tagata nofo aitalafu totogiina atu ma saili'iliga o tupe fa'aalu:
- O pepa totogi (vouchers) sa lei sainia e le tagata na totogiina atu, ina ia fa'amaonia ai ua latou mauaina tupe totogi. Sa iai ni fa'atauga sa le'i iai ni tau o oloa po'o ni manaoga faalotoifale sa faamauina.
 - O teugatupe o tupe mama/tupe gau mai tupe fa'aliliu (foreign exchange gain/loss) ua tuuina i totonu i le teugatupe o tau fa'ae atu fa'alotoifale (local charges) faapea ma isi tupe fa'aalu fa'alotoifale e iai (totogi o uta, oloa olo'o iai, tau fa'ae i faletupe, uafu, tiute ma isi).
 - Sa le'i sainia fa'amatalaga o paleni tau tupe mai faletupe e tagata ofisa o lo'o nafa ma lea vaega
4. Saili'iliga i Faitauga o Oloa (Stocktake)
- Sa matauina i le faitauga o oloa ni tulaga faaletonu na tulai mai i le suavai i le fale o lo'o teuina ai, e le gata i le tulaga lamatia o le eletise ae faaititia vave ai foi ma oloa.
 - O le tuufa'atasia ma le faitauina o vaega e le talafeagai ua le mautonu ai ona e tatau ona eseese le faitauga mo oloa uma e lua.
 - O Fa'aputuga o oloa fa'aogaina po le vaega e teuina ai oloa: E tutusa uma ituaiga paipa sa teuina i nofoaga eseese ma sa tulai mai ai ni tulaga faigata i le faitauga o paipa, talu ai ua milo faatasi paipa laiti ma paipa lapopoa ona ua teuina i totonu paipa laiti i paipa lapopoa. Ua tausisia ma faalagolago le SWA i le latou nofoaga e teuina ai oloa ma sa le lava se avanoa i le fale e teu ai oloa.

4.65 Pulega o le Suavai a Samoa mo le tausaga fa'aletupe na fa'aiuina 30 Iuni 2014

1. Sa tapenaina, siakiina ma faamaonia e le Tausi Tusi (accountant) fa'amatalaga o Paleni o tupe i le taimi e tasi. E tatau ona siaki ma faamaonia e le tagata sinia faamatalaga o paleni o tupe sa tapenaina e le Tausi Tusi ina ia faamallosia puipuiga e fa'atatau i tupe.
2. Sa iai ni fa'amatalaga o paleni o tupe mo le lala i Savaii sa le'i maua i le taimi o le suegatusi. O fa'amatalaga o paleni o tupe uma ma fa'amatalaga o tupe mai faletupe mo Savaii e tatau ona tuuina atu i le ofisa autu i Apia pe a maea ona latou tapenaina ma iloiloina.
3. Sa mafai e le taitai o le vaega e taliaina tupe (Team Leader cashier) ona toe suia fa'amaumauga autu o tagata fa'atau e aunoa ma le fa'amaoniaina e le tagata ofisa sinia o ni suiga e tulai mai ai ni tulaga lamatia i le Pulega. O suiga uma sa faia e le vaega e talia tupe e tatau ona fa'atagaina lelei e se tagata talafeagai o le Pulega.
4. O le numera o le pepa o tau o oloa (Invoice number) sa eseese ma le numera o le pepa o tau o oloa faamauina i le polokalame o pili o le vai (billing system) o loo i luga o pepa tau o oloa o loo tuuina i tagata faatau.
5. Sa iai se pepa o tau o oloa e lei totogia ona ua leiloa mai noataga a le Pulega. E ui ina itiiti le aofaiga ma sa tasi lava ona tulai mai lea fa'afitauli ae peitai o nei ituaiga fa'aletonu e mafai ona fa'atupulaia ai ni aafiaga ogaoga i fa'amatalaga tau tupe ma le o gatasi ai ma le Taiala o fa'amatalaga tau tupe. E tatau ona mata'alia le Pulega o Suavai a Samoa i nei faiga ina ia mautinoa ai le sa'o fa'amaumauga o lo'o tuuina atu e le Pulega
6. Sa iai ni eseese i le va o fa'amaumauga a le Pulega o Suavai ma fa'amaoniga mai nisi o tagata e tuuina mai oloa (suppliers) i paleni a tagata nofo aitalafu totogiina atu. E le tele ni eseese i le va o fa'amaumauga ae petai o le atugaluga autu ina nei sili atu tupe e totogi atu e le Pulega o Suavai nai loo le tupe o loo aitalafu ai. E tatau lava ona tuliloa ma tuu lata mai paleni o aitalafu totogiina atu e le tagata o nafa ma lea vaega.
7. O mataupu e fa'atatau i le Faitauga o Oloa i le faaiuga o le tausaga e aofia ai:
 - Sa iai se fa'afitauli i le vai sa tulai mai i le faleoloa i Vaitele ma o le atugaluga ina ia mafai ona puipuia ni tulaga faaletonu e ono tulai mai ona o ni faaletonu tau eletise.
 - O fale teuolua i Vaitele e matala le pa i taimi uma ma e le malupuipuia oloa i lea nofoaga, e pei o oloa ua mafai ona faatelevave ona faaleaogaina ona o nei ituaiga nofoaga o teuina ai oloa.
 - Sa le'i lelei ona teuina nisi oloa e ono tulai mai ai ni fa'afaigata e pei o le faasili po'o le mauualo foi lona faitauina ma alu ai le tele o le taimi e tau faitauina nei oloa.
 - O pusa tetele (containers) sa fa'aaoga e teuina ai oloa i Savaii sa matauina le le sefe ma le le malupuipuia ma e ono tulai mai ai ni tulaga lamatia faagaoi i le Pulega
8. Sa iai se fa'afitauli (leakage) i le masini e fa'amama ai le oneone i Fagalii ao fa'atinoina le asiasiga mo aseta.

4.66 Faalapotopotoga o Suesuega Faasaïenisi a Samoa mo le vaitaimi 1 Iulai 2014 – 28 Fepuari 2015

1. O le teugatupe ua fa'atuina i se tasi o faletupe mo le teuina o tupe maua/ tupe toe fa'aola mai auunaga fa'apitoa e manatu e le talafeagai ona o le faamoemoe o lea teugatupe e mafai lava ona faia e faaoga ai le teugatupe autu mo galuega faatino a le Faalapotopotoga. O le faaogaina o le teugatupe e tasi e sefe ai foi totogi o faletupe. Ua fa'amauiina e le pulega le mataupu e pei ona laga e uiga i le teugatupe faapea totogi faaputupu o faletupe. O lo'o atagia lelei le tali atu i tupe maua/ ma tupe toe faaola i totonu o faamatalaga o tala o le tupe faapea fa'amaumauga o paleni.
2. Na matauina mai le iloiloga o faiga faave o tupe fa'amatu'uina atu vave (accountable advance), le leai o ni taimi fa'atapula'a mo le fa'amaeaina ma le tu'uina atu o lipoti mo le fa'amaonia o tupe (acquittal report). O lipoti uma mo le fa'amaonia o tupe fa'amatu'uina atu vave e tatau on tu'uina atu i totonu o le taimi fa'atapula'a e fa'amaonia ai le fa'aaogaina lelei o tupe faapea ai ma le taulimaina lelei ma le tali atu i soo se tupe totoo e lei fa'aaogaina. Ua faamauiina e le pulega mataupu ua laga ina ia tagai iai i le fa'agasologa o tupe ina ia faia se taimi fa'atapula'a mo le tu'uina atu o lipoti mo tupe fa'amaonia (acquittal report) i le Vaega mo Pulega o Tupe i totonu o le 3 vaiaso (poo le 15 aso faigaluega) mai le aso na fa'amatu'u atu ai se siaki/tino i tupe.
3. E iai feuaiga fa'apisinisi na faia ae maise le faia o pepa o poloaiga mo le toe totogiina o oloa (purchase orders) e lei sa'o ona tu'uina i luga o le polokalame faakomipiuta mo faamatalaga tau tupe (MYOB) ma e ono tulai mai ai se popolega i faamaumauga na lipotia mai faamatalaga o tupe. E ui i lea o le a galulue le Pulega ma le Vaega o Tupe ina ia mātā'ituina lelei lea vaega ina ia alofia ai ni faamaumauga sese poo le tu'uina atu o faamatalaga le sao o tupe fa'aalu.
4. E iai nisi o feuaiga fa'apisinisi na aofia ai le fa'atauina o ava malosi. Na tulai mai lea vaega i le taimi o fiafia ma pati fa'aiu a le Faalapotopotoga i le fa'aiuga o le tausaga ma se tasi o fa'amavaega a le Fa'alapotopotoga. O lo'o manino mai lalo o faiga faavae a le Malo e tusa ai ma Faaiuga a le Kapeneta FK 08 Faapitoa (06) faapea foi ona toe fa'amanino atili i lalo o le FK (92) 30 le tapu ai ona fa'aaogaina o tupe a le Malo mo nei gaioiga, sei vagana ai ua talia e le Kapeneta. Na fa'amauiina e le Pulega leni mataupu ma o le a fautuaina foi le Komiti. Na taua e le Fa'alapotopotoga e ao ona fa'ailoa o tupe na fa'aaluina i le faamavaega e pei ona taua (e aofia ai ma tau faaaluina mo ava malosi) e lei fa'aaluina ai ni tupe a le Malo/poo tupe faatatau a le SROS, ae o tupe maua mai galuega faapitoa (consultancy revenue) a se tasi o tagata faigaluega sa fa'amavae atu mai le SROS. Ae ui i lea o le a usitaia e le pulega le Fa'aiuga a le Kapeneta ua taua mo nisi gaioiga a le ofisa i le lumanai e aofia ai le fa'atauina mai o ava malosi.
5. Na maua i iloiloga nisi o fa'atuga e aofia ai ie leise, pale ma lipine mo maliu a nisi o aiga o tagata faigaluega. O le fa'atupeina o nei vaega e le o fa'atagaina i lalo o le F.K 13 (06) ma e tatau ona fa'atupeina lava e Fa'alapotopotoga. Ua fa'amauiina e le pulega leni mataupu ma ua galulue ina ia taasisia mo le agai luma.
6. E iai tupe na fa'aalu e lei talafeagai lona fa'aaogaina e pei o pati fa'aiu o le tausaga, laulau totogi (corporate tables), taumafataga o le po (dinners) ma fa'amavaega ma tagata faigaluega sa fa'atupeina mai tala faatatau o tupe a le Fa'alapotopotoga. E tatau ona fa'atupeina nei gaioiga mai fa'aputugatupe lautele a tagata faigaluega (social fund) e tusa ai ma faiga faavae i lalo o le FK 08 Faapitoa (06) faapea foi ona toe fa'amanino atili i le FK (92)50 e pei ona faailoa mai e Pepa a le Kapeneta i le aso 27 Novema 2009. Ua fa'amauiina e le pulega mataupu e pei ona laga ma o le a fautuaina foi le Komiti. Na taua e le Fa'alapotopotoga e faapea o tupe fa'aalu i laulau totogi i taimi ua tuanai ona o valaaulia mai fa'alapotopotoga tuma'oti o lo'o sui auai ai le SROS ona o galuega (fa'ataitaiga Chamber of Commerce), faapea foi ma sailiga tupe a kolisi mo le atinaeina o poloketi fa'asaïenisi (faataitaiga fausiaina/faatuina o se potu fa'asaïenisi). E ui i lea tulaga, o le a usitaia e le pulega le fa'atonuga a le Kapeneta mo le agai i luma.

7. Na maua e suetusi le fa'atupulaia o le numera o taimi malolo (time off) o agavaa i ai tagata faigaluega ma e ono tulai mai ai ni fa'afitauli i galuega pe afai ae manao tagata e fa'aaoga o latou taimi malolo fa'aopoopo ai ma livi fa'aletausaga. Ua fa'amauina e le pulega le mataupu ua laga.

E tusa ai ma le iloiloga o faamatalaga faalekuata, na maua ai le siitia atu o tupe fa'aalu nai loo tupe na fa'amatuuina atu. Na fa'amauina e le pulega lenei mataupu. Ua mata'ituina nei e le pulega lea vaega e ala i lipoti e tu'uina mai masina taitasi mai vaega e fa'ailoa ai a latou faagalueaina o tupe i vaega taitasi.

8. Na matauina e suetusi le leai o se Fuafuaga Faataatia Mo le vaega tau faamatalaga ma itu tau tekonoosi (IT Strategic Plan) a le SROS. Ua fa'amauina e le pulega le mataupu ua laga ina ia fausiaina se faiga faavae tusitusia i le faaiuga o le 2015 i le galulue fa'atasi ai ma le vaega faapitoa o fa'amatalaga ma itu tau tekonoosi a le suetusi.
9. Na fa'amauina mai fa'atalanoaga e le o iai se vaega fa'apitoa mo Faiga Faavae mo Puipuiga o Faamatalaga ma Itu tau Tekonoosi (IT Security Policy) o iai le taimi nei mo le SROS ae peitai o lo'o iai pea nisi o faiga faavae masani a vaega i itu tau Puipuiga o Faamatalaga ma Itu tau Tekonoosi o lo'o maua i totonu o Faiga Faavae mo Punaoa Tau Tagata faigaluega (HR Policy) e pei o le faiga faavae mo le faaaogaina o Imeli, Initaneti, faaaogaina o CDs, memory sticks, USB devices ma external drives ma faiga faavae tau IT. Ua fa'amauina e le pulega le manaomia o le faaleleia o Faiga Faavae mo Puipuiga o Faamatalaga ma Itu tau Tekonoosi (IT Security Policy) e pei ona fautuaina.
10. E le o iai se fuafuaga faaleoleo (back up plan) mo faamaumauga o feso'ota'iga (network data) ma vaega faalagolago (backup systems) mo nofoaga i tua atu e teu malu ai. Ua fa'amauina e le pulega fautuaga ma fia fa'amauina o lo'o ua faatauina nei se masini faalagolago (backup drives) mo le teuina malu o faamaumauga a le SROS.

4.67 Pulega o Petipetiga mo le tausaga fa'aletupe na fa'aiuina 30 Iuni 2013

1. Sa fa'amauina le fa'aitiitia o le aofai o Aseta ma Tupe Faavae i le Tulaga Tau Tupe a le Pulega.
2. Sa fa'amauina i Fa'atinoga Tau Tupe a le TAB le gau mai fa'atinoga a le ofisa sa mafai ona fai e ala i le fa'aitiitia o le aofai o tupe maua
3. Sa iai se fa'asiliga i tulaga manaomia o Tupe Fetafea'i ma tupe fetafea'i i totonu e afua ai le fa'aitiitia o tupe ma paleni mai le Faletupe e pei ona iai i le aso 30 Iuni 2013.

4.68 Pulega o Petipetiga mo le tausaga fa'aletupe na fa'aiuina 30 Iuni 2014

1. Sa lei saina le Pule o le Vaega o Tupe i le api teu tupe e iloa ai sa siakiina ina ua maea ona teuina tupe i le faletupe. I le maea ai o le teuina o tupe i faletupe, e tatau i le Pule o le Vaega o Tupe ona saina i le api teu tupe e iloa ai sa siakiina lelei
2. Sa le lelei le fa'afoeina, mata'ituina ma tu'u lata mai o le tusi resitala o Aseta Tumau. O le tusi Resitala o Aseta Tumau e tatau ona aofia ai mea nei, Igoa o le Aseta Tumau, Aso na Fa'atau mai ai, Fa'amatalaga, Tau, Auala e Fa'aititia ai ma Fua Fa'atatau, Nofoaga, ma le Aso sa Fa'amatu'uina atu ai e aofia ai fa'amatalaga o le fa'amatu'u atu. I lea fa'aopoopoga, e tatau ona fa'anumera (coded) Aseta Tumau e tusa ai ma lona igoa i le Tusi Resitala. E tatau ona fesoasoani lea e fa'afaigofie ona fa'ailoa nofoaga o Aseta Tumau pea oo ina fa'aleagaina, leiloa po o le fesiitai fa'alotoifale, e tusa ai ma le toe fa'aititia o le resitala, e mautinoa ai le teuina o fa'amaumauga sao o le Aseta Tumau moni.
3. O Fa'aaliga Manino mo Aia Tau Tupe, sa lei maea mai tagata tai toatasi o le Komiti e pei ona manaomia i le Tulafono o Fa'alapotopotoga a le Malo 2001. O tagata o le Komiti o Fa'atonu e tatau ona fa'amaeaina Fa'aaliga Manino mo Aia Tau tupe ma faila ia pepa fa'atumu i le Matagaluega o Tupe ina ia o gatasi ma le Tulafono o Fa'alapotopotoga a le Malo 2001
4. Sa lei toesea lafoga taofiofi mo alauni fa'aletausaga ma alauni mo fonotaga a Fa'atonu e tusa ai ma faiga faavae a le Malo. Sa fautuaina le tatau ona toese mai le lafoga taofiofi mai alauni fa'aletausaga ma alauni mo fonotaga a le komiti faatonu ina ia o gatasi ma le tulafono a le Matagaluega o Tupe Maua.

4.69 Faaputugatupe Teufaafaigaluega o Mavaega Tausi a Samoa mo le vaitaimi o Iulai 2013 – 28 Fepuari 2014

1. Sa lei faamaumauina Tusi Risiti fou ma tusi e lei faaogaina i le tusi resitala o tusi risiti. Sa fai pepa totogi mo le totogiina muamua o api risiti e 100 ae sa nao le 20 na faitauina ma maua i le taimi o le suega. Sa faamatala e le UTOS, o tusi sa iai, sa faamauina i totonu o le resitala talafeagai ina ua laga lea mataupu. Sa feso'ota'i foi le UTOS ma le e talafeagai na tu'uina atu ma fa'amaonia ai e nao le 25 sa tu'uina atu ma le malamalamaaga, o le isi vaega o le a tu'uina atu pea manaomia.
2. Sa lei toesea lafoga taofiofi mai alauni faaletausaga ma alauni o fonotaga mo tagata olo'o faatautaia faatalatalanoaga mo avanoa faigaluega (interview panelist). Sa tali le UTOS o le a latou tausisia ia manaoga i le taimi nei.
3. Sa tu'uina atu pepa faatumu faapoloaiga o oloa faatau mai e aunoa ma se faamaoniga talafeagai. E talitonu le UTOS, o le tuumavaevaeina o tiute e le talafeagai pe a tu'uina i le tele o le latou ofisa ae o le a fa'atagaina pepa o poloaiga o oloa faatau mai e le Ofisa Pule Sili.
4. Sa lei fa'amaoniaina lelei e le Pule o vaega o Tupe ma/Pule pepa faatumu o manaoga (requisition form). Sa toe fa'amaonia lava e le UTOS i lana tali i le mataupu i le numera 3 o loo i luga.
5. E iai pepa o tupe totogi e aunoa ma ni pepa o manaoga ma/poo pepa faapoloaiga faaaitalafu o oloa faatau mai sa faapipiina ai. Na faamamafaina e le UTOS le tele o ia tupe totogi sa fai i luga o faatonuga tuugutu poo faatonuga mai imeli. Sa tali foi, sa matua gauai i ia tulaga manaomia ua alu ai le taimi ma e le tatau ona faatapulaaina le faaoga lelei o ana malosiaga.
6. Sa faamauina le leaga o taulimaina o le api saina. Sa tali mai le UTOS o lea galuega ua tu'uina atu nei i le latou tagata lagolago fou mo le tausisia o faamatalaga o tupe (new accounts and compliance assistant). I le taimi nei, olo'o siakiina faavaitaimi e le Pule Sili api saina uma e mautinoa ai le tausisia lelei.
7. E iai tagata faigaluega sa aveina aso malolo e aunoa ma le faatumuina o pepa faatumu e talosaga ai aso malolo mo le faamaoniga a le Pule Sili.
8. E iai pepa o tupe totogi mo totogi sa leai ni faamaoniga i ovataimi. Sa tausia e le UTOS le leai o ni ovataimi e totogiina sei vagana ua talafeagai.
9. Sa lei faamaeaina ma tu'u lata mai faila e patino i tagata faigaluega.
10. E agavaa le tagata faigaluega ua faamanuiaina i le 3% o le saofaga a le kamupani i soo se iunite e faatau i le taimi o tausaga faaletupe faatasi ai ma tuutuuga ua ausia, e le o' gatasi ma le tulaga manaomia o Faaiuga a le Kapeneta F.K (13)06. Sa faia le faaiuga a le Komiti a le UTOS e faavae i itu taualoa o pepa faatosina ma ana faatinoga faavae i le tu'uina atu o famanuiaga.
11. Sa lei tausia lelei ma tu'u lata mai le tusi resitala o aseta faatasi ai ma auiliiliga talafeagai. Na malie le UTOS i le mataupu ma ua tu'u lata mai lana resitala.
12. E leai se faagasologa o iai mo aseta ua faaleagaina a le ofisa.
13. O faamaumuaga lautele o mea taitasi i tusi o faamaumauga sa saunia faapitoa ma faamauina e le Pule o Vaega o Tupe ma le leai o se tuumavaevaeina o tiute. E sese faamaumauga sa faamauina mo totogi e mafua mai i le le sao o noataga faamauina. Na faamauina e le UTOS lea mataupu mo le faaleleia.

4.70 Faaputugatupe Teufaafaigaluega o Mavaega Tausi a Samoa mo le tausaga faaletupe na faaiuina 30 Iuni 2014.

1. O mataupu e faasino i tinoitupe ua maua mai ma le faamauina o risiti ua aofia ai
 - Sa iai tusi risiti sa leiloloa. O tusi risiti e sili ona taua i faamaumauga autu a le Kamupani lea e tatau ona teuina lelei i se nofoaga malupuipua. O faamaumauga uma a le kamupani sa faaaogaina e isi vaega auai e tatau ona siakiina le toe faafoiina mai e puipua ai vaega auai mai le manatu latou te le mafaia ona nafa ma ia tusi risiti ua leiloloa.
 - O iai tupe pau mai teugatupe. O le aofaiga uma e tatau ona faarisitiina e tusa ai ,ma e tatau ona teuina vave i le faletupe.
2. Mataupu e faasino i tupe totogi sa aofia:
 - O tupe totogi e sili ma le \$1000 agai i luga sa fa'amaonia e le Pule Sili ae le o Komiti Faatonu ina ia o gatasi ma le taiala a le Kamupani. O taiala ma fua faatatau e tatau ona tausisia i taimi uma.
 - Sa le lava faamaumauga e lagolagoina ai nisi tupe totogi sa faagasolo ma totogiina e fa'amaonia ai le sao atoatoa o tupe totogi sa fai. O tupe totogi sa faia e tatau ona talafeagai faamaumauga lagolago e lagolagoina ai lona sao atoatoa ma ia mautinoa le tausisia ma le faiga o tulaga manaomia o puipuga faalotoifale.
 - O le tele o oloa faatauina mai/pepa o tau o oloa sa lei saina e pei o molimau o risiti o oloa/auaunaga faatauina mai ma totogi mai le tagata faigaluega e nafa ma lea tulaga. Sa faamauina e le UTOS pepa tau o oloa/oloo faatau faaaitalafu mai le tagata na tu'uina mai ina ia saina pe afai ua maua oloa/auaunaga sa talosagaina ina ia fa'amaonia ai ua totogiina e le kamupani mea ua mauaina. O lea foi faiga e puipua ai foi le kamupani mai le totogiina o oloa/auaunaga sa le mafai ona maua ma faaaogaina mo ana galuega faatino.
3. O mataupu e faasino i Totogi ma Punaofa tau tagata faigaluega sa aofia ai:
 - Sa toese mai lafoga i luga o le pepa o faamatalaga o totogi mo tulaga sa avanoa i lea taimi. E tatau ona saunia le pepa o faamatalaga o totogi e tusa ai ma totogi. E tatau ona mautinoa e le tagata faigaluega olo'o nafa ma le siakiina o ia mea, le sao o pepa o faamatalaga o totogi ao lei tu'uina atu tupe totogi. E tatau ona toe faaola mai ia tupe na sili i tupe totogi ina ia faaitiitia ai le aofaiga o tupe alu mai tupe totogi mo lafoga o totogi (PAYE) i le MOR i le lumanai.
 - Sa iai tupe totogi mo faamaumauga o ovataimi totogi o nisi o le aufaigaluega peitai e lea ni pepa faamaumauina ai taimi sa faapipiina ai e fa'amaonia ma lagolago ai ia ovataimi sa totogi. O lisi o totogi uma e totogi ai itula ovataimi e tatau ona iai ni kopi o pepa e faamaumauina ai taimi e faapipiina ai e fa'amaonia ai itula ovataimi sa galulue ai le aufaigaluluega ma o ia ovataimi sa fa'atagaina lelei.
 - E iai tupe totogi mo ovataimi sa fai e aunoa ma ni faamatalaga molimau o le faamaoniga mai le Pule Sili e faamautuina ai le faatagaga o le galue ovataimi e tusa ai ma faiga faavae a le UTOS. Sa fautuaina le kamupani, e tatau ona faapipiina faamatalaga molimau o le faamaoniga a le Pule Sili o itula ovataimi uma, i totogi e fa'amaonia ai le faatagaga o tagata faigaluega e galulue ovataimi ma faapena ona totogi.
 - Sa sese le galueaina o le toese o lafoga o totogi (PAYE) e totogi i le Matagaluega o Tupe Maua. E tatau ona siakiina e le Ofisa sinia o vaega tau tupe pepa o faamatalaga o totogi(P4 Schedule) faatusatusa i totogi moni e mautinoa o lo'o sao atoatoa le faufuaina ma le totogiina o nei tulaga.
 - O lafoga mo totogi mo tagata faigaluega sa totogiina i le MOR e le kamupani peitai e lei toesea tusa ai ma a latou totogi atoa. O lafoga o totogi (PAYE) ua le sao ona totogi e le UTOS e tatau ona toe faaola mai e tagata sa aafia ai.
 - O lafoga o totogi mo le tasi totogi sa le aofia i luga o le faila o pepa o faamatalaga o totogi o lea faapea ona le totogiina i le MOR. E tatau e le UTOS ona faila suiga o pepa o totogi toe faafoi ma fai tupe totogi talafeagai i le MOR. E tatau i le ofisa sinia o vaega o tupe ona siaki uma pepa o totogi faatasi ai ma le lisi o totogi e mautinoa le sao atoatoa ao lei failaina i le MOR.

- Sa sese le fuafuaga ma le galueaina o totogi. Na fautuaina malosi le kamupani e tatau ona sao le sauniaina ma le siakiina o totogi e le tagata o lo'o nafa ma lea vaega e mautinoa ai o tagata faigaluega uma sa totogiina e tusa ai ma a latou konekarate o galuega ma fua faatatau sa fa'amaoniaina.
 - Sa lei faatinoina le konekarate o galuega mo le Pule Sili talu mai lona toe tofiaina e amata mai ia Fepuari 2014
4. O lafoga taofiofi o alauni faaletausaga o Faatonu sa lei sao lona galueaina. E tatau ona 15% nai loo le 27% lafoga taofiofi ma o le vaega lenei olo'o puipuia i le Tulafono lafoga o Tupe Maua 2012 ma ua faamanino mai i faamatalaga faataamilo a le Matagaluega o Tupe 2012/18 sa faamauina i le aso 30/07/2014.

5. Sueina o tusi o Poloketi

5.1 Vaega 2 o le Polokalame tau Aoaoga (ESPII) vaitaimi na sueina: 01 Iulai 2012 – 30 Iuni 2013

Otootoga o Sailiga faasuetusi:

1. O le tului maua mai mo le masina o Mati 2013 fuafuaina e matua ile aso 2 Aperila 2013 ma teuina i Teugatupe mo faamoemoega faapitoa o loo pa'ū lona lipotia ile aofaiga e \$148.37 tala Amerika poo le \$335.75 tala Samoa. Na fautuaina le Matagaluega o tupe ina ia feutagai ma le Faletupe Tutotonu o Samoa e uiga ile tului maua o loo pa'ū lona lipotiina auā le toe faaliliu po o le toe teuina atu i le Teugatupe mo faamoemoega faapitoa.

I le tali mai ai o le Pulega, na taua ai o tului maua mo masina taitasi e teuina i le Teugatupe mo faamoemoega faapitoa faanumeraina CBS06-043 i le masina e soso'o ai. Fa'ata'ita'iga, o tului maua mo le masina o Mati 2013 e teuina i le amataga o Aperila 2013 i le teugatupe. O le aofaiga o le tului maua mo le masina o Mati 2013 sa tatau ona tusa ma le \$6,047.47 Tala Amerika ae nao le \$5,899.10 Tala Amerika na lipotia i Faamatalaga faa-le-masiana o Aperila 2013, ma o le eseesega o nei aofaiga e lei toe teuina agai ile Teugatupe Faapitoa. O le a feutagai le Matagaluega o Tupe ma le Fale Tupe Tutotonu mo se fa'amalamalamaaga i le aofaiga pa'ū o lea tului ma lipotia i Faamatalaga o le tausaga faaii 2013/14 na sueina.

2. O nisi o tupe totogi e leai ni faamaumauga/pepa aloaia e lagolagoina ai. Faataitaiga:
Sa matou fautuaina le iai lea o faamaumauga/pepa aloaia e pei o lisiti ma pepa totogi e faapipii i pepa faatumu mo tupe totogi aua le mautinoa o le moni o ia tupe totogi.

I le tali mai ale Pulega na o latou taua ai o tupe totogi nei e leai ni pepa aloaia e mo tupe totogi na faatupea mai lalo o faaputuga tupe a paaga poo e o vaavaalua ma le Malo ile faatautaia ai o le poloketi ESPII. Ma o nei tupe totogi na fa'aaluina mo le penisini o le taavale na fa'aogaina i asiasiga e mata'ituina ai le poloketi, ma oloa laiti tau ofisa mo le faaogaina e le failautusi.

Tali a le Matagaluega o Aoga: O faamaumauga aloaia e lagolagoina ai tupe totogi o loo taua i luga sa faapena ona faila ma faapipii sese i faamaumauga lagolago mo isi tupe totogi, ae o uluai kopi/ata o nei faamaumauga sa tuuina atu i le Matagaluega o Tupe aua le faatinoina o le totogiina o tupe. Ua faamauina e le failautusi a le ESPII ia fautuaga a le Suetusi aua le mata'ituina o le agai i luma o galuega tau faamaumauga.

3. O nisi o pepa totogi e le'o mafai ona maua i totonu o le faila po o faamaumauga tuufaatasi o pepa totogi. Faataitaiga:

Aso	Totogi agai	Numera Faasinomaga	Aofaiga SAT\$
05.12.13	Matagaluega o Tupe	595	\$2,929.18
06.03.13	Ofisa Pule ma Suetusi Sili	681	\$3,450.00

Fautuaina le faila/teu maluina o pepa totogi uma. O le faamaoniga lenei o le moni o tupe totogi.

Tali a le Pulega ESPII ma gaioiga e foia ai mataupu talanoaina:

O pepa totogi e le'i mafai ona maua e galuega faasuetusi e mo le totogiina o galuega Faasuetusi faapea penisini o taavale faaogaina e le poloketi ma sa faatupea mai i faaputugatupe a le paaga o le poloketi.

Tali a le Matagaluega o Aoga, Taaloga ma Aganuu:

O pepa totogi o loo tā'ua i luga sa faapena ona faila/teu sese i faamaumauga mo le Polokalame Faatekonolosi mo Aoaoga, ae o uluai kopi/ata o pepa totogi sa tuuina atu i le Matagaluega o Tupe aua le faagaioia o le totogiina o tupe mai faaputugatupe o paaga o le polokalame. O fautuaga a le Suetusi ua faamauina e le failautusi a le ESPII aua le mata'itūina e le Pulega.

4. O loo iai ni tupe totogi e fesootai ma le Polokalame Faatekonolosi mo Aoaoga na faatupe mai lalo o faaputugatupe a paaga o le Polokalame ESPII.

E fautuaina le tatau ona faatupe sa'o mai i faaputugatupe o le Polokalame Faatekonolosi mo Aoaoga o tupe totogi uma e fesootai ma lena polokalame.

Tali a le Pulega ESPII ma gaioiga e foia ai mataupu talanoaina:

O galuega faatino o le Polokalame Faatekonolosi mo Aoaoga (SchoolNet) o loo aofia ai le vaega 6 o le Polokalame ESPII. Talu ai o le felata'i o nei polokalame e lua, na fa'aaoga ai loa teugatupe a Paaga o le Polokalame ESPII e faatupe ai nisi o tupe totogi tu'ua o le Polokalame Faatekonolosi mo Aoaoga (SchoolNet) ina ua vave uma ai ona faaaluina tupe fuafuaina ao le'i maea ai le tausaga faaletupe.

Tali a le Matagaluega o Aoga, Taaloga ma Aganuu:

O le Polokalame Faatekonolosi mo Aoaoga (SchoolNet) o le Vaega 6 lea o le Polokalame ESPII ma o Faaputugatupe a paaga o le ESPII o loo faasoasoa atu foi i galuega fai o lona vaega 6.

5. Matauina mai i le asiasiga o meatotino o loo iai ni tulaga faaletonu i le fale Aoga o le Kolisi o Avele (e pei o le tutulu o le tualuga pe a timuga). Matou te fautuaina malosi le Matagaluega o loo faatautaia le Polokalame ina ia vave faafesootai le konekarate na faatinoa le galuega auā le faia oni galuega talafeagai a'o le'i maea le vaitaimi noatia mo ni faaletonu o le galuega.

Tali a le Pulega ma gaioiga e foia ai mataupu talanoaina:

O le fausiaina o le fale aoga o le kolisi o Avele sa faamaeaina lea ia Tesema2013, ma o le vaitaimi noatia mo ni faaletonu o le galuega e 12 masina ma e faamutaina lea ia Tesema 2014. Ua fautuaina nei e le failautusi a le ESPII le kamupani sa nafa ma le tusia o ata o le galuega faapea le mulimulitaia o le galuega o le faleaoga ina ia o latou faafeasootai le Kamupani konekarate sa fausia le faleaoga auā le faia o se galuega faaleleia i faaletonu tau tutulu. O se asiasiga mulimuli ai o loo fuafuaina i le faaiuga o le masina o le a toe siakiina ai mo le mautinoa ua foia le faaletonu. O asiasiga i le lumanai o le a faagasolo ai pea mo nisi faaletonu ona tulai mai ao le'i uma ai le vaitaimi noatia mo ni faaletonu o le galuega.

6. O minute o fonotaga a le Komiti Fauautua o Aoaoga ma Komiti faalēaloaia e le'i tausia ma faamau lelei e le Matagaluega o loo faatautaia le Polokalame. Matou te fautua ai le tatau ona teu maluina lelei i faila o faamaumaga uma o minute o fonotaga a Komiti Fauautua o Aoaoga faapea ai ma komiti faalēaloaia.

Tali a le Pulega ma gaioiga e foia ai mataupu talanoaina:

Ua faamauina nei e le Failautusi ale ESPII fautuaga a le Suetusi. O minute foi o fonotaga a le Komiti Fauautua o Aoaoga faapea Komiti faalēaloaia ua teuina e le Failautusi ale ESPII i o lā faila eseese. O le fepasiaiga o faila i lalo o le Vaega fou o le Faatonutonuga o tulaga tau Aoaoga o le isi lea avanoa e ona leiloloa ai faamaumaga, ae ua faamauina fautuaga mo le pulea ma le matauina e le Pulega.

7. E le'i iai se faamaoniga aloaia na faamaonia e le Taitaifono o le Komiti Lēaloaia minute o fonotaga o loo tā'ua i lalo

Matou te fautuaina le sainia e le taitaifono ma se sui se tasi o le Komiti o minute o fonotaga ina ia faamaonia ai o faamaumaga sao nei o fonotaga.

Tali a le Pulega ma gaioiga e foia ai mataupu talanoaina:

Ua faamauina e le Failautusi a le ESPII fautuaga a le Suetusi. O le fepasiaiga o faila i lalo o le Vaega fou o le Faatonutonuga o tulaga tau Aoaoga o se tulaga na ona le maua ai ma le amanaia Minute o fonotaga e lua o loo taua i luga e lei faamaonia, ae ua faamauina fautuaga mo le pulea ma le matauina e le Pulega.

5.2 Vaega 2 o le Poloketi o Polokalame tau Aoaoga (ESP2) mo le tausaga faaletupe faaiaina 30 Iuni 2014

Otootoga o Sailiga faasuetusi:

1. E lei iai ni faamaumaga e faamautu ai na sainia ma faamaonia e le taitaifono minute o le fonotaga na faia ile aso 28 Fepuari 2014. O minute o lea fonotaga e pei ona iai kopi faamaumauina i faila, sa faapena ona sainia ma faamaonia mulimuli ane e le ofisa poo lē e nafa ma vaega tau Aoaoga ile aso 3 Oketopa 2014 e fai ai ma sui o le taitaifono o le komiti faufautua o vaega tau aoaoga.
O fautuaga faasuetusi ua faamauina e le Komiti o faufautua mo ana fonotaga i le lumanai ma le agai i luma.
2. Maitauina le iai o se tupe totogi na faatupe mai lalo o Tupe faaagaga mo aofaiga laiti e tusa ma le \$100 na totogiina atu ile Pulega o Felauaiga i luga o Lualeele. E tusa ai ma faiga faavae o le faaogaina o Tupe faaagaga mo aofaiga laiti, o lenei tupe totogi ua silia le maua luga faatapula (e \$50) o aofaiga o se tupe totogi e mafai ona faatupe mai lalo o Tupe faaagaga mo aofaiga laiti. O le pepa poloaiga aloaia mo le faaogaina o Tupe faaagaga mo aofaiga laiti sa faamaonia e le Pule Sili o le Matagaluega o Aoga, Taaloga ma Aganuu i luga o le fautuaga ale ofisa sili e nafa male tuufaatasia o le polokalame ESP2. O le naunautaiga sa iai o le toe faaolaina o lenei tupe totogi e le Matagaluega o Aoga, Taaloga ma Aganuu ao faagaioi ai le vave faia o nei tupe totogi ina nei iai nisi noatiaga tau totogi faaopopo e tauala mai i sala ma samania ale Pulega o Felauaiga i luga o Lualeele.
O fautuaga faasuetusi ua faamauina mo le mautinoa o le usitaia o faiga faavae ma taiala o le faaogaina o Tupe faaagaga mo aofaiga laiti i le agai ai i luma.

5.3 Faalapotopotoga o Malosi Faaletise: Poloketi o le Faalauteleina o Malosiaga Faaletise (PSEP) mo le tausaga faaletupe na faaiuina 30 Iuni 2013

1. E leai se faatulagaga lelei a le vaega o le pulega ale poloketi (PMU) o auala e tuuina atu ai Faamatalaga tau tupe alu. O le Faamatalaga o Tupe mo le tausaga faai'uina 30 Iuni 2012 o loo aofia ai faamatalaga o tau moni ma tau faatupulaia o poloketi taitasi ua faapena ona tuuina uma i lalo o se igoa o se poloketi e tasi ae e mo le tausaga faaiuina 30 Iuni 2013. O poloketi taitasi e tuuina atu taitasi o latou tau moni ma latou tau faatupulaia.

Peitai, na maitauina e galuega faasuetusi ia ni nai sese ile tau faaputuina o loo tuu aofai atoa i Faamatalaga o tupe mo le tausaga ua tuanai ile mae'a ai ona toe faapaleni ma fetuunai e le tausitusi tau i poloketi taitasi. O lenei mataupu na faailoa ma talanoaina faatasi ma le tausitusi ma fetuunai e tusa ai. O le poloketi o le Faalauteleina o le malosiaga tau Eletise ua fuafuaina e faamaeaina i le 2016 ma e tele nisi poloketi e faaauau pea lo latou tauaveina ma e tatau ona tuuina atu eseese i totonu o le Faamatalaga o Tupe ina ia atagia ai lo latou tau aofai moni ma aofaiga faaputuina nai lo o le tuuina atu o se aofaiga atoa i lalo o se igoa o se poloketi e tasi.

Na fautuina le PMU ina ia faamaumau aloaia ia Faatulagaga tatau ma taualumaga o auala o le Faamatalaina o Tupe e tatau ona tuuina atu ai tau moni ma tau faaputuina mo poloketi taitasi. O le lē ogatasi o auala e tuuina atu ai Faamatalaga o le a lē faafaigofie ai le faia o filifiliga/faaiuga lelei o paaga alafegai

O vaivaiga o loo taua i luga sa faatalanoaina male tausitusi fou ale PMU sa faapena ona amata faafaigaluegaina ia Mati 2013, ma sa ioeina ai le leai o se faatulagaga faamaumauina lelei mo le Faamatalaga o Tupe alu ma na taua ai foi e leai se taiala na tuuina mai e le Faletupe o Atinae o Asia. E le gata i lea, o le aofaiga o tau faatupulaia o nei poloketi e tatau ona atagia pe tutusa ma tau atoa e faaliliu mai i galuega tauave agai atu i faamatalaga o Aseta a le EPC pea maea le poloketi. O aso foi e faamaeaina ai poloketi laiti e tatau ona faamauiina i faamatalaga o Tala tau tupe ina ia faigofie ona iloa e tagata faaogaina faamatalaga ia poloketi laiti ua maea i lea taimi ma lea taimi ao faagasolo ai pea le poloketi autu o le Faalauteleina o le malosiaga tau Eletise i lona tau faamaeaina.

Ioeina e le PMU ma ua o latou manatunatu foi i mataupu ua taua i luga mo le faaleleia atili o le tuufaatasiga o le isi Faamatalaga o tupe o le poloketi PSEP. Sa malilie le pulega i mataupu ma sailiiliga faasuetusi i le aogā ai i le toe faaleleia o auala e tuuina mai ai lipoti tau tupe faatupulaia a le PSEP i tausaga faaletupe fou po o le sosoo ai. O loo ua galulue ai nei le PMU e tusia o se ata faata'ita'i o le taiala o le saunia o Tala tau tupe auā le tuufaatasia o Faamatalaga tau tupe.

O le isi lipoti tau tupe faaputupu e tatau ona atagia ai le aofaiga o poloketi ua maea ma ua uma ona faaliliu mai le tala tau tupe o galuega tauave i lona toe faatulagaina ai i lalo o Faamatalaga o tala tau aseta ale EPC. O lenei faatulagaga fou po o faamatalaga faaopoopo o le a faamamafaina i totonu o le lipoti tau tupe faaputupu o FY13 / 14.

2. A faatusatusa atu i sailiiliga a suetusi i tausaga ua tuanai, na maitau ai le solosolo lelei o le tausia o faamaumauga ale vaega o le pulega ale poloketi i ona tulaga tau faapaleniga e pei ona faatino ai e le tausitusi fou o loo iai nei. Peitai, o loo iai lava nisi o vaega tau tausitusi e moomia ai le silasila a le pulega mo le toe faaleleia.

O le paleni faatupulaia/tuufaatasiga o tupe totogi i le faaiu ai o le tausaga nei e le tutusa ma le faaopoopoga o le paleni faatupulaia o tupe totogi ile faaiuga o le tausaga ua tuanai ma le aofaiga moni o tupe totogi atu i totonu o le tausaga nei.

O pasene o le vaevaeina o nisi o tupe totogi a le poloketi mo le faatupea e fesoasoani mai malo o Ausetalia, nonogatupe mai le ofisa Faavā-o-malo o Iapani (JICA), Tupe faamealofa ma tupe faaune mai le Faletupe o Atinae o Asia, faapea ai ma le Faalapotopotoga o le malosiaga tau eletise e pei ona faailoa mai i totonu o faamaumauga o faapaleniga e lē o ō gatasi pe tutusa ma pasene o loo faamauiina i totonu o le

talosaga mo le tōina i tua o tupe. O talosaga mo le tōina i tua o tupe faapea ai ma faasoasoaga na fai o loo faamauina i lipoti o nonoga tupe ale Faletupe o atinae a Asia ae e leo faamauina i faamaumauga lautele (General Ledger) ale Vaega o le Pulega o le poloketi. O aofaiga tau tupe o loo faamauina i Faamatalaga tau tupe e le o o tutusa pe o gatasi ma aofaiga tau tupe o loo faamauina i totonu o faamaumauga tau tala o tupe (notes).

Sa tapenaina e le tautusi fou o le vaega o le pulega o le poloketi se faapaleniga o faamatalaga tau tupe o talosaga mo le toina i tua o tupe mo poloketi uma atoa ai ma tupe totogi atu i e ona konakarate aofia ai ma o latou soa. Peitai, o le atugaluga a le suetusi o le leai o ni faamaumauga o ni faiga faavae tau tausitusi ma taualumaga e lima taitaia ai le tausitusi fou o loo iai nei ile tausia ma le faamautūina o faamatalaga ma faamaumauga a poloketi. Na fautuaina le pulega o poloketi ina ia faapepa aloaia faiga faavae ma taualumaga tau tausitusi auā le faafoe lelei ai e le tausitusi o le poloketi o ana tiute ma matafaioi tauave aemaise ai o le faaititia o nisi tulaga lamatia e ona tulai mai i gaioiga faatausitusi ma le faamaumauga o faamatalaga ma feuiiaiga tau tupe. E le gata i lea, ae o le a le feteena'i ai le teuina o faamaumauga ma o le a mautinoa ai le faatumauga lelei o faamaumauga e tusa lava pe tuua e le tausitusi le ofisa o galuega faatino, po o le faamavae foi. Sa manatunatu foi i isi mataupu u a faanumera lua e aofia ai:

- Faaleleia atili o le faapaleniga o faamatalaga tau tupe i le va o tusi aoao/lautele a le pulega o le poloketi ma le Faalapotopotoga o le malosiaga tau eletise
- Tausia faalelei o le faapaleniga o faamatalaga tau tupe i le va o le Vaega o le Pulega o le poloketi ma le matagaluega o tupe.
- Tausia ma faalelei atili le faapaleniga o Faamatalaga mo le Vaega o le Pulega ale poloketi ma paaga o loo faatupea le poloketi o le faalauaitelaina o le malosiaga tau eletise (PSEP).
- O le maua ai i taimi o suesuega faasuetusi o lisi o tupe tala ma talosaga mo le toina i tua o tupe
- Tusi aloaia ale Matagaluega o Tupe e faamaonia ai paleni o nonogatupe
- Letter from the MOF to confirm loan balances
- Faamaumauga o talosaga mo le toina i tua o tupe mo le sueina
- Maua ai o le Tusi aoao/Faamaumauga lautele ma Paleni suesueina ale Faalapotopotoga o le malosiaga tau Eletise mo le faamaonia o paleni faaputupu o galuega mae'a ma faifai pea i lalo o le poloketi PSEP
- Le tuuina mai ai e le Faalapotopotoga o malosiaga tau Eletise o se Faamatalaga o le faasologa o nonogatupe o le poloketi o le PSEP.

Le avea o mataupu ua lisiina i luga o ni mataupu taulaiga autu mo le Vaega o le Pulega o Poloketi ma le Tausitusi ina ia maua i taimi o le Suetusi e faateleai'iina iloiloga ale Ofisa Suetusi.

5.4 Poloketi o le faaleleia Atili o Ata Faataitai Tuufaatasia

Igoa Faaperetania : Enhance Integrated Framework Project

Vaitaimi na sueina : 01 Ianuari 2013 – 31 Tesema 2013

1. I le faagasolo ai o galuega faasuetusi sa maitauina ai aseta tumau e lei faailogaina pe faanumeraina muamua i aseta tumau maua mai lalo o le poloketi o loo faaaogaina e le Matagaluega o le Va i fafo ma fefaatauaiga.
Na taua e le Matagaluega ua o latou agai atu nei e fausia se lesitala o aseta tumau e aofia ai ma galuega fai e matinoa ai le lesitala ina o aseta ale Matagaluega mo le mataitūina.

5.5 Poloketi o le Tuufaatasia o le Faatumauiina ma le Mataituina o Vaomatua faapea le Tali atu I lamatiaga o le Fesuaiga o le Tau (ICCRRFMP)

Vaitaimi o loo sueina: 30 Iuni 2013

1. VAEGA TAU TUPE

1.1. Faalelei Atili o le faagaioiga o Uluai pepa o faamatalaga tau tupe faapea ai lipoti Faalekuata o Faamatalaga tau tupe tuufaatasi (Combine Delivery Report - CDR)

O le siata o le faavasegaga o tala tau tupe o loo faaogaina e le Matagaluega o Siosiomaga ma Punaoa Faalenatura (MNRE) e le tutusa ma le siata o le faavasegaga o tala tau tupe o loo faaogaina i le tapenaina o le CDR. Na taua e le tagata ofisa o le vaega o Pulega o Poloketi a le MNRE (MNRE-PMU), o loo faaogaina e le Matagaluega nao numera faaulutala i le tapenaina o uluai pepa o Faamatalaga tau tupe, peitai o le tuufaatasia o le CDR e pei ona tapenaina ai e le ofisa o le Malo Afaatasi (UNDP), o loo latou faaogaina numera auiliili i le faavasegaga o tala tau tupe ma ua tulai mai ai eseesega o igoa ma fuainumera o le faavasegaga o tala tau tupe. O loo manaomia le ogatasi o siata o le faavasegaga o tala tau tupe o loo faaogaina e le MNRE faapea le UNDP mo le mautinoa o le paleni lelei o Uluai pepa o faamatalaga tau tupe faapea lipoti CDR.

Tali a le Pulega ma gaioiga mo le faaleleia o mataupu talanoaina:

Tali a le UNDP: O le fautuaga a le Suetusi ua faamauiina aloaia ma ua manaomia galuega mo le foia o lea mataupu ina ia amata atu i le kuata nei. O le mea lea, o le Uluai pepa o faamatalaga tau tupe mo le kuata muamua o le a tuuina atu ile UNDP o le a faaauau ai le faagaina o numeraga faaulutala poo le numera tau tupe fa'atatau (faaiiina i 00), o le a o tutusa ai foi ma Fuafuaga o Galuega faaletausaga; ae o numera auiliili (Numera auiliili mo le faavasegaga o tupe totogi) o le manaomia lona tuufaatasi atu ma le Uluai pepa o faamatalaga tau tupe aua le lipotiina o tupe totogi ae lē mo le talosagaina o ni tupe e toina mai muamua.

O le a mafai ona maua mai ile UNDP le lisi o fuainumera faaulutala atoa ai ma pepa aloaia o numera auiliili, ma o le a maua foi le fesoasoani pea manaomia. Lenei gaioiga o le a mautinoa ai le sa'o ma le tutusa o tala tau tupe i le va o le UNDP, MNRE faapea le Matagaluega o Tupe (MOF). O lenei, o le uluai pepa o faamatalaga tau tupe mo le kuata muamua o le tausaga faaletupe 2014 e tatau ona atagia ai nei faasaoga.

2. MEATOTINO TUMAU

2.1. Meatotino Tumaui: Faamauiina ma le Faaliliuina o tupe totogi e ave ma tupe faavae

Mai i le iloiloga o Meatotino tumau na Faamauiina, na iloa ai o loo faaogaina e le Matagaluega le numera faavasegaga o tala tau tupe #72200 mo meafaigaluega ma meafale e faamauiina ai meatotino uma e aofia ai meafaigaluega ma masini mo le nofoaga o le poloketi. E leai se aofaiga faatapulaa o tau a meatotino o mulimulitaia e le poloketi e mafai ai ona faaliliu tau totogi o meatotino e ave o ni tupe faavae.

E manaomia e le Matagaluega ona fausia se faavasegaga auiliili o Faamatalaga tau meatotino ina ia tusa ma le faavasegaga a le UNDP o loo tuu eseesaina ai Meafale tau ofisa, masini tau ofisa, taavale, ma isi meatotino e pei meafaigaluega i totonu o ana Faamaumauga o Faamatalaga lautele

E manaomia foi e le Matagaluega ma le UNDP le fuapua o se aofaiga faatapulaa mo le faaliliuina o tau totogi o meatotino e ave oni tau/tupe faavae, ae maise ai le iloiloaina poo ni meatotino mo nofoaga o le

poloketi, faataitaiga, masini ma meafaigaluega mo le nofoaga faafailele e tatau ona aofia i le resita o meatotino tumau.

Tali a le Pulega ma gaioiga mo le faaleleia o mataupu talanoina:

Tali a le UNDP: E tusa ai ma le faavasegaga e le UNDP, 72205 – mo masini ma meafaigaluega tau ofisa (aofia ai ma itutino o aseta), 72215 – mo taavale (aofia ai ma nisi ituaiga masini ma auala o femalagaiga), 72220 – mo meafale tau ofisa; o nei numera auiliili o loo tuufaatasia uma i lalo o le numera faaulutala 72200 – mo Meafaigaluega ma meafale. O le mea lea, o le numera faavasegaga 72200 na faaogaina e le Matagaluega ma ua tali ai le mataupu o le tuu tutusaina o siata o le faavasegaga o tala tau tupe.

Tali a le MOF: o le aofaiga faatapulaa o loo faaogaina o loo mulimuli i aofaiga o faaogaina e le Malo.

2.2. Tusi Resitala o Meatotino tumau

O le tusi resitala o meatotino tumau na tuuina mai e le MNRE-PMU e le tutusa ma le resitala na tuuina mai mo le sueina o tusi o le tasaga faaletupe 2011. E manaomia le o gatasi o le resitala na tuuina mai ma le resitala o le 2011; e moomia le aofia ai uma o meatotino na faatauina i le 2011 pe afai e lei lafoai ma tusiesea, o lona tau faamauina it ala Amerika, o le tau o le fesuaiga o tupe o atunuu i fafo, ma le nofoaga o loo faamautu ai le Meatotino. E manaomia foi le faapaleniga o le tusi resitala o meatotino tumau agai i faamaumauga o meatotino faatau e pei ona tusia ai lea i faamaumauga lautele.

Tali ma gaioiga mo le faaleleia o mataupu talanoina

Tali a le Matagaluega o Tupe: E tatau i le MNRE ona taiala tapenaina ma faiga faavae a le Malo i luga o meatotino e pei ona ioeina ai i le fonotaga le va o le UNDP, Suetusi, ma le MOF i le amataga o le galuega faasuetusi. O le toe teuteuga o le tusi resitala o Meatotino ua tuuina atu aua galuega faasuetusi

3. FAAMAUMAUMA (Posting)

3.1. Faamaumauma.

Matuina mai le iloiloga o faamaumauga o tupe totogi le iai o ni sese i faamaumauga lautele mo uluai pepa o Faamatalaga tau tupe. O nei sese e le matui'ā ae e manaomia lona fa'asāoina i le lumanai.

Matou te fautuaina le Matagaluega ina ia faaogaina le faavasegaga talafeagai mo le faamaumauma o tupe faaalu e tusa ai ma le ituaiga o tupe totogi na faia. O le sa'o o le faamaumauma o faamatalaga o le mautinoa ai le matuā sa'o o faamaumauga o loo i luga o lipoti ma Faamatalaga tau tupe o le a faaogaina e paaga talafeagai.

Tali ma gaioiga mo le faaleleia o mataupu talanoina

Tali a le UNDP: o le faamaumauma e le UNDP o faamatalaga i luga o le polokalame komipiuta (ATLAS) e faavae i faamatalaga i luga o Uluai pepa o faamatalaga na tuuina atu e le MOF, sa faatalosagaina e le MNRE atoa ai ma numera o le faavasegaga o faamatalaga tau tupe na faailoaina atu e le MNRE. O le numera faavasegaga faaulutala 71600 – Femalagaina mo le faamaumauma o pasese felauaiga (faataitaiga; taavale laity ma pasese i pasi) o loo sa'o ma o le numera faavasegaga auiliili o le 71635 – Isi Femalagaina. O le numera faavasegaga faaulutala 75700 – Aoaoga ma Koneferenisi mo le faamaumauma o faasalalauga i nusipepa e sese, 72500 – mo sapalai o le numera sa'o ma o lona numera faavasegaga auiliili o le 72510- mo

Lomiga (aofia ai ma lafoga o faasalalauga uma o nusipepa, mekasini, ma tusi faasalalau, ma isi foi), O le numera faavasegaga faaulutala 72300 – mo mea moomia ma oloa e faamauina ai le faatauga o seevae o loo sa’o ma o lona numera faavasegaga auiliili o le 72399 – mo isi oloa ma mea manaomia.

Tali a le MNRE: O le faamaumauina o faamatalaga e faia lea e le UNDP ma le MOF faavae lea i faamatalaga e tuuina atu e le MNRE. Ua faamauina fautuaga o taua i luga, ae mo le totogiina o faasalalauga i le Samoa Observer o loo faamauina e tusa ai ma le tele o isi tupe totogi i lalo o le numera faavasegaga 72500 mo mea manaomia ma o lona numera faavasegaga auiliili o le 72505 o loo faasino i lomiga.

5.6 Poloketi mo le faaititia o le lē tagolima.

Igoa Faaperetania : Japan Fund for Poverty Reduction

Vaitaimi na sueina : 01 Iulai 2013 – 30 Iuni 2014

1. O le faamatalaga o tupe alu sa taulima ina e le galuega faasuetusi o loo maioio ai nao tupe faaalu sa faapena ona totogi ina mai lalo o le faaputuga tupe o le ofisa o tupe ale Malo. O lea faamatalaga o tupe alu e leo lipoti ai isi tupe faaalu sa faapena ona totogi ina ma i lalo o le teugatupe toe faaaloina ale poloketi o loo teuina ile Fale Tupe Tutotonu o Samoa. Ua toe fetuunai nei faamatalaga o tupe alu ina ia aofia ai ma tupe faaalu na totogi ina mai lalo o teugatupe toe faaaloina ale poloketi o loo teuina ile Fale Tupe Tutotonu o Samoa.
2. I le iloiloga o tupe totogi atu na maitauina ai le leai o ni Pepa Faapoloaiga aloaia mo tupe totogi atu o loo faatupe mai lalo o le teugatupe toe faaaloina ale poloketi o loo teuina ile Fale Tupe Tutotonu o Samoa. I le tali mai o le Pulega, na taua ai o Pepa Faapoloaiga aloaia e leo se vaega o manaoga ile faagaioi ai o tupe totogi atu mai lalo o le teugatupe toe faaaloina ale poloketi, ma e leo se Pepa e tuuina mai e le Fale Tupe Tutotonu o Samoa e fai ai ma sui o le Malo. I lona faaopoopoga na taua ai, o loo tuufaatasia pea e le Matagaluega o Punaoa Faalenatura ma Siosiomaga ia tau eseese e tolu e filifilia ai le tau o tupe totogi atu e pei ona faamatalaina i totonu o le pepa ua faanumeraina o le TY11A mo tupe totogi atoa ai male faamatalaga o le mafuaaga o le latou filifili ai o se faatau oloa poo se gaosi oloa.
3. O tului maua mai i teugatupe toe faaaloina ale poloketi o loo teuina ile Fale Tupe Tutotonu o Samoa sa faapena ona le aofia pe faaalina i totonu o le paleni o tupe faamealofa mo le faaogaina e le poloketi e pei ona iai le vaega amata o le Faamatalaga o tupe na tuuina mai mo le sueina. Ua toe fetuunai nei faamatalaga o Tupe ina ia aofia ai ma tului maua mai i teugatupe toe faaaloina. O tului foi e maua mai i teugatupe o le poloketi ua faapena foi ona faafoeina oni tupe faagaga mo le faaogaina e le poloketi.
4. O nisi o tupe totogi atu sa faapena ona faatupe mai lalo o le teugatupe toe faaaloina ale poloketi o loo teuina ile Fale Tupe Tutotonu o Samoa, o loo aofia ai ma lafoga totogi e leo faatagaina pe leo ō gatasi male palakalafa 9 o le Tusi o Maliega e pei ona sainia ai ilea so 29 Aukuso 2012 mo lenei poloketi. I le tali mai o le Pulega, na taua ai o le Faamatalaga o tupe mo le piliota o loo sueina o loo talafeagai pea lona tuufaatasiga, e aofia ai lea ma le faailoa eseese ai o le aofaiga o tupe totogi atu ma le aofaiga o lafoga i luga o oloa faatau (poo le VAGST). O le aofia ai o lafoga o oloa i tupe totogi atu, e tusa ai ma lona faiga o fefaatauaiga masani. Ae o nei lafoga totogi o le a faapena ona lisi faavaega ina oni aofaiga le agavaa i lipoti e tuuina atu ile faletupe o atinae o Asia (ADB) mo le faaaloina o tupe ua faaaluina e le poloketi. O nei lafoga totogi o le a teuina pe faaaloina e le Malo o Samoa agai i teugatupe toe faaaloina ale poloketi.

5.7 Poloketi a le Faalapotopotoga o Tagata Ofisa o le Tulafono a atu moto o le Pasefika (PILON)

Vaitaimi na sueina: 01 Iulai 2013 – 30 Iuni 2014

1. O le poloketi PILON o loo sea faatasi ma le koneferenisi/fono o ē Faafoea Moliaga a le Pasefika, le numera e tasi mo teugatupe a poloketi e pei ona faamauina ai i luga o le polokalame faakomipiuta (FinanceOne) e faamaumaua Faamatalaga tau tupe a le Malo. Sa matauina e galuega faasuetusi se tupe totogi mai le vaitaimi o loo sueina o loo faamauina i Tusi lautele o le polokalame faakomipiuta (FinanceOne) ae le'o tusia i faamaumauga tusitusia lautele mo le poloketi o le PILON. I saililiga atili ai o pepa totogi na mā'ua ai le faamauina sese o lea tupe totogi i faamaumauga tusitusia lautele mo le poloketi o le fono mo ē Faafoea Moliaga a le Pasefika, ma ua atagia ai e le'i auiliiliina lenei tupe totogi i lipoti o tupe faaalu o le poloketi PILON. Fautuaina le Pulega ina ia aofia lenei tupe totogi i lipoti o tupe faaalu o le poloketi PILON mo le vaitaimi o loo sueina. Ua faamauina nei e le Pulega le fautuaga ale Suetusi.
2. Matauina e galuega faasuetusi o loo pa'ū le aofaiga lipotia o tupe totogi mo tagata faigaluega i le aofaiga e \$45,832.74, ae o loo sili le aofaiga lipotia o Tupe totogi mo galuega faatino i le aofaiga o \$45,615.34. E tatau i le tagata ofisa e nafa ma lea vaega ona mataitu le faaopopoga o faavasegaga eseese o tupe totogi ina ia sa'o aofaiga e lipotia i Faamatalaga o tupe faaalu o le poloketi. Ua faamauina nei e le Pulega le fautuaga ale Suetusi.
3. Matauina e galuega faasuetusi le iai o se tupe totogi sa faamauina ma faavasegaina o Aseta Faavae i faamaumauga tusitusia lautele ale Matagaluega o Tupe, faapea foi ona faamauina ma faavasegaina o Aseta Faavae i lipoti o tupe faaalu a le poloketi, ae peitai o loo faamauina ma faavasegaina o tupe faaalu mo galuega faatino e pei ona iai le faavasegaga o tupe totogi i luga o le polokalame faakomipiuta (FinanceOne) e faamaumauina faamatalaga tau tupe a le Malo. Na fautuaina e le Suetusi ina ia faasao le faamauina/faavasegaina o lea tupe totogi i luga o polokalame faakomipiuta (FinanceOne) ina ia o gatasi ai ma le faamaumauga tusitusia lautele ale Matagaluega o Tupe, faapea ai lipoti o tupe faaalu o loo tuuina atu i ē o loo faatupea le poloketi.
4. Faamaoniga o tupe patino na faaaluina:
 - 4.1. Tupe Totogi toe faaolaina: Matauina e galuega faasuetusi le iai o se tupe totogi ei lalo ifo o le \$1,000 mo le toe faaolaina o tupe patino i le Pule Faatonu o le poloketi na faapena ona toe faamaonia lava e ia. O lenei gaoiga ua solia ai le fuaiupu 4.5 o le konekarate faigaluega ale Pule Faatonu o loo tā'ua ai le tatau ona faamaonia muamua e le Komiti Faafoe o le PILON faapea le Tagata Ofisa o Konekarate ale AGD, o tupe totogi mo le toe faaolaina o se tupe e patino i le Pule Faatonu. Fautuaina e le Suetusi ia le tagata ofisa o le Matagaluega o Tupe faapea le Ofisa o le Loia Sili e nafa ma lea matafaioi ina ia mautinoa le atoa ai o le faamaoniga mai le Komiti Faafoe o le PILON faapea le Tagata Ofisa o Konekarate ale AGD a'o le'i faatinoina ai le faia o tupe totogi mo le toe faaolaina o ni tupe faaalu e patino i le Pule Faatonu o le poloketi. O le fautuaga a le Suetusi ua faamauina.
 - 4.2. Tupe totogi e sili atu ma le SAT\$1,000: Mataulia le iai o ni tupe totogi e sili atu latou aofaiga ma le \$1,000 e leai ni faamaumauga lagolago o se faamaoniga na faia e le Komiti Faafoe a le PILON ma le Tagata Ofisa o Konekarate a le AGD e pei ona aiaia e le fuaiupu 6.1b o le Faamatalaga mo le nofo Malamalama. . Fautuaina e le Suetusi ia le tagata ofisa o le Matagaluega o Tupe faapea le Ofisa o le Loia Sili e nafa ma lea matafaioi ina ia mautinoa le atoa ai o le faamaoniga mai le Komiti Faafoe o le PILON faapea le Tagata Ofisa o Konekarate ale AGD a'o le'i faatinoina ai le faia o tupe totogi e sili lona aofaiga le SAT\$1,000. O le fautuaga a le Suetusi ua faamauina.

5. Meatotino Tumau:

5.1. Lē faailogaina o Meatotino tumau: E fautuaina le tatau ona faailogaina o meatotino tuma ma ia iai se faanumeraina poo se faasinomaga faalotoifale e faailoa ai meatotino tumau ma ia tusa ma le tusi resitala o meatotino. E tatau foi ile Pulega o le PILON ma le Ofisa o le Loia Sili ona faaogaina ma mulimulitaia faiga faavae ale Malo i le faatumauina ma le vaavaaia o Meatotino o poloketi ina ia mautinoa le mafai ona tali atu ma le manino o faamaumauga mo tagata foai ma paaga.

5.2. Sū'ia o Meatotino: Itutino o Ki komipiuta faaleagaina e le'i tusia ese.

Lenei faiga e ona oo atu ai ise tulaga o le faaititia po o le leai o se faiga pulea i faatauga o meatotino fou. Fautuaina le tagata ofisa e nafa ma lea matafaioi ina ia mataitū lelei aseta fou e faatauina mo le sū'ia o meatotino o loo iai nei, ma ia maua ia faamaoniga o meatotino faaleagaina e tusia ese. O fautuaga ua faamauina aua le tausisia o faiga faavae o faatauina a le Malo.

5.3. Puipuiga faaletino o Meatotino

O le Ofisa faafailautusi a le PILON o loo oi le vaega e faatoai atu i ai tagata lautele mo le Ofisa o le Vaega e toe Fuataia Tulafono o Samoa, ma e saogōfie e soo seisi e savalia le ofisa. O tali pupuni o loo faaogaina e vāe'esea mai ai le faafailautusi a le PILON mai le vaega e faatoai atu i ai tagata lautele, ma e leai ni faitotoa poo ni kapeneta fai loka mo le malū puipuia o meatotino. E iai taimi e malaga ai le Pule Faatonu o le Poloketi faapea foi le Pule Faatonu lagolago i atunuu i fafo mo galuega mā'uā leai ai se tagata e vaai le ofisa. O lea tulaga e ona avea ma avanoa e toesea mai ai meatotino. Fautuaina ai le fai o se o se gaioiga e malupuipuia ai meatotino aemaise ai o Faamaumauga o le Ofisa faafailautusi ale PILON.

I le tali mai o le PILON na o latou taua ai le leai o se avanoa i le ofisa a le Loia Sili faapea ai le leai o se o se faamaoniga mo se faaputugatupe mai le AGD aua le faatupeina o se nofoaga malu mo le faatuina o le Ofisa ale PILON, o le ala lea o le faaogaina o le avanoa o loo iai nei i le Ofisa o le Vaega e toe Fuataia Tulafono o Samoa. O le a faapena foi ona vaavaai agai i le faatauina o se kapeneta pea faamaonia e le komiti faafoe mo le lokaina o meatotino.

5.8 Faaleleia o Nofoga ma Mea e Faaogā a Vaega o le Malo

Faatinooa le Poloketi : Matagaluega a le Palemia ma le Kapeneta

Vaitaimi na sueina : 01 Iulai 2012 – 30 Iuni 2013

1. E lei mafia ona iloilo totoa e galuega faasuetusi minute uma o fogo ale pulega o le poloketi mo le piliota o loo sueina. O minute o fonotaga sa faapena ona faamau ma teuina oni faamaumauga faa-eleteroni i luga o le komipiuta autu o le vaega o Pulega o Tupe. O lenei komipiuta sa le mafia ona toe faaolaina ma ua leiloloa ai faamaumauga faa-eleteroni. Na faatauina leisi komipiuta autu ia Iuni 2013 ae peitai e lei mafia e galuega lagolago faa-tekonolosi ale matagaluega ona toe maua mai pe faafoisia mai faamaumauga faa-eleteroni sa teuina i luga o le komipiuta tuai ua faaleagaina. Sa fautuaina le pulega ma le vaega o pulega o tupe ina ia toe tagai totoa i faamaumauga tau pepa o minute of fonotaga aemaise o nisi uma faamaumauga faatatau ile poloketi.
2. E lei mafai ona taulimaina e le galuega faasuetusi se maliega o galuega tau atinae aua le sueina o galuega poo iloiloga faaiu o le poloketi o le 'faaleleia o nofoaga ma mea faaogā a vaega o le malo' e pei ona faatinoina e le Matagaluega a le Palemia ma le Kapeneta. Matauina e lei tapenaina pe na sainia se maliega o galuega tau atinae mo lenei iloiloga faaiu.
O le iloiloga faaiu na faatautaia i lalo o se faatonuga mai le Komiti faafoeina nofoaga ma meatotino e faaogā (FCC). Sa faatautaia le iloiloga faaiu e aunoa mase maliega o galuega tau atinae ma o tupe totogi atu sa faia i lalo o tuutuuga o le konekarate na sainia e le Minisita male Faafautua faapitoa
3. E lei faatinoina se faapaleniga o totogi faa-le-tausaga ma totogi faa-le-itula ale aufaigaluega mo le faamoemoe e faila pe lipoti atu ile Matagaluega o Tupe Maua. o se taimi muamua lenei ua faailoa atu iai ile Vaega o pulega o tupe lenei manaoga faa-le-tulafono.
O le sa gafa ma lea tiute na faamavae pe na tuua le galuega ile aso 13 Fepuari. Na taua e le pulega o le poloketi o le a galulue mo le faapaleni ina o totogi faa-le-itula ma totogi faa-le-tausaga mo le lipotia atu ile Matagaluega o Tupe Maua e pei ona iai a latou pepa faatumu ua faanumeraina o le P6 & P6A.
4. Maitauina le tuai ona faatumuina ma le tauaaoina atu o pepa faatumu (faanumeraina P4) a le Matagaluega o Tupe Maua e lipotia ai faamatalaga tau totogi o tagata faigaluega i lalo o le poloketi. O le ofisa poo le tagata faigaluega sa gafa ma lea matafaioi ua tuua le galuega poo ua le toe faigaluega i lalo o le poloketi

5.9 Faaleleia o Nofoga ma Mea e Faaogā a Vaega o le Malo (PSIF)

Faatinoa le Poloketi: Matagaluega a le Palemia ma le Kapeneta

Vaitaimi na sueina : 01 Iulai 2013 – 30 Iuni 2014

1. Mai ia matou iloiloga, na matou matauina ai e lei toe faaolaina pasese malaga o vaalele mo faigamalaga aloaia i atunuu i fafo na lē taunuu ona na faalēaogāina mai i le minute mulimuli e i latou na tuufaatasia polokalame i atunuu i fafo. Mo se faataitaiga, siaki numera 1157 (SAT \$7,758.20) sa totogiina ise ofisa malaga mo le pasese a se tagata faigaluega a le Ofisa o Fainumela e auai atu ai i polokalame tau a'oa'oga i atunuu i fafo. O lenei polokalame tau a'oa'oga na le taunuu ona na toe faalēaogāina ei latou e tuufaatasia le polokalame i le minute mulimuli, peitai ua uma ona totogi le pasese malaga o le vaalele e pei ona pasia ai e le kapeneta. O siaki mo nisi o tupe totogi ma alauni e fesootai ma lea malaga sa faapena ai foi ona faalēaogāina. Fautuaina le pulega o le PSIF ina ia fesootai ma feutagai ma le Ofisa o Fainumera ma le Matagaluega o Tupe e iloiloaina ai pe mafai i lalo o faiga faavae a le inisiua malaga le malo ona toe faaolaina tupe totogi mo pasese o nei faigamalaga le taunuu.
2. O se Faamatalaga/Feagaiga mo le nofo Malamalama (MOU) mo le Ofisa o Pule Faatonu, o loo taua ai e faapea o le aso e faamutaina ai le lagolago e tuuina atu e le poloketi PSIF e pau lea i le aso 30 Aperila 2014. Sa matauina le iai o se tupe totogi na faia i le maea ai o le aso 30 Aperila 2014 ma o lea tupe totogi e le fesootai pe faatatau mo le vaitaimi ao lei uma ai le aso e faagata ai le lagolago atu o le poloketi PSIF e pei ona aiaia i le Feagaiga mo le nofo Malamalama. Mo se faataitaiga, siaki numera 1173 mo le aofaiga SAT \$10,104.48 sa faatauina ai mita o le eletise mo le ofisa o le Pule Faatonu. O tupe totogi uma ile maea ai o le aso 30 Aperila 2014 e tatau ona noatia i se fesuaiga o le Feagaiga mo le nofo Malamalama ua faamaonia aloaia.
O loo ua tapenaina nei le teuteuga lona lua o le Feagaiga mo le nofo Malamalama e toe faalauaitele/tuuina atu i tua o le aso e faamaeaina ai i le aso 19 Tesema 2014 mo le sainia i le va o le Ofisa o Pule Faatonu ma le Pulega o le PSIF. O le a feagai ai foi lea aso ma le aso e faaiu ai le poloketi PSIF ma o le a ufitia ai ma le faamaoniga e tuuina atu e le Matagaluega o Tupe mo le Ofisa o Pule Faatonu e faaoga ai nisi o tupe faasao/totoe mo le faaopopoga o tulaga faaleleia.
3. Matauina mai iloiloga e le'i tuuina atu nisi o lipoti o le poloketi. Mo se faataitaiga, e le'i tuuina atu e le Ofisa o Pule Faatonu le latou lipoti lona lua o galuega i le alualu ai i luma faapea le lipoti o fuafuaga maea (e tusa ai ma le aso e faamaeaina 30 Aperila 2014 e pei ona faamauina i le Feagaiga o le nofo Malamalama)
Fautuaina e faatautaia le PSIF ina ia mulimuli taia le Ofisa o Pule Faatonu i aiaiga o le tuuina atu o lipoti ao le'i faamaonia ni fesuaiga po o faatupega faaopopo e totogiina atu iai latou.
4. Mai iloiloga o tupe totogi, matauina ai ni aofai o siaki (siaki numera 1103 i le 1106) mo se aofaiga e SAT\$105,864.40 na teuina i teugatupe ale Matagaluega o Tupe mo le toe faaolaina o tau na tauaveina e le Ofisa o Pule Faatonu. O nei tupe totogi e mo le faaolaina o tau na tauave e le Ofisa o Pule Faatonu e pei ona aiaia i faatonuga a le Kapeneta o loo lagolagoina ai siaki taitasi. O le mea lea e tatau ai le totogiina atu o tupe faaola agai i le Ofisa o Pule Faatonu. Fautuaina ai le faia o totogi o tupe faaola mo le Ofisa o Pule Faatonu agai sao atu iai latou nai loo le Matagaluega o Tupe ina ia tusa ai ma faatonuga a le Kapeneta
O uluai totogi o tupe toe faaolaina sa faia agai i Teugatupe a le Matagaluega o Tupe e tusa ai ma faatonuga a le Matagaluega o Tupe. Mulimuli ane ua toe faamanino mai e le Matagaluega o Tupe e faapea o totogi o tau toe faaola e tatau ona faia agai i teugatupe ale Ofisa o Pule Faatonu. O le faiga lea talu mai lena taimi ma ua o gatasi ai ma le fautuaga a le Suetusi.

5.10 Faalapotopotoga o Malosiaga tau Eletise: Poloketi mo le Gaosia o le Malosiaga tau Eletise e oo atu le 400 kilo-uati(KwP) e maua mai le Lā Vaitaimiti na sueina: 01 Iulai 2013 – 30 Iuni 2014

1. O minute o fonotaga ale pulega o le poloketi e leo sainia mo se faamaoniga. O lenei mataupu o le faapena ona mataitūina e le taitaifono o nei fonotaga.

5.11 Poloketi mo le Faaleleia Atili o le Tamaoaiga o le Vaega tau Faatoaga

Vaitaimi na sueina: 01 Iulai 2013 – 30 Iuni 2014

1. O loo ta'ua i lipoti faavae ale Fauautua o tupe mo le masina o Iuni 2014 le tatau ona aofia ai o le Suetusi Lotoifale i mataupu/faafitauli tau pulega po o lamatiaga faailoa ma gaioiga ale poloketi mo le faaleleia atili o le tamaoaiga o le vaega tau faatoaga (SACEP). I se tali mai ai o le Suetusi o le Lotoifale, na taua ai le lē gafatia e alamanuia faatulagaina ale vaega o le suetusi lotoifale o iai le taimi nei ona mataituina gasologa o le SACEP. Na fautuaina ai le tatau ai ona auai atu o le suetusi lotoifale, faapea le pulega ina ia vaavaai i auala e ona fa'amalieina ai nei manaoga moomia.
2. Mataupu mai i sailiga o Tupe totogi.
 - a. Mauaina o se pepa totogi mo le aso 2 Aukuso 2013 e faaolaina ai le \$415.97 (faasinomaga: SAC14018) Le iai o se tupe totogi e \$350 mo pauna/kilo silia o ato Malaga e aunoa ma ni faamaumauga lagolago po o se lisiti aloaia, seia vagana ai le pepa faatagaga e ulufale ai ile vaalele ma le tikite e leo maua ai se faamatalaga o ni pauna/kilo silia.
O lisiti sa tuuina atu ile Matagaluega o tupe e aunoa ma le faia o se ata/kopi mo faamaumauga.
 - e. Mauaina o se pepa totogi mo le aso 1Me 2014 e faaolaina ai le \$15,267.18 (faasinomaga: SAC14267). Lenei aofaiga o loo tuufaatasi ai totonu se aofaiga o se tupe Amerika e \$30.65 e leo iai ni faamaumauga lagolago po o ni lisiti aloaia e faamaonia ai, seia vagana ai le aofaiga ua faamauina i lalo.
O lisiti sa tuuina atu ile Matagaluega o tupe e aunoa ma le faia o se ata/kopi mo faamaumauga.
 - i. I le iloiloga o o se tupe totogi e \$438 mo le toe faaolaina o tupe faagaga e totogi ai aofaiga laiti na mauaina ai le pepa totogi muamua mo se aofaiga e \$168 na faaogaina mo le totogi o pasese o le aumalaga i Savaii ae aunoa ma se lisiti aloaia o faapipii mai ai e faamaonia ai tupe totogi.
I le tali mai ale pulega na taua ai le faanatinati o le manaomia o tupe totogi o le ala lea na tuuina sao atu ai tupe ile vaega o le ofisa o loo faimalaga e pei ona pasia ai, o le mafuaaga foi lea o le leai o ni ata/kopi o pepa Malaga o le vaa o faapipiina i le pepa totogi.
 - o. I le iloiloga o o se tupe totogi e \$462.60 mo le toe faaolaina o tupe faaagaga e totogi ai aofaiga laiti na mauaina ai le pepa totogi numera 5 mo se aofaiga e \$48 na faaogaina mo le totogi o pasese Malaga i Savaii ae aunoa ma se lisiti aloaia o faapipii mai ai e faamaonia ai tupe totogi.
O le tali ale pulega e tutusa ma le tali o loo i le puipui (i.) oi luga.

5.12 Poloketi o le Faatumauiina o Vaega tau Faatoaga ma Faigafaiva o Samoa e tali atu i Tau Afa (SAFCRP).

Vaitaimiti na sueina: 01 Iulai 2013 – 30 Iuni 2014

Otootoga o Sailiga faasuetusi:

1. Sa faia se asiasiga o Aseta ma meatotino a le poloketi ma sa matauina ai nisi nei o aseta e le'i faamauiina i le api resitala o meatotino. 2 seva VM (Servers), 1 fata kapeneta (Rack Cabinet), tasi le laupapa faalauaitelina o laina ta'oto e 24 (24 port switch) Ua fautuaina le tusia ma le faaopopo atu o nei meatotino i faamaumauga resitala o Meatotino a le Poloketi.
2. Mai i iloilogaga o lisi totogi o tagata faigaluega, sa iloa ai e le'i saunia e le nafa ma livi ni faamaumauga ta'i lua vaiaso mo livi tauave e pei ona aiaia ai ile faagasologa o le faiga o totogi o tagata faigaluega. Na faaalua e le nafa ma livi ma totogi o tagata faigaluega e le'i siakiina muamua lava le api saina mo tagata faigaluega talu mai lava le amataga o le poloketi. E fautuaina le saunia o faamaumauga tai lua vaiaso o aso faigaluega ma livi tauave i taimi e tusa ai, ia siakiina ma faamaonia e tusa ai ma taualumaga o le faiga o lisi totogi o tagata faigaluega, ma ia faamau tuulata mai ia paleni o livi tauave o tagata faigaluega e le tagata ofisa e nafa ma lisi totogi ma livi.
3. O le toe faaleleia o le pa mo le Vaega o Laau toto e tusa ma le \$18,000 lona tau e tataua ona faamauiina i le resitala o Meatotino a le Poloketi. Matou te fautuaina le faaliliuina o tupe totogi e maua luga o latou aofaiga na faaaluina i galuega faalelei, e avea ma ni tupe faavae ma ia aofia foi i le tusi resitala mo Meatotino.
4. I le asiasiga o Meatotino na iloa ai le tele o Meatotino e le'i faailogaina lelei ma faamau tuulata mai i le resitala o meatotino. E fautuaina ina ia faailoga meatotino o loo faatupe e faaputugatupe a le Poloketi ma ia faavaitaimiti le faamaumauiina o le api resita o Meatotino ia atagia a taimi lata mai.
5. E lua ni ili afi na faatauina e le'i faamauiina i totonu o le api resitala o Meatotino. Fautuaina le faamauiina o nei Meatotino i le api resitala o Meatotino atoa ai ma le igoa o le tagata po o le vaega o loo latou umia. O Meatotino o loo fesiligia o le a faaopopo i le api resitala o Meatotino. O nei meatotino sa faatauina ia Ianuari 2013 mai lalo o le poloketi SACEP ma sa faamaumauiina ai foi, mulimuli ane ua faaliliu ma tuuina mai i le SAFCRP i le latalata faaiu ai o le tausaga 2013.
6. E matauina le telegese o le ausia o galuega faatino o sini faasaga i fuafuaga faataatitia. Sa tuai le faatinoina o galuega o le poloketi ona o le tuai o le faafaigaluegaina o le aufaigaluega ia Fepuari 2014. O le atinaeina o le polokalame faakomipiuta (E-Voucher) mo le faamaumauiina pepa totogi o le mafuaga autu lea e felatai ma le telegese o le ausiaina o sini faataatitia mo le vaega 1 ma le 2. O le kamupani mai i Niu Sila sa le'i mafai ona latou toe faaauuinagaluega faalelei e siitia ai le polokalame faakomipiuta POS lea na te faagaioia le polokalame E-Voucher. O le ala foi lea o le telegese o le faagaioiga o le E-voucher nate tufatufa ma faamaapeina tupe faamealofoa e pei ona aiaia mai lalo o le Vaega 1 ma le 2.

5.13 Poloketi mo le faatumauiina o le Vaomatua ma Laau toetotoina o Samoa (SATFP)

Vaitaimi o loo Sueina: 01 Iulai 2013 I le 30 Iuni 2014

1. E le'i iai se tusi resitala mo Meatotino Tumau
2. E taua le i ai o se lisi o tagata e auai mo aso taitasi o le aoaoga ma ia sainia e latou sa i ai mo le aoaoga e faamaonia ai le tau ua faatupulaia mo le aoaoga. O loo iai se tupe totogi agai i se gaosioloa i Samoa lava mo le tapenaina o le Mālū o le taeao faapea le vaiaiga o le aoauli mo le aoaoga faanumera M3 mai le aso 16-20 Iuni, e le'i faapipiina ai se lisi oi latou sa auai i lea polokalame aoaoga. E ui lava o loo matauiina o tagata lava sa auai foi i leisi fonotaga i tua atu, ae tataua lava ona iai se lisi o le 25 sui auai ma o loo sainia ai igoa mo le faamaoniga o le latou auai i lea aso. E taua le iai o se lisi o tagata e auai i polokalame aoaoga o lea aso ma lea aso, ma ia sainia ei latou taitasi e fai ma faamaoniga o le latou auai aemaise o le lagolagoina o tupe faaalu mo ia polokalame aoaoga.
3. Sa iai se tupe faaliliu e tusa ma le \$90,000 Tala Ausetalia na faaleaogaina i feuaiga faapisinisi o le masina o Aperila. E fia maua ai se faamaoniga o le faaleaogaina o lenei feuaiga faapisinisi ma le lē lipotia i Faamatalaga o tupe faaalu, ae o loo iai se Faamatalaga o le Maliega ua sainia mo le faaliliuina o lea seleni. O le faaleaogaina o lea faaliliuga tupe agai i le Matagaluega o Leipa ma Alamanuia o se faaiuga na faavae i fautuaga a le na Faatupeina ia tupe ina ia toe vaavaai ma suesue aloaia se tuufaatasiga o le poloketi SATFP ma le poloketi ICCRIFS o se auala e gafataulimaina ai gaioiga ma punaoa o le SATF. E le'i fautuaina foi e iloiloa faa-le-afa tausaga le faia ai o lea gaioiga.
4. Na faamutaina le fesoasoani mo le Vaega o le METI mai galuega faatino o le poloketi atoa ona o le leai o ni ripoti o galuega faatino ma le agai i luma e pei ona lē usitaia ai foi le Faamatalaga mo le nofo Malamalama. O le faaiuga faavae mo le faamutaina o le fesoasoani e tuuina atu i le METI sa faia e le Komiti Faafoe, ma e faavae lea i luga o le lē usitaia e le METI o aiaiga ma tulaga tau ripoti e pei ona faamauiina i totonu o le Faamatalaga mo le Nofo Malamalama na sainia i le va o le METI ma le Malo (Tauala atu i le Matagaluega o le Siosiomaga ma Punaoa Faalenatura-MNRE). Sa fautuaina le METI e le Komiti Faafoe i le tele o taimi ina ia tuuina mai ni faamatalaga molimau/faamaoniga ma faamatalaga fuainumera e faailo mai ai le sologa manuia o latou galuega o loo taua i ripoti, ma ia tuuina mai se tapenaga po o se faavasegaga talafeagai o latou Faamatalaga tau tupe. Peitai e le'i tali mai lava le METI. O lenei mataupu sa talanoaina i fonotaga ale Komiti Faafoe a le SATFP faapea foi Paaga o le Polokalame tau Atinae i le va lea o le MNRE ma le o loo faatupeina le polokalame (DFAT). Ae paga lea, o le popolega o loo iai ona o le faalagolago malos i o le poloketi i ana paaga. O taunuuga manuia o le poloketi e atagia lea i galuega faatino o ana paaga e pei ona iai le METI.

5.14 Poloketi mo Faigapaaga a le Soifua Maloloina i Samoa mo le vaitaimi 1 Setema 2010 i le 31 Tesema 2014

1. O le polokalame faakomipiuta ua faaigoaina o le Finance One o loo fa'aaogaina e le Ofisa o Tupe e fa'amauiina uma ai tupe maua faapea seleni faaaogaina mo le malo. Peita'i mai le iloiloga o le poloketi taua i luga sa iloa ai e sefulu valu isi poloketi eseese o loo faatupeina mai le Malo o Ausetalia ua fa'amauiina ma lipotia i lalo o le faamatalaga tau tupe e tasi. E tatau i le Ofisa o tupe ona lipoti ta'itasi poloketi nei i ni a latou lava faamatalaga tau tupe, ina ia mafaia ai ona faigofie ma lelei le fa'amauiina ma le fa'amaonia o seleni. Sa taumafai le Ofisa e tuu faatasia uma ise lipoti se tasi poloketi nei, peitai ua talia le fautuaga tuuina atu. O le a fa'aaui pea e le matagaluega ona mata'itu le faagasologa o polokalame aemaise le fa'aaogaina o seleni, faatasi ai ma le faia o Suega o Tusi mo poloketi taitasi ina ia manino i totonu o lipoti moomia.
2. E lua ni siaki ta'i \$7,360 sa totogiina atu i ni faioloa se toalua. Peitai mai le iloiloga sa faatinoina, ua mautinoa ai o faioloa nei e toalua, e tasi lava le tagata. O siaki ua taua sa totogiina i le Aso 30 Aokuso 2011 faapea le Aso 14 Setema 2011. Ua tatau ona uia auala e toe faaola mai ai nei seleni. E tatau foi i le vaega o le poloketi ona silasila toto'a pe a tapena siaki o le a totogi. O le fesoota'i foi le Matagaluega ma le tagata faioloa ina ia toe faaola mai le isi siaki \$7,360, e ui ina ua maea talaina i le faletupe i le 20 Setema 2011. Ua tapena foi le Matagaluega ina ia lē toe iai ni tulaga faapea i le lumana'i.
3. Sa pāsia le tapula'a o tupe fa'aagaga mo le poloketi i le aofaiga e \$16,264.00. O lenei aofa'i sa faapea ona faatupeina mai teugātupe fa'aagaga a le Malo.

Tupe Fa'aagaga Poloketi ANZ:	\$407,000.00
Tupe Fa'aagaga mo le poloketi 2013:	<u>\$423,263.93</u>
Aofa'i tupe pāsia ma le tapula'a:	<u>(\$16,264.00)</u>

Ua fautuaina le Matagaluega o Tupe ina ia mata'itū ma fa'atino lelei fa'amaumauga uma o tupe maua ma tupe totogi atu mo le poloketi. E tatau foi ona toe fa'aolaina mai seleni a le Malo sa faatupeina ai le aofa'i o tupe sa pāsia ma le tapula'a. O tupe totogi uma mo le poloketi sa faaaogaina ai tupe mai teugātupe totogi lautele a le Malo ma sa faapea foi ona toe faaola mai nei seleni i tupe a le poloketi.

4. E iai fa'amaumauga i lipoti a le Ofisa o Tupe e le'o mafai ona fa'apaleni agai i tupe faaola o le poloketi lea o loo teuina i le Faletupe tutotonu o Samoa.

E aofia ai: 9/9/2011	Guest Fales	\$18,009.00
30/6/2011	Reimbursement to SWAP	\$305,001.05
30/6/2011	Reimbursement to SWAP	\$23,598.00

Ua fautuaina le Ofisa o Tupe ina ia mautinoa le faapaleni o seleni uma sa faaagaga ma toe faaolaina. E taua foi le toe siakiina o galuega faapaleni ina ia sa'o ma ato'atoa paleni totoo mo le poloketi. Sa fa'aalia foi e le Ofisa, o vaega tupe \$305,001.05 ma le \$23,598.00 o seleni sa totogi mai le Health SWAP 2039-89-120, ua maea foi ona teo fa'aolaina ma tuuina atu i le 0330-03 ia Iuni 2011. E le'o o toe moomia ona toe fa'aolaina seleni nei mai CBS06-052 agai i le teugātupe totogi lautele a le Malo ona ua maea aveesea mai le seleni e \$407,000.00 i le ANZ1200033 sa taunuu mai ia Novema 2012.

O le vaega tupe e \$18,009.00 sa totogiina i le Aso 9 Setema 2011 ma faamauiina i le polokalame komipiuta (numera faasinomaga 11376) i mea tautupe, ua le'o moomia foi ona teo faaolaina seleni o teugātupe totogi lautele a le Malo mai le poloketi CBS06-052, ona ua maea foi ona tuuina atu i le poloketi a le WHO 0192 ia Setema 2012.

5. E iai le seleni e \$23,000 sa tauaao atu i le Asosi Netipolo a Samoa o se tupe totogi faapaaga lagolago, sa iai foi se maliliega ma le Asosi ina ia tapena se lipoti e iloa ai mea uma sa faaogaina ai le seleni. Peita'i e leai ni lipoti na mafai ona tuuina ifo mo iloiloga sa faia. E fautuaina ai le tapena pea ma tuuina mai o se lipoti i le seleni faaoga pei ona malilie ai i le amataga. Talu ai ona o le maliliega sa faia i le va o le Asosi ma le Matagaluega o Soifua maloloina, e alagataua pea i le Matagaluega ona fesootai ma le Asosi mo le tuuina mai o lipoti. Ua faapea foi ona talia e le Matagaluega fautuaga ua tuuina atu mo le aga'i i luma.
6. E le'i mafai ona faia se iloiloga a le Ofisa Suetusi i minute mo fonotaga a le komiti faatonu faapitoa a le poloketi, ona e le'i mafai ona saunia e le Matagaluega. Sa fa'aalia foi e le Matagaluega e leai ni minute e tuufaatasia o fonotaga uma e faia mo le poloketi.

5.15 Polokalame mo Aoaoga i totonu o Samoa (SICTP) mo le tausaga faaletupe 30 Iuni 2014.

1. E le'i mafai ona faamaonia taimi faigaluega a nisi o le aufaigaluega sa auai i le SUNGO faapea le Chamber of Commerce. E taua tele i galuega faatausi tusi ona iai lea o faamaoniga a le ta'ita'i poo le pule foi o le SUNGO ma le COC, ona e faamoemoe iai tapenaga ma tupe faaalu mo totogi o tagata faigaluega faapea foi ma le faaaogaina o livi. Sa faaalua e le Ofisa, o loo fa'aaoga le emeli e faailo ai le faamaoniga o taimi faigaluega. Ae ua fautuaina pea le aufaigaluega ina ia faamaonia lelei pea e ta'ita'i taimi o loo faigaluega ai.
2. E iai nai taimi sa sesē ai tapenaga o le totogiina o tupe toesea faaletulafono e iai le PAYE, NPF ma le ACC. E tataua lava ona tutusa aofaiga toesea ma paleni totogi atu i le MOR, NPF ma le ACC i masina taitasi. Sa faaalua e le poloketi, sa iai se faaletonu poo se sasi i auala sa tapena ai tupe toesea faaletulafono. O le a tapena foi isi totogi o i luma e faaaoga ai le pasene mo tupe totogi mo lafoga e 27% pei ona fautuaina.
3. Ua sili atu tupe totogi i Pulega e nafa ma tupe toesea faaletulafono mai totogi tagata faigaluega nai lo o tupe moni na toesea mai i totogi o le aufaigaluega. E fautuaina le vaega poloketi ia siaki lelei ma silasila toto'a i seleni toesea faaletulafono ina ia paleni lelei ma aofaiga ua tapena i lipoti mo totogi. Sa fa'aalia foi e le vaega poloketi, ua pau lava lea o le faaletonu ua faamauina ma o le a faia se fa'asaoga i seleni toesea faaletulafono.
4. Ua mafuli le aufaigaluega i le fa'ato'a faatumu lea o pepa mo le livi ina ua maea ona ave livi. E iai foi nisi o le aufaigaluega ua lē saina i le api saina e iloa ai o loo faigaluega. O tulaga uma nei, e moomia mo le tapenaga o totogi faapea le paleni o livi. Sa faaalua e le vaega poloketi, ua maea faamanatu le aufaigaluega ia mautinoa le saina o le api ina nei toesea mai latou totogi.
5. E le'i iai se faamaoniga poo se faailoga mai faletupe i luga o pepa o faamaumauga mo totogi a le aufaigaluega sa tuuina i faletupe eseese. O le faailoga mai le faletupe e faamaonia ai ma faamautū le faatinoga o galuega a le faletupe i pepa o faamaumauga tuuina atu. E taua foi pe a iai ni fa'asea a le aufaigaluega i le faletupe. Ua faaalua e le vaega o poloketi, ua latou talia le fautuaga mo le agai i luma o le galuega.
6. E iai faatau e silia ma le SAT\$50,000 e moomia ai ni faamatalaga o tau o oloa mai ni faleoloa se tolu. Peita'i, e iai faatau e le'i mafai ona faamaonia le iai o ni faamatalaga i tau o oloa se tolu pei ona moomia. O se tasi foi o ta'iala a le Komiti o tauofoga a le Malo o Samoa e ao ona usita'ia mo le mautinoa o loo manino ma lelei fa'aiuga o lo'o fai mo oloa faatau mai. Sa fa'alia e le vaega o poloketi, sa fautuaina foi i latou i lipoti sue'ga o tusi 2012/13, ma sa faaaogaina le fautuaga i le maea ai o le galuega su'etusi ia Tesema 2013.
7. E le'i mafai ona faamaonia nisi o seleni faaaoga i faatau ona o le leai o se pepa talosaga mo oloa. Sa faaalua e le vaega o poloketi, o loo faaaogaina nei pepa talosaga mo le talosagaina o nisi o faatau. O se fautuaga foi na tuuina mai i galuega su'etusi o le tausaga ua mavae.
8. E iai seleni faaaoga sa moomia ai nisi o faamatalaga faaopopo e auilili ai ma le manino tupe sa totogi atu ma faigofie ai ona tauaofai mea eseese i lalo o faamatalaga lautele. O nei faamatalaga faaopopo e mafai ona tuufaatasia i le pepa o faamatalaga lea e tapena mo soo se mea e totogi. Ua faaalua e le vaega o poloketi ua talia le fautuaga tuuina mai.
9. Sa faaaogaina lisi o faamatalaga mai faleoloa ina ua leiloa pepa o tau o oloa sa tuuina mai i le amataga. Sa tataua foi ona fa'amauina lelei i luga o lenei pepa o tau o oloa le aso na taulimaina ai le faatau faatasi ai ma le aofa'i. Sa tataua foi ona faia uma ni kopi ma faila faalelei pepa o tau o oloa mo faatau uma e faia e le

poloketi. Faaalia foi e le vaega o poloketi, e tapena uma pepa mo faamatalaga aua le totogina o faatau pe a taulimaina le pepa o tau o oloa.

10. Sa fa'atinoina galuega e faapaleni ai tusi a le poloketi agai i faamaumauga a le faletupe. Peita'i e le'i mafai ona fa'amaonia le tagata sa tapenaina faatasi ai ma le tagata sa ia siakiina. O itu taua tele nei e moomia ona faatino mo lea galuega taua. Sa faaalia e le vaega o poloketi o le a faatino le fautuaga i le masina o Novema 2014.
11. Sa maitauina i luga o le polokalame faakomipiuta o loo faaogaina e le vaega o poloketi, e le'i tapunia lava tusi o le tausaga faaletupe ua tuana'i. O le popolega o le Ofisa suetusi, ona o lo'o mafai ona iai le avanoa e toe sui ai faamatalaga tau tupe o le tausaga faaletupe ua tuana'i. E tatau i le vaega o poloketi ona tapunia uma tusi oma vaega tupe o le tausaga ua te'a, ona fa'ato'a amatalia ai loa lea o le isi tausaga faaletupe i faamaumauga. E moomia lava e le poloketi le sologa lelei o faamatalaga tau tupe uma. Sa faaalia e le vaega poloketi o le a silasila toto'a iai le tusi tusi pe a faatinoina le isi suega o tusi i le lumanai, ina ia tapunia lelei tusi mo le tausaga.
12. Sa pāsia le tapula'a o tupe fa'aagaga mo polokalame fa'alea'oa'oga a le poloketi. Ua fautuaina le vaega poloketi ina ia toe silasila toto'a ma fuafua tatau seleni faaoga aga'i i seleni ua fa'aagaga mai.
13. Ua pāsia le tapula'a o tupe fa'akonekarate mo nisi o faiaoga faapitoa. E fautuaina le vaega o poloketi ina ia tusia i konekarate o le lumana'i le faatupeina i tupe Samoa o nei konkarate.
14. O lea faiga o le a lē toe maua ai ni eseesega i le fua faatatau i le fesuaiga o tupe pe a totogi aluni esee i faiaoga faapitoa nei. E tatau foi ona faailoa i tusi poo faasilasilaga o tauofoga, o le tupe Samoa e faaoga. Ua faaalia e le vaega o poloketi, o le a logoina uma i latou o loo gafa tonu ma faiaoga faapitoa, ina ia faaliliu uma a latou seleni fa'aagaga i se fua faatatau tumau mo le fesuaiga o tupe e maua i luga o le upega tafailagi. O le a fautuaina foi faiaoga faapitoa e faatumu ma tauaao uma mai seleni moomia e aofia ai pasese o vaalele, ma alauni o apitaga faaogaina ai fua mo le fesuaiga o tupe o loo i luga o le upega tafa'ilagi a le NZAID.
15. Ua pāsia le tapula'a o tupe fa'aagaga mo le totogi faalemasina o le Initaneti. E tatau i le pulga ona fetu'utu'una'i pe alagatatau ona fa'aauau i le fuafuaga o loo iai, pe siitia i se isi fuafuaga sili atu ina ia fetau lelei ai ma galuega o le tausaga atoa. Sa faaalia e le vaega o poloketi e mafua ona pāsia le tapula'a i nisi o masina, ona o le tele lava o polokalame faatinoina. Ae o le a iloilo le fuafuaga o loo iai le Initaneti pe faia iai se siitaga talafeagaiga.
16. O loo taua i minute mulimuli o le Komiti Faatonutonu o Poloketi (PCC)i o le tausaga faaiuina 30 Iuni 2015 o le tausaga mulimuli lea o le a faatupe sa'o mai ai e Niu Sila ma Ausetalia, ma o le a agai atu loa le e faatupe le Polokalame o Vaega tau Aoaoga (ESP). O faatuputugatupe o le ESP o le a faapena ona tuuina atu i le Univesite Aoao o Samoa (NUS) ma o le a faagaioiina le Poloketi i lalo o le faamalu o le NUS. E fautuaina le SICTP ina ia fe'utagai ma le NUS faapea le MOF aua le fuafuaina o le isi laasaga e pei o le gafataulimaina o vaega tau tupe, faaogaina ai pea o letomai ma le malamalama o le Vaega o nafa ma poloketi, aemaise ai le faaogaina tatau o tupe totoo. I lana fonotaga i le aso 11 NOVema 2014 na pasia ai e le PCC le faatuina o se soa komiti e vaavaai i le faagaioioiga o fatuaga suesue a le SICTP ina ia o gatasi ma taiala faataatitia ma lagolago tau tupe tauala mai le OCPD-NUS mo le faagaioiga o le ESP amata atu i le 2015-2016. O le Komiti lagolago o le aofia ai sui o Pulega esee (PSC, CoC, faapea le SUNGO), sui o le MOF, SQA. ESP, sui o le Vaega tau tupe o le NUS ma o le a fono i latou i le aso 10-11 Tesema 2014. Taua e le MOF o le a tumau pea SICTP i lalo o le ESSP, peitai o ana tupe faagaga o le a tauala mai i lalo o le NUS. Nao le pau le eseesga o tupe faaalu o le poloketi o le a ui ma ii Faatupugatupe a le Malo ae le o se Faatupugatupe faapitoa o le Poloketi; talitonu o se auala lea e gafataulimaiuna ai faagasologa o le poloketi.

5.16 Pulea o Meatotino mo Atinae o Samoa – Vaega 2 mo le Tausaga faaletupe 30 Iuni 2014

1. E le'i mafai ona fa'amautūina ma aloaia minute o se fonotaga pe afai e le o sainia e le ta'ita'i fono a le komiti. E tatau ona sainia e le ta'ita'i fono a le komiti ia minute o fono ina ia faamaonia ai mataupu uma e talanoaina.
2. E le'i mafai ona tuuina mai e Matagaluega o Punaoa Faalenatura ma le Pulega o le Laueleele ma taavale se lesitala mo aseta uma sa faatauina i lalo o le poloketi. E tatau ona iai se lesitala e faamauina uma ai meatotino sa faatauina. Sa faalia e le vaega poloketi, e tatau ona maua i le matagaluega o Punaoa Faalenatura ma le Pulega o Laueleele lisi o aseta.

5.17 Poloketi mo le Lala o Tulafono ma Amoitonu o Samoa mo le tausaga faaletupe faaiuina 30 Iuni 2014.

Ua maea faatalatalanoa uma mataupu mai le suega o tusi.

5.18 Poloketi mo le fesoasoani i sui o le palemene o Samoa mo le tausaga na faaiuina 31 Tesema 2013

1. E le'i iai ni lipoti faaletupe na tapenaina ma tuuina atu i le UNDP mo kuata eseese o le tausaga. Ua lē usitaia ai i) Maliliega ua maea faapepaina, ii) ina ua tatalaina se teugā tupe i le faletupe o le ANZ ia Aokuso 2013. Ua faataatia mai nei e le UNDP auala ma pepa moomia (FACE Form) mo le lipotia o seleni uma sa faaaogaina faatasi ai foi ma le lipoti mai le Ofisa o Failautusi o le fono, ina ia tuuina atu i le UNDP i le maea ai o se kuata. Ua faapea foi ona tuuina mai e le UNDP se faamatalaga tau tupe e fesoasoani ai i le Ofisa o le Fono i le faamauina uma ai faamatalaga tau tupe o le poloketi. O le a saini ai foi le Ofisa o le Fono faapea le UNDP pe a faai'u le tausaga.

5.19 Polokalame mo le faatautaiga o le mafai ona faatumauiina o mea mai suiga o le tau mo le piriota 1 Oketopa 2011 i le 31 Ianuari 2014

Mataupu 1: O nisi nei o Aseta sa faatauina i lalo o le poloketi, ae le'i fa'ailogaina mo le malu puipuia ma le fa'aaogaina tatau.

- 7 nofoa faamalu
- 2 laau komipiuta feaveai HP
- 1 masini faatele ata Epsom Projector
- 1 laau komipiuta feaveai Dell Vitros
- 2 Komipiuta (Cooler Master Personal Computer Set including UPS)
- 1 Pueata Fujifilm

E fautuaina le faailogaina uma o Aseta.

Tali mai Pulega

Ua fa'aalia e le vaega o poloketi, ua maea ona fa'ailogaina uma aseta ma ua mafai foi ona asiasia mo se faamaoniga.

Mataupu 2: E iai tupe sa totogi atu mo galuega faufautua faapitoa sa faia mo le poloketi, peita'i sa faamauiina nei tupe i lalo o tupe sa totogi mo oloa.

Fautuaga

E tatau lava i le Ofisa o Tupe ona feutaga'i pea ma Sui o Malo ma paaga mai fafo ina ia malamalama ma lelei le faamauiina o seleni sa faaaogaina i poloketi.

Tali mai Pulega

Ua faaalia e le Ofisa o Tupe, o le a fesoota'i i se tasi o Faufuatua faapitoa mai le Faletupe o le Lalolagi, ina ia mafai ona tuufaatasia i se lipoti, tupe uma sa faaaogaina i lalo o le poloketi.

5.20 Poloketi mo le toe faaleleia o Samoa i le maea ai o le Tsunami mo le tausaga faaletupe na faaiuina 30 Iuni 2014

1. O nisi foi o mataupu taua ma moomia mo le poloketi, e le mafai ona fa'amautūina ma aloaia pe afai e le o sainia e le ta'ita'i fono a le komiti. E le'i mafai foi ona faamaonia mai i minute sa iai ni faatalatalanoaga o ni lipoti mo le poloketi nei. Sa faaalua e le vaega o poloketi, o le tele o vaega moomia mo le poloketi ua maea faatinoina, sei vagana ai le vaega o le auala i Aleipata (Lemafa). Ua faaalua mai foi, e lē sainia lava minute o fonotaga uma a le komiti. Ae ua faaaogaina fautuaga tuuina atu mo le agai i luma.
2. E le'i mafai ona fa'amaonia nisi o tupe sa faaaogaina i le poloketi, ona ua le mafai ona tuuina mai pepa sa faaaogaina mo lea tulaga. E matuā alagatatau lava ona teuina ma faila faalelei mea uma o loo fa'aaogaina ma fa'amaonia ai tupe faaoga e le poloketi.

5.21 Polokalame Fesoasoani mo Atina'e Turisi i Samoa mo le tausaga faaletupe na faaiuina 30 Iuni 2013

Mataupu 1: E tatau ona aveesea lafoga taofiofi mai tupe totogi atu i galuega faufautua faapitoa.

E le'i aveesea lafoga taofiofi mai tupe totogi uma sa totogi atu ia i latou mai atunuu mamao sa faatinoina galuega faufautua faapitoa i lalo o le poloketi. Sa manino foi i totonu o a latou konekarate le aveesea o lafoga taofiofi faapea ma lafoga o oloa ma galuega faatino.

Fautuaga:

Ua fautuaina i latou o loo gafa ma le konkarate nei ina ia toe silasila toto'a ina ia usitaia konekarate.

Tali mai Pulega

Sa faaalua e le pulega o tupe totogi mo faufautua faapitoa o loo aga'i lava i le tulaga faataatitia mo tupe totogi mo i latou mai atunuu mamao, e lē aafia i le lafoga o oloa ma galuega faatino ae na o lafoga taofiofi. Peita'i o loo taua i le fuaiupu e 4 o a latou konekarate le tatau ia i latou ona fesoota'i ma le matagaluega o tupe maua i mea moomia mo le totogi o lafoga.

Mataupu 2: Eseeesega i tala o tupe faamauina

Mai iloiloga sa faatinoina, e iai eseeesega sa maitauina mai lipoti o famatalaga o tupe mai le faletupe faapea faamaumaga tau tupe a le pulega, o le aofa'i o lea eseeesega e \$11,155. O lenei eseeesega e mafua mai i tupe totogi atu mo le su'ega o tusi a le poloketi ua faia mai i le teuga tupe lautele a le Malo ae sa tatau ona faia mai i le teugatupe faapitoa mo le poloketi o loo i le Faletupe tutotonu. Ua maea ona toe faaola mai le \$11,155 mai tupe o le poloketi i le Aso 27o Fepuari 2015

Bank Statement (\$)	Statement of Receipt and Payment ('financial statement') (\$)	Variance (\$)
886,313.01	875,158.01	11,155

Fautuaga

Faamolemole sei tuu mai se faamalamalamaga pe aisea ua faaaoga ai le teugatupe lautele a le malo.

Tali mai le Pulega

Sa faaalua e le pulega, e tele auala e mafai ai ona faia mai ai le totogi o galuega suetusi sa faia. Peita'i e moomia se GDP output e mafai ai ona totogi mai lalo o le poloketi, ma le faamoemoe e toefaaolaina tupe totogi mai teugatupe faapitoa mo poloketi a le CBS

Mataupu 3: Le usitaia o taiala faavae

E 'le'i usitaia e le pulega taiala o mea moomia pei ona faatulaga mai i totonu o le maliliea tau tupe e iai le tatau ona faia o Lipoti faaletausaga mo le piriota 1 Iulai 2013 i le 30 Iuni 2014. Sa tatau ona maea le lipoti faaletausaga i le Aso 30 Iuni 2014, peitai e leai se mea ua saunia.

Fautuaga

E fautuaina le pulega ina ia utagia pea ma usitaia mea moomia faatulagaina mai le maliliega tau tupe sa ioe iai.

Tali mai Pulega

O le lipoti faagasolo o le tausaga e aumai le vaega o loo faatautaia le polokalame, ae o faamatalaga tau tupe e tuuina mai e le ofisa o tupe faatasi ai ma isi faamatalaga faaopopo e faia e le pulega. Ua talia foi e le pulega fautuaga tuuina atu mo le agai i luma

Mataupu 4: Faamauina o minute o fonotaga

E lē mafai ona fa'amautūina se galuega su'etusi i mataupu aloaia sa talanoaina i fonotaga ona e le'i iai ni minute tuuina mai.

Fautuaga.

E tatau lava ona iai minute o fonotaga taua uma e feagai ma le pulega, e tatau foi ona teuina ma faila lelei mo le faigofie ona toe faamautū iai o faaiuga fai.

Tali mai Pulega

Sa faaalua e le pulega e tuuina mai minute i se taimi lata mai faamolemole.

5.22 Poloketi o Polokalame Faatekonolosi mo Aoaoga lautele i nuu ma afioaga mo le tausaga faaletupe na faaiuina 30 Iuni 2013

1. E iai tupe totogi atu e le'i atoa faamatalaga ma pepa moomia. E fautuaina le vaega o poloketi ina ia ato'atoa ma lava faamatalaga moomia pe afai o le a totogi atu se seleni mai le poloketi.
2. E iai le talosaga mo tupe tala mai a le poloketi aofa'i USD \$214,314.46, ua le talia le faaaogaina o le \$48,610.51 mo le totogiina o lafoga toesea a le avanoa faigaluega o loo Vaaia le poloketi (Project Manager). Sa faamalamalama foi i le vaega suetusi, ona sa iai nisi o faamatalaga e le'i malamalama iai le Faletupe Atina'e o Asia. Sa talia e le Faletupe o Atina'e a Asia le faia o le avanoa fou lea mo se isi na te vaaia le poloketi, peita'i e le'i malie le Faletupe na te faatupeina. O le ala lea e le'i talia ai le faaaogaina o le vaegatupe \$48,610.51.
3. Sa maitauina nisi o fale sa faia mo se nofoaga fai meaaoaga a le nuu ua tulaga faaletonu, ua tutulu le tele o fale, ua mafafia le pefu i potu faapea masini komipiuta ona loka ua le o toe faaaogaina. O nisi fale ua lē atoa masini pe ua ave foi e faaaoga i le fale mo nisi matafaioi. E le'i lelei ma ato'atoa foi le makaina o aseta i luga o lesitala, ona ua misi nisi o aseta. Sa maitauina foi ma le faanoanoa, e lē vaaia faalelei e nisi o faiaoga ma afioaga meatotino ua tuuina atu mo le agai i luma o le ola a'oa'oina.
4. Sa iai foi nisi o meatotino a le poloketi sa ave faagaoi mai totonu o lotoā a aoga aemaise foi le ofisa tutotonu. Sa taulima e le vaega su'etusi le lipoti a leoleo i le Aso 25 Iulai 2014. O nisi nei o fautuaga sa tuuina mo le silafia e le vaega a le poloketi:
 - fautuaina le vaega poloketi ina ia inisiua uma meatotino sa ave faagaoi i le Aso 22 Fepuari 2014
 - mautinoa o loo malu puipuia nofoaga o le teu iai aseta a le poloketi nei
 - ia faatino pea i aso uma ni siaki poo ni asiasiga e mautinoa ai o loo teu lelei ma atoa uma aseta o loo teuina
 - ia lesitalaina ma makaina lelei aseta uma e tuu atu i aoga
 - ia resitalaina na o aseta ua maea taulimaina, e lē aofia ai o loo i le faleoloa
5. O le tele o aoga e le'i iai ni taiala tusitusia mo le faaaogaina o masini komipiuta faapea isi masini eseese. Sa faamanino e pule aoga mai latou o loo vaia nei meatotino, e leai ni taiala tusia ua taulimaina mo pe vaaia lelei o meatotino. O le ala lea ua faatino ai o se tasi vaega taua o lenei poloketi le faia lea o ni taiala tusia ina ia manino ai pule aoga ma i latou ua vaaia meatotino i auala e tausi lelei ai ma faaaogaina faalelei ai nei meatotino mo aoaga.
6. E leai ni polokalame lagolago ma ni fuafuaga e ūaia ai nuu ma afioaga e faaaoga tatau nofoaga nei mo aoaga. O le ala foi lea ua faatino ai o se tasi o vaega taua o le poloketi, le fautuaina lea o ni polokalame e mafai ai ona toso mai ma ūaia ai nuu ma afioaga e faaaoga tatau nofoaga nei.

5.23 Polokalame mo Fuafuaga i vaega eseese mo le tausaga faaletupe na faaiuina 30 Iuni 2014

1. E le'i mafai ona fa'amautūina mai e le Ofisa o le Falema'i taimi sa faigaluega ai le toatele o lana aufaigaluega. O le mafuaaga o lea tulaga, o le lē mafai lea ona tuuina mai o Api saini moomia e faamaonia ai. Ua fautuaina le Vaega o le Ofisa o loo gafa ma le mata'itūina o api saini ma taimi faigaluega ina ia toe tagataga'i toto'a i nei vaega taua. O loo ua iai foi le talosaga a le Ofisa, pe maua se avanoa e toe tuuina mai ai api saini mo le iloiloga ona sa tele tuatuagia sa feagai ai le falema'i.
2. E le'i mafai ona fa'amaonia tupe sa totogi atu i se tasi o Konesale sa faafaigaluega e le Ofisa o le Falemai, ona e le'i iai se konekarate na tuufaatasia.
3. E le'i atoatoa le tapenaina ma le tuufaatasia o se Resitala mo Aseta. O le tele foi o Aseta faaleagaina, e le'i iai ni lipoti moomia mo aseta ua tulaga faaletonu. Ua faaalua e le Ofisa, o le a tapena lipoti moomia mo aseta ua tulaga faaletonu.

5.24 Poloketi mo le Fonotaga o Atu Motu Laiti Tauatie mo le piriota 1 Aperila 2013 – 31 Tesema 2014

1. Sa maitauina i le suega o tusi, e iai seleni sa tauaao mai le Vaega o poloketi a Niusila faapea le Ofisa Emepasa a Take e le'i fa'aaogaina i taualumaga o le fonotaga mo Atunuu laiti tau atia'e. Peita'i o loo manino i totonu o le maliliega ma le Ofisa a Niusila, le tatau ona faatauina ai o ni tane vai, ui i lea, o loo taatia lava nei seleni e le'o faaaogaina.
2. E moomia lava ona aveesa lafoga taofiofi pe a totogi atu se tupe mo tagatanuu a Samoa o loo faatinoina ni galuega faufautua faapitoa mo le poloketi ina ia tusa ai ma le tulafono o lafoga o tupe maua 2012 vaega 95. Peita'i o le tele o galuega faufautua sa totogiina, e le'i aveesea lafoga taofiofi e 10%. Ua talia e le matagaluega le fautuaga ina ia usitaia vaega o le tulafono.
3. E le'i mafai ona faailoa i luga o pepa o faamatalaga mo tupe totogi le aofa'i o le lafoga o oloa ma galuega faatino. Sa iai se tusi mai le aumalaga a Europa i le Minisita o Tupe, e faamatala mai ai le auala e toe faaolaina ai seleni ua avea mo lafoga o oloa ma galuega faatino, e toe fetu'una'i ai polokalame faakomopiuta o loo faaaogaina ina ia manino ai se aofa'i o lafoga o oloa ma galuega faatino. Peita'i e le'i mafai ona usitaia ma faatinoina tulaga sa moomia mai ona fai. Sa faaalua e le matagaluega sa faaoga se tasi o polokalame masani i luga o komipiuta e tuufaatasia ai se aofa'i o lafoga o oloa ma galuega faatino e toe faaolaina i le au Europa.
4. E le'i manino lelei le tele o faamatalaga sa fa'aaogaina e faamaonia ai tupe totogi atu mo konekarate, ma ua faigata ai foi ona fai le galuega faapaleni aga'i i lipoti mai le polokalame faakomopiuta i faamatalaga tau tupe a le malo.
5. Sa maitauina e le Ofisa suetusi, le faia lea o se teugatupe faapitoa mo tapenaga o le Fono mo atunuu laiti tau atia'e i le tausaga faaletupe 2014-2015. Peita'i, o seleni na amatalia ai lenei teuga tupe, o se paleni totoe mai vaega tupe o le tala faatatau o le tupe mo galuega faatino a le malo (MOF Below Line 1-9052-N26 o le tausaga faaletupe 2013/2014. O le mafuaaga o lenei uluai seleni ina ia mafai ona faaaogaina nei seleni totoe o le tausaga ua mavae 2013-2014 e totogi atu ai nisi o aitalafu i le tausaga 2014-2015. Ua talia e le Matagaluega fautuaga tuuina atu ina ia faaitiitia se aafiaga i le fegasoloaiga o tupe a le Malo.
6. E iai tupe faaleoleo sa tapena mo le fonotaga, peitai fa'ato'a tuuina mai lipoti moomia i le faaaogaina o tupe faaleoleo ua aulia Fepuari 2015. Ua le usitaia tulafono ma ta'iala o loo aiaia ai galuega ma faamatalaga tau tupe. E tatau ona tuuina mai se lipoti i le faaaogaina o nei tupe faaleoleo i totonu o le sefulu fa aso talu ona tuuina le seleni. Ua fautuaina le Matagaluega ina ia usitaia taiala ma tulafono.
7. E iai tupe toesea ae toe totogi atu mo konekarate sa fausia ma toe faaleleia fale mo le fonotaga e \$1.6 miliona le aofa'i. Sa maitauina e Ofisa Suetusi, fuafuaga mo le toe faaleleia atili o le fale'au aua taaloga o Malo o le taupulega e faia mai i Samoa. Peita'i e le i totogiina lava seleni toesea ae toe totogi atu mo galeuga faaleleia sa faia mo tapenaga o le fonotaga. O le mafuaaga o le tuai, ona e moomia tusi faamaonia mai le konekarate e faamaonia ai ua maea se galuega sa faatino. Ua na o le tolu tusi faamaonia mai konekarate e sefulu lima sa faatautaia galuega. O le atili faigata ai lea ona faamaonia pe ua maea ma lelei galuega sa faia. Ua faigata ai foi ona iloa tonu se aofai e totogi atu mai seleni toesea ae toe totogi mulimuli.
8. E iai aitalafu i pili o le vai ma le molī e \$1.2m le aofai. Sa logoina foi le Ofisa i le isi pili mai le EPC e \$600,00, peitai e leai ni faamatalaga poo ni faamaumaga e faamaonia ai. O le popolega a le Ofisa Suetusi o le leai lea o se seleni fa'aagaga o totoe mo nei aitalafu. Ua mautinoa foi le faaitiitia i le \$2.6 miliona le tala faatatau

faaaopopo muamua o le tupe ae o loo iai tupe fia totogi atu mo konekarate e \$1.6 miliona lona aofaiga. Ua talia e le Matagaluega fautuaga tuuina atu, sa faaalua foi le naunauta'iga ina ia totogiina pea aitalafu o loo iai e faaaogaina ai le teugatupe faapitoa a le Malo #445187. Ua ia foi le fuafuaga e aofia i le tala fa'atatau o le tupe 2015-2016 tupe fia totogi atu mo konekarate e \$1.6 miliona.

9. Sa maitauina ni eseese i le aofa'iga o aseta e tataua ona iai. Ua iai aseta ua sili atu i lo aofa'i e tataua ona iai, ua iai foi aseta ua faaitiitia nai lo le aofai e tataua foi ona iai. O le ulu'ai faitauina o Aseta sa faia e le Ofisa o tupe, sa aofia ai na o aseta sa faaaogaina mo le fonotaga, faapea aseta o loo i totonu o le nofoaga sa faia le fono a Atumotu laiti tau atia'e (SIDs). E le'i aofia i le uluai faitau, aseta e le'i faaaogaina mo le fono. E iai aseta e le'i faaaogaina sa teuina ese mai le nofoaga sa faia ai le fonotaga, ae sa iai foi se vaega o aseta e le'i faaaogaina sa teuina i nofoaga sa faia ai le fono. Ina ua lata i le aso e amatalia ai le fonotaga, sa toe iai fesuia'iga moomia i aseta mo nofoaga eseese o le fono ina ia utagia ai mana'oga a le Ofisa Failautusi a Malo Aufaatasi. O fesuia'iga nei o aseta na iai eseese o aseta mai le uluai faitau. Ina ua maea le fonotaga, sa faia galuega faaleleia mo le Falea'au ia Oketopa/Novema 2014, sa faaaogaina le Faletaalo Numera 1 i nisi o taaloga faavaomalo ia Tesema 2014, ma o aseta uma lava sa i totonu o nei fale, sa tuuina atu mo le teuina i le faletaalo numera 2 faapea le nofoaga matamata o le taaloga o le hockey.

5.25 Poloketi i le Fesoasoani tuuina atu mo le Tusigaigo a le atunuu aoao 2011, mo le piriota 1 Aperila 2010 – 31 Tesema 2014

1. E sefulu valu isi poloketi eseese o loo faatupeina mai le Malo o Ausetalia o loo fa'amauiina ma lipoti i lalo o le faamatalaga lautele tau tupe e tasi. E aofia i le sefulu valu lea le poloketi o loo faatinoina le suega o tusi. E tataui i le Ofisa o tupe ona lipoti ta'itasi poloketi nei i ni a latou lava faamatalaga tau tupe, ina ia mafaia ai ona faigofie ma lelei le fa'amauiina ma le fa'amaonia o seleni. Sa taumafai le Ofisa e tuufaatasia uma ise lipoti se tasi poloketi nei, peitai ua talia le fautuaga tuuina atu. O le a fa'aauiua pea e le matagaluega ona mata'itu le faagasologa o polokalame aemaise le fa'aaogaina o seleni, faatasi ai ma le faia o Suega o Tusi mo poloketi taitasi ina ia manino i totonu o lipoti moomia.
2. Ina ua maea iloiloaga a le Suetusi i le Maliliega mo le Poloketi No.62406, o nisi nei fuafuaga sa lē mafai ona usitaia:
 - Ua teuina tupe o le poloketi i le teugatupe i le Faletupe tutotonu o Samoa, nai lo le Faletupe o le ANZ pei ona iai i totonu o le maliliega fuaiupu 19;
 - E lua fonotaga sa faatautaia e le CTSC, peitai o le fuaiupu e 24 o loo iaie faatautaia e le CTSC ma le Malo o Ausetalia fonotaga i le uma ai o le ono masina, poo se taimi foi e malilie uma iai;
 - E le'i iai lava ni lipoti faagasolo o galuega mo le ono masina pei ona iai le fuaiupu 31
 - E le'i faatinoina lava se suega o tusi i tausaga uma pei ona iai le fuaiupu 40 o le maliliega

E fautuaina le vaega o le poloketi ina ia utagia lelei Maliliega ua maea sainia mo poloketi, o le usitaia o le maliliega e mauiluga ai le faatuatuaga a Malo nei mai fao i le faaaogaina o seleni e le tatou malo.

3. Sa iai nai eseesega a le lipoti o tupe faaaoga a le vaega o le poloketi ma le lipoti mai le polokalame faakomipiuta o loo faamauiina faamatalaga tau tupe a le Malo. E fautuaina le toe silasila i aofaiga o tupe sa faaaogaina. Faaalia e le vaega poloketi o le a faasa'o le latou lipoti agai le lipoti ua taua.
4. E le'i mafai ona ato'atoa tapenaga o tupe totogi mo alauni ona e le'i iai ni faamatalaga o le totogi faataui i le itula, ua na o pepa mo itula faigaluega sa i le faila. Ua fautuaina le vaega o poloketi ina ia ato'atoa tapenaga moomia mo tupe totogi atu i alauni.
5. E le'i atoatoa le tapenaina ma le tuufaatasia o se Lesitala mo Aseta na faatauina i lalo o le poloketi talu ona amata mai. O le mafuaaga lea sa faigata ai ona iloa le aofaiga o aseta sa faatauina ma faaaogaina e le poloketi. Ua fautuaina le vaega o poloketi ina ia tuufaatasia se lesitala mo aseta. Sa faaalia ele Matagaluega, o le vaega o Auaunaga lautele e gafa tonu ma le tuufaatasia o lesitala o aseta mo le ofisa atoa. O le ala lea o le lē silafia e le vaega o poloketi o se aofa'i o aseta, ne'i fesopoa'i tiute aga'i i aseta a le Matagaluega. Ae o le faaaogaina e le Matagaluega fautuaga mo le lumana'i.
6. E le'i tapenaina ma tuufaatasia se lisi mo Aseta ua lē toe aoga ae sa faatauina mo le poloketi i le 2011. Ua talia e le vaega o poloketi le fautuaga mo le aga'i o le poloketi.
7. E lē mafai ona fa'amauiina ma aloaia mataupu talanoaina pe afai e le o sainia e le ta'ita'i fono a le komiti minute o fonotaga sa faatautaia. Ua faaalia e le vaega o poloketi o le a silasila i tulaga pei ona fautuaina i minute.

5.26 A'oa'oga mo tomai faapitoa faapea matata eseese mo le tausaga faaletupe na faaiuina 30 Iuni 2014

1. O le ālafua faataatia sa faamoemoe e fa'amaea ia Tesema 2013, ua toe fa'aauau ia faama'ea i le 2014.

Sa fa'aalia e le Ofisa, o le ālafua faataatia lea ua fa'aauauina i lalo o le TVET Road Map 2 (DFA No 69061) o le a suia ma faamoemoe e fa'amutaina i le aso 30 Iuni 2014.

O le lipoti faagasolo lona lima, o loo faamatala ai galuega faatino o le 6 masina ua tuana'i mo le tausaga faaletupe 2012/13 faapea nisi o fuafuaga maitauina fou i lalo o le ālafua faataatia mo le TVET Roadmap 2. Peita'i o fuafuaga fou nei o le ālafua faataatia ua taofia seia maea ona sainia le Feagaiga mo le faatupeina

O le poloketi DFA No.69061 o le fa'aauauina lea o le faatupega mai le DFAT, lea sa faatupeina ai foi le poloketi Cash Grant Agreement No.59178. Sa iai le maliliega o le a toe tuu atu i tua le aso e faamuta lea poloketi mai ia Tesema 2013 i le Iuni 2014.

O le lipoti faagasolo lona ono, sa lipotia ai galuega uma o loo faagasolo mai ia Ianuari seia oo ia Iuni 2014. E ui o loo ua faaoga nisi o auala mai le la'asaga lona lua o le poloketi e ta'iala ai polokalame faagasolo a le poloketi. O le tele o galuega ua maea i totonu o le ono masina lea e taua i luga, o galuega mai le laasaga muamua o le poloketi (Stage 1). Ua mafua lea tulaga ona sa aumai se faamaoniga mai le DFAT ia Aperila, o le a toe faafo'i seleni o le laasaga muamua pe a maea ifo Iuni 2014 e le'i faaogaina.

Talu ai e le'i mafai ona faamaonia i le ulua'i maliliega le toe suiga o le aso e tapunia ai le poloketi i le 20 Iuni 2014. Ua toe talosagaina e le Ofisa o tupe the pulega ina ia tuuina mai minute o fonotaga sa soalaupuleina ma faamaonia faatasi ma sui o le DFAT le suiga o le aso e tapunia ai le poloketi.

6. SUEINA FAASUETUSI O FAATINOGA O GALUEGA

6.1 Sueina faasuetusi o faatinoga o galuega, tausisia ma siosiomaga tau le galuega

Sueina Faasuetusi o Faatinoga – Matagaluega o Galuega, Toe Iloiloga o Fautuaga e le Komiti mo Ofisa o le Palemene 2015

Sueina Faasuetusi o Faatinoga – Matagaluega o Galuega, Toe Iloiloga o Fautuaga e le Komiti mo Ofisa o le Palemene 2015

Mataupu	Tulaga
1. Talatautupe o Tupe Toe-totogi Mai	Faatino se vaega

Mataupu Suetusi 2008: Sa matauina le vaivai o puipuiga i luga o le aoina o lisi ma togi-pau a e mau-totogi, ma o le taunu'uga o se tasi o le au mau-totogi ua alu ese ma Samoa e le i totogia mai le \$8,720 o aitalafu tu'ua o le mau-totogi.

Tali a le Matagaluega i le Lipoti Fa'aletausaga 2009/10: O taumafaiga a le Matagaluega e avea ai ma sui o le Komiti o Fale a le Malo mo le toe fa'aolaina mai o le \$8,720 o aitalafu tu'ua mai le na nofoia le fale ua le manuia ona ua malaga i atunu'u mamao lē o lo'o a'afia. Matou te manatu e talafeagai le talosagaina o le Loia Sili ina ia uia ala fa'aletulafono aga'i i le o lo'o a'afia pe a toe talia mai i fanua.

Faamaoniaga Suetusi: Sa matauina mai tusitusiga i le va o le Matagaluega ma le Ofisa Suetusi le tuuina atu o le mataupu nei i le Loia Sili ma o loo talia pea le toe talia mai atunu'u mamao o lē a'afia i le aitalafu. O lea faaiuga sa faamauina mai le fonotaga a le Komiti o Fale a le Malo ae le i faamatuuina atu lea galuega tauave a le Matagaluega i le Faalapotopotoga o Fale o Samoa. O lea ua lē toe iai se noatiaga a le Matagaluega e saili le aitalafu toe totogi-mai. Peita'i o lo'o mautu le Ofisa Sili o Pulega e tumau le aitalafu ona o lea sa tulai mai ao faatino i lalo o galuega a le Matagaluega.

2014 Vaaiga Matauina: Sa faailoa ma i le suetusi sa faatino iloiloga i le taimi ua tuanai e se kamupani ma le Pulega o le Matagaluega o Tupe. Sa lē mafai ona maua mai e le suetusi ni fa'amaumauga e fa'amaonia ai ia iloiloga e fa'atatau i mataupu sa laga i le lipoti o le tausaga 2010.

Mataupu Na Maua i le Su'ega: Ua lē toe iai se noatiaga a le Matagaluega ae peita'i o le a tuuina atu i tua e talia le toe talia mai o lē a'afia i le aitalafu mo le toe faaolaina mai o le tinotitupe. Ua tusa ma le 7 tausaga o tuua le aitalafu.

Gaoioiga Sa Faatino

Sa tuuina atu aloaia ile Faalapotopotoga o Fale o Samoa mo le faagaoioiga ma le faatinoga o galuega e tusa ma le FK(12)28 o le aso 16/08/2012.

Mataupu	Tulaga
2. Fa'amutaina o le Faafaigaluega	Sa Faatinoina

Mataupu Suetusi 2008: Na fa'amutaina e ala i le fa'amavae se tasi o le aufaigaluega i le aso 30 o Aperila 2008 peita'i na maua lava lona totogi e o'o i le aso 01 o Iuni 2008 ma tula'i mai ai se aitalafu i le Malo i le \$733.34.

Tali a le Matagaluega i le Lipoti Fa'aletausaga 2009/10: I lo matou manatu o le totogi fa'asili e \$733.34 e mana'omia se fa'amalamalamaga mai le Matagaluega o Tupe talu ai ona o fa'amaumauga talafeagai mo lona fa'amavaega e afua mai le aso 30 Aperila 2008 sa mua'i tu'uina atu i le Matagaluega o Tupe, ma o lona totogi ma fa'amanuiaga o lona fa'amavaega sa totogi i le Aso 6 Me 2008. A mae'a loa totogi fa'ai'u ma

fa'amanuiaga o le fa'amavaega na faia, o le taofia o ni isi totogi fa'aopoopo, e tatau lava ona fa'atino e le Vaega Fai Totogi o le Matagaluega o Tupe.

Faamaoniaga Suetusi: Sa matauina mai le iloiloga o tusitusiga ma pepa aloaia mai le Matagaluega ua fa'aleleia lea mataupu talu mai le vaitau sa lipotia ai.

Tausaga Fa'aletupe	Faamatalaga
2008	Mataupu laga ma toe fa'aolaina mai
2009	Leai se mataupu
2010	Leai se mataupu
2011	Leai se mataupu
2012	Mataupu laga ma toe fa'aolaina mai
2013	Leai se mataupu
2014	Mataupu laga ma toe fa'aolaina mai

O le fa'asologa o tausaga o i luga e fa'atatau i le mataupu o lo'o fa'ailoa mai ai sa talafeagai ona fa'atinoina e le Matagaluega. Sa matauina fo'i i gaioiga toe fa'aleleia i tusi fa'apulega ua tuana'i o le mafuaaga autu o le mataupu laga o le fa'atinoga lea o le fa'amutaina o totogi e le Matagaluega o Tupe o le aufaigaluega sa fa'amutaina. Sa matauina i pepa aloaia talafeagai ma aso o gaioiga sa tuuina mai o le tulaga o totoe na fa'atino o lo'o i tua atu ma le pulega a le Matagaluega. Sa tuuina atu fo'i i le Matagaluega o Tupe ma le Komisi o le Aufaigaluega o Galuega a le Malo mo se fa'amatalaga fa'aopoopo.

Gaioiga Sa Faatino

Sa faamaonia o le tupe totogi faasili ua mae'a ona toe fa'aolaina mai i lea vaitau sa iloiloia.

Mataupu	Tulaga
3. Api Saini	Sa Faatinoina

Mataupu Suetusi 2008: E leai se Api Saini e fa'amaui ai le auai i galuega, ina ia fa'amaonia ai ia totogi ma fa'amanuiaga aemaise ai le iloiloga o galuega fa'atino i le vaega e i ai Komiti Fa'atonu o Fela'ua'iga, Vaega o Va'alele Savili, Vaega o Fale ma le Vaega o Auala.

Tali a le Matagaluega i le Lipoti Fa'aletausaga 2009/10: Ua i ai se faiga fou mo api saini. Talu mai Iulai 2009 o tagata faigaluega uma a le Matagaluega ua moomia le saini i le api saini e tasi fa'atua i le faiga tuai lea e tofua le vaega ma le latou api saini. O le Vaega o Auaunaga Lautele ua nafa nei ma le mataituina o le api saini. O fa'amanatu ua mae'a fa'alauiloga e ala i le feau fa'alotoifale ma ua faitauina uma le le auai i le galuega e aunoa ma se fa'ano'i o aso malolo e le totogia.

Faamaoniaga Suetusi: Sa matauina mai le api saini ua faatinoina atoatoa le fautuaga sa laga i le su'ega. E matauina mai le latou tali o le aufaigaluega uma a le Matagaluega e saini i le api saini e tasi. E tuuina atu le api saini i le Ofisa Sili i aso taitasi i le taimi o le 9:15 i le taeao mo le mataituina o le aufaigaluega. O le aufaigaluega e saini pe a mae'a le siaki a le Ofisa Sili i aso taitasi e fa'amauiina e tuai. O le aufaigaluega e vaaia Tagata Faigaluega e nafa fo'i ma lipoti ta'i lua vaiaso i le Ofisa Sili mo le auai i galuega o le aufaigaluega atoa. Sa matauina fo'i o api saini uma talu mai le amataga o suiga i pulega sa lelei ona fa'amauiina e le Matagaluega.

Gaoioiga Sa Faatino

Ua faamauina le faaleleia o lea tulaga i le taimi nei. E tasi le api saina o faaogaina ae lē o api saina mo vaega taitasi.

Mataupu	Tulaga
4. Aseta	Sa Faatinoina

Mataupu Suetusi 2008: E tele ni asetaga taugata na fa'atupeina i le tala faatatau o tupe a le Matagaluega ua leiloa mai nofoaga sa tataua ona i ai. O nisi o nei meatotino e i ai masini talavalava, pusa aisa, ogaumu, nofoa ta'avili ma kapeneta o faila, masini-pu'eata, laulau-'ai, ma nofoa ma nisi asetaga e pei ona i ai i Fa'amatalaga fa'aopoopo, ae le i lipotia mai lava e le au-asiasi a le Komiti o Fale. E leai ni fa'amaumaga o nei asetaga o ta'ua i Minute o fonotaga a le Komiti Fa'atonutonu o Fale.

Tali a le Matagaluega i le Lipoti Fa'aletausaga 2009/10: O le fautuaga i asetaga ma lesitala o asetaga ua fa'amau ma talia mo le fa'aleleia. Ua i ai nei se faiga fa'avae mo asetaga ma o asetaga sa lipotia le leiloloa ua maua nei sa fa'aaoga i isi nofoaga e ese mai nofoaga masani e aunoa ma se fa'amauina.

Faamaoniaga Suetusi: O lea mataupu ua lē toe iai i le Matagaluega ona ua tuuina atu lea galuega tauave i le Faalapotopotoga o Fale o Samoa i le tausaga 2011. Sa fa'atinoina e le Matagaluega se galuega tele mo le fa'aleleia o Fale o le Malo e fa'atatau i le vaaiga o asetaga, tulaga o fale ma isi tulaga tau pulega ae le i tuuina atu lea galuega tauave. O lea o le mataupu i asetaga sa fa'amae'aina ae le i tuuina atu ma sa fa'aititia ai se tulaga fa'aletonu.

Gaoioiga Sa Faatino

O asetaga na lipotia o asetaga tuai sa faaogaina e le Vaega o Fale o le Malo lea ua faamatuu atu i le Faalapotopotoga o Fale o Samoa i le taimi nei. O le Resitala o Meatotino Tumau o loo i luga o le Tulaga o Asetaga a le Malo i luga o le Faagaoioiga Faakomipiuta o le Finance One.

Mataupu	Tulaga
5. Lipoti o Mataupu Fa'aletonu	Sa Faatinoina

Mataupu Suetusi 2008: Fa'alavelave Tau ta'avale – Ta'avale Numela MWTI02. O le aveta'avale na alu i Vaitelega-uta e ave le fagu kesi a le Ofisa Sili, ae o le oso ai i luga o le patupatu, na leiloa ai le faleuga-tioata taupikiapu ae nate leiloa pe na fa'aapea ona tupu.

Tali a le Matagaluega i le Lipoti Fa'aletausaga 2009/10: Na fautuaina e le Matagaluega o Tupe, ina ia soloia le faleuga-tioata taupikiapu ae ia toe totogi e le Matagaluega se isi faleuga-tioata taupikiapu fou.

Faamaoniaga Suetusi: Sa tuuina mai le Lipoti o Mataupu Fa'aletonu faapea ma le fautuaga sa faia e le Matagaluega o Tupe. Ae peita'i sa matauina e le i fa'atinoina le toe suia o le faleuga-tioata taupikiapu ua soloia ona sa lē moomia. O le isi itu, o le ta'avale sa a'afia i le fa'alavelave sa lē moomia se faleuga-tioata taupikiapu pito i tua ona sa fuafua e soloia i lea vaitau. Sa iloiloina le lipoti o totogi o le aveta'avale faapea le lisi o gaoioiga fa'atino a le kamupani sa faatu mai ma sa fa'amaonia e leai se tupe totogi sa fa'atinoina po'o se toe fa'aolaina mai o le tau sa a'afia.

Gaoioiga Sa Faatino

O le tupe pau sa toe faaolaina mai i le avetaavale a le Ofisa Sili sa iai i lea vaitaimi. Sa tuuina atu se lapataiga malosia, sa toesea le totogi faigaluega faapea ai ma le toe faaleleia o le taavale.

6.2 Sueina Faasuetusi o Faatinoga –Galuega Faatino mo le Aoina ma le Tausiga o Otaota Lafoai 2014 Matagaluega o Punaoa Faalenatura ma le Siosiomaga

Sini Autu o le Su’ega

O sini autu sa fa’atino mo le su’ega:

1. O le iloiloina o le Matagaluega o Punaoa Faalenatura ma le Siosiomaga poo lelei ona mataituina ma puleaina le fa’atinoga o galuega fa’atino a kamupani fa’akonekarate;
2. O le iloiloina poo fa’atino le aoina o otaota lafoai i vaitau taitasi ma o loo fa’afoeina lelei e tusa ma aiaiga o konekarate.

Tulaga Lautele o le Su’ega

Sa patino le su’ega i le matafaioi a le Matagaluega i le mataituina ma le fa’atonutonu i le fa’atinoga talafeagai o galuega fa’atino a kamupani fa’akonekarate ma fa’apea ona atagia ai le totogi o tinoitupe e fetau ma le galuega sa fa’atino. Sa iloiloina fo’i le fa’atinoga o konekarate e patino lava i tuutuuga ma aiaiga o konekarate ua fa’amaonia. O le su’ega sa aofia ai le vaitau fa’ale-tupe mai ia Iulai 2013 ia Iuni 2014.

Mataupu Na Maua i le Su’ega ma Fautuaga

1. O le iloiloina o le Matagaluega o Punaoa Faalenatura ma le Siosiomaga poo lelei ona mataituina ma puleaina le fa’atinoga o galuega fa’atino e kamupani fa’akonekarate

1.1 Sa lē fa’amalosia le Tulafono o Fa’afoeaga o Galuega Tau Otaota 2010

Sa matauina otaota o loo lafoai i nofoaga lautele fa’apea nofoaga tu’ufua. Sa fa’ailoa mai ai le lē fa’amalosia e le Matagaluega o le Tulafono o Fa’afoeaga o Galuega Tau Otaota. E tusa ai ma le fuaiupu 22 o le Tulafono, o le fa’amalosia e fa’atino e leoleo, tagata ofisa o le siosiomaga ma so o se isi tagata ua fa’amaonia e le Ofisa Sili o Pulega.

Fautuaga: E fautuaina le Matagaluega e fa’amalosia le Tulafono o Fa’afoeaga o Galuega Tau Otaota 2010.

Tali a le Matagaluega: O le fa’amalosia o le Tulafono o se lu’itau tele i le Matagaluega. E tele ni fa’alauiloa o fa’asalalauga i le lautele o le atunuu ma le fa’amoemoe e taofia ai le lafoa’i fa’asolitulafono o otaota ma suia ai manatu masani o le atunuu lautele. Sa fa’atino fo’i e le Matagaluega polokalame o aoaoga e fa’atatau i le fa’amalosia o le Tulafono o Fa’afoeaga o Galuega Tau Otaota 2010 fa’apea ma isi tulafono e taasisia. E tusa ma le 40 tagata ofisa ua fa’amaonia o lo’o i ai le pule fa’atagaga e fa’amalosia ai le Tulafono i so’o se taimi e solitulafono ai se tagata e pei o le lafoa’i fa’asolitulafono o otaota. O nei fa’atinoga o ni gaoioiga e fa’amautuina ai le fa’afoeina atoatoa o tuutuuga o le Tulafono o Fa’afoeaga o Galuega Tau Otaota 2010. O le isi itu, e fa’amoemoe le Matagaluega i paaga ma le atunuu lautele e galulue fa’atasi i le lipotia atu i le Matagaluega o so’o se fa’atinoga fa’asolitulafono. O le a fa’aauau le galue punouai ia taasisia tuutuuga uma.

E tusa ma le sefulu fa (14) tagata faigaluega o loo leoleoina nei le nofoaga i le taulaga o Apia e avea o le vaega o le faamamaluina o tulafono a le Matagaluega. Sa aoaoina lata mai nei i le faamamaluina o tulafono ma ua avea nei o Ofisa Aloaia e suesueina gaoioiga faasolitulafono e faaopopo i Ofisa Aloaia o loo iai nei.

1.2 Sa lē fa'amautuina le Taiala o Otaota 2008-2018

Sa matauina i le taimi o le su'ega o le Taiala o Otaota 2008-2018 sa lē fa'amautuina ma fa'amaonia. O le Taiala e fa'ailoa ai i le Matagaluega le fa'atinoga o le iloiloina o galuega fa'agasolo ma le fa'afoeina o le aoina ma le tausiga o otaota lafoai.

Fautuaga: E fautuaina le Matagaluega e fa'amautu ma fa'amaonia le Taiala o Otaota 2008 – 2018.

Tali a le Matagaluega: O lo'o iloiloina nei e le Vaega mo le Fa'asaoina o le Siosiomaga a le Matagaluega le Taiala o Otaota ina ia aofia uma vaega tau le tausiga o otaota. Talu ai o lo'o i ai Faiga Fa'avae fa'amaonia mo Otaota tau Vailaau ma Otaota Matautia 2012, o le a iloiloina e le Vaega o Otaota Faitino i lalo o le Vaega mo le Fa'asaoina o le Siosiomaga le Taiala o Otaota Faitino 2008-2018 ina ia taofia ai le sautualua. O lo'o fuafua e tuuina atu e le Matagaluega e ala i le Vaega mo le Fa'asaoina o le Siosiomaga le Taiala o Otaota sa iloiloina mo le fa'amaoniaga aloaia.

1.3 Sa leai se faiga fa'avae mo le mataituina ma le puleaina

Sa fa'atino e le Matagaluega ana matafaioi o le mataituina ma le puleaina o galuega fa'atino o le aoina ma le tausiga o otaota lafoai e kamupani fa'akonekarate e aunoa ma se faiga fa'avae tusitusia. O galuega fa'atino e aofia ai asiasiga o galuega, tali i fa'asea a le atunuu lautele, fa'alauiloa lautele ma lipoti o le mataituina e tataua ona fa'amatalaina manino i se faiga fa'avae ina ia fa'amauina ma fa'atino lelei ai matafaioi.

Fautuaga: E fautuaina le Matagaluega e fa'atino ma fa'amaonia se faiga fa'avae manino ma matafaioi tauave a le Matagaluega mo le aoina ma le tausiga o otaota lafoai.

Tali a le Matagaluega: O le puleaina o galuega fa'atino mo otaota fa'akonekarate o lo'o fa'afoeina i lalo o konekarate. O le Tulafono o Fa'afoga o Galuega Tau Otaota 2010 o lo'o fa'ailoa manino ai matafaioi ma galuega autu a le Matagaluega e ala i le Vaega mo le Fa'asaoina o le Siosiomaga e fa'atatau mo le fa'afoeina o otaota. E talitonu o le isi tulaga mo le agai i luma o le iloiloga o Faiga Fa'avae/Taiala o Otaota ma le fa'atuina o Tulafono Fa'atonutonu e limataitaiina ma fa'atonutonu ai le fa'atinoga o galuega fa'atino ma gaoioiga uma mo otaota.

1.4 Sa leai ni konekarate mo fesuiaiga

Sa fa'aopopo le ono masina i le konekarate aoina le otaota e tusa ma le fa'amaoniaga a le Komiti Fa'atino o Tauofoga a le Malo. Ae peita'i e leai ni konekarate sa sainia mo le tulaga fa'aopopo. O le taunuuga e le i tausisia e le Matagaluega taiala ma faiga lelei tau pisinisi ma aiaiga fa'ale-tulafono.

Fautuaga: E fautuaina le Matagaluega ia iai ni konekarate talafeagai ma ia tausisia manaoga fa'aletulafono.

Tali a le Matagaluega: Ua mae'a fa'amaonia e le Komiti Fa'atino o Tauofoga le fa'aopopoga i le umi o konekarate tau otaota aemaise lava Otaota Lafoai, Tausiga o nofoaga e fa'aputu i ai otaota ma galuega mo le aoina o otaota. Ua mae'a ona aloaia e le Loia Sili le fesuiaiga o konekarate o lo'o i ai nei a'o talia le fa'amautuina ma le iloiloga o le auivi o le faiga paaga a le Malo ma Pisinisi Tumaoti (PPP) mo le fa'afoeina fesoota'i o otaota ia o gatasi fa'apea le fa'alapotopotoga tau tupe fa'ava-o-malo IFC ma le Matagaluega o Tupe mo le iloiloga ma le faamaoniaga a le Kapeneta.

1.5 Sa fa'atapulaa le fa'alauiloa mo le atunuu lautele

Sa mua'i fa'atinoina e le Matagaluega ni polokalame fa'alauiloa talu mai le amataga o galega fa'atino mo le aoina ma le tausiga o otaota lafoai. E tusa ai ma fa'atalanoaga ma le atunuu lautele, o le toatele o aiga sa fa'atapulaa po'o le leai o se silafia o galuega fa'atino ma matafaioi o taua i lalo:

- Ituaiga o otaota fa'atagaina ona aoina e kamupani fa'akonekarate
- Aso fa'atulaga mo le aoina o otaota tetele
- E mafai ona tuuina atu fa'asea a tagata pe a fa'aletonu galuega fa'atino a kamupani fa'akonekarate
- E tataua ona talafeagai ma malu puipuia pusa otaota/fata otaota;

Fautuaga: E fautuaina le Matagaluega e fa'atino fa'aauau pea polokalame fa'alauiloa mo le atunuu lautele.

Tali a le Matagaluega: O lo'o fa'atino e le Matagaluega ana fa'alauiloa e ala i Fono a Pule'uu, afioaga ma tulaga tau fa'asalaulauga. O le tele o aiga ua silafia nei aso fa'atulaga o le vaiaso mo le aoina ai o otaota. O loo tumau pea le moomia ona fa'atino nisi polokalame fa'alauiloa mo le atunuu lautele ina ia silafia atoatoa le aoina o otaota ma le fa'amalosia o le fausia o fata ma pusa otaota mo le aoina o otaota. I le agai i le lumanai, o le a fa'aauau ona fa'aleleia le galulue fa'atasi ma le Matagaluega o Tina, Tamaitai, Atina'e o Nuu ma Afioaga ma Agafesootai i tulaga o galuega ma latou faiga paaga ma fa'atulagana ua fa'atuina e iai Fono a Pule'uu, Sui o Tina ma Tamaitai e ala i le Komiti o Nuu ma le Autalavou. O le isi itu, o le fa'alauiloa o le galulue fa'atasi ma le Komiti Faufautua a le Minisita ina ia iai le lagolagosua a afioaga fa'apea ai tagata taitasi. E manatu le Matagaluega o fa'asalaulauga e le o se fofo atoa i le fa'afoeina o otaota ma le fa'alauiloa i le atunuu lautele. O le galulue soosoo tauau ma nuu ma afioaga o le a fa'aleleia ai le fa'alauiloina mo a tatou tagata.

1.6 Sa le atoatoa fa'amatalaga mo lipoti

Sa iloiloaina e le Vaega o Fa'afoeina Galuega Tau Otaota a le Matagaluega ia galuega fa'atino a kamupani konekarate e auala i asiasiga e mataitu ai ae peita'i sa leai ni fa'amaumauga talafeagai ma ni lipoti e fa'amaonia ai ia asiasiga. I le fa'aiuga o le masina sa tapenaina ai lipoti e pei ona moomia ai i le fa'agasologa o tupe totogi. O le taunuuga o le le atoatoa o fa'amaumauga o asiasiga o le tulaga le sa'o o fa'amatalaga.

Fautuaga: E fautuaina le Matagaluega e fa'aleleia le tausia o fa'amaumauga i vaega e pei ona ta'ua.

Tali a le Matagaluega: Sa tuuina atu nei lipoti a le Vaega o Fa'afoeina Galuega Tau Otaota mo tupe totogi uma talu mai le amataga o le tausaga 2014. E le fa'amatuu atu le tupe totogi pe afai e le i aoina le otaota mai sone. O lo'o mo'omia le si'itia o tupe fa'atatau fa'aagaga mo penisini ma si'itia le aofa'i o tagata faigaluega e fa'atino le mataituina i totonu atoa o Samoa. O lo'o galulue lalata le Matagaluega o Tupe ma le fa'alapotopotoga IFC – Faletupe o le Lalolagi i auala e foia ai lea fa'afitauli ina ia fa'afoeina ma taunuu lelei le puleaina o otaota faitino i le tausaga 2015.

O lipoti i le mataituina ua avea o se vaega faamalosi mo le faagaoioia o tupe totogi.

a. Sa leai ni fa'amaumauga mo le ulufale o kamupani fa'akonekarate i itula pe a mae'a taimi faigaluega i le nofoaga e fa'aputu i ai otaota i Tafaigata

Sa leai ni fa'amaumauga a le aufaigaluega i Tafaigata i le tusi fa'amaumau mo kamupani fa'akonekarate sa ulufale i le nofoaga e fa'aputu i ai otaota pe a mae'a taimi faigaluega. O le tusi fa'amaumau sa fa'aaoga e fa'amaonia ai po'o aoina e kamupani fa'akonekarate otaota e tusa ma maliega sa fa'amaonia.

Fautuaga: E fautuaina le Matagaluega e iloiloina ia taimi ulufale i le nofoaga e fa'aputu i ai otaota i Tafaigata ina ia lelei le mataituina.

Tali a le Matagaluega: Ua aloaia nei itula amata ma itula e tapunia ai le nofoaga e fa'aputu i ai otaota e mai le 8 i le taeao i le 4 i le afiafi ma ua lē o toe tele ni otaota o aumai e ta'avale i Tafaigata talu mai le fa'atulagana fou sa fa'amalosia i le tausaga 2013. O lo'o fa'atumauiina pea e le Vaega mo le Fa'asaoina o le Siosiomaga lea suiga vagana ua i ai se tulaga fa'afuase'i pe e le i fuafuaina o lo'o mo'omia ai le tatala o le faitotoa mo le lafoaia o otaota.

b. Sa lē lelei le auaunaga na fa'atino i le Sone B2

E aofia i le sone B2 nuu ma alalafaga o Lepea, Vailoa Tai, Tulaele, Talimataui, Elise Fou, Vaitele Tai, Vaitele Uta, Vaitele Fou, Siusega, Saina, Faleula ma Falelauniu. Mai fa'atalanoaga ma tagata sa matauina ai le fa'aletonu tele o le auaunaga sa fa'atino e le kamupani fa'akonekarate. O le isi tulaga, sa fa'amaonia ma i le asiasiga o lea sone e maoa'e tele mo le fa'atinoga o le aoina o otaota e le loli fa'aputu otaota e tasi a le kamupani fa'akonekarate.

Fautuaga: E fautuaina le Matagaluega e iloiloina ma mataituina le kamupani fa'akonekarate o lo'o i ai le matafaioi ina ia fa'afoeina lelei le aoina o otaota.

Tali a le Matagaluega: O lenei sone sa fai iai tauofoga i le tausaga 2010 ae e le i tele ni aiga sa nofoia lea vaega o Vaitele. E maoa'e le siitia i le aofaiga o aiga sa nofoia ma fa'atauina fanua fou i vaega uma o Vaitele ma Nu'u ma isi vaega. Ua matauina e le Matagaluega lenei mataupu taua ma o lo'o galulue male kamupani fa'akonekarate i auala talafeagai e foia ai a'o talia le fetuunaiga fou e ala i le faiga paaga a le Malo ma Pisinisi Tumaoti (PPP) mo le fa'afoeina fesoota'i o otaota ia o gatasi i le tausaga 2015.

c. Sa lē lelei le tali atu i fa'aseā

Sa matauina sa iai fa'aseā mai le atunuu lautele i le fa'aletonu tele o le auaunaga a kamupani fa'akonekarate ae peita'i e le i fa'aaogaina lelei e le Matagaluega nei fa'amatalaga. O le fa'agasologa o le fa'atinoga o galuega a le Matagaluega e aofia ai le fa'atumauiina o pepa fa'atumu o fa'aseā i fa'amatalaga mai le atunuu lautele, lomaiaina ma le failaina o le pepa fa'atumu. Sa fa'alauloaina foi fa'aseā i tulaga o fa'asalalaua i le taimi o le iloiloa. Ae peita'i, sa leai ni fa'amaumaga o fa'amatalaga po'o ni gaioiga sa fa'atino e le Matagaluega e foia ai fa'aseā.

Fautuaga: E fautuaina le Matagaluega e fa'aleleia taualumaga i le fa'afoeina o fa'aseā mai le atunuu lautele.

Tali a le Matagaluega: Sa matauina e le Matagaluega e auala atu i le Vaega mo le Fa'asaoina o le Siosiomaga le atugaluga o le Ofisa Su'etusi ma ua fa'atinoina nei le tausiga lelei o fa'amatalaga mo fa'aseā uma.

2. O le iloiloina poo fa'atino le aoina o otaota lafoai i vaitau taitasi ma o loo fa'afoeina lelei e tusa ma vaega o konekarate

2.1 Sa lē atoatoa le fa'atinoga o auaunaga

Sa lē mafai e kamupani fa'akonekarate ona fa'atino auaunaga e tusa ma tuutuuga ma aiaiga i lalo o konekarate. E tusa ma konekarate (fuaiupu 5) o ia auaunaga o:

- Tu'u eseeseina o otaota sa aoina mo le lafoaia ma le toe gaosiaina e maua ai isi meafaitino;
- Aoina o otaota tetele fa'afa (4) i le tausaga e ala i le fa'asalalauina e le Matagaluega o aso e aoina ai i luga o televise ma leitio.

Fautuaga: E fautuaina le Matagaluega e fa'amalosia auaunaga fa'atino a kamupani fa'akonekarate e tusa ma konekarate sa fa'amaonia.

Tali a le Matagaluega: I tulaga o le aga'i i luma mo le fa'atinoina o le tu'ueseina o otaota, o lo'o fa'atinoina nei e le Matagaluega se poloketi fa'ataitai (Tesema 2013 – Tesema 2015) i totonu o le talafatai o le taulaga (Sone A) i le tu'ueseina o otaota. Sa sainia se maliega tuufatasi i le va o le Matagaluega ma le fa'alapotopotoga a le JICA fa'apea ni kamupani e lua ia Tesema 2013 mo tausaga e tasi ma ua malilie uma iai itu e tolu mo le fa'alatele atu mo le isi tausaga e fa'aiuina ia Tesema 2015. O lo'o fa'atalia le fa'amautuina ma le sainia o le fa'alatele atu o le maliega ia Tesema 2014. O le sini autu o lea poloketi fa'ataitai o le tu'ueseina ma le aoina o otaota e toe gaosiaina e maua ai isi meafaitino mai otaota a tagata taitasi e aofia ai otaota fa'apisinisi i totonu o le Sone A. O lesone ma taunuuga manuia mai le poloketi fa'ataitai fa'aauu o le a fa'atinoina ma fa'ataitai i isi sone ma le fa'amoemoe aotele o le fa'aogatasi ai le fa'afoeina o le aoina o otaota mo le agai i luma. O lo'o galulue soosoo tauau le Matagaluega ma le fa'alapotopotoga o le JICA e lagolagoina lea poloketi e auala atu i tulaga fa'alauiloa ma polokalame tau aoaoga, fesoasoani tomaki fa'apitoa ma tau tupe mo le taunuuga manuia o lea poloketi fa'ataitai. Ua vaai le matagaluega e toe fa'aupu le fuaiupu (5.1.1a) o i luga ina ia atagia ai le tulaga o i ai i le taimi nei e le o fa'atinoina le tu'ueseina o otaota. Talu ai o lesone sa maua mai i le fetuunaiga fa'ataitai o lo'o iai nei o le a fa'aaoga e atia'e ai se fuafuaga alu mamao mo le agai i luma o lenei mataupu.

2.2 Fa'atinoga o sala tupe

I lalo o le fuaiupu 18 o konekarate e mafai e le matagaluega ona taofia le 10% o le tau fa'aiu o konekarate pe afai e le mafai e kamupani fa'akonekarate ona fa'ataunuaina lelei auaunaga. Ae peita't sa su'eina ma matauina o nisi o kamupani fa'akonekarate sa le fa'atinoina atoatoa auaunaga e tusa ai ma tuutuuga ma sa le fa'atinoina lava le sala tupe.

Fautuaga: E fautuaina e le Ofisa Su'etusi le Matagaluega e fa'atino sala tupe mo le le tausisia o tuutuuga ma aiaiga.

Tali a le Matagaluega: E talosagaina e le Matagaluega ma le fa'aaloalo pe mafai ona tuuina mai le metotia sa fa'atinoina e fa'amautu ai sa le mafai e le kamupani fa'akonekarate ona fa'atinoina lelei auaunaga. O faiga masani a le Matagaluega e taofia tupe totogi a le kamupani fa'akonekarate pe afai e le o tausisia le tulaga lautele o galuega e tusa ma konekarate i le mataituina. E asiasia ma iloiloaina foi e le Matagaluega le mafuaaga tatau o fa'asea po'o o le fa'aletonu fa'atatau i le au fa'asea po'o o kamupani fa'akonekarate. O le isi itu, ua iai nofoaga fou ua nofoia e tagata sa le atina'eina ma nofoia i le tausaga 2010 aemaise nofoaga tu lata i le taulaga se ia o'o mai i le tausaga 2014 ua matauina manino ai ua tele ni aiga fou ua fa'atauina fanua avanoa ma nofoia loa ae sa le fa'amaumauina i le tulaga o fuafuaga mo tauofoga o le aoina o otaota. O le a fa'amautinoaina e le Matagaluega o le a fa'amalosia lea tulaga ma fa'atinoina mo kamupani fa'akonekarate e le lelei le auaunaga.

2.3 Tulaga le tausisia o kamupani fa'akonekarate

Sa matauina sa iai ni kamupani fa'akonekarate ao otaota sa le mafai ona tausisia vaega o konekarate o lo'o taua i lalo:

- Sa le mafai ona fa'aaofia atoa le sone;
- Sa leai ni laei mo le saogalemu sa fa'aaogaina e aoina ai otaota;
- Sa le lelei ona aoina otaota i lalo o fata otaota ma tuuina i le loli fa'aputu otaota.

Fautuaga: E fautuaina le Matagaluega e fa'aleleia le matafaioi o le mataituina ina ia fa'amautinoaina o lo'o usitaia atoatoa e kamupani fa'akonekarate ia aiaiga o konekarate.

Tali a le Matagaluega: O le taumafaiga tuufatasi lenei ale Matagaluega. tagatanuu ma kamupani fa'akonekarate. Sa fa'atinoina polokalame fa'alauiloa a le Matagaluega talu mai le tausaga 2006 se ia tau mai i lenei vaitau. O le matafaioi a tagatanuu o le fa'amautinoaina o lo'o tapenaina ma teuina malu otaota i luga o fata otaota talafeagai. O le matafaioi a kamupani konekarate o le aoina o otaota o lo'o malu tapenaina ma teuina i luga o fata otaota ma pusa otaota ae le otaota o lo'o fa'ataatia i luga o le elelee. O otaota fa'ataapeina i le elelee o le taunuuga masani e tula'i mai i ta'ifau ta'aloa ma tagatanuu e le o tapenaina fa'alelei otaota i luga o fata otaota. Ua fautua e le Matagaluega ia kamupani fa'akonekarate e fa'amautinoa ia aoina otaota uma i luga o fata otaota ma fa'aputuina lelei i ta'avale-loli e aloese ai mai le fa'atouluina i luga o le aualatele. O lo'o galulue va lalata le Matagaluega ma le Matagaluega o Pisinisi, Alamanuia ma Leipa i le fa'amalosia ma le fa'aleleia o tulaga tau le saogalemu ma le soifua maloloina o galuega a le aufaifagaluega a kamupani fa'akonekarate. Ua fa'atinoina e le Matagaluega le mataituina i vaitau taitasi ma fa'atino fa'aleleiga i auaunaga mai lea taimi i lea taimi.

2.4 Sa fa'aletonu tele le auaunaga i le tausaiaina o otaota i nofoaga o le taulaga

Sa maoa'e le fa'aletonu o le fa'atinoina o le tausaiaina o otaota e le kamupani fa'akonekarate sa nafa ma le matafaioi ma e moomia le fa'aleleiga tele o le auaunaga. Sa matauina lape o galuega fa'atino o lo'o taua i lalo:

O otaota i autafa o taligalu ma le auala fa'atamilomilo i Mulinu'u;

Sa aoina e le kamupani fa'akonekarate na o otaota e vaaia ma tausai na o nofoaga faitele masani;

- Otaota lafoai i tua o le taligalu i Vaiala;
- Vao o lo'o tupu ma ola i luga o taligalu faapea ai ma palapala ma laulaau;
- Otaota i le nofoaga fa'atalipasi i le Maketi i Apia.

Fautuaga: E fautuaina le Matagaluega e iloiloaina le fa'atinoga o auaunaga a le kamupani fa'akonekarate mo le fa'afoeina o otaota.

Tali a le Matagaluega: O lo'o fa'aauau e le Matagaluega le matafaioi o le mataituina o le fa'atinoga o konekarate mo le fa'afoeina o otaota ma le fa'amalosia o le Tulafono o Fa'afoega o Galuega Tau Otaota 2010 e auala atu i le Televisi, Leitio ma Nusipepa i sala tupe ma fa'asalaga o so'o se tagata e maua. Ua mae'a ona fa'atuina pusa otaota fou i le nofoaga o le taulaga mo le lafoai o otaota a le atunuu lautele. O lo'o galulue fa'atasi le Matagaluega male Pulega o Tagata Tafafao mai Fafo e auala i polokalame fa'alauiloaina i luga o Televisi e fautuaina ai le atunuu lautele e taofia le fa'aotaota. I le agai i le lumanai, o le a fa'aauau le fa'aleleia o matafaioi o le mataituina ma le galulue ma paaga i polokalame tau otaota e aofia ai le mataituina o kamupani fa'akonekarate. O lenei galuega fai fa'atasi a le atunuu lautele, paaga, nuu ma alalafaga ma le Matagaluega e fa'amautinoaina ai o lo'o tumama lo tatou siosiomaga. E fa'alagolago le Matagaluega i taumafaiga tuu fa'atasi a paaga uma e auala atu i le lipotiina ma le mataituina.

Ua iai nei konekarate fou i le faamutaina ai o konekarate tuai. Ua tele ni suiga faaleleia mai i lena vaitaimi. O le isi itu, ua fesoasoani tagata faigaluega i le mataituina o kamupani fa'akonekarate i aso taitasi.

Manatu Fa'aiu

I lenei vaega ua tusia ai fa'atasi manatu fa'aiu aotele po'o:

- Lelei ona mataituina ma puleaina e le Matagaluega o Punaoa Faalenatura ma le Siosiomaga le fa'atinoga o galuega fa'atino a kamupani fa'a konekarate;
- Fa'atino le aoina o otaota lafoai i vaitau taitasi ma o loo fa'afoeina lelei e tusa ma aiaiga o konekarate.

Ua fa'atupulaia otaota lafoai a tagata i le fa'agasolo o tausaga e tele ma o se lu'itau mo Atumotu Atina'e Laiti e aofia ai Samoa. Sa fuafuaina ma fa'atinoina e le Malo e auala atu i le Matagaluega faiga e fa'amautinoa ai o le tulaga lamatia o le siosiomaga sa lelei ona fa'afoeina ma taofiaina. O ia faiga e aofia ai le aoina o otaota lafoai e aofia ai nofoaga e tu lata ile taulaga ma nofoaga i tua i motu autu e 4 o Samoa fa'apea ai le fa'afoeina o otaota lafoai i totonu o le nofoaga o le taulaga o Apia. O nei auaunaga sa fa'akonekarate atu i kamupani ma o kamupani fa'akonekarate sa fa'amanuiaina sa filifilia e aula i le fa'agasologa o fa'atinoga o tauofoga fa'amaonia a le Malo.

E ui ina ua iai le fa'agasolo i luma o galuega sa faia i le fa'afoeina o le aoina ma le tausiga o otaota lafoa'i i Samoa, sa matauina i le su'ega ni tulaga o lo'o mo'omia ai le fa'aleleia atili. I le aotelega o le su'ega o le manatu fa'aiu, sa vaivai le fa'atinoina o le matafaioi o le fa'afoeina ma le mataituina fa'apea ai ma le tulaga o le fa'atinoga o auaunaga a kamupani fa'akonekarate.

Mo le fa'aleleia, o fuafuaga fa'amuamua a le Matagaluega e tatau ona fa'asino tonu i le fa'atinoina lelei o le auivi fa'aletulafono ma faiga fa'avae, fa'amautuina ma fa'amaonia fa'amatalaga e pei o le Taiala o Otaota 2008-2018. Ua moomia fo'i ona fausia le Faiga Fa'avae e Mataituina ma Fa'afoeina ai le aoina ma le tausiga o otaota lafoa'i.

O le fa'atinoga o auaunaga atoatoa a kamupani fa'akonekarate e tatau ona iloiloina i taimi uma ma atoatoa ona fa'atino fa'apea le mataituina ina ia fa'amautinoa le maua luga o le tulaga lelei o auaunaga o lo'o tuuina atu i le atunuu lautele.

6.3 Sueina Faasuetusi o Faatinoga – Tulaga Lelei o le Fa’afoeina o Teuga Tupe Fa’apitoa 2015 Faalapotopotoga o Tau ma Faalavelave Faafuasei

Fautuaga Aotelega

Sa matauina le moomia e le Faalapotopotoga o Tau ma Faalavelave Faafuasei ona faaleleia le faafoeina o Teuga Tupe Faapitoa. Ua moomia ona faatinoina le faaleleiga o taualumaga faalotoifale ma faamautinoaina o taualumaga o loo iai nei e atagia ai faiga lelei tele, ma faafoeina le tutoatasi, pulega lelei, manino ma le mafai ona tali atu. O loo manino mai i le manatu o le Loia Sili e leai se tulafono mo le faasee atu o le pulega o nei teuga tupe faapitoa i le Ofisa o Tausi Mavaega. O faiga sa faatino i le fetuunaiga sa iai muamua foi sa lē taunuu manuia pe a fua i manaoga aupito silisili ona lelei mo le Faalapotopotoga o Tau ma Faalavelave Faafuasei ma tagata e faalagolago i isi tagata poo fanau laiti.

1. Sa le manaomia ona faatino e le Faalapotopotoga o Tau ma Faalavelave Faafuasei nei teuga tupe faapitoa e tele ae na le mafai ona fa’afoeina e tusa ma faiga faatausitusi ma tausiga o faamaumauga talafeagai;
2. Sa tatau i le Faalapotopotoga o Tau ma Faalavelave Faafuasei ona faatino se teuga tupe i le faletupe e tasi mo ia faaputuga tupe mo tau, talatautupe i tasi faamau lagolago mo aitalafu poo tupe totogi taitasi ma le talatautupe i le tasi faamau autu mo faapaleniga;
3. Sa le manino i le tulafono a le Faalapotopotoga o Tau ma Faalavelave Faafuasei poo afea e totogi ai tau. O loo tuu ile pule faitalia a le Faalapotopotoga o Tau ma Faalavelave Faafuasei ma o loo faapea ai ona noatia le Faalapotopotoga e faafoeina ma le faaetete le malu puipuia male puleaina o faaputuga tupe mo tau (noatiaga) mai le taimi o loo mautotogi i le talagatupe ma le totogiina atoa;
4. O le fautuaga mo le faafoeina ma le faagaoioia o se teuga tupe e tasi i le faletupe mo tau faapea ai ma talatautupe ile tasi faamau autu ma talatautupe i le tasi faamau lagolago mo aitalafu o loo mautotogi e mafai ona avea ma vaega o faagasologa o galuega masani faatausitusi ma tulaga tau tupe a le Faalapotopotoga. Peitai e tatau ona vaevaeina le vaaia ma le puleaina o le teuga tupe faapitoa i le faletupe ma talatautupe lagolago faapea ai ma le talatautupe autu i le fa’amaumauga lautele;
5. E mafai ona faaogaina taiala i lalo o le Tulafono o le Pulega o Tupe a le Malo 2001 mo teuga tupe faapitoa e fesoasoani i le fa’atinoga fou. E tatau i le Faalapotopotoga ona iloiloina le tulaga o le tau ma aafiaga/tulaga lelei pe ono fa’aaogaina polokalame faakomipiuta tutoatasi mo le tausiga ma le faagaoioiga o aitalafu mautotogi lagolago taitasi pe fa’aaogaina le polokalamae faakomipiuta o loo faatinoina ai le tausiga o tasi ma manaoga o lipoti faaletupe. E taua le saunia o se faamaumauga mo aitalafu mautotogi taitasi faapea ai faamaumauga atoa o le faagaoioiga tusa poo le a le polokalame faakomipiuta e faaogaina;
6. O loo i le Faalapotopotoga le faitalia i le vaitaimi mo le faatinoina o suiga o loo faatuina ae e tatau ona vave faia loo le faatali ona o le tulaga le lelei o le tausiga o faamaumauga ma le tausiga o tasi sa matauina ile taimi o le su’ega o faatinoga;
7. Ua fautuaina nei se su’ega faapitoa o teugatupe faapitoa uma e le Vaega o Su’ega Faapitoa a le Ofisa Suetusi.

E fautuaina le Faalapotopotoga e:

- Faatuina se talatautupe autu mo aitalafu o mautotogi i le Faamatalaga Lautele e faapaleni mai talatautupe lagolago mo aitalafu mautotogi ma o faamaumauga o le totogiina o faaputuga tupe mo tau i lalo o le faafuaiupu 7 o le fuaiupu 9 o le tulafono a le Faalapotopotoga;
- Faatuina se teugatupe i le faletupe e tasi mo ia faaputugatupe uma;

- Totogi tupe e fa'aaogaina ai le teugatupe e tasi i le faletupe ae fa'aaoga le Famaumauga Lautele mo faaputuga tupe faapitoa e mataituina ai le fegasoloaiga o talatautupe i tusi faamau lagolago mo aitalafu mautotogi taitasi;
- Taiala tusitusia o le faatuina o talatautupe i tusi faamau lagolago mo aitalafu mautotogi taitasi. O lenei taiala e mafai ona aofia ai (ma isi taiala moomia pe a talafeagai i le Faalapotopotoga):
 - *O tagata e saina i le faatinoga;*
 - *Aiaiga i se tulaga ua le mafai e tagata saina ona faatino tiute e tusa ma le uluai maliega poo le faatinoga.*
- Taiala tusitusia o talagatupe mai le teugatupe faapitoa ile faletupe faapea ma talatautupe i tusi faamau lagolago mo aitalafu mautotogi taitasi. O lenei taiala e mafai ona aofia ai (ma isi taiala moomia pe a talafeagai i le Faalapotopotoga):
 - *O le faalautele atu e faamaonia/le faamaonia ai talagatupe o tupe (faamaotina o manaoga ma le lautele);*
 - *O le faalautele atu ma mafuaaga manino o le talagatupe ato.*
- Taiala poo pulega faatonutonu mo le mataituina lelei o le teugatupe ile faletupe e tasi ma talatautupe i tusi faamau lagolago mo aitalafu mautotogi taitasi ma faamaumauga. O faatinoga e mataituina e iai:
 - *Faatino faapaleinga o tupe i faletupe;*
 - *Tapaina ma teuina faamatalaga/faamaumauga uma talafeagai e patino i le teugatupe faapitoa e tasi faapea uma talatautupe i tusi faamau lagolago mo aitalafu mautotogi taitasi ma faamaumauga.*
- E tusa ma le lautele o matafaioi e faatatau i le faafoeina o le teugatupe e tasi i le faletupe ma talatautupe i tusi faamau lagolago mo aitalafu mautotogi taitasi uma ma faamaumauga, e fautuaina le Faalapotopotoga ia avea le faafoega o nei gaoioiga o se matafaioi tauave autu a le Faalapotopotoga. E fautuaina e pei ona sa faatalanoaina ma le aufaigaluega faasino a le Faalapotopotoga:
 - *Faatino ni avanoa faigaluega e nafa tonu ma le tausia o le teugatupe faapitoa faapea ma talatautupe i tusi faamau lagolago mo aitalafu mautotogi taitasi uma ma faamaumauga;*
 - *O lea tagata e nafa ma le faatinoina o faapaleniga o tupe i faletupe;*
 - *E nafa ma le saunia o le tuuina atu o talosaga;*
 - *E nafa ma le lipotiina i le Komiti Faatonu o paleni o le teugatupe faapitoa ma talatautupe i tusi faamau lagolago mo aitalafu mautotogi taitasi uma ma faamaumauga;*
 - *E nafa ma matafaioi uma mo le tausiga o faamaumauga.*
- O le faamautinoaina e le Faalapotopotoga o ana noataga lea ua moomia ai le faavaeina o lenei faagaoioiga o se galuega autu o loo ō gatusa ma tiute tauave sa atiae ma faamautu i tagata faigaluega uma e nafa ma ia matafaioi.
- Faatino isi fautuaga o loo taua i le palakalafa o ta'ua muamua.

Manatu Faaiu Aotelega

I le aotelega, o le manatu faaiu sa lē atoatoa lelei ona tausia e le Faalapotopotoga ia teugatupe faapitoa e tele sa i lalo o lana pulega e tusa ai ma tausiga o faamaumauga faapea ma le tausiga o tusi.

O le tasi o faatinoga faatonutonu lelei e na o le Ofisa Sili o Pulega o le Faalapotopotoga e saina faatasi ma tagata e tausia fanau laiti. O tusitupe ma isi faamaumauga o loo teuina i le aufaigaluega o tausitusi ma tupe ma sa iai ni tulaga faatogafiti ma mataupu faaletonu o tagta sa taumafai e faasese ma isi gaoioiga faatogafiti e maua ai tinoitupe.

O le manatu faaiu o taua i luga o loo faataiala mai i sini autu faapea ai ma mataupu na maua mai i le su'ega.

O sini autu o le suega sa faapea:

- Iloiloina o le Faalapotopotoga pe sa taasisia tulafono talafeagai ma tulaga tautupe i le faafoeina o teugatupe faapitoa e tele;
- Iloiloina ma faamautuina pe o taiala faalotoifale mo le faafoeina o teugatupe faapitoa sa faamautuina ai faiga silisili ona lelei; ma o ia taiala faalotoifale sa faagaoioia i pulega lelei, faiga manino, mafai ona tali atu, tutoatasi ma isi;
- Iloiloina ma faamautuina poo faatinoga a le Faalapotopotoga o loo iai nei mo le tausiga o teugatupe faapitoa sa faia mo le manaoga lelei o tagata sa faamanuiaina i tau (fanau laiti).

Mataupu Autu Na Maua

- Sa lē lipotia paleni o teugatupe faaiptoa i faamatalaga o tupe a le Faalapotopotoga i le faaiuga o tausaga. E ui o le folsaga o faamatalaga o tupe a le Faalapotopotoga o loo taasisia Faiga Faavaomalo o Lipoti Tau Tupe, e faailoa atu le noatiaga poo manaoga a le Faalapotopotoga e mafai ona tali atu, ia manino ma tutoatasi i ana gaoioiga.
- Sa matauina ni vaivaiga o pulega faalotoifale o loo faatinoina nei e le Faalapotopotoga i le mataituina o teugatupe faapitoa. E aofia ai:
 - Faaletonu o pulega mo le mataituina o teugatupe faapitoa;
 - Tulaga le mautonu o faatinoga faalotoifale;
 - Sa leai se taiala tusitusia e patino i le puleaina o teugatupe faapitoa;
 - Sa faatuina ni faatinoga faalotoifale e lē faavaeina i se tulafono; tulafono faatonutonu tau tupe poo se faiga faavae e pulea teugatupe faapitoa;
 - Sa fa'aaogaina le finagalo faitalia i le faatonutonuina o teugatupe faapitoa (patino lava i talagatupe) ae le atiae ni taiala manino mo nei faiga.
- Sa lē atoatoa le faatinoina o tiute tau le tausiga o faamatalaga ma faamaumauga a le Faalapotopotoga i le pulega o teugatupe faapitoa.

Tali mai le Faalapotopotoga o Tau ma Faalavelave Faafuasei

Gaoioiga sa faatinoina

I le faamautuina o ni auala e aofia ai mataupu na maua ma fuafuaga sa faailoaina mai i le lipoti, sa agai le Pulega e faatinoina ni taiala ma faiga faavae talafeagai mo le taunuu manuia o faaleleiga o galuega sa fautuaina.

- Ua mae'a nei ona faatuina e le Faalapotopotoga se Taiala mo Galuega Faatino ma Faiga Faavae mo le faatonutonuina o teugatupe faapitoa sa faamaonia mo tagata aafia, ma o lenei Taiala sa saunia e le Pulega ma lana Su'etusi mo le faamaoniaga a le Komiti Faatonu.
- Ua tofiaina nei foi se tagata ofisa i le Vaega o Su'esu'ega e nafa tonu ma mataupu uma e faasino i teugatupe i faletupe a tagata aafia ma faapaleni tupe faalemasina mo tagata taitasi. O le Vaega o Tupe foi ua tofia iai se tagata ofisa mo le matafaioi aotele e iloiloina ma faamaonia faapaleniaga mai le Vaega o Suesuega. O le a saunia se lipoti ma tuuina atu ile Pulega e aofia i ana lipoti faalemasina.
- O nei lipoti o le a tuuina atu ile Komiti Faatonu. O le a logoina ai le Komiti Faatonu i le tulaga o ia teugatupe faapitoa ma le noatiaga a le Faalapotopotoga i tagata e faamanuia i tau.
- Sa matauina le leai o se aiaiga ole Tulafono mo le aloaia faaletulafono poo ni mafuaaga tatau mo le faatuina o Teugatupe Faapitoa o se vaega o le matafaioi autu a le Faalapotopotoga e patino mo Tau ma le Toe Fuataina.

- Sa ta'ua foi le eseese o Tupe Teu Faamavaega ma Teugatupe Faapitoa, ma le faafoeina o ia tupe i lalo o tulafono faatonutonu ma tulafono autu. Sa tauaofia faatasi uma ma soalaupuleina ma ua faamauina le alagataua ona faatino se Teuteuga o le Tulafono ma ua fuafua e tali uma ai nei mataupu.
O lenei teuteuga o le a ave iai le faamuamua maua luga ma o le a faamautuina ai nei teugatupe i se faatulagana lelei faapea le silasila faaletulafono i le lumanai.
- O le a avea Teugatupe Faapitoa o se vaega taua o Lipoti o le Tausaga i le Palemene e aofia uma ai faamatalaga talafeagai mo le silafia o le Palemene ma le atunuu lautele.
- Ua agai nei le Faalapotopotoga e faatuina se Teugatupe e tasi ile Faletupe mo le faagaoioiga o le faatonutonuina o Teugatupe Faapitoa uma. O loo aofia ai talatautupe i tasi faamau lagolago, faagasologa o faapaleniga ma lipoti o loo moomia. E umi se taimi e faamae'a ai ae peitai o se fuafuaga ua tinou e faataunuu i le tausaga faaletupe fou.

6.4 Sueina Faasuetusi o Faatinoga – Faafoeina o Aitalafu a le Malo 2014 Matagaluega o Tupe

Sini autu o le Suega

O le sini autu o le suega o le: *“iloiloina o le faafoeina o aitalafu a le Malo poo taunuu ma faafoeina lelei ia ausia le gafataulimaina alu mamao ma le tulaga mautonu tau tupe.”*

Sa faatinoina le iloiloga muamua o faagasologa o le faafoeina o aitalafu a le Malo o Samoa ma sa patino i gaoioiga i auaunaga tau aitalafu. O le itu faapitoa, o le iloiloina o le polokalame faakomipiuta o le CS-DRMS lea e faamauina faatinoga o auaunaga tau aitalafu poo sa’o, atoatoa ma mautu mo le tuuina mai o faamatalaga tau tupe e faamoemoeina.

Lautele o le Su’ega ma Fua Faataatia

Sa faamamafa le lautele o le su’ega i gaoioiga o auaunaga i aitalafu i fafo a le Vaega DMU o le Matagaluega o Tupe ma le iloiloina o nonogatupe uma a le Malo sa faamauina i le aso 30 o Iuni 2013.

O le itu faapitoa, o metotia o le su’ega sa faatinoina e aofia ai le iloiloina o nonogatupe e faatatau i le toe totogiina faapea ai ma le tuulata mai o faapaleniga, sa’o o faamatalaga i le polokalame CS-DRMS, faatalanoaga o tagata faigaluega e nafa ma galuega, ma le iloiloina o faamaumauga i le polokalame faakomipiuta o le CS-DRMS ina ia tali fesili autu ma fua faataatia:

Sa faatino le totogiina o tupe na faatulagaina?

Fua Faataatia: O tupe totogi uma e tatau ona faatinoina e tusa ma faatulagana sa faamautuina.

Poo ō gatusa le faatulagana o tupe e totogi sa tausia i le polokalame CS-DRMS ma tupe sa faapea ona totogi e le Matagaluega o Tupe?

Fua Faataatia: E tatau ona faatinoina le toe totogina o aitalafu e le Matagaluega o Tupe e tusa ma aiaiga o faatulagana o le vaeveaga.

E faapefea ona iloiloina le sa’o o le polokalame faakomipiuta o le CS-DRMS?

Fua Faataatia: Faafetaui paleni ma faatinoga mo nonogatupe taitasi i luga o le polokalame faakomipiuta agai i faamatalaga tau pili, faamatalaga auiliili o le maliega o nonogatupe ma liopti sa tausia e le Vaega DMU.

O iai se fuafuaga fai mo le malupuipua o faamatalaga i le polokalame faakomipiuta CS-DRMS?

Fua Faataatia: E tatau ona iai se fuafuaga fai mo le malupuipua o faamatalaga i le polokalame faakomipiuta e faasino i faalavelave faalenatura.

Mataupu Na Maua mai le Su’ega & Fautuaga

1. Tulaga gafatia o gaoioiga i auaunaga tau aitalafu

1.1 Sa tuai i nisi taimi le toe totogiina o aitalafu i fafo

O le Vaega DMU ma le Vaega o Tupe a le Matagaluega o Tupe faapea ai ma le Faletupe Tutotonu o loo aofia i le faagasologa o galuega o le toe totogiina o nonogatupe i fafo a le Malo.

O faamatalaga uma o pili sa tuuina mai i faalapopototoga faaunegatupe o loo taulimaina e le Vaega DMU. E iloiloina e le aufaigaluega a le Vaega DMU le sa’o o le faatulagana o le vaeveaina o tupe e totogi lea e tuuina mai e le polokalame CS-DRMS ma e faavae i maliega o nonogatupe ua faamaonia. E mataituina e le Vaega DMU tupe toe totogi ma afai e le i taulimaina se faamatalaga o pili i le tulata ai o le aso atofaina, e mataalia le aufaigaluega i le tapaina o ia faamatalaga mai faalapopototoga faaunegatupe.

O le toe totogiina o nonogatupe i fafo o loo faatinoina i le Faaputuga Tupe a le Matagaluega o Tupe o loo tausia e le Faletupe Tutotonu ma faagaoioi i tala Amerika

O saina mo le teugatupe o le Ofisa Sili o le Matagaluega o Tupe ma isi Ofisa Sili Lagolago a le Matagaluega. Pe a faatinoina le toe totogiina o tupe, e saunia e le Vaega DMU ni faamaumauga o tupe totogi e faamaonia i ni saina e lua ma tuuina atu i le Faletupe Tutotonu mo le totogiina.

I le iloiloaina o le 50% o tupe toe totogi mo nonogatupe i fafo a le Malo, sa iloiloaina ai e le Ofisa Suetusi le faagasologa o faatinoga o tupe toe totogi mo aitalafu i fafo a le Malo. Sa filifilia solo mai nonogatupe ma o tupe totogi sa faatusatusa i aso atofaina sa fuafuaina mai e le polokalame CS-DRMS faapea ai ma aso tonu na totogiina ai e le Faletupe Tutotonu. O taunuuga e pei ona faailoa mai o loo atagia ai le tuai o le faagaoioiga i nisi o taimi. Ina ua mae'a faatalanoaga ma itu sa aafia, ua moomia le galulue faatasi o itu e lua talu ai sa leai se fetuunaiga aloaia i le va o itu e lua, sa toe totogiina nonogatupe i luga o le faatuatuaga ma le va fealofa'i lelei ma le Faletupe Tutotonu.

E ui e leai ni faasalaga pe a tuana'i le aso atofaina mo tupe totogi, o le iloiloaga o loo atagia mai ai o tupe totogi ua tuai e ono tulai mai ai ni tulaga eseese e taugatā tele mo le Malo o Samoa.

Fautuaga a le Ofisa Su'etusi:

E fautuaina e le Ofisa Suetusi le Matagaluega o Tupe e faatuina se maliega aloaia i le va o le Matagaluega o Tupe ma le Faletupe Tutotonu ina ia faamanino mai ai matafaioi tauave e tusa ma auunaga tau aitalafu ma e tatau na iloiloaina mai lea taimi i lea taimi e avea ma vaega o pulega faalotoifale a le Matagaluega.

Tali a le Matagaluega

Faamalamalamaga:

O faamatalaga mo le totogiina o aitalafu mo nonogatupe e 4 o loo muamua mai ile lisi sa faagaoioia e le Matagaluega o Tupe ile 5 aso ae lei atofaina ma tuuina atu ile Faletupe Tutotonu mo le totogiina mai le Faaputuga Tupe a le Matagaluega o Tupe o loo faapena ona latou tausia. O nonogatupe e lua mulimuli ile lisi sa mafua ma i se lape o le aufaigaluega i lena taimi ona e le i faatuina le Vaega DMU e faatino ia matafaioi faapitoa.

Galuega Faatino ma gasologa i luma o galuega:

O le Feagaiga o le Nofo Malamalama i le va o le Matagaluega o Tupe ma le Faletupe Tutotonu mo le puleaina o teugatupe a le Malo sa tausia e le Faletupe Tutotonu na sainia ma faamalosia ia Aukuso 2014, lea sa soalaupuleina ile vaitaimi o le su'ega. E aafia i faamatalaga auiliili le faagaoioiga o teugatupe e pei o le aofaiga o aso e faatino ai tupe totogi, aofaiga o aso e taulimaina ai e le Matagaluega o Tupe tusi faamaonia ma faamatalaga i teugatupe mai le Faletupe Tutotonu. O lea o le faamautinoaina o le faafoeina lelei o galuega pe a moomia le tuuina atu e le Matagaluega o Tupe o faatonuga mo tupe totogi ile Faletupe Tutotonu ina ia faia i le taimi tatau ma aso sa atofaina ma faapea ai ona faamaonia e le Faletupe Tutotonu ile Matagaluega o Tupe ia tupe e totogi atoa ai ma faamatalaga o teugatupe faalemasina pe a mae'a mo le lipotiina. E foliga tutusa le fautuaga i lea vaega o le aloaia o le fetuunaiga ma le Faletupe Tutotonu i se Feagaiga o le Nofo Malamalama sa talanoaina ma fautuaina mai i se malaga asiasi i le toe iloiloaina o fesuaiga faaaitalafu a le Faletupe o le Lalolagi ia Mati 2014 e fesoasoani i le faamalamalamaina o matafaioi ma galuega faatino o itutino uma. I le leai ai o se Feagaiga o le Nofo Malamalama aloaia ma le Faletupe Tutotonu i lena taimi, sa faatinoina e le Vaega DMU ia faatonuga mo le totogiina o aitalafu faapea le lafoina atu i le Faletupe Tutotonu, i le masani e 2 vaiaso e muamua ane ina ia lava se taimi i le Faletupe Tutotonu e faagaoioi ai ia faatinoga. Ae peita'i, e ia lava le sese faaletagata ma tulaga lamatia i gaoioiga e feagai ma le Vaega DMU ona o malosiaga faatagata faigaluega. Ua amata foi e le Matagaluega na atia'e ni taiala tusitusia ma ata mo gaoioiga i le faafoeina o aitalafu e aafia ai le fagasologa o faatinoga mo tupe totogi o auunaga mo aitalafu, faamauina ma lipotiina o faamaumauga o aitalafu, faaitiitia o tulaga lamatia o galuega. O lena galuega e fuafua e faamae'aina i le faaiuga o le tausaga 2014.

1.2 Lē atoatoa le fa'aaogaina o le polokalame faakomipiuta CS-DRMS

O le polokalame faakomipiuta CS-DRMS o se metotia faigaluega e fa'aaogaina e le Vaega DMU mo le mataituina, faamauina, iloiloina ma lipotiina o aitalafu lautele. E aofia ai faamatalaga taua e iai ia faamatalaga auiliili o maliega o nonogatupe, faatulagana o vaeveaga o tupe totogi, faamatalaga auiliili o aofaiga autu ma tului, faamatalaga fuafuaina ma isi faamaumauga fesootai. O le polokalame faakomipiuta e mafai ona fa'aaogaina i le faagasologa atoa o gaoioiga ma faatinoga o aitalafu e amata mai le soalaupuleina/tuuina atu e oo i le toe totogiina atoa. O le polokalame CS-DRMS e tausia aiaiga faava-o-malo e tusa ma auala e faamauina ai faamatalaga o aitalafu, e aofia ai itu o le lipotiina, tausiga o tusi, tuufaatasiga, faavasegaina ma tau aofa'i. Mo le iloiloina o le sa'o ma le atoatoa o faamaumauga sa faamauina e le polokalame CS-DRMS, sa faapalenia e le Ofisa Suetusi aitalafu uma i fafo a le Malo sa folasia i le Faamatalaga o Tupe a le Malo mo le tausaga faaletupe faaiaina 30 Iuni 2013 ma faamatalaga auiliili i le polokalame CS-DRMS. Sa matauina mataupu nei:

Sa fa'aaogaina e le aufaigaluega a le Vaega DMU se faamaumauga i le polokalame faakomipiuta Excel, Faamatuina atu o Aitalafu Totoe (Debt Outstanding Disbursements - DOD), e saunia ai lipoti o aitalafu faalekuata ma le tuulata mai o faamatalaga auiliili o le toe totogiina o nonogatupe i le faaiuga o le kuata. O le faamaumauga sa i le polokalame Excel o le toe tusia ata sautualua o faamatalaga uma o loo aofia i le polokalame faakomipiuta CS-DRMS e tusa ma auiliiliga o nonogatupe. Sa fa'aaogaina e lipoti i fafo o Faamatuina atu o Aitalafu Totoe (DOD) ma le polokalame CS-DRMS ia fua faatatau o fesuaiga i le faaiuga o vaitaimi i le tulaga le tu'usa'o. O ia faamatalaga sa faamauina i le polokalame faakomipiuta CS-DRMS e fa'aaogaina ai fua faatatau o fesuaiga i kuata taitasi. O nei faamaumauga e fa'aaogaina e fausia ai le Puleitini o Aitalafu Lautele mo Kuata faapea ai ma le Lipoti Faaletausaga o Aitalafu e tuuina atu i le Fale Tupe o le Lalolagi i tausaga taitasi.

Sa tausia foi e le Vaega DMU se isi faamaumauga i le polokalame faakomipiuta o le Excel e taua o Nonogatupe a le Malo (Government Loan Accounts - GLN) e faamauina ai faamatalaga uma mo le toe totogiina o nonogatupe e faapaleni ma faamatalaga auiliili sa faamauina i le polokalame faakomipiuta o le Finance One. O faatinoga sa i totonu o le polokalame Finance One sa faaliliuina i le tala Samoa e fa'aaogaina ai le fua faatatau o le aso o le faatinoga i se tulaga le tu'usa'o. O nei faamaumauga sa fa'aaogaina e tuufaatasia ai le Faamatalaga 10 (Faamatalaga o Faaunegatupe) o le Faamatalaga o Tupe a le Malo i le faaiuga o tausaga faaletupe taitasi;

1.3 Sa lē faamaumauina aitalafu i totonu o le atunuu i le polokalame faakomipiuta CS-DRMS

Ua atugaluga le Ofisa Su'etusi o le galuega faaopoopo e moomia e tausia ai ia faamaumauga e lē o faafoeina tatau lelei ai le taimi ma tagata faigaluega ao lea e mafai lava ona faamauina tu'usa'o faamaumauga i le polokalame faakomipiuta CS-DRMS. E iai le tulaga lamatia o ia faamaumauga pe a suia ae sa le i fuafuaina talu ai se sese faaletagata faigaluega ma e mafai foi ona leiloa faafuasei pe aveeseina. Mo le siitia o le faafoega lelei o le Vaega DMU, e mafai ona fesootai le polokalame CS-DRMS ma isi faamatalaga o tupe e iai le polokalame faakomipiuta o le Finance One.

Fautuaga a le Ofisa Su'etusi:

E fautuaina le Ofisa Sili Lagolago e tagai i malosiaga o le polokalame faakomipiuta CS-DRMS e faafaigofie ai faagasologa o faatinoga o gaoioiga o auunaga o aitalafu faapea ma le aofia ai o aitalafu i totonu o le atunuu.

O le a siitia ai le faamautinoaina o le atoatoa ma le sa'o o faamaumauga mo aitalafu lautele sa faamauina i le polokalame CS-DRMS ma o tulaga o puipuiga o fausia i totonu o komipiuta o le a faaitiitia ai le tulaga lamatia mai sese faaletagata.

Tali a le Matagaluega

Faamalamalama:

E fa'aaogaina e le Vaega DMU le faamaumauga tau le Faamatuuina atu o Aitalafu Totoe (DOD) mo le lipotiina o fuainumera faamauina o aitalafu mo kuata talu ai e faigofie ma o loo atagia ai le faatulagana o lipoti o loo tuuina atu i isi itutino e pei o le Faletupe Tutotonu ma le Ofisa o Fuainumera Faamauina. E fa'aaogaina foi e le Vaega DMU le lipoti 880 mai le polokalame faakomipiuta CS-DRMS faatasi ma le faamaumauga Faamatuuina atu o Aitalafu Totoe (DOD) i kuata uma e faapaleni ma faamaonia ai paleni o nonogatupe o i le polokalame faakomipiuta. O le faamaumauga i Nonogatupe a le Malo (Government Loan Accounts - GLN) sa moomia ma sa fa'aaogaina mo na o le tapenaina o faamatalaga o tupe a le Malo i le faaiuga o tausaga faaletupe taitasi. E faigofie le faatulagana ma e faamauina ai faamatalaga e lagolagoina ai faamatalaga o tupe a le Malo mo le Faamatalaga 3 ma le Faamatalaga 10. E na o le toalu tagata faigaluega o le Vaega DMU sa a'otauina aloaia i le polokalame faakomipiuta CS-DRMS, sa faapitoa i vaega o aitalafu i fafo mo le polokalame faakomipiuta ae sa leai se faatinoga mo le faamauina ma le lipotiina o aitalafu i totonu o le atunuu. O le fesootaiga o le polokalame faakomipiuta CS-DRMS ma le polokalame o le Finance One e mafai ona faatinoina, ma sa faatinoina e isi atunuu. O lea faatinoga e faia faatasi ma Vaega o Faagaoioiga Faakomipiuta ma Faamatalaga Faatekonolosi a le Matagaluega faapea ai ma le Ofisa o le Failautusi o Malo o le Taupulega.

Galuega Faatino ma gasologa i luma o galuega:

Sa atia'e e le Vaega DMU se faamaumauga sa toe iloilo ina mo le faamoemoe o lipoti o aitalafu i kuata faapea ai ma faamatalaga o tupe a le Malo, ua aofia ai ma mataupu ma fautuaga sa laga i le suega o Faamatalaga o Tupe a le Malo mo le tausaga faaletupe 2012/13. O lenei faamaumauga sa fa'aaogaina mo lipoti o aitalafu e lagolago i le Faamatalaga o Tupe a le Malo mo le tausaga faaletupe 2013/14, ma ua fa'aaogaina nei mo lipoti o aitalafu faalekuata. Ae peita'i, o le lipoti a le polokalame faakomipiuta CS-DRMS 880 o le a fa'aaoua ona fa'aaogaina e faamaonia ma toe faamautu ai paleni, seia taunuu i se taimi i le lumanai ua sui tulaga atoa nei lipoti o faatasi e lipoti e gaosia mai i le polokalame faakomipiuta. O ia lipoti toe Iloilo sa tagai foi i manaoga o faamatalaga mo le iloilo ma le tuulata mai o le MTDS, o le puletini o aitalafu faalekuata ma le faatinoga o le DSA.

Sa amata faamauina ia faamaumauga o aitalafu i totonu o le atunuu i le polokalame faakomipiuta CS-DRMS i le vaitaimi o le su'ega ma ua faamae'a nei. Ua tagai totoa nei le Vaega DMU i le faamaoniaina o lipoti e gaosia mai i le polokalame faakomipiuta poo talafeagai ma manaoga o faamaumauga ma lipoti a le Malo. O le gaioiga o se avanoa foi e atina'e ai le agava'a o le afaigaluega a le Vaega i le fuafuaina ai o tulafono mo nonogatupe i totonu o le atunuu, faamauina o faatinoga moni, faamaoniaina o faamaumauga ma le malamalama i foliga vaaia o pepa faaletulafono o aitalafu i totonu o le atunuu. O le fesootaiga o le polokalame faakomipiuta CS-DRMS ma le polokalame faakomipiuta a le Malo o le Finance One o se tulaga sa talanoaina ma sutesue i taimi ua sola ma o le a fa'aaoua ona tagai iai le Matagaluega. O le fesootaiga o ia polokalame faakomipiuta e lua e moomia ai le fesoasoani o tomai faapitoa mai le Vaega e Faafoeina Aitalafu a le Ofisa o le Failautusi o Malo o le Taupulega e asiasi mai i le atunuu ina ia malamalama ma silafia ae le i fautuaina ni fofo i le tuufatasiga o ia faamaumauga. O itu e lelei e aofia ai le taofiaina o le faamauina faalua o faamaumauga faapea ai ma le faaleleia o le polokalame faakomipiuta ma faatinoga o le faamaoniaga o faamaumauga.

Sa faailoaina mai le tulaga fou o le polokalame faakomipiuta o loo fa'aaogaina nei e Samoa. O le tulaga fou e faailoa mai ai metotia faigaluega e iloilo ai aitalafu a le Malo e fesoasoani ai i atunuu i le iloilo ina o aitalafu ma tulaga lamatia mai lea taimi i lea taimi. Ae peita'i, o le afaigaluega a le DMU e moomia le a'otauina ma faamasani i manaoga o faamaumauga, ma faamatala le uiga o lipoti sa gaosia mai le polokalame faakomipiuta, faapea ai ma le faatinoina o faiga fou o le polokalame faakomipiuta CS-DRMS.

1.4 Sa lē iloiloaina atoatoa faamatalaga sa faamauina i le polokalame faakomipiuta CS-DRMS

O le Vaega DMU e nafa ma le faafoeina o le polokalame faakomipiuta CS-DRMS ma e aofia ai le faamautinoaina o le siosiomaga pulea o faamaumauga o loo mautu, ma o tulaga lamatia e faasino i le ulufale lē fa'amaonia ma fa'amaumauga lē sa'o ua fa'aitiitia. Sa matauina e le Ofisa Su'etusi e na o le toalua tagata ofisa a le Vaega DMU e mafai ona fa'aofi atu i le fa'amaumauga a le polokalame fa'akomipiuta CS-DRMS lea e puipuia i upu fa'alilolilo. O nei tagata ofisa e toalua e eseese matafaioi fa'aulufale. O le Ofisa Sinia Maua (Principal Officer) e iai le matafaioi fa'apulega fa'akomipiuta e ulufale atoatoa ai ile fa'amaumauga ma gaoioiga fa'atino e iai fesuiaiga, fa'amauiina fa'amaoniaga, aveeseina ma teuteuga pe a moomia. O le Ofisa Sinia (Senior Officer) e faatinoina na o le itu tau feutanaiga o le polokalame e aofia ai le faamauina o nonogatupe, fa'aaogaina o lipoti ma tuuina atu o faamaumauga. O nei tulaga tau pulega fa'akomipiuta e faamautinoaina ai le moni o faamaumauga o loo faamauina i le polokalame faakomipiuta. Ua faataatia le fuafuaga mo le toe maua mai o faamaumauga pe a mae'a se faalavelave faapea ai ma le faatinoina o faaleoleo mo faamaumauga faavaitaimi.

Sa filifilia e le Ofisa Suetusi se vaega o maliega o nonogatupe ma siaki ia faamaumauga o faamauina i le polokalame faakomipiuta CS-DRMS agai i maliega o nonogatupe sa sainia ma faamaonia ina ia siaki ai le sa'o o faamaumauga na faamauina i le polokalame faakomipiuta CS-DRMS.

O le sēsē o fua faatatau o tului i luga o le polokalame CS-DRMS e mafai ai ona aafia ai le sueina o aofaiga o tului fuafua lea e sueina fa'avave e le polokalame ma faapea ona taunuu ai i ni lipoti fuafua sēsē mo tala faatatau o tupe. Ma le isi, sa le mafai e le Ofisa Suetusi ona faapleni tulaga auiliili o nonogatupe uma sa faamauina i le polokalame CS-DRMS faatusa ai i maliega sa sainia ona sa lē mafai e le Vaega DMU ona tuuina mai maliega o nonogatupe.

O le maliega o nonogatupe o le pepa aloaia faaletulafono i le va o le Malo o Samoa ma faalapopotoga faaunegatupe ma e fa'aaogaina pe a iai ni feeseesega poo faafesili e laga e itu o loo aafia. Ua na o faamaumauga e iai nei maliega e faamaonia ai le sa'o o faamatalaga auiliili i le polokalame faakomipiuta CS-DRMS. I le tulai mai o se tulaga ua leiloa ai faamaumauga mai le polokalame CS-DRMS a le Malo o Samoa, e taua tele ia maliega o nonogatupe mo le maua ai o faamatalaga talafeagai. Ua faamauina e le Ofisa Suetusi ua faaitiitia le tulaga lamatia i le leiloa o faamaumauga mai le polokalame CS-DRMS ona ua faatino tulaga faaleoleo o faamaumauga faavaitaimi faapea ai ma le faataatia o le fuafuaga toe maua mai o faamaumauga pe a mae'a se faalavelave.

Fautuaga a le Ofisa Su'etusi:

O le sa'o o faamaumauga sa faamauina i le polokalame CS-DRMS e taua tele mo le taofia o le fua faasili/fua faalelava o tupe e totogi mo aitalafu uma. O loo tuuina mai e le polokalame CS-DRMS se itu faasuetusi e maua ai le gaoioiga tau sailiili lautele o faatinoga i faamaumauga sa faia e tagata sa fa'aaogaina le polokalame. E fautuaina e le Ofisa Suetusi le Ofisa Sinia Maua (Principal Officer) mo le faafoeina o Aitalafu e faatino se iloiloaga faalemasina o tuutuuga ma aiaiga o nonogatupe uma e fa'aaoga ai lea itu faasuetusi o le polokalame CS-DRMS poo se isi metotia e mataitu ai.

E fautuaina foi ia maliega uma sa sainia ma faamaonia ina ia teuina malu mo le lagolago i le tulaga sa'o o faamatalaga sa faamauina i le polokalame CS-DRMS.

Tali a le Matagaluega

Faamalamalamaga:

E eseese tulaga o matafaioi faaulufale a le aufaigaluega DMU i le polokalame CS-DRMS, ina ia faamautinoaina ai le moni ma le sa'o o faamaumauga. O le Ofisa Sinia Maua mo le faafoeina o aitalafu o loo iai le matafaioi faapulega faatekonolosi ae o le Ofisa Sinia ma isi aufaigaluega o loo iai matafaioi e faatino suiga. O le matafaioi faapulega faatekonolosi e maua lona faatulagana i le faaulufale ma e mafai ona faatino ni gaoioiga se tele i le polokalame faakomipiuta pe a faatusa atu i le matafaioi e faatino suiga, e iai le aveeseina o pepa o nonogatupe mai le polokalame, faagaoioia o le faagasologa o faatinoga i le faaiuga o le

vaitaimi ma toe iloiloa/suia aofaiga o nonogatupe i luga o le polokalame, ae o le matafaioi e faatino suiga e faatapulā'a i le faamauina o faamaumauga ma faagaioi pepa o nonogatupe, saunia o lipoti ma faatinoga o le tuuina atu o faamaumauga. O le isi itu o le aufaigaluega a le Vaega DMU e leai se tomā ma aoaoga i tulaga faasuetusi o le polokalame. E tele ituaiga faamaumauga e faatino i le polokalame ma e eseese vaitaimi. Faamauina o faamaumauga faalemasina mo faatinoga mo tupe faamatuū, aofaiga faavae ma tului. E aofia foi fua faatatau o fesuaiga o tupe faalemasina. O le faamauina o nonogatupe fou faakonekarate pe a sainia ma faamalosiā, o le masani e tasi le nonogatupe fou i tausaga taitasi. O tuutuuga ma aiaiga o nonogatupe o loo i totonu o le maliega o nonogatupe sa sainia lea e aofia ai le numera o le nonogatupe, igoa o le nonogatupe, aofaiga o le nonogatupe, ma tupe (currency) o le nonogatupe, faatulagana o le toe totogi, fua faatatau o tului, vaitaimi o le faamatuū o tupe, tulaga faaleleiga ma isi. O maliega o nonogatupe i le lisi sa leiloa e faasino i nonogatupe sa faatinoina mai le tausaga 1980 ma le 1990, ma o le lē mafai ona tuuina atu kopi i le faatinoga o le suega ona o le tulaga moni o le teuina poo le failaina sese.

Galuega Faatino ma gasologa i luma o galuega:

O le iloiloa faalemasina o faamaumauga o le polokalame CS-DRMS sa fautuaina e mafai ona faia faatasi ma le faatinoga i le faaiuga o le vaitaimi faalemasina, e faia e le ofisa sinia maualuga e faafoeina aitalafu. Ae peitai, o se fua faatusa e 20 faatinoga moni i le masina, ma le nonogatupe fou e tasi i tausaga taitasi, e faaopoopo i matafaioi faaulufale mo tagata faigaluega taitasi a le Vaega DMU, iloiloa faalekuata poo faaletausaga e faatino talu ai e le tele se tulaga e ono suia i faamaumauga i le polokalame. O loo fa'aauau le tumau o matafaioi faaulufale mo tagata faigaluega uma o le Vaega DMU. Ae peita'i, e tusa ma tulaga lamatia o gaioiga o loo feagai ma le Vaega, o loo manaomia le atinae o malosiaga faatagata faigaluega mo ofisa sinia ma ofisa e faafoeina aitalafu ina ia latou malamalama ma faatino galuega o matafaioi tau faapulega faatekonolosi pe a manaomia. O aoaoga i le polokalame CS-DRMS o le tasi o atina'e o le malosiaga o le aufaigaluega o le a faatinoina i le ono masina muamua o le tausaga faaletupe 2014/15. Sa faafoeina le faitauga o maliega o nonogatupe uma e le Vaega DMU ia Fepuari ma Mati 2014 ma ua mae'a nei, o loo toe faamaonia ai maliega o nonogatupe ua leiloloa sa aumai i le lisi. Sa tapaina e le Matagaluega le fesoasoani a faalapopotoga faaunegatupe e tuuina mai kopi o maliega o nonogatupe na leiloa mo faamaumauga ma faila. Ua maua uma maliega o nonogatupe i faila, vagana ai le maliega e tasi o loo faatali le kopi mai i le faalapopotoga faaunegatupe. Ua faatinoina foi e le Matagaluega auala e taofia ai le leiloa o maliega o nonogatupe, i le faamauina o maliega uma i tulaga faakomipiuta ma kopi faaeletoni e teuina, ma le faatauina o se kapeneta e loka mo le tausia malu ai o kopi o faamaumauga tusitusia o maliega o nonogatupe.

2. Faafoeina o tulaga lamatia o fesuaiga o tupe mai fafo ma fuafuaga talafeagai

2.1 Tulaga mautu o fua faatatau o fesuaiga ma fuafuaga talafeagai

Mai tausaga e tolu ua tuana'i, sa maoa'e se eseese o tala faatatau ma tulaga moni o le toe totogiina o aitalafu i fafo. O loo fa'aauau le siitia o le aofaiga eseese e tusa ma le miliona i tausaga taitasi. O lea siitaga fa'aauau i tulaga lē tutusa o tala faatatau ma aofaiga moni o tupe totogi e moomia le iloiloa o tulaga faavae o le faatauina o tala faatatau ma mafuaaga o lea siitaga.

E tuuina mai e le polokalame CS-DRMS se ata fuafua mo le Vaega o Tala Faatatau o Tupe i le toe totogiina o nonogatupe ua atofaina i tausaga taitasi. O nei faamatalaga e maua mai i le polokalame e tusa ma faatulagana o le totogiina o nonogatupe taitasi. Mo le sueina o le aofaiga fuafua e totogi mo se nonogatupe, e fa'aogaina e le polokalame fua faatatau o fesuaiga o tupe i aso e faatapulā ai, lea o le masani o le faaiuga o Aperila poo Me. Talu ai o le maualuga o le tulaga lamatia o fesuaiga o tupe mai fafo, o loo iai le tulaga fa'aagaga a le Vaega Tala Faatatau o Tupe mo ia tulaga lamatia, e iai se faaputuga tupe ua tuu ese mo le faaitiitia o le aafiaga o fesuaiga o tupe i luga o tupe toe totogi. O faalapopotoga autu e faagaioia fua faatatau o fesuaiga o tupe o le Faletupe o le ANZ (Samoa) ma le Faletupe Tutotonu a Samoa.

O eseesea i tupe faatatau o tau o auaunaga o aitalafu pe a faatusaina i tupe totogi moni o auaunaga tau aitalafu, sa mafua mai i le ese o le fua faatatau o fesuiaiga o tupe sa fa'aaogaina mai itutino eseese mo le fuafuaina ma faatinoga moni, ma le fesuiaiga i fua faatatau o fesuiaiga o tupe mai lea taimi i lea taimi ona o ni itu e le oo iai le malosiaga a le Matagaluega.

Fautuaga a le Ofisa Su'etusi:

O le sa'o atili o fuafuaga o tupe faatatau o le a fesoasoani e faaleleia le faatautaia o faaiuga fai e faatatau i le faafoeina o aitalafu a le Malo. O le tulaga faapitoa, o se auala e mautu atili ai le sueina ma faamautu o le fua faatatau o fesuiaiga o tupe e fa'aaogaina i le faagasologa o tupe toe totogi atu e tatau ona fa'aaogaina e taofiofi ai nei eseese.

Tali a le Matagaluega

Faamalamalamaga:

Sa fuafuaina e le Matagaluega se siitaga i le aofaiga o aitalafu; lea sa siitia ai tupe faatatau i le tala faatatau o tupe i le tele o tausaga ua tuana'i. E fa'aaauu ona siitia le tau aofai ona o le siitia o aitalafu tuua.

O aitalafu i fafo a le Malo o loo faamauiina i tupe a atunuu i fafo e iai le USD, CNY, JPY, EUR ma le SDR. O le aofaiga o aitalafu i fafo i le faaiuga o Iuni 2013 e 96% o le aofaiga atoa o aitalafu a le Malo; lea e maua luga se tulaga lamatia o le Malo i fua faatatau o fesuiaiga o tupe a fafo.

O se tupe fa'aagaga mo fua faatatau i fesuiaiga o tupe a fafo o loo faatatau e le Vaega o Tupe Faatatau i le tala faatatau o tupe a le Malo i tausaga taitasi, e tusa ma fuafua faatatau mai le Faletupe Tutotonu ma le Ofisa o Fuainumera Faamauiina o tulaga e ono tulai mai i tausaga o i luma. E ui i le siitia o aitalafu i fafo ma le tulaga lamatia o le Malo i tulaga le mautonu i fua faatatau o fesuiaiga o tupe, o tupe faatatau faaletausaga mo fesuiaiga o fua faatatau a fafo e faavaeina i faatatau ma vaaiga taula'i i le lumanai o fua faatatau o fesuiaiga o tupe poo siitia le Tala poo pau faatusa i tupe eseese.

O lea tupe faatatau o se tulaga fesoasoani ma o le a fa'aaogaina pe a maua lalo (taugofie) fua faatatau o fesuiaiga o tupe e fa'aaoga mo fuafuaga o aitalafu i le fua faatatau o fesuiaiga sa fa'aaogaina i tupe totogi sa faia. O le molimau e "le i ausia sini autu"... "silia ma le miliona i tausaga taitasi" e le sa'o atoatoa. E tatau ona tagai i auaunaga i aitalafu fuafua faatusa i faatinoga moni, ona o fesuiaiga i fua faatatau o tupe e tua atu ma le malosiaga a le Matagaluega.

O fua faatatau o auaunaga o aitalafu i fafo sa saunia mo tala faatatau o tupe i tausaga taitasi o loo gaosia mai i le Lipoti 300 o le polokalame CS-DRMS, e fa'aaoga ai le fua faatatau o fesuiaiga o tupe i le aso faatapula'a i luga o le polokalame faakomipiuta. O le faataitaga, afai o le aso faatapula'a i luga o le polokalame faakomipiuta o le aso 31 o Mati 2013, ia o le fua faatatau o fesuiaiga o tupe e faamauiina i luga o le polokalame faakomipiuta ma fa'aaogaina e fausia ai lipoti mo le fuafuaga o tala faatatau o tupe, o fua faatatau o fesuiaiga o tupe o le aso 31 Mati 2013, e tapaina mai i le Faletupe Tutotonu ma le Faletupe ANZ (Samoa). O fua faatatau o fesuiaiga o tupe na tapaina mai le Faletupe o le ANZ o tupe masani autu e iai le USD, EUR, JPY ae o isi tupe e iai le SDR ma CNY e maua mai i le Faletupe Tutotonu. O tupe totogi sa faatino mo auaunaga tau aitalafu e faaliliuina i le tupe Samoa e fa'aaogaina ai le fua faatatau faaogatonu a le Faletupe Tutotonu USD/Tala, ona o auaunaga tau aitalafu i fafo uma e totogi mai i le Faaputuga Tupe a le Matagaluega o Tupe i tupe USD o loo tausua e le Faletupe Tutotonu.

Galuega Faatino ma gasologa i luma o galuega:

O eseesea i tala faatatau o auaunaga tau aitalafu faatusatusa i tupe totogi sa faatino, sa mafua mai i le (1) o le eseese o le fua faatatau o fesuiaiga o tupe mai itu eseese mo le fua faatatau ma faatinoga moni sa faia, ma (2) o le le mautonu o fua faatatau o fesuiaiga o tupe mai lea taimi i lea taimi ona o tulaga e fafo atu ma le malosiaga o le Matagaluega. Mo se ata faataitai, o loo atagia mai ai o le Faletupe ANZ e faatauina tupe USD i fua faatatau maua luga faatusatusa i fua faatatau a le Faletupe Tutotonu i le vaitaimi sa faailoaina. O fua faatatau a le Faletupe o le ANZ e fa'aaogaina mo le fuafuaga faatatau ma le faaliliuina i le tupe Samoa o

nonogatupe o loo faamauina i tupe USD, ae o fua faatatau a le Faletupe Tutotonu o loo fa'aaogaina mo le faaliliuina i tupe Samoa SAT o tupe moni na totogi mo auaunaga tau aitalafu o nonogatupe o loo faamauina i le USD. E tusa ma le fautuaga, o le a fa'aaogaina e le Vaega DMU fua faatatau a le Faletupe Tutotonu mo le fuafuaina o auaunaga tau aitalafu ma le faaliliuina o faatinoga moni i tupe Samoa ina ia faaitiitia eseesega e pei ona faailoaina mai ile suega faasuetusi, e aofia ai ma le fesuiaiga o fua faatatau o tupe mai lea taimi i lea taimi. . Sa faatinoina lea tulaga i fua faatatau o auaunaga tau aitalafu o tala faatatau o tupe mo le tausaga faaletupe 2014/15, ma faamatalaga talafeagai e faailoa atu ai suiga o le a faia i lipoti o aitalafu.

6.5 Sueina Faasuetusi o Faatinoga – Tagata Faigaluega Mai Atunuu I Fafo, Pisinisi ma Fa’afaigaluegaina o Tupe 2015 Matagaluega o Pisinisi, Alamanuia ma Leipa, Matagaluega a le Palemia ma le Kapeneta (Femalagaaiga), Matagaluega mo Tupe Maua

Sini Autu

O le sini autu sa fa’atino mo le su’ega o: “Tagata faigaluega mai fafo, pisinisi ma fa’afaigaluegaina o tupe.”
Sa patino le su’ega i le iloiloina pe:

1. Sa lelei le fa’amaumauina o fa’amatalaga i le auai o tagata faigaluega mai fafo, pisinisi ma fa’afaigaluegaina o tupe;
2. Sa silafia le aofa’iga, fa’asinomaga ma nofoaga o tagata faigaluega mai fafo, pisinisi ma fa’afaigaluegaina o tupe;
3. Sa fa’amaonia lelei le auai o tagata faigaluega mai fafo, pisinisi ma fa’afaigaluegaina o tupe e tusa ma tulafono ma faiga fa’avae a le Malo.

Tulaga Lautele o le Su’ega

Sa aofia i le su’ega le vaitaimi e 18 masina e amata mai i le aso 1 o Iulai 2013 seia o’o i le aso 31 Tesema 2014. O le gaoioiga sa iloiloina e aofia ai vaega o Matagaluega sa ta’ua o:

- Auaunaga o Leipa, Pemita Faigaluega, Fa’amalosia Tulaga Tau Saogalemu Ma le Soifua Maloloina - MCIL;
- Auaunaga e Unaia le Atina’eina o Pisinisi ma Fa’afaigaluegaina o Tupe - MCIL;
- Auaunaga tau Femalagaaiga - MPMC;
- Auaunaga o le Aoina ma le Fa’amaumauina o Tupe Maua - MFR.

Mataupu Na Maua i le Su’ega ma Fautuaga

Mai fa’amaumauga sa aoina mai e auala i iloilogaga o fa’amatalaga, fa’atalanoaga ma fa’amaoniga o faila, o lo’o ootoo atu ai mataupu na maua i le su’ega i lalo o Matagaluega taitasi (MCIL, MPMC ma MFR) ma fautuaga talafeagai.

1. Matagaluega o Pisinisi, Alamanuia ma Leipa

1.1.1 Sa leai ni fa’amaumauga o pemita faigaluega i le vaitaimi o fesuaiga mai le Auaunaga tau Femalagaaiga i le Matagaluega o Pisinisi, Alamanuia ma Leipa

Sa fa’asee atu Pemita Faigaluega mo Tagata Faigaluega Mai i Fafo i le Matagaluega o Pisinisi, Alamanuia ma Leipa mai le Vaega o Auaunaga tau Femalagaaiga a le Matagaluega a le Palemia ma le Kapeneta i le aso 22 o Mati, 2014. O lenei fesuaiga sa fa’amamaluina i le Auaunaga o Leipa, Pemita Faigaluega, Fa’amalosia Tulaga Tau Saogalemu Ma le Soifua Maloloina a le Matagaluega o Pisinisi, Alamanuia ma Leipa i le aso 23 o Mati, 2014. Sa leai ni fa’amaumauga mai le fesuaiga a le Vaega o Auaunaga tau Femalagaaiga sa fa’amaumauina ma failaina e le Matagaluega o Pisinisi, Alamanuia ma Leipa. Sa amataina le resitalaina tusilima o Pemita Faigaluega mo Tagata Faigaluega Mai Fafo i le Matagaluega o Pisinisi, Alamanuia ma Leipa i le aso 28 o Mati 2014.

Fautuaga:

E fautuaina le Matagaluega o Pisinisi, Alamanuia ma Leipa e galulue fesoota’i ma le Vaega o Auaunaga tau Femalagaaiga e fa’amautinoa o fa’amaumauga uma mo tagata faigaluega mai atunuu i fafo o lo’o atoatoa ma sa’o e fesoasoani i le toe iloiloina ma asiasiga i Matagaluega e lua.

Tali a le Matagaluega:

Ua fa'amauiina le fautuaga. O le suiga o le matafaioi o pemitā faigaluega mai le Auaunaga tau Femalagaaiga a le Matagaluega a le Palemia ma le Kapeneta i le Auaunaga o Leipa, Pemitā Faigaluega, Fa'amalosia Tulaga Tau Saogalemu Ma le Soifua Maloloina a le Matagaluega o Pisinisi, Alamanuia ma Leipa sa avea o se lu'itau ona e toatasi lava le tagata faigaluega ofisa i le tulaga o faigatotogi o le A8 e nafa ma le iloiloaina, resitalaina, fa'atinoina fa'amatalaga/fautuaga ma le tuuina atu o pemitā faigaluega. O lo'o galue le Matagaluega e atina'e se fa'atinoga o fa'amatalaga fa'alotoifale e o gatasi ai ma fa'amatalaga o pemitā faigaluega mai le Matagaluega a le Palemia ma le Kapeneta ma fa'amatalaga fa'atinoina i lalo o le Matagaluega o Pisinisi, Alamanuia ma Leipa talu mai le suiga. Ua i ai nei i le Komisi o Galega a le Malo se fuafuaga fa'atu mo le iloiloaina o le fa'atulagana mo nisi afaigaluega fa'aopoopo.

Tali 2016: O Pemitā Faigaluega o tuuina atu e le Auaunaga tau Femalagaaiga o loo mataituina faalemasina e auala i asiasiga tai masina o pemitā ua faamutaina. O loo fautuaina le Auaunaga tau Femalagaaiga i pemitā ua faamutaina ma faaleaogaina mo lo latou silafia ma le logoina le Matagaluega o Pisinisi, Alamanuia ma Leipa pe ua tuua Samoa e tagata mai fafo.

Ua faamaonia e le Komisi e Pulea Tagata Faigaluega a le Malo se Tagata Ofisa Sinia Mauuluga o le Vaega o Pemitā Faigaluega o loo faagasolo le tulaga faafaigaluegaina. O se Ofisa Asiasi o Leipa i lalo o le Auaunaga o Leipa ua faasee atu e fesoasoani i le galuega faatino.

1.2 Sa sēsē fa'amatalaga i tulaga o pemitā faigaluega

Sa matauina ni tulaga o le sēsē o fa'amatalaga i pemitā faigaluega. O ni fa'ataitaiga e aofia ai:

- Sa eseese aso na fa'amauiina mai aso o lo'o i luga o talosaga;
- Le tutusa o igoa o fale faigaluega ma alamanuia;
- Sa sēsē le kenera; ma
- Sa lē fa'atulagaina i fuainumera pemitā.

O nei fa'amatalaga sa fa'aaogaina e le Matagaluega o Pisinisi, Alamanuia ma Leipa e fa'amauiina ai fa'amaumauga o tulaga o iloagofie ai ia pemitā o tagata faigaluega mai fafo. I le mae'a ai o lea fa'atinoga, o le a lomina ai pepa fa'ailo e iloagofie ai ia pemitā o tagata faigaluega mai fafo.

Fautuaga:

E fautuaina le Vaega o Auaunaga o Leipa, Pemitā Faigaluega, Fa'amalosia Tulaga Tau Saogalemu Ma le Soifua Maloloina e fa'atinoina se iloiloaga atoatoa o fa'amatalaga ma se iloiloaga o tulaga o le fa'afueina lelei o fa'amatalaga.

Tali a le Matagaluega:

Ua fa'amauiina le fautuaga. O lo'o fa'atinoina e le Matagaluega faiga mo le siakiina ma le fa'apaleniga e taofia ai lape fa'aletagata e iai tulaga sēsē o lo'o ta'ua i luga: Sa eseese aso sa fa'amauiina mai aso o talosaga – atina'e o taiala mo le limata'ita'ia o tagata faigaluega.

Tali 2016: Ua maea le faatuina o taiala o faatinoga o galuega. O loo faagasolo le faatalanoaina o le ata o le Faiga Faavae o le Faafaigaluegaina o Tagata mai Fafo.

1.3 Sa lē atoatoa fa'amatalaga mo pemitā faigaluega

Sa matauina e 12 Pemitā Faigaluega mo Tagata Faigaluega Mai Fafo e le i resitalaina i fa'amaumauga fa'akomipiuta. Ae peita'i sa fa'amauiina i le resitala tusilima. Sa matauina fo'i e 10 Pemitā Faigaluega mo Tagata Faigaluega Mai Fafo sa lē fa'amauiina i resitala e lua ma sa lē fa'ailoaina pe sa fa'aletonu pe sa fa'aleaogaina.

Fautuaga:

E fautuaina le fa'amauina uma o Pemita Faigaluega mo Tagata Faigaluega Mai Fafo ma toe siaki pe a ma'ea le fa'amauina ina fa'amautiona o Pemita Faigaluega mo Tagata Faigaluega Mai Fafo uma sa tuuina atu ma fa'amaonia o lo'o fa'amaumuina i resitala uma e lua mo le mataituina ma le lipotiina.

Tali a le Matagaluega:

Ua fa'amauina le fautuaga. O lo'o iloiloaina e le Vaega gaoioiga fa'alotoifale ina ia fa'amautiona o fa'amaumuina o fa'amatalaga i gaoioiga fa'akomepiuta o lo'o atagia tutusa ma faiga fa'atusilima ia taofia ai le fa'atamala fa'aletagata.

Tali 2016: O loo iai faamaumuina ua faataatia e o gatusa ma le faagaoioiga faakomepiuta o le FEEP. O lea faamaumuina e fa'aaogaina e toe siaki ai faamaumuina o loo i luga o le faagaoioiga faakomepiuta.

1.4 Sa leai ni lipoti o pemita faigaluega na maua mai le fa'agaioioiga fa'akomepiuta

Sa matauina i le su'ega le leai o ni lipoti o pemita faigaluega mai le fa'agaioioiga fa'akomepiuta. Ae peita'i sa tapena lipoti e le Asiasi o Leipa i taimi ua tuana'i ae sa le fa'amaonia e le Ofisa Sili Lagolago o le Vaega. O le taunuuga, sa faigata ona fa'amaonia le aofa'iga tuulata mai o tagata faigaluega mai atunuu i fafo i totonu o Samoa.

Fautuaga:

E fautuaina le Vaega o Auaunaga o Leipa, Pemita Faigaluega, Fa'amalosia Tulaga Tau Saogalemu Ma le Soifua Maloloina e fa'atinoina lipoti fa'alemasina e fa'amaonia e le Ofisa Sili. O nei lipoti e tataua ona tuuina atu i le Vaega o Auaunaga tau Femalagaaiga, Auaunaga o le Aoina ma le Fa'amaumuina o Tupe Maua ma isi matagaluega a'afia a le Malo mo le fa'atuulata mai o fa'amaumuina. O le isi tulaga, o ia lipoti e tataua ona fa'aaogaina e le Vaega mo le iloiloaina o le auaunaga e pei ona atagia ai i le auivi o auaunaga ale Matagaluega.

E tataua ona aofia i le lipoti tulaga nei:

- Aofa'iga o Pemita Faigaluega mo Tagata Faigaluega Mai Atunuu i Fafo sa tuuina atu;
- Aofa'iga o Pemita Faigaluega mo Tagata Faigaluega Mai Atunuu i Fafo sa le i fa'afouina / e tataua ona fa'afouina;
- Aofa'iga o Pemita Faigaluega mo Tagata Faigaluega Mai Atunuu i Fafo sa fa'aleagaina;
- Aofa'iga o Pemita Faigaluega mo Tagata Faigaluega Mai Atunuu i Fafo sa soloia;
- Aofa'iga o Pemita Faigaluega mo Tagata Faigaluega Mai Atunuu i Fafo sa asiasia ma matauina ai mataupu.

Tali a le Matagaluega:

Ua fa'amauina le fautuaga. O lo'o atina'eina e le Vaega se Auivi o Lipoti e aofia ai ia vaega o lipoti.

Tali 2016: E tuuina atu e le Vaega lipoti tai vaisao o galuega faagasolo mo le Ofisa Sili Lagolago faapea ai ma lipoti faalemasina i le Pulega.

1.5 Sa le tuulata mai le resitala tusilima mo pemita faigaluega (2 masina le fa'atuai)

Mai le molimauina o le resitala tusilima, sa matauina ai le fa'atuai o fa'amaumuina mo le 2 masina ae ua mae'a ona tuuina atu Pemita Faigaluega mo Tagata Faigaluega Mai Fafo e 116 mai fa'amaumuina fa'akomepiuta. Sa tuuina mai le resitala tusilima i le vaega su'etusi i le aso 3 o Mati 2015 ma o le resitala fa'aiu sa faia i le aso 18 o Tesema 2014.

Fautuaga:

E fautuaina le Vaega o Auaunaga o Leipa, Pemita Faigaluega, Fa'amalosia Tulaga Tau Saogalemu Ma le Soifua Maloloina e resitala talosaga i aso taitasi e mautinoa ai le atoatoa o le fa'agasologa o galuega. O le a fa'aitiitia ai le tulaga lamatia o le le fa'amauina po'o le le mafai ona tali manino atu mo Pemita Faigaluega mo Tagata Faigaluega Mai Fafo i se tulaga ua le mafai ona fa'afoeina lelei mai fa'amaumauga fa'akomipiuta.

Tali a le Matagaluega:

Ua fa'amauina le fautuaga.

Tali 2016: Sa faamaonia e le Ofisa Sili ia taiala o galuega faatino o aso taitasi mo le Vaega o Auaunaga o Leipa, Pemita Faigaluega, Fa'amalosia Tulaga Tau Saogalemu Ma le Soifua Maloloina. O le faamamafa o loo ave i le siaki o talosaga o Pemita Faigaluega mo Tagata Faigaluega Mai Fafo. E siaki e le Tagata Ofisa le talosaga ona faamaonia lea e le Ofisa Sinia Maua. E faamaonia e le Ofisa Sili Lagolago le fautuaga ae le i tuuina atu i le Ofisa Sili mo le faamaoniaga faaiu.

1.6 Sa leai ni lipoti o asiasiga

Sa matauina mai i faila sa iloiloaina le leai o ni lipoti o asiasiga. Sa matauina mai i tali i fa'atalanoaga ma le Ofisa Asiasi o Leipa na leai se taimi mo asiasiga ona sa fa'atino e le Ofisa Asiasi le siaki, Iloilo, resitala ma fa'amauina o talosaga atoa ai ma le auaunaga i tagata.

Fautuaga:

E fautuaina le Vaega o Auaunaga o Leipa, Pemita Faigaluega, Fa'amalosia Tulaga Tau Saogalemu Ma le Soifua Maloloina e fa'atino asiasiga o Pemita Faigaluega mo Tagata Faigaluega Mai Fafo sa tuuina atu ma fa'amaonia ma teuina lelei. E fautuaina fo'i le Matagaluega e iloiloaina le fa'atulagana o le Vaega o Auaunaga o Leipa, Pemita Faigaluega, Fa'amalosia Tulaga Tau Saogalemu Ma le Soifua Maloloina ina ia lelei le fa'atinoga o matafaioi i le mataituina.

Tali a le Matagaluega:

Ua fa'amauina le fautuaga. O lo'o atina'eina e le Vaega se Auivi o Alamanuia ma Fa'afaigaluega o Tagata e aofia ai Faiga Fa'avae o le Mataituina ma le Iloiloaina e a'afia ai ma le Mataituina ma le Iloiloaina o Pemita Faigaluega. Sa tuuina atu se fuafuaga fa'atu mo le iloiloaina o le fa'atulagana i le Ofisa o le Komisi o Galuega a le Malo mo le fa'amaoniaga o tofiga faigaluega e lua i lalo o le Vaega o Pemita Faigaluega e fa'amautinoa ai le gafatia o le malosiaga tau tagata faigaluega e fa'atinoina ai le matafaioi fa'atonutonu.

Tali 2016: O asiasiga faalemasina o loo faatino i Pemita Faigaluega mo Tagata Faigaluega Mai Fafo, ma le isi itu o loo faatino foi e le Vaega le Mataituina ma le Iloiloaina faalemasina. O lipoti o mataupu sa maua na faailoaina i le Pulega. Sa faamaonia e le Komisi o Tagata Faigaluega a le Malo avanoa faigaluega e lua i lalo o le Vaega o Pemita Faigaluegaina mo le faamautinoa lava o le malosiaga tau tagata faigaluega e fa'atinoina ai le matafaioi fa'atonutonu.

1.7 Sa fa'amaonia talosaga (FIC/FEPP) e aunoa ma ni manaoga/fa'amaumauga atoatoa

Sa matauina ni tulaga o talosaga sa fa'amaonia e aunoa ma ni manaoga/fa'amaumauga atoatoa sa tuuina mai e le au fai tupe teu fa'afaigaluega/au fai talosaga. O se fa'ataitaga, o kopi o tusifolau sa fa'amaonia ma ata fou o tusifolau sa le fa'amauina fa'atasi ma talosaga FIC; ma totogi fa'alemasina faapea laisene o pisinisi sa le aofia i Pemita Faigaluega mo Tagata Faigaluega Mai Fafo.

Fautuaga:

E fautuaina le Matagaluega o Pisinisi, Alamaunia ma Leipa ia usitaia manaoga mo tusi fa'amaonia mo le fa'afaigaluegaina o tupe mai fafo/Pemita Faigaluega mo Tagata Faigaluega Mai Fafo ina ia fa'amatutinoa le fa'agaioiga tutusa ma le atoatoa o fa'amatalaga e pei ona mo'omia i lalo o tulafono ma faiga fa'avae.

Tali a le Matagaluega:

Ua fa'amaunia le fautuaga. O lo'o iloiloina e Vaega e lua ia fa'agasologa ma taualumaga fa'alotoifale ina ia fa'amatutinoa o fa'amatalaga o lo'o fa'agaioi tutusa ma sa'o ae le i tuuina atu tusia fa'amaonia o le fa'afaigaluegaina o tupe mai atunuu i fafo ma pemita faigaluega.

1.8 Sa le ausia le sini e 90 Tusi Fa'amaonia o le Fa'afaigaluegaina o Tupe mai Atunuu i Fafo e tuuina atu i le tausaga fa'aletupe 2013/2014 mo le Fa'alauiloga o Atina'e o Alamaunia ma Fa'afaigaluegaina o Tupe

Sa tuuina ma resitalaina e le Fa'alauiloga o Atina'e o Alamaunia ma Fa'afaigaluegaina o Tupe le aofa'iga e 62 Tusi Fa'amaonia o le Fa'afaigaluegaina o Tupe mai Atunuu i Fafo e aofia ai tusi fa'amaonia fou e 39 i le tausaga fa'aletupe 2013/2014. Sa le ausia le sini aofa'i e 90 Tusi Fa'amaonia o le Fa'afaigaluegaina o Tupe mai Atunuu i Fafo i le vaitaimi sa lipotia.

Fautuaga:

E fautuaina le Matagaluega e fa'atino ni fua fa'atatau talafeagai ma mafai ona ausia ina ia mautinoa le ausia o nei sini i le vaitaimi ua fa'amaonia.

Tali a le Matagaluega:

Ua fa'amaunia le fautuaga. O le sini o le vaitaimi na lipotia sa fua i taunuuga sa ausia muamua. O le pa'u i le aofaiga o talosaga mo Tusi Fa'amaonia o le Fa'afaigaluegaina o Tupe mai Atunuu i Fafo sa i fafo atu ma le malosiaga tau pulega.

1.9 Sa leai ni lipoti i le tulaga o Fa'alapotopotoga ma Kamupani mai Atunuu i Fafo

E tusa ai ma le Fuaiupu 11 o le Tulafono o Tupe Teufaafaigaluegaina Mai Fafo 2011, e tataua i tagata mai fafo e teufaafaigaluegaina a latou tupe i totonu o Samoa ona tuuina atu se lipoti o ana gaioiga e aofia ai se lipoti o tala o tupe ua mae'a ona su'eina fa'asu'etusi i le Ofisa Sili o Pulega ia le itiiti ifo na i lo le ono masina i le tuana'i ai o le fa'aiuga o tausaga fa'aletupe taitasi uma. Mai le iloiloga o Lipoti Fa'aletausaga a le Matagaluega o Pisinisi, Alamaunia ma Leipa ile Palemene, sa matauina sa laga fo'i lenei mataupu i tausaga fa'aletupe 2012/2013 ma le 2013/2014.

Fautuaga:

E fautuaina le Matagaluega o Pisinisi, Alamaunia ma Leipa e fa'aleleia le tuliloaina o lipoti i tulaga o Fa'alapotopotoga mai Fafo e Teufaafaigaluegaina a latou tupe i totonu o Samoa.

Tali a le Matagaluega:

Ua fa'amaunia le fautuaga. O lo'o fa'atino e le Vaega asiasiga fa'alua i le tausaga o Tusi Fa'amaonia mole Teufaafaigaluegaina o tupe i totonu o Samoa sa resitalaina, ma fa'alauiloa i nusipepa e le na o le mataitu ai o le usitaia ae o le fa'amanatu fo'i i tagata e umia tusi fa'amaonia FIC i aiaiga tau lipoti e aofia ai tusi tulituliloa ma feso'otaiga i telefoni pe a talafeagai ai. O lo'o fa'agasolo le galuega ile iloiloina o vaega maoti ai o le Tulafono o Tupe Teufaafaigaluegaina Mai Fafo.

1.10 Sa lē usitaia ia tuutuuga ma aiaiga o Tusi Fa'amaonia mo le Teufaafaigaluegaina o tupe/Pemita Faigaluega o Tagata mai Fafo sa tuuina atu

Sa matauina i asiasiga o fa'alapotopotoga e teufaafaigaluegaina tupe ni tulaga o le lē usitaia o tuutuuga ma aiaiga o pemita faigaluega o tagata mai fafo. O le tele o ia tulaga sa fa'afaigaluegaina tagata faigaluega mai atunuu i fafo i lalo o galuega sa fa'aleoleo e pei o le tagata e talia tupe mo faleoloa o meaai taumafa/suavai taumafa sa fa'aleoleo mo na o tagatanuu o Samoa.

Fautuaga:

E fautuaina le Matagaluega o Pisinisi, Alamanuia ma Leipa e fa'aleleia le matafaioi o le mataituina ina ia fa'amautinoa e lē o fa'afaigaluegaina tagata faigaluega mai atunuu i fafo i galuega fa'aleoleo e pei ona fa'ailoa mai e le Matagaluega.

Tali a le Matagaluega:

Ua fa'amauina le fautuaga. Pemita Faigaluega o Tagata mai Atunuu i Fafo – O lo'o galue le Vaega e atina'e se Auivi o Alamanuia ma le Fa'afaigaluega o Tagata e aofia ai Faiga Fa'avae o le Mataituina ma le Iloiloina e aofia ai le Mataituina ma le Iloiloina o Pemita Faigaluega. Tusi Fa'amaonia mo le Teufaafaigaluegaina o tupe – O lo'o iloilo e Vaega e lua fa'agasologa o fa'atinoga o galuega ma gaoioiga fa'alotoifale ia fa'amautinoa o lo'o fa'atumauiina ma sa'o fa'amatalaga ae le i tuuina atu Tusi Fa'amaonia mo le Teufaafaigaluegaina o tupe ma pemita faigaluega.

1.11 Sa fa'atapula'a le fesoootaiga o galuega fa'atino a Matagaluega

Sa matauina e le Matagaluega o Pisinisi, Alamanuia ma Leipa ni tulaga o ni tagata faigaluega mai fafo o lo'o galulue i totonu o Samoa ae leai ni pemita faigaluega. Ae peita'i o nei tagata faigaluega mai fafo sa fa'akonekarate i poloketi tau fesoasoani ma fetuunaiga fa'apaaga e auala atu i le Matagaluega o le Va-I-Fafo ma Fefa'atauaiga.

Fautuaga:

E fautuaina le Matagaluega o Pisinisi, Alamanuia ma Leipa e galue fesooota'i ma le Matagaluega o le Va-I-Fafo ma Fefa'atauaiga, Matagaluega mo Tupe Maua ma le Matagaluega a le Palemia ma le Kapeneta e fa'atatau i fesoasoani o fa'atupeina e le Malo po'o faiga fa'apaaga mo poloketi tau fesoasoani ina ia mautinoa le aofia uma ai o tagata faigaluega mai atunuu i fafo.

Tali a le Matagaluega:

Ua fa'amauina le fautuaga. O le fa'amoemoe o le Matagaluega o Pisinisi, Alamanuia ma Leipa o le fa'aleleia o le va fealoa'i ma paaga e iai le Matagaluega a le Palemia ma le Kapeneta, Matagaluega mo Tupe Maua ma le Matagaluega o le Va-I-Fafo ma Fefa'atauaiga.

2. Matagaluega a le Palemia ma le Kapeneta

2.1 Sa lē atoatoa manaoga/fa'amaumaga mo pemita mo le nofo lē tumau

Sa matauina mai fa'amaoniaga sa lē usitaia ia nisi o manaoga/fa'amaumaga mo pemita mo le nofo lē tumau ae sa ave lava le fa'amaoniaga. Sa matauina fo'i le tuuina atu e le Matagaluega o Pisinisi, Alamanuia ma Leipa o Pemita Faigaluega o Tagata Faigaluega mai Fafo e lē sa'o ae peita'i sa tuuina atu lava pemita mo le nofo lē tumau e le Vaega o Auaunaga tau Femalagaiga.

Fautuaga:

E fautuaina le Vaega o Auaunaga tau Femalagaiga e usitaia tataua manaoga fa'atuina mo le tuuina atu o le nofo lē tumau mo le fa'afaigaluegaina fa'apea ma le fa'atinoga o pisinisi i totonu o Samoa. E fautuaina fo'i le lipotiina o soo se tulaga fa'aletonu o Pemita Faigaluega mo Tagata Faigaluega

Mai Fafo/Tusi fa'amaonia o Teufa'afaigaluegaina o Tupe i le Matagaluega o Pisinisi, Alamanuia ma Leipa ae le i fa'amaonia muamua.

Tali a le Matagaluega:

O le tele o mataupu na maua ma fautuaga sa tuuina mai ua fa'alateleina ai le silafia atili o le aufaigaluega mo pemitā i tulaga e moomia ai le fa'atinoga tatau ae sa tuulafoa'i i isi taimi, peita'i ua lelei ua toe tuuina mai mo lo matou silafia. O lea ua naunau e fa'aleleia nei vaega ma galuega i se tulaga aupito lelei le fa'atinoga ina ia usitaia atoa manaoga ua fa'atuina mo le Vaega o Pemitā.

2.2 Sa leai se lipoti mo pemitā nofo lē tumau ua mae'a le taimi fa'atapula'a

Sa matauina mai fa'atalanoaga ma le Ofisa Sinia Maua o Femalagaiga sa fa'agasolo gaoioiga i le fa'atinoga o lipoti mo pemitā nofo lē tumau ua mae'a le taimi fa'atapula'a. Ae peita'i sa lē fa'ataunuuina lava ona o le toaitiiti o le aufaigaluega.

Fautuaga:

E fautuaina le Vaega o Auaunaga tau Femalagaiga e atia'e lipoti mo pemitā nofo lē tumau ua mae'a le taimi fa'atapula'a i masina taitasi ma tuuina atu nei lipoti ile Matagaluega o Pisinisi, Alamanuia ma Leipa ma le Matagaluega mo Tupe Maua mo le tuulata mai o fa'amaumauga.

Tali a le Matagaluega:

E tusa ma Lipoti mo Pemitā Nofo lē Tumau ua mae'a le taimi fa'atapula'a, o lo'o mataituina nei e auala mai i fa'amaumauga o tagata o lo'o umia pemitā mai le Fa'agaoioiga Fa'akomipiuta mo le Fa'afoeina o Tuaoi i aso taitasi ae lē o masina taitasi e pei ona ta'ua i le fautuaga.

2.3 Sa leai ni lipoti na gaosia mai i le Fa'agaoioiga Fa'akomipiuta mo Pemitā mo le Fa'afoeina o Tuaoi

I le fa'atinoga o le su'ega sa talosaga ai ni lipoti mai le Fa'agaoioiga Fa'akomipiuta mo Pemitā e fa'aigoā o le Fa'afoeina o Tuaoi (Border Management System). Sa maua tuusa'o mai fa'amaumauga mai le fa'agaoioiga fa'akomipiuta a le Vaega tau Fa'amatalaga Fa'atekonolosi i lalo o le Auaunaga tau Femalagaiga. O le taunuuga, sa faigata ona fa'amaonia le aofa'iga na tuuina atu e le Vaega o Auaunaga tau Femalagaiga mo pemitā o le nofo lē tumau mo galuega ma pemitā mo le fa'afoeina o pisinisi i totonu o Samoa i le vaitaimi o le su'ega.

Fautuaga:

E fautuaina le Vaega o Auaunaga tau Femalagaiga e saunia ni lipoti fa'alemasina ma fa'amaonia e le Ofisa Sili Lagolago o Pulega o lea Vaega. E tatau ona tuuina atu nei lipoti i le Matagaluega o Pisinisi, Alamanuia ma Leipa fa'apea ai male Matagaluega mo Tupe Maua mo le tuulata mai o a latou fa'amaumauga. O le isi itu, o nei lipoti e fa'aaogaina e le Vaega mo le iloiloina o le fa'atinoga o le auaunaga e pei ona atagia i le auvi o fa'atinoga o galuega a le Matagaluega.

O le lipoti e tatau ona aofia ai:

- Aofa'iga o pemitā sa tuuina atu e vaevaeina i ituaiga;
- Aofa'iga o pemitā sa lē fa'afouina/o le a fa'afou;
- Aofa'iga o pemitā soloia / lē fa'aaogaina;
- Aofa'iga o pemitā sa asiasia ma matauina ni mataupu.

Tali a le Matagaluega:

O lipoti fa'alemasina uma sa tuuina atu i le Ofisa Sili o le Matagaluega a le Palemia ma le Kapeneta mo le fa'amaoniaga i masina taitasi ae peita'i e lē tuuina atu ni kopi o ia lipoti i le Matagaluega o Pisinisi, Alamanuia ma Leipa fa'apea ai ma le Auaunaga o le Aoina ma le Fa'amaumauina o Tupe Maua e pei ona ta'ua.

O lea ua fa'amauina fautuaga ma ua naunau e galulue fa'atasi ma Matagaluega sa ta'ua e fa'amautinoa le tuulata mai o fa'amaumauga uma.

3. Matagaluega mo Tupe Maua

3.1 Sa fa'atapula'a le gaoioiga fesootai ma le Matagaluega o Pisinisi, Alamanuia ma Leipa fa'apea ma le Vaega o Auaunaga tau Femalagaaiga

Sa matauina le tulaga itiiti o gaoioiga fesootai o le Matagaluega mo Tupe Maua ma le Vaega o Auaunaga tau Femalagaaiga fa'apea ai ma le Matagaluega o Pisinisi, Alamanuia ma Leipa e tusa ma le su'ega o gaoioiga.

Fautuaga:

E fautuaina le Matagaluega mo Tupe Maua e fesootai ma galulue fa'atasi ma le Vaega o Auaunaga tau Femalagaaiga atoa ai ma le Matagaluega o Pisinisi, Alamanuia ma Leipa mo le fa'aaogaina fa'atasi tatau o fa'amatalaga.

Tali a le Matagaluega:

Ua fa'amauina le fautuaga a le Ofisa Su'etusi mo le fa'aleleia atili i le lumanai o lenei mataupu. E fa'ailoa atu fo'i e fa'apea ua avea ma vaega o le Fuafuaga Fa'aleleia mo le Usitaia a le Matagaluega le taumafaiga e fa'amautinoa le fesootai lalata ma isi itutino i le fa'aaogaina fa'atasi o fa'amaumauga aemaise ai isi itutino e iai le Matagaluega o Pisinisi, Alamanuia ma Leipa ma isi o lo'o tutusa manaoga i tulaga e iai le fa'afaigaluegaina o tupe a tagatanuu mai fafo i totonu o Samoa.

7. SUEGATUSI FAAPITOA

7.1 Ripoti Suetusi Faapitoa –: Toe iloilogā o le faatinoga o fautuaga sa tuuina atu i le vaega o loo gafa ma le faiga o totogi i luga o le polokalame mo le faamauina o galuega faaletupe a le Malo (Finance One System). 2014

Faamatagala auiliili o galuega faasuetusi sa faatinoina

Mataupu	Tulaga Lamatia	Tulaga o loo iai nei 2014
1. Faamauina faalua o le tagata toatasi i luga o le Finance 1	Maua luga	Faatinoina le galuega

Mataupu 1 2010: E 19 tagata faigaluega sa faamauina faalua a latou igoa ma e eseese foi numera faigaluega (ID#) o loo faaogaina i luga o le Finance One (F1)

Fautuaga 2010: Ia toe tagai totoa i lea tulaga ma ia mautinoa e tai tasi lava ona faamauina le igoa o se tagata i luga o le F1 faapea ma numera faigaluega (ID#) o loo faaoga e nei tagata. Ia taofia uma ia numera faigaluega a tagata faigaluega ua le toe faaogaina

2010 Tali mai Pulega: Lagolagoina le mataupu ua faaalua. O le sese sa mafua mai i le faamauina o faamatalaga i luga o le F1. O le ā matou tagai totoa foi i nei tulaga. O le a tai 6 masina ma fai le siaki auā le vaaia o ni tagata e faalua ona maua le igoa i luga o le F1. Ua fautuaina foi le aufaigaluega ia siaki muamua igoa o tagata ae lei taina i luga o le F1. O loo taumafai foi e fai ni taiala i luga o le F1 ina ia faaitiitia ai le sese o faamatalaga e faamauina. E faapea foi le galuega o loo fai mo isi faamaumauga e pei o numera NPF.

Nisi nei o tulaga sa matauina 2014: Sa iai ia ni tupe totogi faasili ae ua toe faafoi mai ona ua iai suiga ma metotia e mafai ona iloa lelei totogi a tagata faigaluega. O le faatinoina o lenei galuega o loo faia e le taitai o le vaega o totogi a le Malo. E le i faamauina nei faiga ma gaioiga i luga o ni pepa aua le faaogaina e isi tagata faigaluega i le lumanai.

Fautuaga Faapopo 2014: E taua le tusitusia uma o nei taiala ina ia aua nei faamoemoe tasi i le taitai o le vaega o loo faia totogi.

Tali mai Pulega 2014: I le 2011, sa faatinoina ai le poloketi a le PSC e faatatau i le Finance 1 (HR Module) ma tuuina atu o le vaaiga ma le faamauina o faamatalaga i tagata faigaluega i le vaega e Pulea ma va'aia lelei tagata faigaluega. Talu ai ona o lea tulaga o le faamamafa e i luga o le vaega lea. O latou e tataua ona vaaia lelei ia tagata faigaluega fou ae lei faia ni latou numera faigaluega poo le faamauina o latou suafa i luga o le Finance One. O le isi faafitauli ole le mafai ona iloa o faamaumauga o se tagata mai le isi matagaluega ona o tulafono tau malu puipua o loo faaoga i luga o le Finance One.

Mo le agai i luma, o le a fesootai i le vaega o loo faauluulu ai le vaaiga o le Finance One pe mafai ona fai se auala e iloa ai e le isi matagaluega se tagata faigaluega ua uma ona resitalaina i luga o le Finance One. A faapea foi e mafai ona fai se ripoti faapenei, ia mautinoa e le mafai e se tagata ona fai iai ni suiga. Atonu foi e aoga lenei tulaga e mafai ona iloa ai mai tua i matagaluega se tagata ua faalua ona faamauina lona suafa i luga o le Finance One.

Mataupu	Tulaga Lamatia	Tulaga o loo iai nei 2014
2. Tagata faigaluega o loo maua faalua totogi i le vaitaimiti o totogi e tasi	Maua luga	Faaitino

Mataupu 2 2010: Faamauina ni tagata faigaluega o loo maua totogi tai lua i le vaiaso o loo fai ai totogi ae eseese ana numera faigaluega. Ua malamalama e iai lava tagata faapea e tai pei o Pulenuu ae ua iai foi ma tagata faigaluega e le tatau ona agavaa i lea tulaga ae o loo maua pea a latou totogi tai lua i le vaiaso totogi e tasi.

Fautuaga 2010: Ia suesueina e le Pulega nei tagata ua ova totogi ma ia toe faia se auala e toe faafoi mai ai tupe nei. Ia mautinoa foi e le Pulega pe faapefea ona tupu lena tulaga ma ia tagai totoa i auala e foia ai le tupu o nei mea.

Tali mai a le Pulega 2010: O le a faaitinoina lea tulaga

Nisi nei o tulaga sa matauina 2014: I le maea o le iloiloina o lena mataupu, sa mafai ona toe faaolaina mai nei tupe totogi faasili i tagata faigaluega. O le faiga o lena galuega o loo faamoemoe tasi lava i le taitai o le vaega o totogi. E le i faamauina nei gaioiga i luga o ni pepa aua le toe faaogaina e nisi tagata i le lumanai.

Fautuaga Faapopo 2014: E taua le tusitusia uma o nei taiala ina ia faamamā ai le faamoemoe tasi i le taitai o le vaega o faiga o totogi.

Tali mai pulega 2014: Tutusa lava le tali i le mataupu muamua (1)

Mataupu	Tulaga Lamatia	Tulaga o loo iai nei 2014
3. Mauaina tagata faigaluega e le tatau ona i luga o le F1	Maua luga	Faaitino

Mataupu 2010: O igoa sa fai ai faaitaiga i luga o le Finance One o loo maua nei igoa i totonu o le vaega o loo fai ai totogi a le Malo

Fautuaga 2010: Ia tagai totoa le Pulega i lea tulaga ma aveeseina uma mai igoa nei i le lisi o tagata faigaluega a le Malo. Ia suesueina pe sa iai ni tupe ma ni faiga faapisinisi sa faaogaina ai nei igoa sese.

Tali mai le Pulega 2010: Faamauina fautuaga ua tuuina mai

Nisi nei o tulaga sa matauina 2014: O igoa sa fai ai faaitaiga ma igoa sese ua aveeseina uma mai le vaega o loo faaitinoina ai le faiga o totogi. Ua tele foi se suiga mai le tausaga 2010 e faatatau i lena tulaga na tulai mai. Pau lava se lave, ole le famaumuina o nei taiala aua le agai i luma

Fautuaga Faapopo 2014: E tusa ma le tulaga i luga

Tali mai o le pulega 2014: O le matou nanautaga i lena tulaga ina ia aua nei toe iai se afaiga o faaitaiga i le vaega o le F1 o loo fai ai totogi.

Mataupu	Tulaga Lamatia	Tulaga o loo iai nei 2014
4. Sese aso fanau	Feololo	Faia ae lei maea lelei

Mataupu 2010: I le matou galuega fai, sa mafai ona iloa ai e 31 tagata faigaluega o loo sese a latou aso fanau i luga o le Finance One. O le sese o nei faamaumauga e iai le aafiaga i taimi e agavaa ai le tagata i ona livi ma taimi e litaea ai. O le mea lea e taua ai le sao lelei o le aso fanau o le tagata faigaluega

Fautuaga 2010: Ia tagai le Pulega i lea tulaga ma faasaoia foi aso fanau o tagata o loo sese. Ua faia foi ia taiala e faaitiitia ai le sese o aso fanau a tagata e tuuina i totonu o le Finance One. E fautuaina foi le tuuina atu o le lisi o tagata faigaluega i latou matagaluega ma siaki poo sao uma faamatalaga e uiga ia latou tagata faigaluega.

Tali mai Pulega 2010: Ua uma ona fai ia suiga i taiala e faaoga i le Finance One ina ia faaitiitia ai le sese o aso e faamauiina.

Nisi nei o tulaga sa matauina 2014: Ua uma ona faasaoia ia aso fanau sa sese mai le tausaga 2010 ae sa maua foi nisi aso fanau o loo sese pea.

Fautuaga Faapopo 2014: Fautuaina le faatinoina o fautuaga sa tuuina atu i le pulega. (7,8 & 9)

Tali mai le Pulega 2014: O mataupu e faatatau i aso fanau ua uma ona faaleleia. Peitai o loo galulue pea le vaega o loo gafa ma le vaaiga o le Finance One i le faia o se auala e faafoia ai le sese o faamatalaga e alu i totonu o le Finance 1. O le a vaai foi e le vaega o le aufai totogi le sa'o o faamaumauga o loo alu i totonu o le Finance 1.

Mataupu	Tulaga Lamataia	Tulaga ua iai 2014
5. Moomia aoaoga atili mo matagaluega e faatatau i le itu tau faiga o totogi	Feololo	Faatino

Mataupu 2010: Faatalanoaga ma le Matagaluega o Tupe ma le Matagaluega o Aoga, Taaloga ma Aganuu sa faapea ona faaalua mai ai e le Pulega ma le aufaigaluega le moomia o le fia malamalama i le faaogaina o le Finance One system.

Fautuaga 2010: Ia fai se su'esu'ega i vaega o le Finance One o loo fia malamalamama atili ai tagata faigaluega mai isi matagaluega ae fai ai se aoaoga mo i latou.

Tali mai pulega 2010: Ua faatinoina lenei tulaga

Nisi nei o tulaga sa matauina 2014: Ua tele lava ia aoaoga ua faatinoina e le vaega o loo faia totogi ae lei mafai ona faamauiina ni faamaoniaga o nei aoaoga sa fai ona e leai ni tusi taiala poo ni lisi o tagata sa auai i nei aoaoga.

Fautuaga Faaopopo 2014: Ia fai se tusi taiala mo aoaoga o loo faatinoina

Tali mai pulega 2014: Sa faatinoina aoaoga e tai 6 masina ma fai. Sa mafai foi ona auai mai ai sui o le Matagaluega o Aoga. O nei aoaoga sa iai le taitai o le vaega o totogi ma le vaega o loo vaaia le Finance One. Sa fai foi se aoaoga faapitoa mo le Matagaluega o Aoga ae lei mafai ona auai mai se sui. O le a matou tagai foi i le fausiaina o se tusi lesona aua aoaoga fai a le ofisa.

Mataupu	Tulaga Lamatia	Tulaga ua iai nei 2014
6. O loo iai totogi e lei sa'o le galueina i luga o le F1	MauaLuga	Faatino

Mataupu 2010: Faamauina tagata faigaluega e lē sa'o le galueina o latou totogi. Faataitaiga o loo iai tagata faigaluega e lei totogia ni latou lafoga.

Fautuaga 2010: Mo le isi faafouga o le Finance One, ia fai muamua ni faataitaiga ae lei faia i luga o le mea o loo fai ai totogi o le afaigaluega. Ia foia foi le tulai mai o le sese o tulaga o toesega o totogi a tagata.

Tali mai Pulega 2010: Faamauina lea tulaga. O le sese o tupe toese o totogi o tagata faigaluega ona o le suiga fou o le Finance One sa faia ae ua le faia suiga mo le aofaiga o le lafoga ma le aofaiga o le NPF.

Nisi nei o tulaga sa matauina 2014: Sa fautuaina matou ua mae'a ona faia uma ia faataitaiga ma faapepa ina ia suiga fou sa fai. I le 2011, sa faamauina ai ua iai ripoti a le vaega o totogi e mafai ona latou iloa lelei o loo sese le faiga o le totogi a le tagata. Ua mafai foi ona faaitiitia lenei tulaga i le galuega o loo faatinoina e le vaega o loo faia totogi.

Fautuaga Faaopopo 2014: Ia faapepaina ia galuega uma ma suesuega sa faatinoina aua le iloa ma le malamalamama mo suetusi. Faapea foi le teuina o le ripoti sa fauina mo lenei faamoemoe.

Tali mai pulega 2014: Ua mafai nei ona iloa lelei e le vaega fai totogi ia ni totogi e lē sa'o le galueina o NPF ma lafoga. O ripoti mo le silafia o lenei tulaga e tai lua vaiaso ma fai. A faapea e iai ni suiga poo ni faaletonu mai lenei ripoti ona tuuina atu lea i le vaega o vaaia le Finance One.

Mataupu	Tulaga Lamatia	Tulaga o loo iai nei 2014
7. Le sa'o le galueina o le totogi	MauaLuga	E lei faatinoina

Mataupu 2010: Sa iai le tulaga o le le sa'o o le faiga o le totogi i luga o le F1. Mai faatalanoaga ma le taitai o le vaega o totogi, sa afua mai lea tulaga i se faaletonu i le F1 ona ua mafai ona sui sao e le tagata le totogi i le itula ma le aofaiga o le itula faigaluega

Fautuaga 2010: I le itu o loo faatinoina ai le faiga o totogi taitasi a tagata e tatau lava ona faaaoga se alafua e mautinoa ai o loo malu puipua ma lelei auala o loo faaaoga e mautinoa o sa'o atoatoa ia totogi a tagata faigaluega

Tali mai matagaluega 2010: Ua uma ona faafoia lenei faafitauli i le 2007. Peitai ona ua toe tulai mai foi lenei tulaga o le a tuuina sao atu loa i tagata o loo vaaia le F1. O lea toe tagai ai foi i le taimi e toe fai ai suiga fou ai le F1.

Nisi nei o tulaga sa matauina 2014: Sa mafai ona toe mauaina foi le toe tupu foi o le ituaiga o mataupu i le F1. E lei mafai ona tuuina mai se faamaoniaga sa latou galulue i fautuaga sa tuuina atu. O loo matauina le sese pea o nisi o totogi a tagata faigaluega

Fautuaga Faaopopo: Ia fai se tulaga ina ia aua nei toe tulai mai lenei tulaga. E tatau ona iai se alafua e le mafai ai ona toe sui le aofaiga o le totogi a le tagata ua iai.

Tali mai pulega 2014: E na o tagata fou poo tagata ua maua ia siitaga o totogi e tupu ai lenei faiga faapea. Faataitaiga a faapea o se tagata fou, e otometi lava le oso o le totogi amata e 0.00. O le faiga lea la fai ai o le loka loa o lenei suigai i luga o le F1 ina ia aua nei toe tupu lenei mataupu.

Mataupu	Tulaga Lamatia	Tulaga o loo iai 2014
8. Totogi e leai ni paleni	Feololo	E lei faatinoina

Mataupu 2010: Sa maua ia totogi i luga o le F1 e laitiiti atu nai loo le 0.00 tala. E manatu sa fai suiga i le F1 ina ia aua nei toe tupu.

Fautuaga 2010: Ia mautinoa e le Pulega ia fai uma faataitaiga o nei ituaiga faalavelave ina ia aua nei toe tulai mai nei mataupu pe a fai suiga fou o le F1

Tali pulega 2010: Taliaina fautuaga. O letaimi nei ua uma ona fai ia suiga ina ia aua nei toe tupu lea tulaga

Nisi nei o tulaga sa matauina 2014: Sa fautuaina matou ua uma ona fai suiga e le toe iai lenei ituaiga o mataupu i luga o le F1. E tasi lava le totogi sa mauaina e i lalo ifo o le 0.00 lona aofaiga. Sa matauina foi e ese lava le aofaiga o loo i luga o le pepa o loo faamauina ai le totogi a le tagata nei. I se isi faamatalaga, e lei mafai lava ona faalelei lea tulaga. Sa faapea mai foi ua uma ona fai ia faataitaiga ma faapepa uma nei galuega. E lei mafai ona matou taulimaina se faamaumauga o nei faamatalaga.

Fautuaga Faaopopo 2014: Ia suesueina e le Pulega le mafuaaga e tulai mai pea o nei faiga i luga o le F1 aua le agai i luma.

Mataupu	Tulaga Lamatia	Tulaga ua iai nei 2014
9. Leai se fuafuaga mamao mo ni faalavelave faalenatura	Feololo	E lei faatinoina

Mataupu 2010: E leai se fuafuaga faataatia mo ni mala faafuseia aua le malu puipuia o faamatalaga tau totogi i soo se taimi

Fautuaga 2010: Ia faia se fuafuaga faapisinisi aua le tali atu i ni faafitauli (Business Continuity Plan) e patino i le vaega o totogi.

Tali mai pulega 2010. Taliaina. O le a faia se matou fuafuaga faapisinisi aua le tali atu i ni faafitauli (Business Continuity Plan)

Nisi nei o tulaga sa matauina 2014: E lei faia lava se fuafuaga faapisinisi aua le tali atu i ni faafitauli (Business Continuity Plan)

Tali mai pulega 2014: Ua iai nei le fuafuaga aua le puipuiga mai mala faalenatura sa fausia i le tausaga 2011. O le toe iloilo ina lea fuafuaga ina ia o gatusa ma suiga ua iai nei.

Mataupu	Tulaga Lamatia	Tulaga o loo iai nei 2014
10. Sa maua tagata faigaluega e tutusa numera NPF	Feololo	Sa lei faatinoina

Mataupu 2010: Sa mafai ona maua ia tagata faigaluega e tutusa a latou numera NPF

Fautuaga 2010: Ia toe tagai totoa le Pulega i lea tulaga ma ia faamautinoa e leai ni tagata faigaluega e tutusa a latou numera NPF.

Tali mai pulega 2010: Taliaina le fautuaga. E matau atu o se tasi nei o vaivaiga o le F1. E le mafai ona faailoa mai ua toe faaogaina faalua se numera NPF. O le a matou toe tagai i lea tulaga ae lei fai suiga o le F1.

Nisi nei o tulaga sa matauina 2014: E lei mafai ona iai se faamaumauga e faamautu ai sa fai se galuega a le Pulega i lea tulaga. Sa faamauina foi o loo iai pea ia tagata o loo faaaogaina le numera NPF e tasi.

Fautuaga Faaopopo 2014: Ia toe faaopopoina nei ia ni aiaiga ma alafua e pei ona fautuaina mai ai i le 2010 ina ia mautinoa e le toe faaaogaina faalua se numera NPF i ni tagata faigaluega.

Tali mai a le Pulega 2014: E taua le mautinoa o loo sa'o atoatoa faamaumauga a le Malo e pei ona taua i lalo o le Tulafono a le NPF 2010. Ia lulai 2011, sa fautuaina ai e le Matagaluega o Tupe le toe fai o ni **pepa e iloa gofie ai(card)** soo se tagata e toe resitala i le NPF. Atonu e mafai ona avea lenei laasaga ma auala e sa'o atoatoa ai le faatumuga o pepa o loo faaaoga e faamaumauina ai faamatalaga i totonu o le F1. Ua uma foi ona tuuina atu le talosaga i le faufautua o le F1 i le toe fesoasoani i lenei mataupu.

Mataupu	Tulaga Lamatia	Tulaga ua iai nei 2014
11. O loo iai tagata e mafai ona fai suiga o faamatalaga o tagata faigaluega i luga F1	Feololo	Faatinoina

Mataupu 2010: O loo iai tagata e mafai ona latou faia suiga o faamatalaga o tagata faigaluega i luga o le F1

Fautuaga 2010: Ia toe tagai totoa le Pulega i lea tulaga ma ia faamautinoa o malu puipuia auala o loo faaaoga e faamauina ai tagata faigaluega fou i luga o le F1. E tatau lava na o tagata ua faatagaina e mafai ona faamauina ia tagata fou i luga o le F1. Ia aveese uma tagata o le Vaega o le Faamatalaga Tekonolosi mai le tanofia o lea vaega o le faiga o totogi. O le taua o lenei tulaga ia faamausali ai pea le vaeveaina uma o tiute fai a tagata faigaluega.

Tali mai Pulega 2010: O le a faatinoina le fautuaga ua tuuina mai

Nisi nei o tulaga sa matauina 2014: Sa faapea mai le matagaluega ua toe iloilo atoa ia tulaga o loo faaaoga aua le malu puipuia o le faaaogaina o le F1. Ua le toe iai foi se tagata o le vaega o Faamatalaga Tekonolosi oi i lalo o lea vaega o loo faamauina ai tagata fou. Telē foi le suiga ma le agai i luma o le vaaiga o lenei mataupu nai loo le mea sa iai muamua

Tali mai Pulega 2014: Ua faatinoina le fautuaga sa tuuina mai.

Mataupu	Tulaga Lamatia	Tulaga ua iai nei 2014
12. Tagata faigaluega o loo faaaogaina le numera 0.	Feololo	E lei faatinoina

Mataupu 2010: O loo maua i faamaumauga le iai o se tagata faigaluega o loo faaaogaina le numera 0 e faigaluega ai. I le iloiloaina o le faila faaeletoni o tagata faigaluega, e lei mafai ona maua ai se tagata faigaluega o faaaogaina lenei numera faigaluega

Fautuaga 2010: Ia faafesootai le vaega o loo vaaia le F1 ia vaai totoa i lenei ituaiga tulaga ae faapefea ona faafoia. O le naunauga ina ia sa'o atoatoa faamatalaga o loo i totonu o le F1

Tali mai Pulega 2010: Faamauina lenei tulaga. O nei sese e mafua mai i le taimi faatoa faaaoga ai le F1. Sa faatoai atu lenei mataupu i le vaega o loo vaaia le F1 ae lei mafai ona maua mai se tali maumaututu.

Nisi nei o tulaga sa matauina 2014: O loo iai pea lea numera faigaluega i totonu o le F1. E lei mafai foi ona faamautuina pe sa faatoai atu lenei mataupu i le vaega o loo vaaia le F1.

Tali mai Pulega 2014: Ua uma nei ona faaleleia lenei tulaga e le vaega o loo faaaluulu ai le vaaiga o F1.

Mataupu	Tulaga Lamatia	Tulaga o loo iai nei 2014
13. Taiala mo le toe siakiina o pepa e faamaonia ai faamatalaga i luga o le F1	Feololo	E lei faatinoina

Mataupu 2010: Faatalanoaga ma vaega o le au fai totogi ma isi matagaluega na faapea mai ai e le toe faia se isi galuega i pepa mo le faamauina o faamatalaga o tagata ma latou totogi (TY15) pe a uma ona faia iai galuega a le vaega o le au fai totogi.

Fautuaga 2010: E taua lava le toe faafoi o le TY15 sa faaoga e le Matagaluega o Tupe e faamaumau ai ia faamatalaga o tagata faigaluega. A faapea e toe tuuina atu lenei pepa i le matagaluega e tatau foi ona avatu ai ma se ripoti o faamaumaua ua i luga o le F1.

Tali mai Pulega 2010: Taliaina lenei fautuaga. O lenei mataupu e talitonu e aafia uma ai matagaluega a le Malo. O loo iai le faamoemoe faapea o se taimi o i luma ona faaoga lea o auala faaeletoni e faagaoioi ai ia TY15s. E telē foi se galuega o loo faia i lenei mataupu.

Nisi nei o tulaga sa matauina 2014: Mai talanoaga sa faamauina ai e lei iai lava se suiga mai le mataupu sa tuuina atu muamua. E leai se ripoti e mafai ona faailoa atu i matagaluega ua maea ona faamauina a latou TY15 i luga o le F1

Tali mai Pulega 2014: Ua mafai nei ona faaogaina uma e matagaluega ripoti tau totogi o loo i luga o le F1. Sa fai foi ia aoaoga i le faaogaina o nei ripoti.

Mataupu	Tulaga Lamatia	Tulaga o loo iai 2014
14. Sese le vaega o loo faamauina ai totogi o Pulenuu i luga o le F1	Mauualalo	Sa lei faatinoina

Mataupu 2010: I le galuega sa faatino, sa iloa ai o alauni a Pulenuu o loo atagia i lalo o le vaega o loo fai ai totogi. Talu ai ona o lea tulaga, e faigata na iloa le sa'o o alauni nei pe a fai e alu i le Pulenuu aua o le a faapea ua totogi faalua le nei tagata faigaluega.

Fautuaga 2010: Ia ave alauni o Pulenuu i lalo o le vaega o loo totogi ai alauni pe faatino se isi suiga fou e faamauina ai nei alauni. O le a faigofie foi ona iloa lelei tagata faigaluega e tai lua o latou totogi i totonu o le vaitaimi totogi e tasi

Tali mai matagaluega 2010: Taliaina. O le a suesueina se auala e faafoia ai lenei mataupu.

Nisi nei o tulaga sa matauina 2014: E lei faia lava se suiga i lenei tulaga

Tali mai o le pulega 2010: Ua uma ona faia ia suiga o le faaalu o alauni nei i lalo o le vaega o loo faamauina ai alauni. O le tulaga e tupu e uma ifo ua le maua atoa le alauni sa'o o le tagata e tatau ona iai. O le mafuaaga o le sese ona o Pulenuu e le faigaluega i le Malo. E le mafai ona fai se alauni o se tagata faigaluega pea faapea e leai sona totogi. O nisi nei o tulafono faavae o le F1 e le mafai ona fai ai ni suiga. O le tulaga taua lava, ia sa'o le totogi a le Pulenuu ma ia sa'o foi le faamauina i luga o le F1. Ae o le a tagai pea i lea tulaga mo le agai i luma.

Mataupu	Tulaga Lamatia	Tulaga o loo iai tiami nei
15. Faia o faataitaiga i luga o le F1	Feololo	Faatinoina

Mataupu 2010: Sa matauina o loo fai ia faataitaiga o suiga fou ma polokalame fou i luga o le F1 ae le faaoga le vaega ua uma ona faataitia mai e fai ai nei faataitaiga.

Fautuaga 2010: Fautuaina le Pulega ina ia aua nei toe faia ni faataitaiga i luga o le F1. Ia aveese uma ia gaoioiga faapisinisi faataitai ma faia i luga o le F1 ina ia mautinoa le sa'o atoatoa o faamatalaga o o loo i luga o le F1.

Nisi nei o tulaga sa matauina 2014: Talanoaga ma le faauluuluga o le vaega o le F1 sa faapea mai ai ua uma ona toe aveese uma nei faataitaiga sa faia i luga o le F1.

Tali mai Pulega 2014: Ua iai nei le vaega e fai ai faataitaiga ae lei faaogaina i le F1.

Mataupu	Tulaga Lamatia	Tulaga o loo iai nei 2014
16. Le faanumeraina ia TY15	Feololo	Faatinoina

Mataupu 2010: O le TY15 o le pepa lea e iai le malosiaga e sui ma faaoga e tuuina ai faamatalaga i totonu o le F1. Sa matauina o nei pepa e le'i faanumeraina. Talu ai ona o lea tulaga e le mafai ona iloa poo ua uma ona faamauina ia faamatalaga o loo i totonu o nei pepa. A faapea foi e leiloa e faigata ona faamautu foi

Fautuaga 2010. Ia faanumera uma ia TY15 a le matagaluega aua le faafaigofieina o le vaaiga ma mautinoa e le o leiloa ni kopi o nei pepa.

Tali mai Pulega 2010: Taliaina le fautuaga. O le mataupu ua tuuina atu nei i le vaega o loo gafa ma le vaaiga o tagata faigaluega a le Malo.

Nisi nei o tulaga sa matauina 2014: E lei faanumera lava ia TY15 o loo tuuina atu i le Matagaluega o Tupe ae ua iai leisi numera o loo faaoga e iloa ai TY15's sa tuuina atu i le Matagaluega o Tupe. Ua manatu ua mae'a faatino lenei mataupu.

Tali mai matagaluega 2014: Faamauina

Mataupu	Tulaga Lamatia	Tulaga o loo iai nei
17. Leai se faasao mo faamatalaga tuai a le F1	Mauualalo	Faatino

Mataupu 2010. E lei mafai ona teuina uma ia faamatalaga tuai i luga o le F1 talu mai on faaogaina i le tausaga 2005/06. Talanoaga ma le Sui Pule Lagolago a le vaega o Faamatalaga o Tekonolosi e lei faatauina lea vaega o loo i luga o le F1. O le mafuaaga foi lea o le le mafai ona faaoga

Tali mai matagaluega 2010: Taliaina lenei fautuaga ma o le a toe tagai iai le matagaluega

Nisi nei o tulaga sa matauina 2014: Ua uma ona faatau le vaega o le F1 e mafai ona teu uma ai galuega tuai o loo i luga o le F1.

Tali mai Pulega 2014: Ua faamauina

Mataupu	Tulaga Lamatia	Tulaga o loo iai nei 2014
18. Faaletonu i puipuiga ma faatonutonuga	Feololo	Faia ae lei maea lelei

Mataupu 2010: E moomia le toe faaleleia atili o auala e malu puipuia ai faamatalaga faaeletoni o loo vaia e le vaega o loo gafa ma le faiga o totogi. E faaitete gata foi isi faila ona o loo mafai ona tanofia e isi tagata faigaluega e pei o ripoti nei:

- E leai se iloilogia o ripoti taua o loo faia i luga o le F1 poo sa'o atoatoa.
- E le o siakiina poo toe tagai totoa i le faila faaeletoni o loo iai uma ia faamatalaga tau totogi Leai se toe tagai i ripoti o loo faaali mai ai le malu puipuia o le faaogaina o le F1
- Leai ni taiala o faaoga e mafai ona faamauina ai ma iloa mea sese i luga o le sF1
- Leai se vaega o le F1 e lisi uma ai ia galuega o loo sese ma mea e moomia le toe faaleleia.

Fautuaga 2010: Ia fai ma tiute tauave le mautinoa o malu puipuia ia faila faaeletoni ma sa'o atoatoa ia ripoti o loo mafai ona tuuina mai e le F1. Ia faia foi se galuega faatino mo vaivaiga ua taua i luga.

Tali mai matagaluega 2010: Taliaina lenei fautuaga ma le toe tagai foi i le aafiaga i matagaluega.

Nisi nei o tulaga sa matauina 2014:

- Ua faamauina i ripoti a le matagaluega tagata o loo faaogaina le F1. Pau lava le popolega o le faatoa faaoga nei ripoti pea tulai mai se faaletonu.
- Ua iai se vaega fou i lalo o le vaega o Faamatalaga Tekonolosi ma ua tele le latou fesoasoani i nei tulaga o loo moomia ai le fesoasoani a le vaega fai totogi
- Ua iai foi le resitala mo le faamauina o ni galuega o sese pe moomia le faaleleia
- E lei mafai ona maua se faamaumauga o le faaogaina o ni ripoti e faatatau i auala o loo faaogaina e malu puipuia ai le F1

Tali a le Pulega 2014: Ua iai ia ripoti e fesoasoani i le faiga o le auunaga a le vaega o loo faia totogi aua le agai i luma.

Mataupu	Tulaga Lamatia	Tulaga o loo iai 2014
19. Sa le maioio lelei ia le vaevaeina o galuega fai a le Vaega o Faamatalaga Tekonolosi ma Vaega o Tausitusi	Mauauga	Faatinoia

Mataupu 2010: Faamauina o le Vaega o le Faamatalaga Tekonolosi o loo gafa ma le faiga o faila faaeletoni e ave ai totogi i faletupe. O le vaega a le au fai totogi e tataua ona gafa ma lea tulaga.

Fautuaga 2010: Fautuaina le aveina o lenei galuega e patino i le vaega o le au fai totogi e faatino e latou. O le faia o lea tulaga o le a atili malosi ai auala o loo faaogaina e malu puipuia ai le faaogaina o le F1.

Tali mai Pulega 2010: Talia le fautuaga ua tuuina mai

Nisi nei o tulaga sa matauina 2014: Ua faatinoina e le taitai o le au fai totogi lea tulaga i le taimi nei

Tali mai Pulega 2014: O lenei tiute tauave ua gafa ma le vaega o le au faitotogi ma e na'o le vaega foi lea e mafai ona faaogaina lea vaega o le F1.

	Mataupu	Tulaga Lamatia	Tulaga o loo iai nei 2014
M a t	20. Taiala mo le faamauina o le toe faasa'oga o totogi pe a sese.	Maua-luga	Ua iai vaega ua faatinoina

Mataupu 2010: A faapea ua faamauina se sese i totogi o se tagata faigaluega ona avea lea o le faasa'oga i le faletupe o loo alu iai le totogi. O nei suiga e le'o faasaoga i luga o le F1.

Fautuaga 2010: O faasaoga uma e tataua ona fai i luga o le F1 faapea foi ma le faila ma faamaumauga sa fai ai le suiga nei.

Tali mai Pulega 2010: Taliaina le fautuaga. O faasa'oga uma e fai i luga o le faamaumauga lautele(GL) a le F1 faapea foi ma le faila sa fai ai le suiga. O le a toe tagai i lea tulaga

Nisi nei o tulaga sa matauina 2014: A faapea e iai se mea o loo sese ona ave lea i le vaega o le au fai ripoti e faia le faasaoga. (O le faiga lea peã faapea e lei avea totogi i le fale tupe). E ave foi le tusi i le faletupe e taofi ai se totogi faasili ae toe tuu i totonu o le teuga tupe a le Malo. A uma ona fai lea tulaga ona ave lea o faasa'oga e fai mai e le vaega o loo gafa ma le faamauina o aitalafu tupe sau i totonu a le matagaluega.

*Tali mai Pulega 2014:*Ua uma nei ona faia nisi suiga fou i luga o le F1 aua le mataituina o nei tulaga. O nei faiga e mafai ona iloa lelei ai totogi faasili ma totogi e lei atoa.

	Mataupu	Tulaga Lamatia	Tulaga o loo iai nei 2014
	21. Lipoti Sese/Tulaga vaaia faasuetusi/Audit Trails	Maua-luga	Sa lei faatinoina

Mataupu 2010: I le tagai totoa i ripoti o loo faaogaina, sa mauaina ai ripoti e iai eseesega ma faamatalaga o loo i luga o le F1.

Fautuaga 2010: Ia toe tagai totoa i le sa'o atoatoa o ripoti o loo maua mai i le F1.

Tali mai Pulega 2010: Taliaina fautuaga sa tuuina mai. I le taimi nei o loo toe iloiloaina le mafuaaga o le le sao o nei ripoti. O lea galuega o loo faia e le vaega sa faatau mai ai le F1.(Technology One).

*Nisi nei o tulaga sa matauina 2014:*E lei mafai ona maua mai se faamaumauga i se galuega sa faatinoina i le toe faaleleia o ripoti.

Tali mai Pulega 2014: Ua iai nei le ripoti ua uma ona fausia faapitoa mo manaoga faasuetusi e pei ona sa fautuaina mai ai muamua. O lea ripoti e mafai ona iloa uma ia suiga o loo faia i luga o le F1.

7.2 SUEGA FAAPITOA - TUPE FAAALU A LE MALO I LE FAAAOGAINA O LE INITANETI: IUNI 2013 – IULAI 2013

O loo faatuputupulaia pea le faaaogaina ole initaneti e matagaluega ma faalapotopotoga a le Malo aua le tuuina atu o le latou auaunaga faatino. E tusa ma faamaumauga mai le tausaga 2011/2012 e \$2.8 miliona tala i le tausaga le tauaofai o tupe faaalu i le faaaogaina o le initaneti.

O lenei suesuega faapitoa sa faia ina ia mafai ona

- Vaai ma malamalama i le tau atoa ole faaaogaina o le initaneti ae o a foi galuega o loo faaaogaina ai le initaneti i totonu o matagaluega ma faalapotopotoga.
- Ia malamalama i taiala o loo iai e faatonutonu ma mataituina ai le faaaogaina o le initaneti. Ia malamalama foi i lona tau ma ni afiaga o loo iai i lenei auaunaga. E taua foi le manino poo lelei ia auala ma faiga faavae e puipuia ai le faaaogaina o le initaneti ina ia aua nei faatautala lona faaaogaina e tagata faigaluega a le Malo.

I le vaaiga aoao, e iai moomiaga lautele mo le fuafuaina ma le mataituina lelei o auala faataatitia aua le malu puipui o le faaaogaina o le initaneti, faapea ma tupe o loo faaalu i lenei auaunaga. O lenei ripoti e patino i mataupu ma fautuaga aua le agai i luma o le faaaogaina o le initaneti. O le isi tulaga o le tagai i auala e ono faaititia ai le tau o le initaneti ae ia sili atu lona aogā i galuega fai a faalapotopotoga.

O se vaaiga a’oa’o i taunuuga o sailiiliga e faataui i le tupe faaalu i luga o initaneti: Iuni/Iulai 2013:

Mai le matou faafesili na tuuina atu i faalapotopotoga uma mai le vaitaimi e amata mai ia Iuni sei oo atu ia Aukuso 2013 na matou matauina ai tulaga ua taua atu i lalo.

- O tupe faaaogaina i luga o initaneti mo le 48 faalapotopotoga a le Malo mai le tausaga 2011/2012 e tusa ma le \$2.8 miliona tala
- Pe tusa ma le 6500 tagata faigaluega a le Malo o loo faaaogaina masini komipiuta
- E le itiiti ifo i le 3500 ia ituaiga komipiuta eseese ua iai i lenei vaitau o loo faaaoga i totonu o ofisa a le Malo
- Ua tofua uma foi faalapotopotoga ma a latou galuega atinae ua mausali e mafai ai ona faaaoga e fesootai ai i le faaaogaina o fesootaiga i nei ona po e auala atu i le imeli.(email)
- E le itiiti ifo ma le 42 faalapotopotoga a le Malo ua mafai ona faailoa mai o loo faaaogaina ia auala e mafai ona malu puipuia ai le faaaogaina o le initaneti
- E tusa ma le 120 tagata faigaluega i Matagaluega a le Malo o loo galulue i le faaleleia ma le vaaiga o galuega tau komipiuta.

Taofaiga o mataupu autu ma fautuaga mo le agai i luma

O le le faia muamua o ni suesuega i tuutuuga tau initaneti e fetauti ma lelei ae lei faatauina .

E lua ni ituaiga tuutuuga tau initaneti o loo mafai ona tuuina atu e ni kamupani o loo aumai lenei ituaiga auaunaga i Samoa.

1. O le tuutuuga muamua e mafai ona faaaoga le initaneti mo le masina atoa ae totogi mulimuli le \$1500. E tusa lona malosi faainitaneti ma le 20 iunite.(20GB). E le mafai ona sili atu le faaaogaina e se faalapotopotoga mai le tulaga ua taua i luga.

- lea fuafuaga mo le faaaogaina o le initaneti e talafeagai lava mo faalapotopotoga la e mafai ona latou iloa lelei le aofaiga o iunite o le initaneti e moomia.

2. O le isi tuutuuga lona lua e fua le tau o le initaneti i le tele o iunite e faaaogaina. Faataitaiga: \$1.50 i le iunite e tasi

- O lea tuutuuga e fua ai le tau i le tele o iunite e faaaoga e le faalapotopotoga i le faaiuga o le masina.
- O tuutuuga ua taua i luga e fai ai lava le faatatau a le faalapotopotoga poo fea o nei tuutuuga e sili ma talafeagai mo le latou ofisa. O le latou filifiliga e fuafua lava i le faaaogaina o le initaneti. E taua lea tulaga aua le faaitiitia o le tupe e faaalu i initaneti.

O ni faamaumauga na maua mai i suesuega sa mafai ona iloa ai, o loo iai ni faalapotopotoga a le Malo e lei faia ni fua faatatau poo vaai lelei i tuutuuga uma mo le faaaogaina o initaneti ae lei faatauina.

1.Ole le faia muamua o ni suesuega talafeagai i tau o le faaaogaina o le initaneti.

I suesuega sa faatinoina, na matauina ai e tusa ma le 75% o faalapotopotoga a le Malo sa toe iloilo ma tagai i le tau o le tuutuuga o le initaneti sa latou faaaogaina i le 12 masina ua sola. O le toatele o faalapotopotoga sa toe faia lea tulaga ona ua ofoina atu e se tasi o kamupani o loo faafoeina lenei auaunaga i se tau e taugofie atu.

O le tele o faalapotopotoga sa mafai ona asiasia, e lei mafai ona faailoa maumaututu mai se malamalama atoatoa o le faaaogaina o le initaneti.

2. Moomia le faaleleia o tulaga o loo mataituina ai le faaaogaina o imeli.

E 23 faalapotopotoga sa mafai ona faamauina o loo iai a latou masini faapitoa mo le teuina ma le faamauina o imeli a le ofisa. E 25 faalapotopotoga ua faamatuu atu i auaunaga o loo gafa ma nei matafaioi le vaaiga o a latou imeli.

Mo faalapotopotoga uma a le Malo, e taua lava le mataala i tulaga nei:

- Faamalosia faiga faavae e faatatau i gaoioiga tau imeli
- Ia fai muamua se suesuega i le eseese o tau o le vaai e le faalapotopotoga o le initaneti ma le faamatuu atu i auaunaga o loo gafa ma nei ituaiga galuega.
- Ia tagai i le tulaga o le malu puipui o mataupu ma faamatalaga o loo mafai ona fepasiai i luga o imeli.

3. 35% o faalapotopotoga a le Malo e leai ni taiala tusitusia mo le faaaogaina o le Initaneti

O le iai o ni taiala tusitusia poo ni faiga faavae e taitaiina ai le faaaogaina o le initaneti o se faailoga vaaia lea o loo malu puipui le faaaogaina. O le iai foi o nei taiala e mafai ai ona avea ma auala e faaitiitia ai le soona faaaogaina o le initaneti. O le isi foi lea auala e mafai ona faailoa atu ai o loo taumulimuli pea i faiga faavae o le faaaogaina tatau o le initaneti. I le galuega faatino sa fai, na mafai ona faailoa mai ai e 32

faalapotopotoga a le Malo ua uma ona iai a latou taiala tusitusia e faatatau i le faaaogaina o le initaneti. E 17 ofisa a le Malo e leai ni latou taiala tusitusia e faatatau i le faaaogaina o le initaneti.

Fautuaga:

- E taua lava le iai o se taiala tusitusia poo ni tulafono e mafai ai ona malu puipua le faaaogaina o le initaneti.
- O le iai foi o se taiala tusitusia poo ni tulafono e faatatau i le faaaogaina o le initaneti e faailoa atu ai o loo tausisia faiga faavae a le Malo e pei ona tuuina mai e le Matagaluega o Fesootaiga ma Faamatalaga Faatekonolosi (MCIT).

4. 28% o faalapotopotoga a le Malo e iai taiala tusitusia e faatatau i initaneti ae le faia ni aoaoga i nei ituaiga mataupu mo latou aufaigaluega.

Fautuaga

- Ia mafai ona faatinoina ni aoaoga e faatatau i le aafiaga o le initaneti pe a le faaaogaina tatau i totonu o ofisa.
- Matou te fautuaina foi ina ia faia pea ni aoaoga ma ni polokalame e mafai ona malamalama ma faamalosia ai le faaaogaina tatau o le initaneti

5. I totonu o matagaluega taitasi ua faatusaina e tasi le tagata ofisa tau faatekonolosi mo le 30 tagata o le aufaigaluega.

Fautuaga

- Ia tagai le Pulega i le faafaigaluegaina o ni tagata e iai ni latou tomai i le **faainisinia komipiuta** e mafai ona fesoasoani i le vaaiga o nei ituaiga galuega ma le initaneti.

6. 96% o faalapotopotoga a le Malo e le mafai ona latou vaaia lelei le faaaogaina o le initaneti

E tusa ma le 80% o faalapotopotoga o loo faapea mai o loo mafai ona latou vaaia lelei le faaaogaina o le initaneti. E tusa ai ma matou suesuega, e na o le tasi lava le faalapotopotoga sa mafai ona matou molimauina o loo latou tagai lelei i le malu puipua o le faaaogaina o le initaneti. O le lisi nei o faamaumauga e tatau ona aofia i totonu o se ripoti e faatatau i initaneti

- I. Ituaiga upega tafailagi o loo faaaogaina e le aufaigaluega ia latou galuega
- II. Aofaiga atoa o le malosiaga initaneti o loo faaaogaina
- III. Gaoioiga faatino i luga o le initaneti

A le mafai ona mataitu lelei le faaaogaina o le initaneti e ona aafia le faalapotopotoga i tulaga nei:

- I. Faaaogaina o le initaneti i ni galuega e le talafegai ae le mafai ona silafia e le ofisa
- II. Le mafai ona iloa lelei poo a ni galuega o loo faaaogaina ai le initaneti i totonu o ofisa ma e ono avea ai ma tulaga e faatautala lona faaaogaina.

Fautuaga

- la iai se polokalame faataatia e iloa ai o mataitu lelei le faaaogaina o le initaneti i totonu o ofisa taitasi. la aua nei i lalo ifo o le lua vaiaso le faatinoina o lenei galuega.
- la mautinoa o loo faaaoga e le faalapotopoga i ni auala e mafai lelei ona iloa galuega o loo faatino i le faaaogaina o le initaneti
- la mautinoa o loo iai ni ripoti faamaumau i le faaaogaina o le initaneti i totonu o ofisa. E mafai foi ona fesoasoani mai Kamupani o loo faatinoina lea auaunaga i le faalapotopotoga.

7.3 Ripoti o le Matagaluega o Tupe Maua(RMS)

Iuga o le Suesuega & Fautuaga

1. Numera e iloagofie ai le tagata fai lafoga ua misi

E faamauina ma faamatuu atu e le Matagaluega se numera faapitoa e iloagofie ai le tagata fai lafoga (Taxpayer Identification Number –TIN) mai polokalame faatekonolosi o fa’aaogaina e le Matagaluega ua faaigoaina o le Revenue Management System (RMS). O lenei numera e faamatuu mai e le RMS i lona faasologa tonu e tusa ai ma faagasologa o fuainumera ua uma ona faavasegaina ai e le RMS.

I le iuga o lenei suesuega na māua ai o lo o iai ni numera e iloagofie ai le tagata fai lafoga (TINs) o lo o misi mai e tusa ai ma faasologa o tuuina mai e le RMS. Sa faailoa mai e le Pulega o le misi mai o nisi o nei numera mai le RMS e afua mai i suiga tetele sa feagai ai le Matagaluega i le faaleleia o le RMS, ma sa iai foi le taimi na faapea ona faamatuu mai ai e le aufaigaluega nei numera e aunoa ma le fa’aaogaina o le RMS. E le gata i lea, ae o nisi o tagata ao lafoga sa resitala muamua ua aveeseina mai ma le RMS ona ua faaleaogaina ma faamutaina ona toe avea ma tagata fai lafoga. Na faailoa mai foi o le tele o nei numera leiloloa e feagai tonu lea ma le vaitausaga i tua atu o le 2011 ae le’i faatinoina le toe fuataina o auanaga a le vaega o tupe maua i le atunuu.

Sa māua foi i le suesuega le leai ai o ni ripoti mai le RMS (exception reports) e fesoasoani i le Pulega e faailoa ai vaega faapea e pei o le faasologa sa’o o numera e iloagofie ai tagata fai lafoga (TINs)

O le atoatoa ma le sa’o lelei o faamaumauga o tagata fai lafoga o lo o faamauina i le RMS e faamoemoe iai le puleaina lelei ma le aoina tatau o lafoga mo tupe maua a le Malo.

I lona aotelega, o le lè maua ai o ripoti mo le Pulega faatasi ai ma le lè atoatoa o le faagasologa o numera e iloagofie ai tagata fai lafoga e ono aafia ai le sa’o ma le tonu o faamaumauga i le aofaiga o tagata fai lafoga i le atunuu ma faaletonu ai le aoina o tupe maua a le Malo.

Fautaga

- E tatatau i le Matagaluega ona fai se iloilogia e faamautu ai numera e iloagofie ai tagata fai lafoga ua aveeseina mai pe ua leiloloa foi mai le RMS. O le faamoemoe maua iai ina ia avea le iloilogia ma maua iai o le aveeseina po o le faamutaina ai o le fa’aaogaina o ia numera i taimi ua tuanai ina ia aua ai ne’i avea ma mafuaaga e fesiligia ai le faamaoni o faamatalaga o faamauina e le Matagaluega.
- E unaia le tusitusia ma faamalositia o faiga faavae ma taiala e aiaia ai le aveeseina po o le faamutaina o le faa’aaogaina o numera e iloagofie ai tagata fai lafoga mai le RMS. E fautuaina le fa’aaogaina o taiala o lo o maua i le RMS i le taimi nei e pei o le ‘deactivate’ o le numera ae le o le aveeseina atoa mai o le numera e iloagofie ai tagata fai lafoga e pei ona maua ai i suesuega.
- E fautuaina foi le fausiaina o ni ripoti faapitoa mai le RMS e iloagofie ai le gasologa o numera mo tagata fai lafoga ina ia faigofie ona iloa numera o misi mai i le lisi. O nei ripoti o le a fesoasoani tele lea i le Pulega i le faatonutonuina o ana galuega fai aemaise le iloa tonu ai o le atoatoa o faamaumauga o tausia e le Matagaluega.

Faamatalaga ma Tali mai le Pulega

Ua maea ona faamatala auiliili atu e le Matagaluega i suetusi na faatinoina lenei galuega le faagasologa o numera e iloagofie ai tagata fai lafoga e pei ona faamauina e le RMS e amata mai i le 100000. I le taimi ua tuanai sa faapea ona faamatuu atu lava nei numera e le aufaigaluega (manual) i le faasologa ua uma ona vaevaeina iai numera faailo e tusa ma le fua faatatau o le ituaiga pisinisi (faataitaiga: kamupani, tagata toatasi ma faiga fa’apaaga). Sa tuuina lenei faatulagana i luga o le RMS faatasi ai ma numera e iloagofie ai tagata fai lafoga sa mua’i faamatuu atu e le aufaigaluega (manual) mo le fa’aauaina o lona fa’aaogaina

ona o le tele o nei sui filifilia o lo o faagaoioi pea a latou pisinisi; ma o nisi foi ua faamutaina le auaunaga sa faapea loa ona faaleaogaina le fa'aaogaina o nei numera ma le RMS.

- E fia faamauina le atoatoa ma le sa'o uma o numera e iloagofie ai tagata fai lafoga na faamatu mai e le RMS i lona faagasologa sa'o e pei ona faailoa atu i le ripoti na tuuina atu i le aso 17 Tesema 2014 lea foi e faamaonia ai na o le tasi lava le numera lea sa misi mai ai. O le mafuaaga o lea mataupu ona ua toe aumai e le RMS le numera fou mo le tagata fai lafoga ina ua maea le taimi faatulagaina e fa'aaogaina ai e le aufaigaluega le RMS; ona misi ai lea o le numera e tasi. O faamaumauga uma ma faamatalaga auiliili o lenei mataupu ua maea ona tuuina atu i le au suetusi e fai ma faamaoniaga. Na o le pau foi lea o le taimi na tupu ai sea mataupu talu mai ona toe fuata'i le RMS i le 2011. E le mafai foi ona aumai faalua e le RMS se numera e tasi ae oso sa'o lava i le numera e sosoo ai.
- Sa faailoa mai le faamalieina o le ausuetusi i tali na tuuina atu e le Pulega i lenei mataupu e pei ona faamaonia ai i tusitusiga i imeli i le aso 19 Tesema 2014; ma sa faailoa mai ai foi le ono tuueseina ai o lenei mataupu mai le ripoti mulimuli.
- E le mafai e le RMS ona aveeseina tumau se numera e iloagofie ai tagata fai lafoga. A faapea ua tapunia se pisinisi, e faamauina lea numera ua faamutaina lona fa'aaogaina ae peitai o faamaumauga ma faamatalaga uma e faatatau i lea tagata fai lafoga o lo o maua pea i luga o le RMS i le numera ua maea ona tuuina ai i lea tagata fai lafoga. O lo o fa'aaogaina i le taimi nei le auala o le 'deactivate' o le numera e iloagofie ai tagata fai lafoga e pei ona fa'aaau mai ai talu mai le 2011 lea sa mua'i fausia ai lea vaega o le RMS.
- I le taimi nei o lo o maua i le RMS le ripoti e iloa gofie ai numera o misi mai i le faasologa o numera e iloagofie ai tagata fai lafoga e pei ona tuuina atu i le aso 17 Tesema 2014. O le faigata o le toe fausiaina o se ripoti faapitoa (exception report) i le RMS i le taimi nei ona e moomia le totogiina o lea vaega e tusa ai ma konekarate ua maea sainia ma i latou e ana lea polokalame. O le a faamauina le fautuaga mo le lumanai ae mo le taimi nei o le a fa'aaau pea ona fa'aaoga e le Matagaluega ripoti ua maea saunia mo le tulimataia pea o ana galuega masani.

4.2 Numera o Laisene Pisinisi ua misi

O laisene mo pisinisi o se pepa faamaonia faaletulafono, ma e faamatu mai e le RMS faatasi ai ma le fuainumera e iloagofie ai le laisene o le pisinisi.

E tusa ai ma le tulafono faatonutonu mo Laisene o Pisinisi, e le faatagaina ona amatalia pe fa'aaau foi se pisinisi po o se gaioioiga tau tamaoiga sei vagana ua maea ona resitalaina ma faamatu atu se laisene o pisinisi mai le Matagaluega. O sea laisene e tataua ona faafouina i tausaga taitasi i le maea ai ona totogi o le tau faatapulaa ua fuapauina e le Matagaluega, ma tuu atu ai loa le laisene mo pisinisi ma le numera faatatau ua maea faavasega mai e le RMS.

E tusa ai ma le matou suesuega, e tele se vaega o numera o laisene mo pisinisi o lo o misi mai i le lisi o laisene mo pisinisi na tuuina mai e le Matagaluega mo a matou iloiloga. O le ripoti mai le RMS o lo o atagia ai lea tulaga.

Na maitauina foi le leai o ni ripoti faapitoa (exception reports) mai le RMS e fa'afaigofie ai i le Pulega ona vave silafia nei vaega uma mo le tulimataia pea.

O le tula'i mai pea o le tele o laisene o pisinisi o lo o misi mai faamaumauga a le Matagaluega e ono punitia ai le sa'o atoatoa o lafoga o aoina mai mo tupe maua a le Malo mai laisene o pisinisi.

Fautuaga

E fautuaina le fausia o ripoti faapitoa (exception report) mai le RMS ina ia fa'afaigofie ai ona mataitu numera o misi ma le talafeagai o le faasologa tataua o numera o laisene o pisinisi.

Faamatalaga ma Tali a le Pulega

E pei ona faailoa muamua atu i le mataupu 4.1, matou te taliaina le fautuaga ua tuuina mai ae o lo o iai lava ripoti ua maea saunia mo lea tulaga o lo o maua i le RMS i le taimi nei. E aiaia foi le Matagaluega e totogiina le toe fausia o nisi ripoti faaopoopo i tagata e ana le polokalame RMS ae o le a fa'aauau pea le fa'aaogaina o ripoti o lo o ua mafai ona maua i lenei taimi mo le mataituina o lea vaega.

Sa fesoota'i atu i e ana le polokalame RMS o lo o fa'aaogaina e le Matagaluega mo se tali mai e tusa ai ma lenei mataupu ma sa faapea ona faailoa mai e tutusa lelei le tulaga na tula'i mai i numera e iloagofie ai tagata fai lafoga (TINs) ma le mataupu lenei o laisene o pisinisi. O le a taumafai le Pulega e vaavaai ma mataitu lelei lenei tulaga i le lumanai.

4.3 Resitala/Lisi o Tagata Fai Lafoga

E iai ni nai eseese i ripoti na tuuina mai e le Matagaluega e faatatau i le resitala po o le lisi o tagata fai lafoga o faamauina e le Matagaluega.

Sa taulimaina ripoti masani (standard reports) ua maea fausia i le RMS ae peitai sa mǎua ai ni eseese i nei ripoti faatusatusa i isi ripoti na aumai muamua. Sa faailoa mai loa o lo o iai ni faafitauli(technical issues) faasino tonu i ripoti masani e pei ona sa tuuina mai muamua ma sa galulue mai ai loa le Matagaluega i le tuuina mai o ripoti fausia faapitoa (back-end reports) mo le faamaeaina o lenei galuega.

I le maea ai o le iloiloga o nei ripoti faapitoa na faamaonia ai pea le iai o eseese i le aofai atoa o tagata fai lafoga i Samoa o lo o resitalaina i le Matagaluega. E eseese foi faamaumauga o Resitala na tuuina mai ma isi riporti mo faamatalaga tau tagata fai lafoga e pei o le ripoti o Lafoga o Tupe Maua (Income Tax Returns) , Aofaiga Atoa o Tupe Maua sa Faarisitiina, Lafoga o Oloa ma Galuega Faatino (VAGST) ma ripoti o Lafoga o Tupe Maua o Totogi ma Totogi Aso (PAYE).

O nisi o nei eseese na faamauina e aofia ai le:

- Iai lea o tagata fai lafoga o lo o faamauina i le ripoti o Faamatalaga Faafoi o Lafoga o Tupe Maua (Income Tax Return) ae peitai e lè o faamauina i le Resitala o Tagata Fai Lafoga uma i Samoa
- Iai lea o tagata fai lafoga o lo o faamauina i le ripoti o Tupe Maua Fa'arisitiina (Total Receipts) ae peitai e lè o faamauina i le Resitala o Tagata Fai Lafoga uma i Samoa
- Iai lea o tagata fai lafoga o lo o faamauina i le ripoti o Lafoga o Oloa ma Galuega Faatino (VAGST) ae peitai e le o faamauina i le Resitala o Tagata Fai Lafoga uma i Samoa
- Iai lea o tagata fai lafoga o lo o faamauina i le ripoti o Lafoga o Tupe Maua o Totogi ma Totogi Aso (PAYE) ae peitai e le o faamauina i le Resitala o Tagata Fai Lafoga uma i Samoa

E taua tele le sa'o atoatoa o faamatalaga o faamauina i nei ripoti ina ia mafai ai e le Pulega ona mataitu ma va'ava'ai lelei le faafoega ma le aoina o lafoga. E alagatatau ai la ona fausia ni ripoti e faailoa mai ai le aofa'i atoa o tagata fai lafoga ua resitalaina i totonu ole RMS

Fautuaga

E tatau i le Pulega ona toe iloilo le lisi o tagata fai lafoga ua uma ona resitalaina i le RMS o lo o iai i le taimi nei ina ia mautinoa le sa'o atoatoa o faamaumauga o lo o tapu'eina i ripoti ua uma ona fausia i le RMS. E fautuaina foi le fesootai pea o le Matagaluega ma e ana le RMS ina ia mautinoa o lo o iai uma ripoti masani e fa'aaogaina e le Pulega mo ana fuafuaga fai.

Faamatalaga ma Tali a le Pulega

O ripoti uma na tuuina atu mo le ausuetusi na fua lava i luga o talosaga o faamaumauga na faailoa mai ma lo matou faauigaina o nei talosaga e fua i faamaumauga o tapueina e le Matagaluega (faataitaiga: o le ripoti o numera e iloagofie ai tagata fai lafoga uma o lo o fa'aaogaina pea i le taimi nei e le aofia ai numera ua faamutaina, ripoti o numera e iloagofie ai tagata fai lafoga e vaevaeina i ituaiga lafoga eseese (tax types) o aoina e le Matagaluega). O lea lava sa faatino le pitolaau a le Matagaluega e ala i le tuu atu o faamaumauga sa talosaga mai ai mo numera e iloagofie ai tagata fai lafoga uma o lo o faaaogaina i le taimi nei ma isi ua faamutaina ma luga o le RMS. Atonu o se lape i le faauigaina ma le le manino atoatoa o le talosaga ua afua ai ona iai eseese i ripoti e pei ona taua i luga.

I le mataupu e faatatau i le eseese ai o faamatalaga na faamauina i ripoti na tuuina atu, e fia faapupula atu pea e iai lava le eseese o nei ripoti mo Lafoga o Tupe Maua, Lafoga o Oloa ma Galuega Faatino faapea Lafoga o Tupe Maua o Totogi ma Totogi Aso e pei ona taua i lalo:

- E le o tagata fai lafoga uma ua resitalaina mo lafoga o tupe maua e tataua ona resitalaina mo lafoga o oloa ma galuega faatino. O nisi o nei tagata fai lafoga e i lalo ifo ma le fuafaatapulaa o lafoga fuafuaina (threshold) ma e le agavaa ai mo le resitalaina e tusa ai ma le Tulafono faatonutonu o Lafoga o Oloa ma Galuega Faatino 92/93.
- E le o tagata fai lafoga uma ua resitalaina mo lafoga o oloa ma galuega faatino e agavaa mo le resitalaina i lafoga o tupe maua e pei ona faamatala atu i luga.
- E le o tagata fai lafoga uma ua resitalaina mo lafoga o tupe maua o totogi ma totogi aso e agavaa mo le resitalaina mo lafoga o tupe maua ona e le o aiaia i le Tulafono faatonutonu o Lafoga o Tupe Maua 2012 lo latou totogiina o lea lafoga. E le o tagata fai lafoga uma foi ua resitalaina mo lafoga o oloa ma galuega faatino e agavaa mo le lafoga o tupe maua i totogi ma totogi aso ona e le o aiaia foi le totogiina mai o lea lafoga e tusa ai ma tapulaa o le tulafono.
- O tagata fai lafoga uma ua maea ona totogi laisene pisinisi e le agavaa uma e tuuina mai pepa faafoi (return) mo lafoga o tupe maua, lafoga o oloa ma galuega faatino ma lafoga o tupe maua i totogi ma totogi aso ona o tapulaa o le tulafono, ma Maliliega (MOU) faavaomalo ma isi atunuu ua sainia ma faamaonia e le Matagaluega o Tupe (MOF).
- O lo o faamauina i le ripoti numera VR521 mai le RMS le lisi atoa o tagata fai lafoga uma ua maea resitalaina i le Matagaluega, ma ua vaevaeina foi i le faatulagana o lafoga eseese o lo o aoina e le Matagaluega.

4.4 Resitalaina faalua o tagata fai lafoga (i.e. Multiple TIN numbers)

Ae le'i amataina ona totogi mai lafoga a se tagata fai lafoga, e ao ina mua'i resitalaina lea tagata fai lafoga i le Matagaluega, ona faamatuu mai ai lea o le numera e iloagofie ai sea tagata fai lafoga.

Ae peitai sa māua i suesuega nisi o tagata fai lafoga ua lè nā o le faatasi ona faamatuu atu iai numera mo lafoga. O le mafuaaga o lenei mataupu ona o le leai o se auala faataatia mo le sueina faanatinati ai o se tagata fai lafoga ina ia mautinoa e le'i faamatuu atu ai muamua se numera faailo o lafoga.

Sa faailoa ma tuuina atu i le Pulega faamatalaga uma e faatatau i nei tagata fai lafoga ua faamatuu faalua atu ai numera faailoilo mo se latou foi suesuega mautu i lea mataupu.

E le o mafai foi e le RMS ona fausia ni ripoti faapitoa (exception reports) mo le Pulega ina ia faafaigofie ai ona iloa tagata fai lafoga ua maea faamatuuina muamua atu iai ni numera faailo mo lafoga.

Fautuaga

E tataua i le Matagaluega ona toe fuata'i ma iloilo ana faiga faavae ma taiala faatonutonu ina ia mafai ona sailiili toto'a le aufaigaluega i numera e iloagofie ai tagata fai lafoga, e noatia ai le toe faamatuu atu faalua o se numera i se tagata fai lafoga e toatasi ua resitala mai pe toe faafou foi le resitala.

Ia fesootai le Matagaluega i le au fai polokalame ina ia fausia se ripoti faapitoa (exception report) e mataitu ai tagata fai lafoga ua faamatuu atu ai faalua numera faailo mo lafoga.

Faamatalaga ma Tali mai le Pulega

O se tasi vaega fou o le toefuataina o le RMS i le 2011, o le faatonuina lea o le faamauina o aso soifua mo tagata fai lafoga taitoatasi atoa ai ma le faamauina o le pepa faamaonia o le avea ai o se pisinisi ma kamupani. O le faatinoina o lenei tulaga ua faigofie ai ona iloa tagata fai lafoga ua maea resitalaina muamua i le RMS faatasi ai ma lana numera faailo.

E ono faamatuu atu faalua se numera e iloagofie ai le tagata fai lafoga pe a faapea ua iai se sasi o le afaigaluega i le sipelaina o le suafa o le tagata fai lafoga, o le sese o le sipelaina o le suafa sa'o o le tagata fai lafoga, po o le fa'aopoopo/fa'aaogaina o se suafa matai po o nisi suafa e ese mai suafa na ulua'i resitala ai muamua.

Afai o se tulaga faapea e alia'i mai e ono faaseseina le atoaga o faamaumauga mai le RMS mo numera faailo mo tagata fai lafoga. O lona uiga o lo o atoatoa lava le polokalame (RMS) ae moomia le mataala o le afaigaluega i lona faagaoiina. Ua matauina foi e le Matagaluega le faaitiitia o nei ituaiga faafitauli ona o le vaai toto'a o le afaigaluega i le sa'o atoatoa o faamaumauga o tuuina i totonu o le RMS. O le a toe faamanatu lea tulaga i le afaigaluega aua le siitia o le sa'o ma le faamaoni o faamaumauga o tausia e le Matagaluega ma faamuta ai ii le toe tula'i mai o lenei mataupu i le lumanai.

O lo o fa'aauau foi galuega masani a le vaega o Auaunaga mo Tagata Fai lafoga i le tuufaatasia lea o faamaumauga o le tagata fai lafoga e ala i le fa'aaogaina o le numera faailo e tasi pe a faapea ua faamaonia sa faamatuu muamua iai se isi numera faailo.

O lo o mafai foi e le RMS ona aumaia ni ripoti o faamatalaga o tagata fai lafoga taitasi ina ia faigofie ai ona sailia numera ua faamatuu faalua atu i se sui fai lafoga. O le a taga'i pea le Matagaluega i le fautuaga mo ripoti faapitoa (exception report) mai le RMS ae o le a fa'aauau pea ona fa'aaoga ripoti ua maea saunia mo le faafoeina o ana galuega masani.

4.5 Lē tapue'ina o Igoa Faapitoa mo Fefa'atauaiga (Business Trading Names)

O se tasi vaega taua o lenei iloiloga o le asia lea o pisinisi ma gaoioiga faafetauaiga o lo o faatinoina i Upolu ma Savaii. Sa asia ni pisinisi e 500 ma faamauina faamatalaga talafeagai e aofia ai igoa o lo o fa'aaogaina mo fefaatauaiga mo le siakiina i luga o le RMS pe o resitala o se tagata fai lafoga.

Sa le mafai ona faamaonia i luga o le RMS le 127 o igoa mo fefaatauaiga sa faamauina mai le 500 o pisinisi na asia. E tusa ai ma faatalanoaga ma le Pulega na māua ai e le faatulafonoina le faamauina o le igoa e fefaataua'i ai se pisinisi ae tuusaunoa lava i le faitalia a le tagata fai lafoga o talosaga mai.

Na faailoa mai foi e le afaigaluega o le faafitauli lava lea o lo o feagai ma i latou ona o le le faamalositia o le faamauina o igoa e fefaataua'i ai pisinisi ina ia faigofie ona sueina faamaumauga i se taimi vave pe a moomia.

O lea ua faailoa mai ua iai nei se vaega faapitoa i le RMS e faamauina ai le igoa e fefaataua'i ai, o se fuafuaga na afua mai i le fuataina o le RMS.

O le a faafaigofie ma vave le sueina o faamatalaga o pisinisi o lo o faagaioi ma tatala ae leai ni laisene pisinisi ona o lea ua mafai ona faamauina i le RMS igoa e fefaataua'i ai i le taimi e fai ai le resitala muamua.

Fautuaga

E fautuaina le Matagaluega ina ia toe iloilo taiala o le resitalaina o laisene o pisinisi ma le faafouina o laisene o pisinisi, ina ia tauaofia ai le faamalositia o le faamauiina i le RMS o igoa o fefaataua'i ai pisinisi.

Faamatalaga ma Tali mai le Pulega

E talia e le Pulega le fautuaga ua aumai ae o le taimi nei o lo o faamauiina lava igoa o fefaatauaiga o lo o fa'aaogaina e tagata fai lafoga pe a faapea o faailoa mai i le taimi o le resitala po o le toe faafouina foi o laisene i le tausaga. E le faamalositia e tulafono faatonutonu o lafoga ona faamauiina igoa mo fefaatauaiga sei vagana ai le igoa faatulafonoina o le ana le pisinisi. Peitai ua faamalositia nei le faailoa mai e le tagata fai lafoga o le igoa o fefaataua'i ai le pisinisi i le taimi e fai ai le resitala po o le faafouga o laisene ma resitala i le tausaga.

O lenei faamaumauga o lo o tapueina i le RMS ma pepa faatumu mo resitala. Ae a faapea sa faamauiina e le aufaigaluega le igoa o fefaatauaiga i le vaega faapitoa mo le resitalaina o laisene o pisinisi ona le mafai lea ona iloa lea ona vaaia sea igoa sei vagana ua faamauiina i le vaega mo faamatalaga ma resitala o fuainumera e iloagofie ai le tagata fai lafoga. Ae ui i lea o le a toe faamanatu pea ma aoaoina lelei le aufaigaluega ina ia faamauiina uma nei faamaumauga taua i vaega taitasi o le resitala mo laisene o pisinisi faatasi ai ma le resitala mo tagata fai lafoga ma fuainumera faailoilo.

4.6 Sui vave faamaumauga i le RMS ina ia atagia ai suiga i sui e pulea faatasi se pisinisi

Na mǎua i lenei iloilogā nisi o pisinisi ua faapea ona sui ana puleaga ae peitai e le o atagia mai nei suiga i faamaumauga o tapueina i le RMS. O lo o taumafai le Matagaluega e tapenaina faila faaeletoroni mo tagata fai lafoga uma taitasi e faamauiina ai faamatalaga talafeagai aua le fa'afaigofieina o le sailia ma le iloilo ina vave o se mataupu e faasino i sea tagata fai lafoga. O lenei taumafaiga o le a foia ai le tuai ona faafouina o faamatalaga mo tagata fai lafoga.

4.7 Leiloloa ai o Pepa Talosaga mo Laisene o Pisinisi

E tele ni pisinisi sa resitalaina i le RMS e le'i mafai ona maua a latou pepa o talosaga mo se laisene o pisinisi. E taua le tausaiaina lelei o nei pepa o talosaga ma faamatalaga uma e fai ma faamaoniaga o faamaumauga uma o tuuina i le RMS pe a faatino iloilogā ma suesuega faapenei.

O le a faigofie ai foi i le Matagaluega ona mataitu ma faamaonia pisinisi o lo o faagaioiina pea e aunoa ma se laisene o pisinisi.

4.8 Eseeesega o Pepa Faamatalaga Faafoi mo Lafoga o Oloa ma Galuega Faatino ma Faamaumauga i le RMS

E tele pepa faatumu mo lafoga o oloa ma galuega faatino o tausaiaina ma teu malu e le Matagaluega (paper files) peitai e le o faamauiina uma nei pepa faatumu i luga o le RMS. E iai foi pepa faatumu o lafoga o oloa ma galuega faatino o lo o faamauiina i le RMS ae le o mafai ona maua ni faamaumauga i pepa ma faila o teuina mo tagata fai lafoga taitasi.

E unaia le vave faafouina o faamatalaga o tagata fai lafoga taitasi o lo o faamauiina i le RMS ina ia mafai ai ona galueaina se fua faatatau o lafoga e tatau ona aoina mai. O le a mautinoa ai foi le sa'o atoatoa o faamaumauga o tapueina ma teuina i le RMS.

E afaina le sa’o o le lafoga e tatau ona toe faafoi mai ma le aotelega o lafoga aoina mai a le Malo pe a faapea e le maua faamaumaga uma o tagata fai lafoga taitasi e tatau ona teuina e le Matagaluega.

O le a faaitiitia ai foi tupe maua a le Malo pe a le mafai ona iloiloina sa’o lafoga o tagata fai lafoga, faatasi ai ma tului ma faasalaga e tatau ona totogiina mai. O le le atoatoa foi o faamaumaga e ono avea ma ila ole auunaga aemaise lava i taimi e fesiligia ai e le tagata fai lafoga ni faamatalaga ua maea tuuina mai i le Matagaluega.

4.9 Esesega o Pepa Faamatalaga Faafoi mo Lafoga o Tupe Maua mai Totogi ma Totogi Aso ma faamaumaga i le RMS

O lo o taua atu i lalo taualumaga o le iloiloga agai i pepa faamatalaga faafoi mo lafoga o tupe maua mai totogi ma totogi aso sa tuuina mai e tagata fai lafoga ma faamauiina i le RMS e faapea:

- E iai pepa faamatalaga faafoi mo lafoga o tupe maua mai totogi ma totogi aso (PAYE) sa tuuina mai e le tagata fai lafoga ae le’i mafai ona faamauiina ia faamatalaga uma i le RMS
- O nisi faamatalaga o lo o faamauiina i le RMS ae peitai ua leiloloa faamaumaga tusitusia mai totonu o faila o tagata fai lafoga taitoatasi.
- E le sa’o faamatalaga faafoi (return) o lafoga o tupe maua mai totogi ma totogi aso o lo o faamauiina i le RMS
- Leiloloa ai o faamatalaga talafeagai mo lafoga faafoi e faamaonia ai lafoga ua maea toe faafoi
- Esesega o faamatalaga tusitusia i le pepa aloaia P4 (forms) ma faamaumaga o tapueina i le RMS

O le tala mai le Pulega e faapea o nei vaega uma ua faailoa atu o le a taumafai e foia e tauala mai i ana polokalame toefuataina (ISP) o faagaoioi ai nei.

Fautuaga

- E unaia le faatinoina o iloiloga o faila taitasi o tagata fai lafoga ina ia mautinoa o lo o sa’o ma atoatoa faamaumaga uma o iai.
- E unaia le faatinoina o iloiloga o faamatalaga uma o lo o faamaumauina i le RMS e mautinoa ai le sa’o atoatoa o ia faamaumaga.
- E unaia le faatinoina o iloiloga masani i faamatalaga o tagata fai lafoga e aofia ai le resitalaina mo se laisene pisinisi.
- E tatau ona iloiloina taiala mo le faagaoioina o pepa lafoga i tupe maua mo totogi ma totogi aso ina ia mautinoa le sa’o ma le faamaoni o faamatalaga o lo o faamauiina i le RMS

Faamatalaga ma Tali mai le Pulega

E auai le manatu o le Pulega i fautuaga ua tuu mai, e talitonu foi o le a tele se suiga i le teuina o faamaumauaga a le Matagaluega i le maea ai ona faapipii o fata teutusi fou mo le teumaluina o faamatalaga uma, ae le gata i lea o le fuataina o le RMS ma taiala faatonutonu uma.

O lo o faata’ialaina le vave tapueina i le RMS o faamaumaga uma o faamatalaga o lafoga faafoi pe a aumai i totonu e tagata fai lafoga uma i aso taitasi. E faamalosia foi le tuuina i le RMS o lafoga faafoi ua maea ona totogiina i le talitupe (cashier) i le taulimaina ai o nei lafoga. O lo o mataituina lena itu o le galuega e ta’ita’i o vaega e ala i le siakiina o faamatalaga o tagata fai lafoga taitasi ma faatusatusa i faamaumaga o tusia i le ripoti numeru VR011 mai le RMS ina ia iloa ai lafoga faafoi e le o faamaeaina e tusa ai ma taiala masani.

O lo o mafai foi e le RMS ona saunia le ripoti e iloa ai lafoga faafoi na vave faila mai i totonu, ma lafoga faafoi ua maea totogiina mai. O nei faamaumaga uma e talanoaina i fonotaga a le Pulega (scorecard) i masina uma. Afai e iai ni lafoga ua totogiina mai ae le o aofia ai i ripoti ma faamaumaga o le RMS ona fautuaina lea o taitai o vaega ina ia faanatinati le tapue’ina o nei faamaumaga mo le atoaga o faamatalaga o tagata fai lafoga taitasi. O faafitauli o faailoa mai i luga e ono tula’i mai pe a ua faaletonu le tuuina o nei

faamaumauga i le RMS po o le faatamala foi o taitai o vaega taitasi i le siakiina lelei o nei faamaumauga uma.

O le a taumafai pea le Pulega e faamanatu ma faamalosia le faafoeina lelei o taiala faatonutonu ua maea ona fausia ma sainia.

4.10 Faamaumauga o Tagata Fai Lafoga ma Faamatalaga Faaletoroni

I le taimi nei o lo o teuina e le Matagaluega faamaumauga o tagata fai lafoga uma i faila pepa ma tulaga faaletoroni i le RMS. Sa faailoa mai le taumafaiga a le Matagaluega ina ia tuu uma i luga o le RMS faamatalaga o tagata fai lafoga ina ia faaitiitia ai le fa'aaogaina o pepa. Peitai, sa faigata pea ona sailia le tele o faamaumauga e moomia mo lenei suesuega ona e iai faamatalaga e maua i faila ae le o maua i luga o le RMS; e iai foi faamaumauga o maua i le RMS ae le o maua i faila.

E le i faailoa mai e le Matagaluega po o afea o le a faamuta ai le fa'aaogaina o faila o lo o iai le taimi nei ae tuu uma loa faamaumauga i luga o le RMS. E matauina le faafaigata ona saili ai o faamaumauga o tagata fai lafoga taitasi ona o le leai o se vaega e tasi e faamaumau uma ai nei faamatalaga ina ia faigofie ai ona saili ma su'eina nei faamaumauga pe a moomia.

O le 'iuga foi o lenei mataupu o le le atoatoa ma sa'o o faamaumauga o tagata fai lafoga o lo o teuina e le Matagaluega ma tele ai galuega i le toe tau siakiina o faamaumauga eseese pe a saili se faamatalaga mo se tagata fai lafoga.

Fautuaga

E fautuaina le Matagaluega ina ia tāmāu se aso e faamutaina ai le toe fa'aaogaina o pepa ma faila mo faamatalaga o tagata fai lafoga ae fa'aaoga loa polokalame faaletoroni e faamaumau ai nei faamatalaga taua.

Faamatalaga ma Tali mai le Pulega

E le o mafai e le Matagaluega ona faamutaina mautu le fa'aaogaina o pepa ma faila ona o mafuaaga nei. E le o lava ma e taugata foi le faatupeina o ni masini scanners e sefe ma aumai ai le faamaumauga i totonu o le RMS. E le o gafatia foi e le malosiaga o le RMS (capacity) ma avanoa faatapulaaina o lenei polokalame ona faamauina uma faamatalaga taitasi o tagata fai lafoga uma. E iai foi le moomiaga e tatau ai ona teumalu pea pepa o faamatalaga aemaise lava i taimi e molia ai se tagata fai lafoga i le faamasinoga i le solia ai o tulafono o lafoga. O le a aga'i pea le Matagaluega i ana fuafuaga faataatitia o iai i le taimi nei i le fa'aaogaina o faila faaletoroni mo tagata fai lafoga ae o le a teuina pea faamaumauga talafeagai i pepa ma faila mo mafuaaga ua taua atu i luga.

O le a taumafai pea le Pulega e saili nisi auala e faaleleia ai le teumaluina o faamatalaga ma faamaumauga o tagata fai lafoga ina ia maua le atoaga o nei faamaumauga uma.

4.11 O le sa'o o Aso o Faamauina i luga o le RMS

Na matauina i la matou suesuega le eseese o aso o faamauina i luga ole RMS mo lafoga faafoi mo nisi lafoga i oloa ma galuega faatino/ lafoga o tupe maua ma aso o tusia i luga o pepa o faamatalaga o lafoga faafoi na aumai i totonu e tagata fai lafoga. O isi lafoga faafo'i na taunuu mai i le aso a'o lumana'i ai le aso e faagata ai le aumai i totonu o pepa o faamatalaga o lafoga faafoi. O isi lafoga faafo'i e le o faamauina ni aso i luga o le RMS.

E taua tele le sa'o o le aso e faamauina ai le taunuu mai o le pepa o faamatalaga o lafoga faafoi ona e fua iai le faasalaga e tatau ona totogiina mai e le tagata fai lafoga i le tuai ona faatoai mai o le pepa o faamatalaga. O le a afaina ai foi le sa'o atoatoa o ripoti faamauina e le RMS mo le silafia a le Pulega.

Fautuaga

- Fautuaina le iloiloina lelei e le Matagaluega o le malosiaga o le RMS e mafai ai ona iloa le sa’o o aso o tuuina i totonu o faamaumauga o tagata fai lafoga taitasi
- Fausia ni ripoti faapitoa (exception report) e iloagofie ai le sa’o ma le sese o aso o faamauina ai faamatalaga o tagata fai lafoga uma i le RMS

Faamatalaga ma Tali a le Pulega

Talitonu o lenei faafitauli o se sasi lava i le faatinoina o galuega masani ae e le mafai e le RMS ona tāmāu aso e faamauina ai faamatalaga o tagata fai lafoga ma lafoga faafoi ona e eseese aso e atofaina mo le faatoai mai o pepa o faamatalaga ma aso atofaina mo le totogiina mai o lafoga faafoi. O le a toe faamanatu e le Pulega i le aufaigaluega le taua o le siaki lelei ma vaavaai toto’a i faamatalaga ma faamaumauga e tuuina mai i le Matagaluega ina ia sa’o ma atoatoa lona faamauina.

4.12 Tuai ona tulituliloa Lafoga Faafoi ua tuai ona faatoai mai

Na matauina i la matou sutesuega le tuai tele o faamanatu ma galuega tulituliloa a le Matagaluega i tagata fai lafoga ua tuai ona faatoai mai faamatalaga toe faafoi o lafoga, ma o lo o faatumauiina pea le tuai ona faatoai mai o pepa o faamatalaga i le tuana’i ai o le aso atofaina mo le faatoai mai o nei pepa toe faafoi o lafoga.

O le tele o tusi faamanatu na iloiloina faatua ave i tua i le maea ai o aso e 180 mai le aso na faagata ai le faatoai mai o nei pepa o faamatalaga mo lafoga toe faafoi.

Fautuaga

E fautuaina le toe iloiloina lelei o taiala faatonutonu o iai ina ia faamalositia le ave i tua o tusi faamanatu ma le tulituliloaina o faamatalaga o lafoga toe faafoi ua tuai ona faatoai mai i totonu o le 14 aso a’o tuana’i ai le aso na faagata ai le faatoai mai o faamatalaga toe faafoi o lafoga.

Faamatalaga ma Tali a le Pulega

E taliaina e le Pulega le fautuaga ua aumai ma o le a taumafai foi e faaleleia ma faanatinati le tulituliloaina o faamatalaga o lafoga toe faafoi ua tuai ona faatoai mai. Ua iai foi se vaega fou o le RMS (notification manager) e mafai ai ona faamatu atu i tua imeli i tagata fai lafoga o lo o iai imeli e faamanatu ai a latou pepa o faamatalaga ua tuai ona faatoai mai mo lo latou silafia ma se fuafuaga tataui.

4.13 Faaiuga Tau Lafoga (Notice of Assessments)

E mafai e le Matagaluega ona teuteu se fuafuaga o lafoga toe faafoi mo lafoga o tupe maua e ala i ni suiga po o faaopoopoga i le fuafuaga o lafoga na faatoai muamua mai. A maea ona faia nei teuteuga ona faaoo atu lea i le tagata fai lafoga o le Faasilasilaga o le Faaiuga Tau Lafoga.

Peitai e le i mafai ona faamaonia lea tulaga ona e le i maua ni faasilasilaga o le faaiuga tau lafoga na toe faaoo i tagata fai lafoga ina ua maea ona faiga teuteuga i le fuafuaga o lafoga.

Fautuaga

E tataui i le Matagaluega ona faaoo uma Faasilasilaga o le Faaiuga Tau Lafoga i tagata fai lafoga uma pe a maea ona faia teuteuga talafeagai. E tataui foi ona teuina uma faamaumauga talafeagai e faatatau i nei teuteuga mo faamaoniaga o suiga ua faia i fuafuaga o lafoga.

Faamatalaga ma Tali a le Pulega

Ua faamauina e le Pulega le fautuaga ua aumai ae faailoa atu pea e faatua faaoo lava le faasilasilaga o le faaiuga tau lafoga pe afai na iai ni suiga i le fuafuaga o lafoga mo tagata fai lafoga ua fuafuaina lava e ia lana

lafoga (self assessment). O le tele o nei suiga faatoa mafai ona faia i le maea ai ona faataunuuina o suesuega o lafoga (audit). Ua fa'amautuina foi i le RMS auala ma taiala o le faagasologa o le suesuega o lafoga ua faamalosia ai le faaoo atu o faasilasilaga o le faaiuga tau lafoga i tagata fai lafoga i le maea ai o le suesuega. E talitonu le Pulega o lea ua mafai nei ona foia le faafitauli sa faailoa mai. Pau le vaega e fia faamamafa iai le Pulega i lenei taimi o le faamanatu lea i le aufaigaluega o le teuina lelei o faamaumauga uma e faatatau i faasilasilaga o faaiuga o lafoga i auala faaeletoroni ma faila o tagata fai lafoga taitasi ina ia mautu nei faamaumauga mo le lumanai.

7.4 Ripoti Suetusi Faapitoa: Faaaogaina o auala faaeleteroni e tuuina atu ai lisi o totogi a tagata faigaluega a le Malo i latou fale tupe. (2014)

Vaaiaga aoao o le galuega faasuetusi

O le mataituina o le sa'o ma le atoatoa lelei o le faaaogaina o auala faaeleteroni e aveina ai le lisi o totogi a tagata faigaluega o matagaluega a le Malo i faletupe faapea le malu puipua o nei faila faaeleteroni

Aotelega o le galuega

I le galuega sa faatinoina mai le aso 11 o Iulai 2010 sei paia Ianuari 2014 sa mafai ona matou faamauina tulaga nei. Sa faamauina le sa'o ma le atoatoa o faamatalaga o loo faamauina i luga o faila faaeleteroni o loo ave ai totogi o tagata faigaluega i faletupe.

Ae peitai sa faamauina

Le moomia o le faaleleia atili o taiala aua le malu puipui o le faaaogaina o faila faaeleteroni – faamamafa lava le faamatalaga i le tulaga o loo fai ai suiga i luga o faila faaeleteroni o loo ave i faletupe ma le lava o auala o loo faaaogaina e puipua ai faila faaeleteroni mai ni suiga e ono fai ae lei oo i fale tupe.

Ua mataituina foi le tulaga o le le mafai e faletupe o loo gafa ma le faiga o totogi a Matagaluega a le Malo ona tuuina mai ia faamatalaga sa talosaga atu ai le Ofisa nei. E talitonu o nisi o nei faamatalaga sa moomia ua fai sinumi(2010-2014) ae e le mafai ona fai ma alofaga lea tulaga, e le faaoo mai ai faamatalaga sa moomia.

E momoli atu foi le faafetai faapitoa i le Faletupe o Fefaatauaiga a Samoa ona o le lagolago e ala lea i le tuuina mai uma o faamatalaga sa matou moomia.

O isi faletupe uma e lei mafai ona tuuina mai ni faamaumauga i le talosaga atu e faatatau i le 25 vaitau sa tuuina atu ai ia totogi a aufaigaluega a le Malo.

Fautuaga Autu

Sa mafai foi ona toe tagai atoatoa i auala o loo faatinoina e malu puipua ai le faaaogaina o faila faaeleteroni e amata mai lava i le taimi o fauina ai seia oo i le taimi e tuuina atu ai i le fale tupe mo le totogina o tagata faigaluega

Fautuaga autu mai le toe tagai atoatoa i le faiga o lenei galuega

- 1.E taua le malu puipua o le upega o fesootaiga(network) o loo faamauina ai totogi ae lei aveina faila faaeleteroni i le faletupe. I le taimi ao fai galuega faasuetusi, sa matauina ai o loo mafai ona tagofia e se tagata faigaluega lenei faila faaeleteroni.
- 2.Faila uma faaeleteroni o loo aveina ai totogi o le aufaigaluega i faletupe ua tatau ona fai uma ni latou upu faalilolilo(password) ina ia mafai ona mautinoa e le toe mafai ona fai ai ni suiga. E tatau foi ona ave faatasi le faila faaeleteroni ma sona ripoti ua uma ona lomina.
- 3.E fautuaina le iai uma o auala e tetee atu ai verosi ma malu puipua ai masini komipiuta (server) o loo faaaogaina e faia ai faila faaeleteroni.
- 4.E taua le iai o ni auala ma ni faiga e mafai ona maua uma ai suiga o loo toe faia i luga o faila faaeleteroni pe a ave i faletupe
- 5.E tatau lava ona faatoai uma fale tupe e toe aumai i le Matagaluega o Tupe ni suiga sa faia i le faila faaeleteroni na tuuina atu.
- 6.E tatau na iai se ripoti faasuetusi (audit trail) e mafai ona maua uma ai ituaiga o faila faaeleteroni sa mafai ona faia i le taimi ao faatinoina lenei galuega.
- 7.E tatau na iai se fuafua a le Matagaluega o Tupe i le lumanai e aua le toe faaaogaina ia ni laau feaveai(flashdrive) e momoli ai totogi o tagata faigaluega i faletupe ae tagai i seisi auala e lelei atu ma malu puipua.

Tali mai o le Matagaluega o Tupe

Ua faamauina ia fautuga ua tuuina mai i le Ofisa Suetusi

1.O lea a toe tagai totoa le Matagaluega i le faatinoga ma auala puipuia o loo faaaogaina mo taiala faaeletoni o loo ave ai totogi aemaise le tulaga lea o le faia ai o ni suiga ao momoli atu i faletupe

2.Ua amataina nei faatalanoaga ma le Fale Tupe o le Westpac mo le faaaogaina o faila faaeletoni e fai ai totogi o tagata faigaluega. Ua iai foi le faamoemoe o le a taumafai e fai ni upu lilo(password) mo laau feaveai(flashdrive) ina ia malu puipui ai faamatalaga o loo iai i totonu. O loo iai foi le tusi ma le ripoti ua uma ona lomina aua le faamautuina o le sa'o atoatoa o nei faamaumauga o loo tuuina atu i fale tupe.

3.Ua iai uma ia auala e malu puipuia ma tetee atu i verosi ma nisi mafuaaga e ono leaga ai masini komipiuta o loo faaaogaina mo le faatinoina o galuega e faatatau i faila faaeletoni.

4.O le a matou toe tagai totoa i ni auala e toe faaleleia ai le faaaogaina o faila faaeletoni.

5.O le a matou galulue faatasi ma faalapotopotoga o faletupe ina ia mafai ona faatinoina lena fautuaga

6.O ripoti faasuetusi(audit trail) e faatatau i le polokalame komipiuta o loo faaaogaina e le Malo mo ana galuega faaletupe o loo mafai ona maua uma ai suiga o loo fai. O le a taumafai foi e vaai se auala e mafai ai ona maua uma suiga o loo faia i fafo atu o le faiga a le Malo

7.Ua uma nei ono faataatia fuafuaga ma le Westpac i le faaaogaina sa'o o faila faaeletoni. Lea foi ua tilotilo le matagaluega i ni auala e mafai ai ona faaleleia atili le tuuina atu o faila faaeletoni i isi faletupe.

7.5. Lipoti Suetusi Faapitoa – Toe tagai totoa i le faaogaina o le polokalame faakomipiuta o le Automated System for Customs Data (ASYCUDA) a le vaega o Tiute o loo i lalo o le Matagaluega o Tupe Maua.

O le ASYCUDA o se polokame faakomipiuta sa polokalameina e se tasi o vaega a le va o Malo tuufatasi ua taua o le United Nations Conference on Trade and Development (UNCTAD) ina ia mafai ona mataituina le faatinoina o galuega tau tiute a Malo. O lenei polokalame sa amata faaogaina e le Matagaluega o Tupe Maua mai le tausaga 1999 ma ua avea o se polokame e fesoasoani tele i le faamauina o faamatalaga o galuega ma lipoti moomia a le ofisa.

O le sini autu o lenei galuega suetusi o le toe tagai totoa i auala o loo faaogaina e malu puipuia ai le faaogaina o lenei polokalame komipiuta ina ia mautinoa o lelei ma sa'o atoatoa. O le vaitaimi o loo faatino ai lenei galuega e amata mai ia Iuni 2012 seia paia Tesema 2014. O loo aafia ai foi i lalo ma vaega o le Faamatalaga Tekonolosi nei.

- Pulega ma le vaaiga o Faamatalaga Tekonolosi
- Puipuiga malu o Faamatalaga Tekonolosi
- Fuafuaga mamao ma auala faaleoleo pe a iai ni mala faafuseia
- Polokalame mo le puipuina o le faaogaina o le ASYCUDA

Fautuaga Autu mo le silafia e le pulega

- Moomia le faamasani i le iloiloina faavaitaimi o fuafuaga faataatitia a le vaega o faamatalaga tekonoosi ina ia mafai ona iloa ma maua uma suiga fou i lea foi ituaiga siosiomaga.
- E moomia le toe tagai totoa i tulafono ma faiga faavae mo le puipuia o le faaogaina o lenei polokalame komipiuta ina ia iai ni tulafono e faatatau i tagata e mafai ona faaogaina lenei polokame, se taiala faaleoleo pe afai ae leaga lenei polokalame ma isi lava tulaga moomia e faaleleia ma malu puipui ai lona faaogaina
- Ia toe faaleleia atili le mataupu tau puipuiga o tagata e mafai ona latou faaogaina lenei polokalame faatasi ai ma se fuafuaga faataatia mo le malu puipuia o lenei polokalame pe a iai ni mala faafusei.
- O auala o loo puipuia ai le mafai ona faaogaina e se tagata o lenei polokalame e le o lelei atoatoa. E leai foi se auala e mafai ona iloa uma ai e le pulega galuega fai a tagata i luga o lenei polokalame.

Sini autu 1: *Faamautinoa poo iai se fuafuaga faataatia mamao a le vaega o Faamatalaga Tekonoosi ma o loo iai uma i totonu o lenei fuafuaga ia faiga faavae ma taiala aua le malu puipuia ma le faaleleia o lenei auaunaga. E taua foi le o gatusa o lenei fuafuaga faataatia ma le fuafuaga faataatia a le matagaluega.*

Fuafuaga mamao mo le vaega o Faamatalaga Tekonoosi

A1. Anoa o le fuafuaga faataatia a le vaega Faamatalaga Tekonoosi

O le toe iloiloina o le fuafuaga faataatia a le vaega Faamatalaga Tekonoosi na mafai ona faamauina ai ua tolu nei tausaga e lei toe tagai totoa ma iloilo lelei lenei fuafuaga faataatia. O le taimi mulimuli na fai ai lea tulaga o le 2012.(3 tausaga ua tuanai)

Fautuaga

Ia faia se iloilo o le fuafuaga o faamatalaga tekonoosi faaletausaga. E taua lea tulaga ina ia maioio lelei ai ia matafaioi ma tiute e ave iai le faamuamua a lenei vaega. O le a avea foi lenei tulaga ma auala e mafai ona manino lelei ai le piitaga o galuega a lenei vaega ma faamoemoe uma a le matagaluega. O leisi ona aoga o le a mafai foi e le pulega ona mataituina galuega faalemasina a lenei vaega. (IT Scorecard)

Tali mai le pulega

E lei toe faia se iloiloga o fuafuaga faataatitia o le vaega o faamatalaga tekonoosi faaletausaga ae o loo faamauiina ma faatino pea lea galuega e faaogaina ai le IT scorecard. O le aoga o lenei aupega faigaluega e mataituina ai uma galuega ma vaega faatino o loo i totonu o le fuafuaga faaletausaga a le matagaluega.(Annual Business Plan). E iai foi le aotelega ma galuega o loo toe taulai iai le vaai a le vaega o loo i totonu o le lipoti faaletausaga a le matagaluega o loo tuuina atu i le palemene.

A2. Iloiloina o le agavaa o le afaigaluega a le vaega o Faamatalaga Tekonoosi ma latou auaunaga

O lenei vaega e taitai e le latou Sui Pule ma le afaigaluega e toa ono. O le latou galuega o le faamautinoa lea e faagaioi lelei le ASYCUDA ma isi auaunaga o loo latou faatinoina atu i le afaigaluega a le matagaluega.

- Lagolagoina ma tuuina atu le fesoasoani i tagata o loo faaogaina le ASYCUDA. E tusa ma le 159 latou
- Lagolagoina se tasi o polokalame komipiuta o loo faaogaina e le matagaluega ua faaigoina o le Revenue Management System
- Lagolagoina ma fesoasoani i le faaogaina e tagata toa 166 o tulaga o fesoootaiga o loo faaogaina lenei aupega i vaega uma e 4 o le matagaluega
- Faailoaina o tulafono ma taiala mo le malu puipuia o le faaogaina o polokalame komipiuta
- Auaunaga i luga o le upega tafailagi a le matagaluega
- Faamauiina foi o loo iai se sui sinia o lenei vaega o loo galue i le faatinoina o se tasi o poloketi ua taua o le Customs Modernisation Project.

E taua le agavaa uma o le afaigaluega ina ia mafai ona faamautinoa o loo lelei le faatinoina o a latou galuega. E iai le talitonuga e moomia lava le iai o tagata agavaa lelei aua le faatinoina o matafaii taua o lenei auaunaga. E tele lona afaiga i tulaga o le saō ma le mauaina o faamaumauga i polokame komipiuta e pei o le ASYCUDA pea le vaaia lelei lea tulaga e le matagaluega.

Fautuaga

E fautuaina le matagaluega e toe tagai totoa i tulaga o loo moomia e le Vaega Tekonoosi aua le faaleleia atili o le latou auaunaga ua uma ona faataatia i lalo o fuafuaga autasi a le Malo.

Tali mai Pulega

O le toe fetunaiga o le vaega o Faamatalaga Tekonoosi sa mafai ona faamaonia mai e le vaega o le PSC faapea foi ma tulaga faigaluega fou mo le tausaga faletupe o 2015/2016 ma le 2016/2017. O le a toe fai foi se iloiloga i faamanuiaga faagaluega mo le vaega o le Faamatalaga Tekonoosi ina ia aua nei vave oese atu ma le matagaluega aua o loo alu pea i luga le tele o galuega fai o loo gafa ma lenei vaega

Sini autu 2: Iloilo le i ai ma le lelei o faatonutonu ma auala o loo faaogaina e malu puipuia ai le faaogaina o le Asycuda

B. Taiala ma faiga faavae aua le malu puipuia o le faaogaina o faamatalaga tekonoosi

E tolu ni vaega ua uma ona vaevaeina ai le taiala aua le saogalemu o le faaogaina o polokalame komipiuta ua taua i lalo

- 1) Faiga faavae mo le malu puipuia o faamatalaga ma galuega
- 2) Tausisia i faiga faavae mo le malu puipuia o faamatalaga ma galuega

3) Vaai i i tulaga e ono lamatia ai le faaaogaina o nei polokalame komipiuta

E taua le iai o vaega ua taua i lalo ina ia mautinoa o loo lelei ia auala o loo faaaogaina ina ia malu puipuia faamatalaga ma galuega tau komipiuta

B1. Faiga faavae mo le malu puipuia o faamatalaga ma galuega fai mai verosi ma isi afiaga faakomipiuta

- faiga faavae o loo faaoga e malu puipui ai le faaaogaina o polokalame komipiuta o loo misi mai ai nisi o vaega nei
- Polokalame e puipuia mai i verosi e mafai ona faaleagaina komipiuta
- Tulafono e puipuia ai ia aia tatau ma le faaaogaina o lenei polokalame komipiuta ma auala faaleo'le'o mai mala faafuseia

Fautuaga

E taua le vaaia lelei o faamatalaga ina ia faaitiitia ai le soona faaoga e tagata ma le iloa ai o faamatalaga e patino lava i le matagaluega

Ona o lenei tulaga ta'ua e fautuaina ai le tatau lava ona iai taiala ma faiga faavae o loo taua i luga. E ta'ua foi le iai o nei faiga faavae ina ia mafai ona fesoasoani i le ausia o matatia a le matagaluega. O leisi itu taua o le iai o faiga faavae nei e mafai ai ona tausisia tulafano a le Malo.

Tali mai Pulega

O nei mataupu o loo ta'ua i totonu o le faiga faavae o le faaogaina o aseta faatekinolosi. E iai foi ia taiala mo le vaaiga ma le siakiina o nei aseta i luga o upega tafailagi o loo faaogaina. I le taimi nei o loo iai le mafaufau mo le agai i luma ina ia iai se taiala a le matagaluega mo le faatinoina o nei galuega

B2. Moomia le toe faaleleia atili o le faatinoina o faiga faavae mo le malu puipuia o faamatalaga ma galuega

Ua iai suiga i le siosiomaga mai le taimi mulimuli sa toe tagai ai ma iloiloina lenei faiga faavae o le 2012

Fautuaga

Fautuaina le Pulega ina ia tagai i auala o loo faaoga e maua mai ai faamatalaga mai tagata fai pisinisi ina ia malu puipuia nei faamatalaga.

E tatau ona fai se lisi e mafai ona toe siaki ai galuega i vaega taitasi sa faatinoina latou tiute i le faaaogaina o lenei polokame ina ia mafai ona iloa e le vaega o Faamatalaga Tekonolosi ia ni faaletonu i le latou auunaga.

Tali mai le pulega

Taliaina ma le faafetai fautuaga ua tuuina mai. O le a matou toe tagai totoa foi i le afiaga o le pitolaau a le vaega o faipisinis o loo faaogaina lenei auunaga ma le malu puipuia o faamatalaga o latou faaogaina.

B3. Moomia le faaleleia atili o auala o loo faaaogaina aua le malu puipuia o lenei polokalame komipiuta

Faamauiina e lei faia se galuega e toe tagai i tulaga e ono lamatia ai le faaaogaina o nei polokalame komipiuta ae lei taliaina le faaaogaina o le faiga faavae o loo mulimuli tai ai nei.

Fautuaga

E taua le faatinoina o se galuega e faatatau i tulaga e ono afaina ai polokame komipiuta ona o tulaga nei .

- E mafai ai ona mataituina ia tulaga e ono lamatia ai le auaunaga faatatau i faamatalaga tekonoosi
- E mafai ona iloa tulaga o loo leaga ona fausia lea o ni faiga e mafai ona faaititia ai nei ituaiga faafitauli i lalo o le faiga faavae.

Tali mai le Pulega

O loo iai auala i luga o le ASYCUDA e mafai ai ona foia nisi o lamatiaga e ono aafia ai lona faaogaina. Ae peitai e lei maea lava ona faia lelei se galuega tau faamatalaga tikiolososi e toe tagai lelei ai i auala e ono lamatia ai le ASYCUDA. I isi fuafuaga mamao a le vaega o faamatalaga tikiolososi mai le tausaga 2011 ma le 2013 sa tagai lava le vaai i afiaga faapisinisi e ono aafia ai le ASYCUDA. Ua iai foi fuafuaga o le a tagai le vaega o faamatalaga tikiolososi i le faatinoina o lenei galuega

B4. O le iai o taiala e malu puipuia ai faamatalaga tekonoosi

E lei mafai ona maua se taiala e mafai ona faaogaina e mulimuli tai ai ma faamalosi le faaogaina o nei tulafono aua le malu puipuia o komipiuta. I le matou matau atu, e tele lava ia faafitauli i le faatinoga o auala e malu puipuia ai polokame komipiuta ma faamatalaga o loo iai i totonu

O le o ese o tagata faigaluega o lenei vaega e fai foi lea ma luitau i le faatinoina o lenei auaunaga.

Fautuaga

Ia faia se taiala e mafai ona faamalosi ai le faaogaina o auala e puipuia ai le faaogaina o polokalame komipiuta.

O le faia o lenei taiala e foia ai foi le faalavelave i tiute tauave a le vaega o faamatalaga tekonoosi aemaise lava taimi o loo toesea ai le afaigaluega o lenei auaunaga.

Tali mai Pulega

O faatonutonu o loo faaogaina mo le malu puipuia o faamatalaga e fuafua lava i le vaega o loo iai ma le malosi foi o faatonutonu o loo iai. Ua iai taiala faavae talu mai le amataga o le faatinoina o le Fuafuaga Mamao muamua a le vaega o Faamatalaga Tikiolososi ae lei mafai ona tuu faatasi i totonu o se pepa. Nisi o taiala ua iai nei 1)polokalame faasao ma le faaleoleo mo le Asycuda ma le RMS;2) Faamauiina o afiaga e lamatia ai le faaogaina o faamatalaga, 3) Faiga faavae o le malu puipuia o le faaogaina o le ASYCUDA. 4) Puipuia o avanoa ulufale atu o tagata faigaluega 5)Taiala aua le puipuia o le ASYCUDA mai tagata o loo faaogaina le vaega e totogi ai lafoga. Ae peitai uma faamauiina nei fautuaga ma o le a galulue ai.

B5. Malamalama ma aoaoga e faatatau i auala e malu puipuia ai polokame komipiuta

Faamauiina le iai o faiga faavae mo le puipuia o le faaogaina o komipiuta ae peitai e lei faia lava ni aoga ina ia nofo uta ma malamalama lelei ai le afaigaluega a le matagaluega i nei faiga faavae.

Fautuaga

Ia faatinoina ni polokalame e aoaoina ai le matagaluega aua le nofo malamalama i nei faiga faavae ma utagia ai foi le taua.

Tali mai pulega

O faiga ma taiala e malu puipuia ai le faaogaina o polokalame komipiuta e faailoa uma lava i le taimi e fai ai aoaoga faamasani ae lei amata faigaluega se tagata. E tele foi isi ituaiga aoaoga e faia pea iai ni suiga fou i

faiga faavae e faatatau i le malu puipuia o faamatalaga. O nei faiga faavae o loo i luga foi o le matou upega tafailagi. O le a matou faaaauu pea le faiga o lenei ituaiga galuega mo le nofo silafia o le matagaluega.

C.O se vaaiga i auala o loo faaogaina aua le malu puipuia o le faaogaina o polokalame komipiuta ma fesootaiga i totonu o le matagaluega.

C1.Faauluuluga o le vaaiga o fesootaiga o komipiuta

E 14 ia avanoa ulufale(domain administrator accounts) faapitoa mo faauluuluga o le vaaiga o fesootaiga komipiuta i totonu o le matagaluega. O lona uiga e leai se faatapulaa o faamatalaga ma polokame komipiuta e mafai ona ia tanofia ma faaogaina

Fautuaga

Fautuaina ina ia ave nei faauluuluga i tagata e talafeagai ai pei o tagata o loo gafa ma le vaaiga atoa o polokame komipiuta a le matagaluega. O isi uma avanoa ulufale e tatau ona aveese ma e leai foi se tagata e tatau ona latou tanofia lea tulaga.

Tali mai Pulega

E nao le vaega sinia o loo gafa ma le faaogaina o avanoa ulufale o loo faauluulu ai le ASYCUDA. Faamauina lenei fautuaga mo le toe iloilo.

C2.Upu faalilolilo(password) e le faamutaina se aso e uma ai lona aoga

Faamauina e iai tagata faigaluega e leai se taimi faatulagaina e tatau ona toe sui ai latou upu faalilolilo

Fautuaga

Fautuaina ia fai se taimi faatulagaina e tatau ona toe sui ai upu faalilolilo a tagata faigaluega uma. E taua lea tulaga aua le malu puipuia o faamatalaga a le ofisa

Tali mai le Pulega

O upu lilo mo avanoa ulufale ua uma ona faatulaga e uma lonā faaogaina pea maea aso e 60. O le a toe tagai le vaega o Faamatalaga Tikinolosi i le vaaiga ma faiga faavae i auala uma o loo mafai ona ulufale atu ai tagata faigaluega i le ASYCUDA.

C.3 Faaogaina lautele o komipiuta

Faamauina le iai o komipiuta e mafai ona faaoga e le lautele o le afaigaluega ae le moomia le faailoa o le tagata o loo faaogaina le komipiuta.

O lona afaiga o le mafai lea ona faaoga o nei ituaiga o auala e fai ai suiga i luga o polokalame komipiuta a le matagaluega ae le mafai ona mauaina le tagata sa faia.

Fautuaga

Fautuaina le toe vaai totoa i nei tulaga ae aveese uma ia komipiuta o loo faaoga lautele e le afaigaluega e aunoa ma se auala e faailoa ai le tagata faigaluega o loo faaogaina. E taua lea tulaga i galuega e talafeagai ai le faaogaina. O le naunautaga ina ia malu puipuia uma ia faamatalaga o loo i luga o komipiuta

Tali mai le Pulega

O nisi o avanoa ulufale lautele o loo iai sa faaogaina lea e ni tagata faufautua aua le faaleleia atili o lenei auaunaga. O le a toe tagai le matagaluega i se auala e mautinoa o iai ni faamaumauga ma o loo lelei le faaogaina o nei avanoa ulufale.

C4. O loo iai tagata faigaluega ua uma ona fai a latou auala faaulufale(log in) ae lei faaogaina lava

O loo iai tagata ua uma ona iai latou auala faaulufale e faaoga ai le ASYCUDA ae lei oo lava e faaoga. O le popolega nei tei ua faaoga e seisi tagata e alu ai i luga o le ASYCUDA.

Fautuaga

Ia faamautinoa le mafuaaga o le le toe faaogaina o le alu i luga o le ASYCUDA ae aveese loa le faatagaga e faaoga ai le ASYCUDA

Tali mai Pulega

O loo iai ia avanoa ulufale faapitoa mo le vaaia o verosi e tai pei o le Kaspersky ma isi ituaiga polokalame o loo faaogaina mo le ASYCUDA e le faaogaina lava e se tasi ae ua faamauina le fautuaga sa tuuina mai mo le faaleleia atili o le auaunaga.

Sini autu lona 3: Iloiloina o faiga o loo faaoga aua le malu puipuia o komipiuta mai faalavelave faafuseia

D1. Taiala mo le faasao o faamatalaga komipiuta ma auala faalaveai aua ia mala faalenatura

Matauina le moomia o le iai o se faasao e faamauina uma ai galuega pea iai ni mala faafuseia. Faamauina foi le leai o ni lisi o nei aseta ma le leai o ni faataitaina o faasao ua iai.

Fautuaga

E fautuaina le matagaluega ina ia toe tagai totoa i lenei tulaga ina ia mautinoa o loo malu puipuia ma ia mafai ona tali atu nei masini faaleoleo pea moomia e le matagaluega, E taua lea tulaga ina ia foia ai le faamoemoe tasi i masini komipiuta o loo faaoga i le taimi nei.

Tali mai le pulega

E 18 ia polokalame komipiuta o loo iai latou faaleoleo aua ni faalavelave faasuseia ma e fuafua foi le telē i le tele o faamatalaga o loo i totonu o nei polokalame. O loo faatinoina foi le faia o le faasao(backup) i nei faamaumauga ma o loo iai foi taiala mo le faatinoina o nei auaunaga. E fai foi faasao mo isi polokalame e tai pei o le CRIS, Elearning, Oracle Virtualbox, Firewall, RMS7. Ua iai foi taiala faaleoleo mo le vaaiga uma o faamatalaga tau lafoga a le matagaluega. O nei galuega e malu puipuia ai foi nei faamatalaga pea motu faafuseia le eletise ma pepe uma ai masini komipiuta.

O le faaleoleo mo le faamaumauga o faamatalaga lafoga sa amata mai lava i le tausaga 2004. Mo faasao ua uma ona faia o loo teu uma i le ofisa a le matagaluega i Savalalo. O isi faasao mo isi faamaumauga(RMS) a le Matagaluegao loo teuina i leisi ofisa i Matautu. O leisi faaleoleo o loo fuafuaina e fai i leisi o ofisa a le matagaluega o loo i Tuanaimato.

D2. Lei se fuafuaga faataatia mo faalavelave faafuseia

E ono faigata ona toe maua uma ia faamatalaga o galuega fai a le matagaluega pe a le nofo sauniuni ma fai se fuafuaga mo faalavelave faafuseia.

O le leai foi o se fuafuaga faataatia mo faalavelave faafuseia e amo tasi uma ai e le vaega o faamatalaga tekonoosi lenei avega mamafa aua ua na o latou o loo iloa lenei tulaga.

Fautuaga

O le sini ma le faamoemoe o le iai ose fuafuaga faataatia mo faalavelave faafuseia ina ia faaitiitia le ono faaleagaina o galuega fai a le matagaluega ma ia mautinoa o loo iai se isi gaoioiga e uma toe tua iai.

Fautuaina foi le matagaluega ina ia faafesootai le Ofisa o Faafuaga o Faalavelave i le fausiaina o lenei fuafuaga.

- Ia faia se fuafuaga faapisinisi(Business Continuity Plan) e mafai ona faataatia uma mai ai ia matafaioi ma tiute tauave aua le faamautuina o polokalame o galuega pea afaina.
- Ia faia se fuafuaga faataatia mo faalavelave faafuseia ma ia alu gatusa ma le fuafuaga faapisinisi(BCP) a le matagaluega
- Ia faatino ni faataitaina o nei polokalame ua taua i luga ina ia mautinoa e lelei ma e mafai foi ona faatino pe a oo mai ia mala faafuseia
- Ia faatino foi se iloiloga uma o tulaga e ono lamatia ai galuega fai ma polokalame komipiuta a le matagaluega ao a foi ni afiaga o nei tulaga lamatia i galuega.

Tali mai le Pulega

O le a matou taumafai e fai se matou taiala ma se fuafuaga mamao mo le faasao o matou faamatalaga tau galuega mai mala faafuseia. O le matou faaogaina foi le taiala o loo iai i le matou matagaluega.

Sini Autu 4: Mataituina ia auala o loo faaogaina e puipuia ai le sa’o o faamatalaga i totonu o polokalame komipiuta.

O le suiga fou o le ASYCUDA ua mafai ai nei ona faaogaina e auala atu ai i le initaneti. O lona uiga e mafai lava e le auaigaluega ona latou faaogaina lenei polokalame i soo se taimi. O le aoga o lenei suiga fou o le vave o le faiga o galuega a le vaega o tiute. Ae peitai o nei faiga fou e tatau foi ona iai ni puipuiga lelei ina ia mautinoa o loo sa’o atoatoa faamaumauga o loo iai i totonu. I le matou iloiloga o le ASYCUDA sa mafai ona maua ai ni mataupu mo le silafia o le Pulega.

E1. O le iai o lipoti e mafai ai ona mataituina ai tagata o loo faaogaina le ASYCUDA

E le lava ia lipoti mai le ASYCUDA e fesoasoani i faaiuga a le Pulega. Nisi o lipoti e tatau ona iai:

E tatau ona iai se lipoti e iloa ai tagata o loo faaogaina le ASYCUDA,, faia suiga ma tagata o loo mafai ona alu i soo se vaega ua vaevaveina ai lenei polokalame. O le popolega ona sa matou matauina e toa 17 tagata sa mafai ona latou faaogaina le vaega o le polokame e vaaia ia tupe i le 12 masina ua tuanai.

O faatalanoaga ma le Pulega sa mafai ona iloa ai e le’i lelei ia taiala suetusi(audit trail) o loo iai ina ia mafai ona iloa tagata o loo faia ia suiga i luga o vaega a le ASYCUDA.

Fautuaga

O le mafai ona faaogaina o le ASYCUDA i soo se taimi ua avea lea ma tulaga e ono lamatia ai lona faaogaina mai isi tagata e lei faatagaina. Ae o le iai o lipoti ma faamaumauga e mafai ai ona faaitiitia se afiaga mai lenei tulaga.

Talu ai ona o lea tulaga, e fautuaina le Pulega ia atia’e se taiala suetusi(audit trail) poo se lipoti e mafai ona fesoasoani i le mataituina o galuega fai a tagata o loo faaogaina le ASYCUDA ma suiga o latou faia.

E fautuaina foi le Pulega ina ia mautinoa e na o tagata e moomia e mafai ona faaaogaina le vaega o le ASYCUDA o loo vaaia ai tupe. Ia faatapulaa foi tagata ma le taimi e tatala ai lea vaega i tagata e faaaogaina.

Tali mai pulega

Talu mai Iulai 2016 sa iai lipoti mo le silafiaina e le pulega ia tagata o loo faaogaina le ASYCUDA. Mao o se tasi foi lea o faatonutonu o loo faaogaina e le pulega. O loo faia pea galuega faaleleia i le ASYCUDA ma e talitonu o lea lelei ma maua ai foi isi lipoti aua le agai i luma.

E3. Faatuina o se faiga faavae e agai faapitoa mo tagata e faaaogaina le ASYCUDA

I le galuega sa faatinoina, na matauina ai e 159 ia avanoa ulufale(login accounts) ua uma ona fai e mafai ai ona faaaogaina e tagata le ASYCUDA faapea ma nisi o faamaumauga ua taua i lalo

- 12 auala ulufale ua uma ona fai e faaaogaina mo tagata latou te vaaia atoa lenei polokalame komipiuta
- E 6 ia auala ulufale o loo iai e le moomia le faailoa o le tagata o loo faaaogaina le ASYCUDA
- loo iai le tagata faigaluega e lua auala e mafai ona faailoa o ia o loo faaaogaina le ASYCUDA
- Tagata ua le toe faigaluega i le matagaluega ae o loo iai pea latou auala e mafai ai ona faaaogaina le ASYCUDA
- loo iai pea le auala ulufale e mafai ona faaaogaina e se tasi o tagata faufautua i le ASYCUDA ae 149 tagata o loo faaaogaina le ASYCUDA e lei suia a latou upu faalilolilo(password)

Faatalanoaga ma le Pulega

- le mafuaaga o le lua o auala sa mafai ona faailoa ai se tasi o tagata faigaluega pe a faaaoga lenei polokalame ona sa sese le faiga o le auala muamua. O isi uma tagata ua le toe faigaluega i le matagaluega ua aveesina uma nei ia auala ulufale e mafai ai ona latou faaaogaina ai le ASYCUDA.
- Sa faaola pea le auala e mafai ona faailoa mai ai se tasi o tagata faufautua ona fesoasoani mai pe a iai ni mataupu faaletonu i le ASYCUDA.
- tagata uma foi o loo faaaogaina le ASYCUDA e le o iai se faiga e sui ai latou upu faalilolilo faavaitimi

Fautuaga

E fautuaina le Pulega ina ia toe tagai totoa i le faiga o se alafua e faapitoa lava mo tagata e mafai ona latou faaaogaina le ASYCUDA. O nisi o itu taua e tatau ona iai i totonu o lenei alafua o le faiga ma le toe aveesina o aiā a tagata faigaluega e faaaoga ai le ASYCUDA. O le mataituina pea o le faaaogaina e tagata faigaluega ma tagata mai tua o lenei polokalame. Ia faamalositia foi le suiga faavaitimi o upu faalilolilo a tagata faigaluega.

Tali mai le pulega

O loo iai lipoti o loo faaogaina e le pulega mo le mataituina o lenei tulaga. E le mafai foi ona faia se avanoa ulufale mo soo se tagata vagana ua aumai se faatagana e fai ai lea tulaga, faapea foi pea faatagaina le faaaogaina o nisi o polokalame i luga o le ASYCUDA. O nei faiga ua uma ona faamau i lalo o faiga faavae o le faaogaina o aseta a le vaega o faamatalaga tekonoosi.(ICT Resource Usage Policy).

O avanoa ulufale mo le aufaigaluega sa vaevaeina ma faatulagaina e le vaega o faufautua ao faatinoina le poloketi. O nisi tagata e ese mai lea vaega e tatau ona aumai le faatagaga mai le Ofisa Sili ona tua mafai lea ona fai se avanoa ulufale mo nei tagata.

E4. Leai se tusi taiala mo le faaaogaina o le ASYCUDA

Sa mafai ona faailoa mai o loo iai se tusi taiala mo le ASYCUDA mo tagata lautele. O loo iai foi se tusi taiala mo le aufaigaluega ae lei maea ona faia. Peitai e leai se tusi taiala e patino i le vaaiga atoa o lenei polokalamle komipiuta.

Fautuaga

A faapea e leai se tusi taiala mo le faaaogaina o lenei polokalamle komipiuta e ono avea ma auala e faigata ona malamalama tagata faigaluega pe sese foi le faaaogaina o lenei polokalamle. O le a avea foi lea tulaga o le a faamoemoe tasi ai i tagata o loo gafa ma le vaaiga o nei polokalamle. O lea e fautuaina ai le iai o se tusi taiala e mafai ai ona faamatalaina uiga o vaega taitasi o loo i totonu o lenei polokalamle komipiuta.

Tali mai pulega

E laititi lava faamaumauga e faatatau i le utuofaamatalaga(database) o le ASYCUDA. O se aoaoga sa fai i Fiti sa mafai ona toe faalauaitele ai le malamalama ma toe faaleleia atili ai le auaunaga e faatatau i le vaaiga o le utuofaamatalaga. O le a toe aumai nei faamatalaga aua faamaumauga a le matagaluega

E5. Tulaga o loo iai le taimi nei le faaaogaina o le ASYCUDA ma le faaauauina o le fesoasoani mo le faaaogaina i le lumanai

O le matau atu i le tulaga o loo iai le taimi nei le ASYCUDA e iai ona tulaga e moomia ai lava le lagolago aua le faaleleia atili o le auaunaga o lenei polokalamle. Ua iai foi ona suiga fou mo le faafaigofieina o galuega fai.

Talu mai le faaaogaina o le ASYCUDA ua telē lava le faamoemoega i luga o nei tagata faigaluega aua le faatumauina o le tulaga lelei o lenei polokalamle komipiuta. O se popolega pe afai ae tuua e nei tagata le matagaluega.

Fautuaga

E fautuaina le vaega o loo gafa ma le vaiaga o tagata faigaluega ina ia toe tagai totoa i lea tulaga. E tatau lava ona iai se fuafuaga faataatia pe afai e tuua e tagata o loo gafa ma le vaaiga o lenei polokalamle komipiuta ina ia aua nei iai se afiaga i le faatinoina o galuega fai.

E fautuaina foi le Matagaluega ia mautinoa o loo faapepa ma faamauina uma ia galuega fai e faatatau i le ASYCUDA aua le faaaogaina i le lumanai e isi tagata faigaluega o loo mulimuli mai.

Tali mai le Pulega

Ua taliaina le fautuaga ma o nei fautuaga o le a avea foi ma vaega o le matou fuafuaga mamao aua le faatinoina o le faia o se taiala mo le silafia o auala e ono lamatia ai le faaogaina o le ASYCUDA.

7.6. Suega Faapitoa – SamoaTel Limited (Tagi a le Bluesky Samoa Ltd Mati 2014)

I le masina o Mati 2014, na talosagaina mai ai e le Matagaluega o Tupe se fesoasoani mai le Ofisa Suetusi e patino ile le uia o auala sa'o e nisi o tagata o loo iai ma faaaogaina tusi o le poloaiga. Sa ave le faamamafa ia toe tagai i gaioiga faapisinisi a le Bluesky ma le Malo. O se tasi o mafuaaga o le faatoai mai o le moomia o le fesoasoani a le Ofisa Suetusi ona o le tulaga lautele ma le aafiaga i luga o le Malo pe a le tagai lelei i lenei tulaga.

I le aso 31 o Mati 2011, na maea ai le sueina o tusi mo le ripoti o le tala o le tupe i le aso 30 Iuni tausaga 2010 a le SamoaTel Limited. Ae lei faamautuina le ripoti o le tala o le tupe mo le tausaga ua tauaina, na toe iai suiga i le faamaumauga o paleni o mea totino ma aitalafu ina ia mafai ona faaali mai ia paleni sa'o ma fetau i luga o lea ripoti. O le galuega sa fai na fitoi tonu i le mataituina o meatotino tumau, soloia o paleni o aitalafu totogi mai ma paleni o oloa a le Samoatel ae lei faatumaotiina.

O lenei galuega faasuetusi sa faatino e tusa ma faiga faavae o Tulafono Faava-o-Malo i Auaunaga Fesootai. O taiala uma sa faaoga ma le naunautaiga ina ia mafai ona maua se tali maumautu e tusa ma le lautele o le suega.

I le iloiloga aofai, e lei mafai ona faamaonia le iai o ni faiga taufaasese o ni au fai sea poo ni faiga taufaasese foi i luga o faamatalaga o tupe mo le tausaga na faaiaina ia 30 Iuni 2010.

7.7. Lipoti faasuetusi faapitoa: Fesoasoani faapitoa e auala mai i ea malulu e faaitiitia ai le afiaga o suiga o le tau. Aperila 2015.

Sini autu o lenei galuega

- Toe iloilo le tausisia o tulafono ma faiga faavae o le tufatufaina o aseta a le poloketi
- Toe iloilo le sa’o atoatoa o le auala sa faaaogaina mo le tufatufaina o aseta
- Toe iloilo le sa’o o taiala ma faatonutonu sa faaaogaina e le Pulega faapea ma le teuina o nei oloa aemaise ai le faamauina.

Mataupu faamauina mai suesuega.

1. E le’i lava se fesootaiga i le vaega o le Matagaluega o Punaoa Faalenatura ma le Siosiomaga ma le Matagaluega o Tupe o loo gafa ma galuega tau malosi faafouina e mafai ai ona iloa ma galulue faatasi i poloketi tau malosiaga.

O poloketi uma e faau uma mai lalo o le Malo e tataua ona tuuina atu i le Matagaluega o Tupe aua lona faasoaia. O le poloketi (TACC) sa faatino tuusa’o lava i le va o le Matagaluega o Punaoa Faalenatura ma le Siosiomaga ma le Komisi o Atinae ma Fetuunaiga a le Malo o Saina(National Development and Reform Commission(NDRC).

Fautuaga

E moomia le tausisia o faiga faavae o loo i lalo o le Tulafono o Pulega o Tupe a le Malo palakalafa 5(g). O loo faapea mai ai e gafa ma le Matagaluega o Tupe le vaaia o meatotino a le Malo.

O loo faamauina foi i lalo o le Faiga Faavae Atinae a le Malo(Government Development Cooperation Policy) ina ia faamalosia le tuuina atu uma o poloketi o loo mafai ona maua e matagaluega mai ia latou faiga faapaaga ma isi atunuu i lalo o le Vaega o loo gafa ma le vaaiga o Fesoasoani mai Fafo a le Matagaluega o Tupe mo le faatinoina ia o gatusa ma fuafuaga o atinae a Samoa

Tali mai a le Matagaluega

Faamauina le fautuaga ua tuuina mai.

1. O le le manino lelei o faamaumauga i le vaega sa gafa muamua ma le faatinoina o lenei matafai o le mafuaaga lea o le le mafai ona faaailoa atu i le Matagaluega o Tupe o lenei poloketi. Ae mo le silafia, o isi poloketi uma o loo faaaua uma mai i lalo o le Matagaluega o Tupe ma o loo tausisia foi i taiala faavae a le Malo.

2. E lei mafai ona tuuina mai se taiala sa faaaoga e le matagaluega mo le faatinoina o lenei poloketi. Mo se faataitaiga, e lei ni faamaumauga pe faapefea ona faasoa nei aseta, o aso e faagata ai, ao ai foi tagata o loo faaautu ai lenei polokalame. O le tele o faaiuga sa fai lava i le pule faitalia a le Pulega.

O le toe tagai totoa i le maliega sa sainia ma le paaga sa auala mai ai le fesoasoani sa mafai ai ona iloa lelei e le o fetau le faatinoina o le galuega ma le sini atu na aumai ai nei aseta. E le’o mafai foi ona mulimuli tai le matagaluega i faiga faavae a le Malo.

Fautuaga

E fautuaina le matagaluega ina ia mautinoa o loo iai uma aiaiga e moomia mo le faatinoina o le poloketi i totonu o le maliega sa tusia. O le isi itu e mafai e taua ona e mafai ona nofo malamalama uma ma tali manino mai i galuega o loo faatino.

Fautuaina foi le tausisia o faavae o loo i lalo o le Tulafono a le Ofisa o Tupe ma Tusi Taiala o Gaioiga vaega I.9.1 – I.9.2.3 i le faatinoina o lenei galuega

Tali mai Pulega

Ua faamauina ia fautuaga sa tuuina mai

Ae peitai, tagai i nisi o vaega e uiga i lenei mataupu:

1. I lalo o le maliega sa sainia, na faapea mai ai, ia faamae'a le faatinoina o galuega e faatatau i le faaaogaina o nei aseta i totonu o le lua tausaga sa sainia ai le maliega. O le maliega sa sainia i le aso 30th o Novema 2012 ae faamutaina le aoga i le aso 30th o Novema 2014. Peitai ua uma le vaitau faatulagaina mo le faia o lenei galuega ae o loo totoe pea ia masini ea malulu. Ona o lea mafuaaga, sa ae ai loa se tofa i le Pulega ia faalauaitele atu tagata e mafai ona auai i lalo o lenei poloketi. O le auala sa faatino ai lenei tulaga o le faasalalauina o le poloketi i luga o le Samoa Observer mai le aso 7 sei ia oo atu i le aso 14 o Tesema.

2. O le aua atoa o le faia o lenei poloketi ina ia fesoasoani i suiga o le tau aua o masini ea malulu nei e leai tele sona afaina i le faaaleagaina o le osone. (Green House Gas Emission Abatement Strategy (GHGAS-2008). A faapea e faataufofo nei masini ea malulu o le a faigata ona faatautaia le vaaiga ma le toe suesueina le tau faaalu o le pili eletise i luga o nei masini ea malulu. E ono iai foi lagona o tagata e le toe iai se aia a le Matagaluega e toe suesueina ai nei tulaga.

3. Na faamauina e iai ia faalapotopotoga ma tagata sa aveina masini ea malulu e lei fai mai ni tusi talosaga e tusa ma le vaega manaomia sa tusi i le faasalalauga i luga o le nusipepa. E iai le taofi o tusi talosaga e lei mafai ona tuuina mai ua leiloa poo le le leai foi o ni tusi sa aumaia.

Na o le pau lava le faamaumauga sa mafai ona iloa ai nei tagata o le tusi maliega sa latou sainia ma le matagaluega. I le iloiloina o nei tusi sa matauina ai foi e lei sainia isi maliega ma le matagaluega. O isi tusi sa faamauina, e na o le tasi talosaga ae saina uma mai ai ma isi tagata sa faamanuia foi i nei masini ea malulu.

Mai faatalanoaga ma le vaega o Malosiaga Faafouina (Renewable energy) na faapea mai ai o loo tau tulituliloa pea tagata sa faamanuiaina i ea malulu.

Fautuaga

E tatau ona tausisia pea le vaega o Malosiaga Faafouina i vaega e moomia e pei ona faasalalau i luga o le nusipepa

Tausisia le vaega 2(b) o le Tulafono o Pulega o Ttupe a le Malo ma le vaega D(10.4) o le Tusi Taiala o Gaioiga o tupe, o loo faapea mai ai ia teu faalelei uma faamaumauga o soo se galuega fai a le Malo.

Tali mai Pulega

Faafetai mo le tuualalo ma le fautuaga ua tuuina mai. Sa iai masini ea malulu sa tuuina ese mo le Kapeneta ma leisi vaega o le Matagaluega ona e lei maea le fausiaina o le latou fale fou. A maea lea tulaga ona mafai loa ona maua lelei le aofaiga e moomia ona aumai ai lea o le latou tusi talosaga.

4. O le le mafai ona tausisi ma faaaogaina faiga faavae a le Malo mo le faatinoina o lenei galuega ua atagia mai ai ma nisi faafitauli e pei ona taua i lalo

- Leai se faamaumauga sa’o o masini ea ua uma ona faasoaina atu i tagata ma le aofaiga o masini ea o loo totoe
- E ese faamaumauga mai matagaluega ma numera o masini ea o loo i tagata sa faasoa iai ea
- Ese le mafuaaga na talosaga mai ai e faaoga masini ea malulu ae ese lava le tulaga ile faaaogaina o masini ea malulu sa tuuina atu isi tagata ua toe aumai i le Matagaluega latou masini ea malulu tuai ao isi tagata o loo tuu pea latou masini ea tuai
- Le lava faamaumauga e mafai ona faamaonia ai sa iloiloaina ma talia uma talosaga a tagata ae lei faasoaina masini ea malulu i tua i tagata.
- isi tagata sa maua atu latou masini ea malulu e lei faapipiina lava ae o loo teu lelei pea.

Fautuaga

E fautuaina le Matagaluega ina ia tausisia pea i faiga faavae o loo i lalo o le Tulafono o Pulega o Tupe a le Malo vaega 89(d). O loo faapea mai, ia tuuina atu uma ia aseta a le Malo o loo totoe i le Komiti o Tauofoga ina ia mafai ona latou aumai se tonu maumaututu i le faaaogaina o nei aseta

Sa tatau foi ona iai se maliega ma le tagata o loo alu ma masini ea malulu i lona faaaogaina ma nisi tuutuuga e talafeagai ma le sini autu o le poloketi.

Tali mai Pulega

E faamauina ma talia le fautuaga lona lua ua tuuina mai e auala lea i le faia o se maliega i le faaaogaina o masini ea ma tagata sa faamanuiaina i lenei poloketi.

O loo iai pea le faamoemoe o le a faaauau pea asiasiga ma le vaaiga o ea malulu mo matagaluega ma faalapopotoga ua silia atu ma le 6 masina talu na tuuina atu latou masini ea malulu. O le a mataituina foi se aoga ma le faatinoga o galuega o nei masini ea malulu.

Ae mo le fautuga muamua sa tuuina mai, e le talafeagai lea tulaga ona o masini ea malulu sa totoe sa fuafuaina mo se vaega e faatatau lava i le faatinoina o le poloketi.

A faapea e tuuina atu i le Komiti o le Tauofoga ae aumai se faaiuga e ono afaina atoa ai le faamoemoe o le poloketi ma le mafai ona nofo mataituina le faaaogaina o masini ea malulu.

I le toe faafoi mai o masini ea malulu tuai a tagata, e leai se malieaga sa faia i lea tulaga. O le matou atugaluga ina nei tei le ola lelei nei masini ea malulu fou sa tuuina atu ona fai lea ma tulaga e ona afaina ai le matou pitolaau.

5. E 32 masini ea malulu sa faamauina sa tuuina atu i tagata faigaluega a le Matagaluega. Sa faamauina foi nisi o le aufaigaluega e sili atu ma le tai tasi ea sa ave i latou fale. Sa mafai foi ona mauaina nisi o masini ea malulu o tuuina atu i tagata e iai latou piitaga i tagata faigaluega a le Matagaluega. O nei gaoioiga e mafai ona faailoa mai ai o loo faamuamua manaoga o tagata faigaluega ae le o faamuamua o a latou galuega ma mafaiaioi tauave.

Fautuaga

E fautuaina le matagaluega ia tausisia i faiga faavae o loo i lalo o le vaega 9 o le Tulafono o tagata faigaluega a le Malo. E tatau ona usitaia vaega 9 ina ia foia ai le faiga o ni uiga e ono feteenai ai le faiga o galuega a le Malo ma manaoga o le tagata.

Tali mai a le Pulega

Ua faamauina le fautuaga aua e taua lava le tausisia i nei tulafono ina ia aua nei feteenai ai tiute fai i galuega ma manaoga lava ia o le tagata.

O tagata uma sa mafai ona auai i lenei poloketi sa latou iloa uma mai lava i le faasalalauga sa fai i luga o le nusipepa. E lei faia se imeli i le ofisa e faailoa ai lenei poloketi. O tagata uma sa mafai ona tusi mai sa mafai ona auai i lenei poloketi.

6. E lei lelei le faamauina o faamaumauga moomia mo lenei poloketi. E lei mafai ona maua uma ia faamaumauga sa moomia e le ofisa suetusi.

Fautuaga

E taua le tausisia i faiga faavae o loo i lalo o le vaega 13(b) o le Tulafono o Pulega o Tupe 2001. O loo faataua mai ai le vaaiga faalelei ma faamautu uma ia faamatalaga e uiga i le poloketi.

Tali mai Pulega

E faamauina le fautuaga aua le agai i luma o le vaaiga o faamatalaga o galuega fai aemaise ai le tausisia o faiga faavae a le Malo

7. O faamatalaga na tuuina mai e le Pulega o lenei poloketi na faailoa mai ai o se tasi o vaega manaomia o le toe faafoi mai i totonu o masini ea malulu tuai ae sui atu i masini ea malulu fou na aumai mai lalo o le poloketi. Nisi o mafuaga e ono le mafai ai ona mauaina lea tulaga ona:

- i. E lei faasalalauina i luga o le nusipepa lenei tulaga faapea e tuuina atu masini ea malulu fou ae aumai masini ea malulu tuai
- ii. O pepa sa faaogaina e saina ai tagata sa talosaga atu mo masini ea malulu sa faamauina ai i luga e mafai ona siakiina latou masini ea pe a maea le poloketi.

Fautuaga

1. Fautuaina se fautuaga mai le loia a le matagaluega mo le galuega faatino o le toe aumaia o masini ea tuai i totonu o le ofisa
2. Mo le agai i luma, fautuaina le matagaluega ina ia mautinoa o maumaututu uma ia faiga faavae ma taiala aua le faafoeina o a latou poloketi

Tali mai Pulega

Faamauina fautuaga tuuina mai mo le faaleleia o lenei galuega.

8. Faamauina le iai o eseesea i faamaumauga a le Matagaluega ma faamaumauga a faalapopotoga ma tagata sa maua masini ea malulu.

O nei eseesea e ono fesiligia ai le sa'o ma le moni o faamaumauga o faamatalaga o loo faaogaina.

E iai le atugaluga ona o le laiti o numera o masini ea malulu sa faamaonia mai e faalapopotoga ae tele atu le numera sa faamauina ua ave i tua.

1. E tatau ona suesueina e le Pulega poo fea o iai masini ea o loo tauā i luga.
2. Ia toe faafoi uma mai ia vaega o masini ea malulu ua soona ave i tua ae leai sona aoga.
3. Ia toe faapaleni ma faasa'o uma faamaumauga e mafai ona iloa lelei ai le aofaiga o masini ea malulu sa tuuina atu i tagata ma masini ea malulu o totoe

Tali mai Pulega

Faamauina le fautuaga

Ua tu lata ona maea ona tuuina atu uma ia masini ea malulu a matagaluega, atonu o se mafuaaga lea o le eseese o faamaumauga o iai nei. I se taimi o i luma ona toe aoina mai lea o vaega o masini ea ua faasili le tuuina atu i tua.

I le toe tali mai o le matagaluega, ua faamauina nei ua toe aoina uma mai ia isi vaega o ea malulu sa totoe i le NUS ma le Matagaluega o Aoga.

9. O masini ea malulu e lua ona vaega. O le isi e faaaoga i fafo ao le isi e faaaoga i totonu o le fale. Sa matauina o isi tagata sa maua masini ea malulu ua tele atu ia vaega o le masini ea malulu e faaoga i totonu o le fale nai loo le vaega o loo faaaoga i fafo.

Fautuaga

1. E tatau ona toe silasila le vaega a le poloketi i se faiga e toe aoina uma mai ai isi vaega o masini ea malulu ua faasili atu i tagata
2. Ia toe vaai lelei ma toe faatusatusa uma ia faamatalaga o masini ea malulu sa faasoaina atu i fafo ma faamaumauga o masini ea sa tuuina mai i lalo o le poloketi ina ia mafai ona maua lelei se aotelega o masini ea malulu o totoe ma o loo iai foi i tagata.

Tali mai le Pulega

Ua amataina nei ona faagasolo le toe vaai uma o matagaluega o loo iai lea faaletonu ma ua toe faaleleia lea tulaga.

I le toe tali mai o le matagaluega, ua mafai ona toe aoina uma mai ia vaega o ea sa tuuina atu i tua ae leai ni latou soa e fetui ai.

10. O isi masini ea malulu sa teuina e le matagaluega i le Maota o le Aulotu i Siusega na susū uma i le timu. E foliga mai foi ua leva ona susū nei masini ea malulu ona ua afaina ma faaleagaina ia pusa.

Fautuaga

1. Ia toe fai se siaki atoa o masini ea malulu sa susū ina ia mafai ona iloa poo lelei uma nei masini ea malulu.
2. A fai ua faaleagaina, e tatau ona fai se ripoti o Mataupu Faaletonu (Irregularity Report) o nei masini ea malulu.
3. Ia toe tagai i le maliega sa sainia ma le Aulotu Katoliko a Siusega pe e iai ni tuutuuga e mafai ai ona toe faaolaina mai le tau o nei masini ea malulu ua mautinoa ua faaleagaina
4. Mo le agai i luma, e taua lava le fai o se fuafuaga mamao ma iloiloina lelei nofoaga e faaaoga e teuina ai oloa a le malo.

Tali mai Pulega

Faamauina ia fautuaga

O le susū o masini ea malulu ma mafua ai loa ona matou faaagaina se pusa lau oloa e tusa ma le 40 futu

lona umi e teuina uma ai nei masini ea malulu. O le tau sa totogi i lea pusa lau oloa e \$1500 i le masina. O lea faiga sa fai i le faaiuga o le tausaga ua tuanai ma sa tele se fesoasoani i le matou tala faatatau o tupe aua o le tau o le fale a le aulotu a Siusega e \$10,000 i le masina.

O loo matou fai paaga faatasi foi ma le vaega o le au fai pusa aisa ma masini ea malulu (The Refrigeration & Air conditioning Association (RACA) i le vaaiga o masini ea malulu ma le faapipiina o masini ea malulu i matagaluega ma isi tagata. O le faamoemoe ina ia mafai ona tausisia lenei poloketi i tulafono ma aiaiga a le RACA

O lea ua faamauina foi e le matagaluega ia isi fautuaga sa tuuina mai mo le agai i luma.

O loo fai nei tuutuuga a le matou vaega ma kamupani fai ea malulu o le RACA ma le Auaunaga lautele(General Services) i le toe siakiina ma toe suesueina uma o ea malulu sa susu. O nei fuafuaga ua uma ona faataatitia ae ua tuai ona faatino talu ai le utiuti o seleni aua sa uma le poloketi i le tausaga 2014.

8. Aoaoga ma Fonotaga faava o malo sa mafai ona auai atu ai le Ofisa

1. AOAOGA I LE SUEINA O TUSI FAATATAU I SIOSIOMAGA O FAAMATALAGA TEKONOLOSI (ICISA) 4 -29 AUKUSO 2014 – AHSIU & INDORI
2. AOAOGA I LE SUEINA O TUSI O FAALAPOTOPOTOGA (ICISA) 15 SETEMA-10 OKETOPA 2014 – JEVILENE
3. AOAOGA I LE SUEINA O TUSI E FAATATAU I GALUEGA FAI(ICISA) – 20 OKETOPA - 14 NOV 2014 – MARINO & SPENCER
4. AOAOGA I LE SUEINA O AUALA TAU FESOOTA O LOO FAAOGAINA E MALO(ICISA)- 24 NOV - 19 TESEMA 2014 – NASERI
5. AOAOGA I LE SUEINA O FESOASOANI O LOO TUUINA ATU E LE MALO(ICISA) - 12 IANUARI 6 FEPUALI 2015 – SUSAN & NAFANUA
6. AOAOGA I LE SUEINA O LE SIOSIOMAGA(ICISA) 16 FEPUALI I LE ASO 13 O MATI 2015 – PAUL
7. AOAOGA FAATATAU I TULAFONO TAUSITUSI 21 25TH JULY 2014 – ROSEANNE & IOSUA
8. POLOKALAME MO LE FAAMAUTUINA O LE TAUSISI I AUALA SUETUSI(ISSAI)MANILLA FILIPINO 28 JULY I LE ASO 2 AUKUSO 2014 – VIOLET & TERENCE
9. FONOTAGA FAASUETUSI O MOTU O LOO GALULUE FAATASI MA AMELIKA(APIPA) – AMELIKA SAMOA 25 I LE 29 AUKUSO 2014 – VIOLET, TIA, MARSHALL, PAUL MA GRACE
10. AOAOGA SUETUSI O FAAMATALAGA TEKONOLOSI -INITIA ASO 13 I LE ASO 17 OKETOPA 2014 – TERENCE MA OCEAN
11. SEMINA FAASUETUSI NANJING SAINA ASO 13 I LE ASO 22 OKETOPA 2014 – CAG, VIOLET, JASLYN, SITA MA IOSUA
12. FONOTAGA MO TOE ILOILOINA O TAIALA MO LE FAATINOINA O AUALA SUETUSI ASO 24 I LE ASO 28 NOVEMA 2014
13. FONOTAGA A LE KOMITI FAAFOE O LE VAEGA SUETUSI A LE PASEFIKA- AUKILANI ASO 17FEPUALI I LE ASO 18 FEPUALI 2015 - SUETUSI SILI
14. AOAOGA MO SUETUSI A LE PASEFIKA ASO 16 I LE ASO 20 MATI 2015 KILIPATI – MARSHALL
15. FAUSIAINA O LE TUSI TAIALA MO MALAMALA FAATEKONOLOSI -TERENCE INITIA ASO 13 I LE ASO 24 APELILA 2015
16. FONOTAGA SUETUSI SILI O SITETE TAITASI O AUSETALIA MA LE SUEINA O TUSI A LE KONOSULA O SAMOA I CANBERRA ADELAIDE ASO15- ASO16 APELILA 2015; SUIPULE ADELAIDE ASO17 APELILA I LE ASO 24 APELILA 2015
17. SUEINA O LE KONOSULA O SAMOA I TUTUILA AMATA MAI I LE TAUSAGA FAALETUPE O IULAI 2010- IUNI 2014
18. FONOTAGA MO LE KOMITI O VAEGA TAU LAMATIA MA VAEGA O LOO GAFA MA LE TEUINA O FAILA ASO 27 APELILA 2015 SUVA – VIOLET
19. AOAOGA MO LE SUETUSI PONPHEI FSM ASO 11 I LE ASO16 ME 2015 – JASLYN
20. FONOTAGA FAASUETUSI MO FAAMATALAGA TEKONOLOSI I MELESIA ASO 8 I LE ASO 12 IUNI 2015
21. FONOTAGA SUETUSI A LE PASEFIKA MA LE FAAULU O SUETUSI A LE LALOLAGI NORWAY ASO 22 IUNI – ASO 3 IULAI 2015

9. FILIFILIINA O TAGATA FAIGALUEGA

1. FILIFILIINA O INDORI VAA E AVEA MA SUETUSI SINIA
2. FILIFILIINA O EDWINA PURCELL E AVEA MA SUETUSI
3. FILIFILIINA O SOSOLI ETILASI E AVEA MA SUETUSI SINIA
4. FILIFILIINA O SUAFAI TOGIA E AVEA MA SUETUSI LAGOLAGO